

দ্য
মায়ান
সিক্রেটস্

ক্লাইভ কাস্‌লার
টমাস পেরি



অনুবাদ: জেসি মেরী কুইয়া

মেস্রিকো, বর্তমান সময়। উদ্ঘাটিত হয়েছে
অতীতের মূল্যবান সব জ্ঞান। যার ফলে ঝুঁকির
মধ্যে পড়তে যাচ্ছে মানবতার ভবিষ্যতের
পরিবর্তন।

মধ্য আমেরিকায় অবিস্মরণীয় এক আবিষ্কার
করে বসেন গুপ্তধনসন্ধানী দম্পতি স্যাম আর
রেমি ফারগো—হাতে প্রাচীন, মুখবন্ধ মৃৎপাত্র
ধরা এক নরকঙ্কাল। পাত্রের ভেতরে আছে
সুরক্ষিত, মায়া আমলের বই; এর আগে এহেন
আর কিছু কখনো খুঁজে পাননি প্রত্নতাত্ত্বিকরা।

মায়ারা, তাঁদের শহর আর পুরো মানবজাতি
সম্পর্কেই অসাধারণ সব তথ্য লেখা রয়েছে
বইটাতে। সিক্রেটস্‌গুলো এতটাই শক্তিশালী
যে, এগুলো পাবার জন্য মরীয়া হয়ে উঠল এক
দল—সেই অভিযানেই চলল ফারগো দম্পতি।

অভিযান শেষ হবার আগেই প্রাচীন বইটাতে
লেখা ধনের সন্ধানে মারা যাবে বহু নারী-পুরুষ
আর এদের মাঝে স্যাম আর রেমি থাকার
সম্ভাবনাও কম নয়...

গাঁ শিরশির করে উঠা, উন্মত্ত কল্পনা আর
উত্তেজনায় ভরপুর এটি ক্লাইভ কাস্‌লারেরই
সৃষ্টি। দ্য মায়ান সিক্রেটস্‌ আরো একবার
প্রমাণ করে দিল যে, পৃথিবীর নাম্বার ওয়ান
অ্যাডভেঞ্চার লেখক আসলে নিজের ক্ষেত্রে
অদ্বিতীয়।

‘কাস্‌লারকে আসলে হারানো কঠিন।’

—দ্য ডেইলি মেইল

‘দ্য অ্যাডভেঞ্চার কিং,

—সানডে এক্সপ্রেস

‘আমি যঁার বই পড়ি তিনি হচ্ছেন ক্লাইভ
কাস্‌লার।’

—টম ক্লানসি



পঞ্চাশটিরও বেশি ইন্টারন্যাশনাল বেস্টসেলারের লেখক কিংবা সহ-লেখক হলেন ক্লাইভ কাস্‌লার। এর মাঝে আছে বিখ্যাত ডার্ক পিট অ্যাডভেঞ্চার সিরিজ, যেমন ক্রিসেন্ট ডন্, দ্য নুমা ফাইলস, একেবারে সাম্প্রতিক জিরো আওয়ার; দ্য আরেগন ফাইলস, যেমন দ্য জঙ্গল; দ্য আইজ্যাক বেল অ্যাডভেঞ্চার সিরিজ যেমন লস্ট অ্যাম্পায়ার। নন-ফিকশনের মাঝে আছে দ্য সি হান্টারস ও দ্য সি হান্টারস টু। আসল নুমা-র সত্যিকারের অ্যাডভেঞ্চারগুলোই এখানে বর্ণনা করা হয়েছে। যেখানে কাস্‌লারের নেতৃত্বে খুঁজে বের করা হয়েছে হারিয়ে যাওয়া ঐতিহাসিক জাহাজগুলোকে। স্বেচ্ছাসেবীদের সাথে নিয়ে ষাটটির বেশি জাহাজ আবিষ্কার করেছেন কাস্‌লার। এর মাঝে একটি বহুদিন আগে হারিয়ে যাওয়া কনফেডারেট সাবমেরিন ‘হানলী’। বর্তমানে অ্যারিজোনাতে বাস করছেন লেখক ক্লাইভ কাস্‌লার।

বিশটি উপন্যাসের লেখক টমাস পেরি’র কাজের মাঝে আছে এডগার অ্যাওয়ার্ড বিজয়ী দ্য বুচারস বয় আর বহু প্রশংসিত জেন হোয়াইটফিল্ড সিরিজ। একেবারে সাম্প্রতিক বের হয়েছে পয়জন ফ্লাওয়ার। দক্ষিণ ক্যালিফোর্নিয়া’তে বসবাসরত লেখক সম্পর্কে জানতে ভিজিট করুন WWW.thomasperryauthor.com ক্লাইভ কাস্‌লার ভুবন সম্পর্কে আরো জানতে ভিজিট করুন WWW.CliveCussler.co.uk



অনুবাদক

জেসি মেরী কুইয়া পড়াশোনা করেছেন ঢাকা বিশ্ববিদ্যালয়ে। ‘আন্তর্জাতিক সম্পর্ক’ বিভাগ থেকে শেষ করেছেন স্নাতকোত্তর। মূলত বই পড়ার আনন্দ থেকেই লেখালেখি করার আগ্রহ।

প্রকাশিত অনুবাদ গ্রন্থসমূহ- দ্য শারলোকিয়ান, দি অটোমান সেঞ্চুরিস্, দৌজ ইন পেরাল্, ঈগল ইন দ্য স্কাই, এম্পায়ার অভ্ দ্য মোগল- দ্য সার্পেন্টস্ টুর্থ। এছাড়াও ভবিষ্যতে মৌলিক রচনা লেখার আকঙ্ক্ষা রয়েছে।

jasy_1984@yahoo.com

দ্য মায়ান সিক্রেটস্

ব্লাইভ কাস্‌লার
টমাস পেরি

অনুবাদ:
জেসি মেরী কুইয়া

The Online Library of Bangla Books
BANGLA BOOK.ORG



দ্য মায়ান সিক্রেটস্
ক্লাইভ কাস্‌লার ও টমাস পেরি
অনুবাদ: জেসি মেরী কুইয়া

© লেখক

প্রথম প্রকাশ
একুশে বইমেলা-২০১৫

রোদেলা ৩৫০



প্রকাশক

রিয়াজ খান
রোদেলা প্রকাশনী
ইসলামী টাওয়ার (দ্বিতীয় তলা)
১১/১ বাংলাবাজার, ঢাকা-১১০০।
সেল: ০১৭১১৭৮৯১২৫

প্রচ্ছদ
রাকিবুল হাসান

অনলাইন পরিবেশক
<http://rokomari.com/rodela>


মেকআপ
ঈশিন কম্পিউটার
৩৪ বাংলাবাজার, ঢাকা-১১০০।

মুদ্রণ
আল-কাদের অফসেট প্রিন্টার্স
৫৭ ঋষিকেশ দাস লেন ঢাকা-১১০০।

মূল্য: ৩৬০.০০ টাকা মাত্র

THE MAYAN SECRETS By CLIVE CUSSLER
And Thomas Perry Translated by Jasy Mary Quiah
First Published Ekushe Baimela 2015
Published by Riaz Khan, Rodela Prokashani
11/1 Banglabazar, Dhaka-1100.
E-mail: rodela.prokashani@gmail.com
Web. www.rodela.prokashani.com

Price: Tk. 360.00 only US \$ 10.00
ISBN: 978-984-91085-6-6 Code: 350



রাবিনাল, গুয়েতেমালা, ১৫৩৭

প্রায় মাঝরাত, রাবিনালের মায়ান মিশনে নিজের স্টাডিতে বসে মোমবাতির আলোয় এখানে লেখালেখি করছেন সন্ন্যাসী বার্তোলোমে ডি লাস ক্যাসাস। ঘুমাতে যাবার আগে প্রতিদিন বিশপ মারোকুইনের কাছে পাঠানোর জন্য রিপোর্টে নিজের অংশ লিখে শেষ করতে হয়। এই কাজটি নিখুঁতভাবে সম্পন্ন হলেই সম্ভব গুয়েতেমালায় ডমিনিকান মিশনের হয়ে গির্জার আধিপত্য নিশ্চিত করা। নিজের কালো আলখাল্লা খুলে দরজার কাছে হুঁকের সাথে ঝুলিয়ে রাখলেন সন্ন্যাসী ডি লাস। এক মুহূর্তের জন্য দাঁড়িয়ে কান পেতে শুনলেন রাতের নিজস্ব শব্দগুলো—পাখিদের মৃদু আওয়াজ, নীরবতার মাঝে ছোট ছোট পোকাকার গুঞ্জন।

দেয়ালের সাথে লাগানো কাঠের কেবিনেটের কাছে এগিয়ে গিয়ে ভেতর থেকে বের করে আনলেন বহুমূল্যবান বইটি। কুকুলকান, রাজকীয় বংশোদ্ভূত বিখ্যাত পণ্ডিত। এই বইটিসহ আরো দুটি বই এনে দিয়েছেন সন্ন্যাসী বার্তোলোমেকে, যেন তিনি এগুলো পরীক্ষা করে দেখেন। টেবিলের ওপর বইটি মেলে ধরলেন লাস ক্যাসাস। কয়েক মাস ধরেই পড়ছেন বইটি আর আজ রাতের কাজটি ও বেশ গুরুত্বপূর্ণ। টেবিলের ওপর পার্চমেন্টের আস্তর বিছিয়ে খুললেন বিস্ময়কর বইটি। বইয়ের এই পাতাটি বিভিন্ন অংশে বিভক্ত করা হয়েছে। ছবিতে দেখা যাচ্ছে ছয়টি অসাধারণ মানবসদৃশ জীব। বার্তোলোমের ধারণা, এরা দেবতা। প্রত্যেকেই বসে আছে বাম দিকে

তাকিয়ে। এদের নিচে লেখা আছে জটিল সব চিহ্নের ছয়টি লম্বমান সারি। কুকুলকানের দাবি, এগুলো মায়ান লেখনী। পরিষ্কার সাদা কাগজে ছবিগুলো আঁকা হয়েছে লাল, সবুজ, হলুদ আর মাঝে মাঝে নীল রং দিয়ে। লেখাগুলো কালো। সন্ধ্যাসী লাস ক্যাসাস নিজের কলমকে যত সূক্ষ্মভাবে সম্ভব ধারালো করে নিজের পৃষ্ঠটিকে ছয়টি লম্বা সারিতে বিভক্ত করে চিহ্নগুলোর প্রতিলিপি করতে শুরু করে দিলেন। কাজটা বেশ শক্ত আর পরিশ্রমেরও বটে; কিন্তু এটিকে নিজের কাজের অংশ হিসেবেই দেখেন বার্তোলোমে। এটি তার ডমিনিকান আত্মারই একটি অংশ, যেমন তার পোশাক সাদা অংশ হচ্ছে বিশুদ্ধতার প্রতীক আর এর ওপরে কালো আলখাল্লা প্রকাশ করছে প্রায়শ্চিত্ত বা কৃচ্ছ্রসাধনকে। এসব চিহ্নের অর্থ অথবা পৌরাণিক দেবতাদের নাম সম্পর্কে কোনো ধারণাই নেই তার। কিন্তু জানেন যে গভীর কোনো জ্ঞান লুকায়িত আছে এসব চিত্রের মাঝে আর তাই এর নতুন অর্থ জানাও জরুরি গির্জার জন্য।

লাস ক্যাসাসের জন্য মায়ান ভারতীয়ের এই অসম্ভব ধৈর্যশীল আর নাজুক কাজটি করা ব্যক্তিগত দায়িত্ব, প্রায়শ্চিত্তের নামান্তর। নতুন পৃথিবীতে বার্তোলোমে ডি লাস ক্যাসাস শান্তির জন্য আসেননি। এসেছেন তরবারি নিয়ে। ১৫০২ সালে, স্পেন থেকে যাত্রা করে হিস্প্যানিঅলাতে এসেছেন গভর্নর নিকোলাস ডি ওভোভোর সাথে, স্বীকার করে নিয়েছেন encomienda, অধীকৃত রাজ্য আর এখানে থাকা সমস্ত ভারতীয়ের ওপরে অধিকার। এমনকি ১৫১৩ সালে, দখলকারী জয়ীদের নিষ্ঠুরতা, দশক পেরিয়ে একজন যাজক হিসেবে অভিষিক্ত হবার পরেও যোগ দিয়েছেন কিউবার ভারতীয়দের দখল অভিযানে। আবারো বরণ করে নিয়েছেন রাজকীয় ভূমি আর ভারতীয়দের, লুটপাটে নিজের অংশ হিসেবে, নিজের পূর্বকার জীবনের কথা মনে পড়লেই লজ্জা আর অনুশোচনায় ভেঙে পড়েন বার্তোলোমে।

অবশেষে নিজের কাছে পাপস্বীকার করেছেন, যে অসংখ্য জঘন্য পাপে অংশ নিয়েছিলেন তিনি। তখন থেকেই অনুতপ্ত হয়ে পড়েন আত্মশুদ্ধির প্রচেষ্টা। ১৫১৪ সালের সেই দিনটির কথা সর্বসময় স্মরণ থাকবে লাস ক্যাসাসের, যেদিন নিজের পূর্ব সব কাজের বিরুদ্ধে উঠে দাঁড়িয়ে ভারতীয় দাসদের ফিরিয়ে দিয়েছিলেন গভর্নরের কাছে। এই দিনটির কথা মনে পড়া ঠিক যেন পুরনো ক্ষতচিহ্নে হাত বোলানোর মতো। এরপর আবারো জাহাজে চেপে স্পেনে ফিরে গেছেন শক্তিশালীদের কাছে ভারতীয়দের বাঁচানোর জন্য আকুতি জানাতে। এসব কিছুই তেইশ বছর আগেকার কথা

আর এরপর থেকেই অবিশ্রান্ত পরিশ্রম করছেন বার্তোলোমে। নিজের লেখনী আর পরিশ্রমকে উৎসর্গ করেছেন যেসব অন্যায়ে তিনি করেছেন সমর্থন জুগিয়েছেন।

শেষ না হওয়া পর্যন্ত কয়েক ঘণ্টা ধরে করলেন এই প্রতিলিপি করণের কাজ। এরপর পার্চমেন্টের কপিটা রেখে দিলেন ধর্মপুস্তকের একটা বাস্ত্রের ভেতরে নিচে অন্যান্য কপি করা পৃষ্ঠাগুলোর সাথে। ছোট্ট কক্ষটায় যখন কাঁপতে কাঁপতে হাঁটতে লাগলেন, লাগল মোমবাতির শিখা। টেবিলের ওপর বিছিয়ে নিলেন আরেকটা পরিষ্কার পাতা, অপেক্ষা করলেন মোমবাতির আলো স্থির হবার জন্য। এরপর আবারো হলুদ আলো ছড়িয়ে পড়লে পরের কাজে হাত দিলেন লাস ক্যাসাস। দোয়াতের মাঝে কলম চুবিয়ে শুরু করলেন তারিখ দিয়ে: ২৩ জানুয়ারি, ১৯৩৭। এরপর কাগজের ওপর ধরা কলমের হাত থেমে গেল।

কিছু পরিচিত শব্দ কানে আসার সাথে সাথেই রেগে উঠলেন বার্তোলোমে। শুনতে পাচ্ছেন এক প্ল্যাটুন সৈন্যের মার্চ করার পদশব্দ, ভেজা মাটিতে আঘাত করছে তাদের পায়ের বুটজুতা, অশ্বারোহীর খুরের গর্জন আর প্রতিটি সৈন্যের দেহবর্মের নিচে ঝুলে থাকা তরবারির হাতলের ঝনঝন।

‘না’ বিড়বিড় করে উঠলেন বার্তোলোমে। ‘আর না, প্রভু। এখানে নয়।’ এটা এক ধরনের বিশ্বাসঘাতকতা, নিয়মের লঙ্ঘন। গভর্নর মালদোনাদো ভঙ্গ করছে তার প্রতিজ্ঞা। যদি ডমিনিকান সল্যাসীগণ স্থানীয়দের শান্ত করে ধর্মান্তরিত করতে পারে তাহলে encomiendas-এর দাবি করার জন্য আর কোনো কলোনি আসবে না—আর এর চেয়ে ও বড় কথা, কোনো সৈন্য থাকবে না। যুদ্ধের মাধ্যমে এ অঞ্চলের ভারতীয়দের জয় করে নিতে পারেনি, এমন সৈন্যরা তো এখন আসার কথা নয় আর তাদের দাসে পরিণত করা হবে একমাত্র সল্যাসীরা সখ্য গড়ে তোলার পরেই।

নিজের কালো আলখাল্লা গায়ে জড়িয়ে নিলেন লাস ক্যাসাস। দরজা খুলে ফেলে দৌড়ে নিচে নামলেন লম্বা গ্যালারি বেয়ে। ইতিমধ্যে বারান্দায় থপথপ আওয়াজ তুলল চামড়ার স্যাভাল। দেখতে পাচ্ছেন স্প্যানিশ অশ্বারোহী সৈন্যদের, তরবারি আর বর্শাসমেত সকলেই যুদ্ধসাজে সজ্জিত, তাদের তোলেতো লোহার দেহবর্ম আর শিরস্ত্রাণ চকচক করছে গির্জার বাইরে চারকোনা করে তৈরি বনফায়ারের আলোতে।

লাস ক্যাসাস দৌড়ে গেলেন সৈন্যদের কাছে, হাত নাড়তে নাড়তে চিৎকার করে জানতে চাইলেন, ‘কী করছ, তোমরা? মিশনের অভিনায় কোনো দুঃসাহসে আগুন জ্বালাচ্ছ? এসব দালানের ছাদগুলো আর কিছু নয়, খড়ের তৈরি!’

সৈন্যরা তাকিয়ে লাস ক্যাসাসের কথা শুনতে পেল, তাদের মাঝে দুজন কী তিনজন নম্রভাবে মাথা নুইয়ে সম্মানও জানাল। কিন্তু এরা সকলে পেশাদার যোদ্ধা, জানে যে একজন ডমিনিকান মিশনপ্রধানের সাথে তর্ক তাদের ধনী অথবা ক্ষমতাবান কিছুই তৈরি করবে না।

বার্তোলোমে তাদের দিকে এগিয়ে গেলে তারা একপাশে সরে গেল অথবা এককদম পিছিয়ে গেল কিন্তু কিছু বলল না পাল্টা উত্তর হিসেবে।

‘তোমাদের কমান্ডার কোথায়?’ জানতে চাইলেন লাস ক্যাসাস। ‘আমি ফাদার বার্তোলোমে ডি লাস ক্যাসাস।’ নিজের রাজকীয় পদবি খুব কমই ব্যবহার করেন বার্তোলোমে। কিন্তু তারপরও তিনি একজন যাজক আর নতুন পৃথিবীতে পা দেয়া প্রথম যাজক।

‘আমি তোমাদের কমান্ডারের সাথে দেখা করতে চাই।’ কাছাকাছি দাঁড়িয়ে থাকা এক জোড়া সৈন্য পথ করে দিল লম্বা কালো দাঁড়িঅলা এক লোককে। লাস ক্যাসাস খেয়াল করে দেখলেন যে এই লোকটার দেহবর্ম অন্য সৈন্যদের চেয়ে একটু বেশিই জমকালো। ওপরের দিকে স্বর্ণের খোদাই করা কারুকার্য। লাস ক্যাসাস এগিয়ে যেতেই, লোকটা চিৎকার করে বলে উঠল, ‘ব্যস পড়ো।’ আর তার সৈন্যরা চার সারিতে দাঁড়িয়ে তাকিয়ে রইল। তার ও সৈন্যদের মাঝে পা রাখলেন লাস ক্যাসাস।

‘মাঝরাতে ডমিনিকান মিশনে কী করছে সৈন্যরা? এখানে কী কাজ তোমাদের?’

ক্লান্তভাবে সন্ধ্যাসীর দিকে তাকাল কমান্ডার। ‘আমাদের কাজ আছে সন্ধ্যাসী। আপনার অভিযোগ গভর্নরকে জানাবেন।’

‘তিনি আমার কাছে প্রতিজ্ঞা করেছিলেন যে সৈন্যরা কখনো এখানে আসবে না।’

‘এটা সম্ভবত শয়তানের বইটার কথা জানতে পারার আগে।’

‘বইয়ের সাথে শয়তানের কোনো সম্পর্ক নেই। রোক্তা কোথাকার। এখানে থাকার কোনো অধিকার নেই তোমাদের।’

‘তারপরও আমরা এখানে। পৌত্তলিকতার বই দেখা গেছে এখানে, খবর পেয়েছেন ফ্রা তোরিবিস্ত ডি বেনেভেস্তু আর তিনিই গভর্নরের কাছে সাহায্য চেয়েছেন।’

‘বেনেভেস্তু? আমাদের ওপর কোনো অধিকার নেই তার। সে তো এমনকি একজন ডমিনিকানও নয়। একজন ফ্রান্সিসকান।’

‘এসব অভ্যন্তরীণ বিষয় আপনাদের ব্যাপার। আমার কাজ হলো শয়তানের বইগুলোকে খুঁজে বের করে ধ্বংস করা।’

‘এগুলো শয়তানের নয়। এদের মাঝে লেখা আছে এসব লোকের সম্পর্কে জ্ঞান আর তাদের মাঝে থাকা অঙ্গগুলো, তাদের পূর্বপুরুষ, প্রতিবেশী, তাদের দর্শন, ভাষা আর বিশ্বতত্ত্ব। হাজার হাজার বছর ধরে এখানে বাস করেছে তারা, ভবিষ্যতের জন্য তাদের বই উপহর হিসেবেই বিবেচিত হবে। আমাদের এমন সব জিনিস জানাবে বইগুলো, যেগুলো অন্য কোনোভাবে খুঁজে পাব না আমরা।’

‘আপনাকে ভুল তথ্য দেয়া হয়েছে, সন্ধ্যাসী। আমি নিজে এগুলোর কয়েকটা দেখেছি। কতগুলো ছবি আর তারা পূজা করে এরকম সব শয়তানের চিহ্ন ছাড়া আর কিছু নেই।’

‘এই লোকগুলো ধর্মান্তরিত হয়েছে। একবারে মাত্র একজন আর স্বেচ্ছায়। যেভাবে ফ্রান্সিসকানরা করে সেভাবে নয়। পুরনো মায়ান ঈশ্বররা টিকে আছে শুধুমাত্র কয়েকটা চিহ্নের মাঝে। অল্প সময়ে অনেক উন্নতি করেছে এখানে আমরা। সমস্ত কাজের ওপর পানি ঢেলে দিও না আমাদের বর্বর প্রমাণিত করে।’

‘আমাদেরকে? বর্বর?’

‘বর্বর। তুমি এটা জানো—যারা শিল্পকলা ধ্বংস করে, বই পুড়িয়ে ফেলে, যাদের জানে না এমন লোকদের হত্যা করে আর তাদের সন্তানদের দাসে পরিণত করে।’

নিজের লোকদের দিকে ফিরে তাকাল কমান্ডার। ‘আমার কাছ থেকে সরিয়ে নিয়ে যাও উনাকে।’

তিনজন সৈন্য এসে লাস ক্যাসাসকে ধরে যতটা ভদ্রভাবে সম্ভব ধাক্কা দিয়ে সরিয়ে দিল গির্জার চত্বর থেকে। তাদের মাঝে একজন আবার বলে উঠল, ‘প্লিজ, ফাদার আমি অনুনয়ন করছি আপনার কাছে। কমান্ডারের কাছ থেকে দূরে থাকুন। তাকে নির্দেশ করা হয়েছে আর অমান্য করলে পরিবর্তে মৃত্যুবরণকেই বেছে নেবেন তিনি।’ এরপর ফাদারের কাছ থেকে সরে ফিরে আবার চত্বরে ফিরে গেল সৈন্যগণ।

বিশাল আগুনের কুণ্ডলী তৈরিতে ব্যস্ত সৈন্যদের দিকে শেষ একবার তাকালেন লাস ক্যাসাস। সৈন্যরা সামনে পেছনে দৌড়াদৌড়ি করে কাঠের তৈরি যা-ই পাচ্ছে ভেঙে ছুড়ে দিচ্ছে আকাশের দিকে উঠতে থাকা শিখার দিকে। মায়ান বইগুলোতে চিত্রিত যেকোনো দেবতার চেয়েও বেশি অশুভ মনে হচ্ছে এ আগুনকে। ঘুরে দাঁড়িয়ে মিশনের দালানের পেছন দিকে অন্ধকারে মিশে গিয়ে হাঁটতে লাগলেন ফাদার। পরিষ্কার। জমিটুকুর কিনারে এসে জঙ্গলের পথে নেমে গেলেন। পথটার চারপাশের গাছ এত ঘন যে মনে হচ্ছে

কোনো গুহার মাঝে দিয়ে হাঁটছেন। নিচের দিকে নেমে যাওয়া পথটা চলে গেছে নদীর দিকে।

নদীর কাছে পৌঁছে লাস ক্যাসাস দেখতে পেলেন গ্রামে নিজের কুঁড়েঘর থেকে বের হয়ে এসেছে বহু ইন্ডিয়ান আর আগুনও জ্বালানো হয়েছে। অদ্ভুত সৈন্যদের আগমন সম্পর্কে জানতে পেরে গ্রামের মাঝখানে এসে জড়ো হয়েছে পরবর্তী পস্থা নিয়ে আলোচনা করতে। ফাদার তাদের সাথে কী কী ভাষায় কথা বলতে লাগলেন, যেটি এ জেলার ভাষা।

‘আমি, ব্রাদার বার্তোলোমে’, চিৎকার করে বলে উঠলেন সন্ন্যাসী। ‘মিশনে সৈন্যরা এসেছে।’

নিজের কুঁড়েঘরের দরজায় বসে থাকা কুকুলকানকে দেখতে পেলেন ফাদার। কোবানের একজন গুরুত্বপূর্ণ গোত্রপ্রধান ছিল কুকুলকান, মিশনে যোগ দেয়ার সিদ্ধান্ত নেয়ার পূর্বে আর তাই এখন অন্যেরা নেতৃত্বের জন্য তার দিকে তাকিয়ে থাকে। কুকুলকান কথা বলে উঠল এবারে। ‘তাদের দেখেছি আমার। কী চায় তারা? স্বর্ণ? দাস?’

‘বইয়ের জন্য এসেছে তারা। বইগুলো তারা বুঝতে পারছে না। আর কেউ একজন তাদের জানিয়েছে যে মায়ান বইগুলো জাদু আর অশুভ বিষয় সম্পর্কে। তোমাদের কাছে থাকা যেকোনো বই খুঁজে নিয়ে ধ্বংস করে ফেলতে এসেছে তারা।’

বিস্ময় আর আতঙ্ক দেখা গেল সকলের মাঝে। চারপাশে শুরু হয়ে গেল বিভ্রিবিড় শব্দ। ভিড়ের মানুষগুলোর কাছে পুরোপুরি অবিশ্বাস্য ঠেকল খবরটা। যেন গাছ কাটতে এসেছে কেউ, নদী নিকাশ করা অথবা সূর্যটিকে মুছে ফেলতে। তাদের কাছে এহেন আচরণ মনে হচ্ছে এমন এক অত্যাচার যা থেকে কিছুই লাভ করতে পারবে না সৈন্যরা।

‘কী করব আমরা?’ জানতে চাইল কুকুলকান। ‘যুদ্ধ?’

‘আমরা যা করতে পারি তা হলো বইগুলোকে বাদ দেওয়া। সবচেয়ে গুরুত্বপূর্ণগুলোকে তুলে এখান থেকে নিয়ে যাও সেগুলোকে।’

নিজের ছেলের দিকে তাকাল কুকুলকান। তিঁপাউ প্রায় ত্রিশ বছর বয়সী একজন সম্মানিত যোদ্ধা। দ্রুত ফিসফিস করে আলোচনা করে নিল পিতা-পুত্র, মাথা নাড়ল তিঁপাউ। এরপর লাস ক্যাসাসের দিকে তাকিয়ে কথা বলে উঠল কুকুলকান। ‘এ ব্যাপারে কোনো সন্দেহ নেই। মিশনে আপনাকে দেখাবার জন্য যেটা নিয়ে এসেছিলাম সেটাই। অন্যগুলোর চেয়ে এটাই বেশি মূল্যবান।’

ঘুরে দাঁড়িয়ে জঙ্গলের পথটাতে চলতে শুরু করে দিলেন লাস ক্যাসাস। হঠাৎ করে কাঁধের কাছে চলে এলো তিপাউ। ‘তারা খুঁজে পাবার আগেই পথ ধরতে হবে আমাদের।’ বলে উঠল তিপাউ। ‘জোরে আসার চেষ্টা করুন।’ এরপরই দৌড়াতে লাগল সে।

এত জোরে দৌড়ে যাচ্ছে তিপাউ যেন অন্ধকারেও দেখতে পাচ্ছে সে আর সামনে তার ছায়া দেখে আরো জোরে দৌড়াতে পারছে লাস ক্যাসাস। সমান ভূমিতে পৌঁছাতেই দেখা গেল প্রধান সড়ক ধরে ইন্ডিয়ান বসতির দিকে এগিয়ে আসছে সৈন্যদের একটা সারি।

এখন সৈন্যদের দেখার কোনো প্রয়োজন নেই লাস ক্যাসাসের। হিসপ্যানিঅলাতে তাইনো উৎখাতের সময় অংশ নিয়েছিলেন তিনি চোখের সামনে যেন স্পষ্ট দেখতে পাচ্ছেন যে কী করতে চলেছে সৈন্যরা। সৈন্যদের প্রথম দলটা ঝড়ের বেগে ঢুকে গেল একটা কুঁড়েঘরে। এক মিনিট পরে তাদের একজন বাইরে বের হয়ে এলো হাতে একটা মায়ান বই নিয়ে। শুনতে পেলেন চোলান ভাষায় কথা বলে উঠল একজন, ‘আমি কোপান শহর থেকে রক্ষা করেছিলাম এটি!’ সেকেলে হাত বন্দুকের গুলিতে কেঁপে উঠল ভূমি, ডানা ঝাপটে কিচিরমিচির করতে করতে লম্বা একটা গাছ থেকে উড়ে গেল কতগুলো পাখি। নিজের কুঁড়েঘরের সামনে পড়ে রইল লোকটার মৃতদেহ।

মিশনের পেছনে হালকা আলোর অংশ পৌঁছে যেতেই তিপাউ-এর পরিবারের কথা ভাবতে লাগলেন বারতোলেমে। কুকুলকান একজন উঁচু স্তরের যাজক আর পণ্ডিত ছিল। রাজপরিবারের অংশ তারা। রোগের কবলে পড়ে সর্বশেষ শাসক মৃত্যুবরণ করলে তার ওপর বর্তায় শাসনভার। সে আর তিপাউ গৃহত্যাগ করার সময় বাদ দিয়েছে নিজেদের পালকঅলা বড়সড় মুকুট। তারপরও তিপাউ পরে আছে গাঢ় সবুজ পান্নার কার্ভের দুল, ব্রেসলেট আর পুতির নেকলেস, একমাত্র মায়ান অভিজাতেরাই যেটি পরার অনুমতি পায়।

দালানগুলোর পেছন দিয়ে দৌড়ে ডমিনিকান কোয়ার্টারের দিকে ছুটলেন তারা দুজন। দেখতে পেলেন মিশনের স্থানীয় সংগ্রহশালা খুঁজে ফিরে আসছে সৈন্যরা। হাত ভর্তি করে বই।

অনুষ্ঠানাদির অংশ আর খোদাইকৃত বস্তু নিয়ে ছুড়ে মারছে আগুনের দিকে।

মায়ান বইগুলো বেশ লম্বা, বন্যা ফিগ গাছের ভেতর দিককার ছাল দিয়ে তৈরি হয় ভাঁজা করা পাতাগুলো। লেখার জন্য অংশটুকুতে লাগানো হয় ঘন সাদা চুন আর রং করা হয় স্থানীয় রঞ্জক দিয়ে। খুঁজে পাওয়া বইগুলো আগুনের

মাঝে ছুড়ে ফেলতে লাগল সৈন্যরা। সবচেয়ে পুরনোগুলোই বেশি শুকনো আর তাই সাথে সাথে আগুন পেয়ে জ্বলে উঠল—একটি মাত্র আগুন শিখা—আর তারপরই চিরকালের মতো হারিয়ে গেল শত শত বছর ধরে সমুদ্রে আগলে রাখা পঞ্চাশ অথবা শ খানেক পাতা। লাস ক্যাসাস জানেন যে অনেক কিছুই থাকতে পারে এসব বইয়ে। কুকুলকান জানিয়েছিল যে, কিছু ছিল হাজার বছরেরও আগেকার গাণিতিক সূত্র, জ্যোতির্বিদ্যার পর্যবেক্ষণ, হারিয়ে যাওয়া শহরের অবস্থান, ভুলে যাওয়া ভাষা, রাজাদের কাহিনি। সেকেন্ডের মাঝে বহু কষ্ট আর যন্ত্রণা সহ্য করে লেখা তথ্যসমূহ আর হাতে আঁকা চিত্র স্কুলিঙ্গ আর ধোয়া হয়ে উঠে গেল রাতের আকাশে।

অতি দ্রুত আর দক্ষতার সাথে অন্ধকারে এগোচ্ছে তিপাউ। শুধু ভেতরে ঢোকান মতো করে একটুখানি ফাঁক করে খুলে ফেলল গির্জার বিশাল কাঠের দরজা। কালো ডমিনিকান আলখাল্লা পরে থাকায় বাড়তি সুবিধা পেলেন লাস ক্যাসাস, আকারবিহীন পোশাকটা ছায়ার চেয়েও গাঢ় রঙের। কয়েক মুহূর্ত পরেই গির্জার ভেতরে তিপাউকে ধরে ফেললেন লাস ক্যাসাস।

পথ দেখিয়ে তিপাউকে নিয়ে চললেন গির্জার স্তম্ভগুলোর মাঝ দিয়ে বেদির দিকে, তারপর এর ডান দিকে। এখানে একটা দরজা দিয়ে তোষাখানায় পৌঁছানো যায়। উঁচু জানালা গলে আসা চাঁদের মৃদু আলোতে এগিয়ে গেলেন কাঠের তাকের দিকে। এখানে সংরক্ষিত আছে পুরোহিতদের বাকি পোশাক। গুয়েতেমালা জঙ্গলের আর্দ্রতা থেকে বাঁচানোর জন্যই এই সুরক্ষা ব্যবস্থা। কক্ষের অপর পার্শ্বের ছোট দরজাটা দিয়ে তিপাউকে পথ দেখালেন ফাদার।

এরপর গির্জা থেকে বের হয়ে লম্বা, ছাদঅলা, গ্যালারি পথে হয়ে এগোলেন ডমিনিকান কোয়ার্টারের দিকে। খালি পায়ে হাঁটতে লাগলেন ইটের রাস্তা ধরে, তাই স্যাভালের কোনো শব্দ হবার ভয়ও রইল না। গ্যালারির শেষ মাথায় দুজন প্রবেশ করলেন লাস ক্যাসাসের স্টাডিতে। সাধারণ টেবিলটার দিকে এগিয়ে গেল তিপাউ, দেখা যাচ্ছে বইটা সাবধানে তুলে নিয়ে এমনভাবে গভীর মনোযোগ দিয়ে তাকাল বইটার দিকে, মনে হলো যেন জীবিত কোনো মানুষের সাথে দেখা হয়েছে তার, যে কিনা হারিয়ে যাবে ভেবে ভয় পাচ্ছিল।

কক্ষের চারপাশে তাকাল তিপাউ। স্থানীয় একটা পাত্র আছে লাস ক্যাসাসের সংগ্রহে, যেটির গায়ে মায়ান রাজার প্রাত্যহিক কর্মবিশিষ্ট কারুকাজ করা চিত্র। লাস ক্যাসাস যে পাশটাকে বাইরের দিকে রেখেছেন সেখানটায়

দেখা যাচ্ছে রাজার দৈনিক আচমন বা স্নানের দৃশ্য, কিন্তু অন্য পাশটাতে দেখা যাচ্ছে জিভ ফুটো করে রক্ত উৎসর্গের চিত্র। সন্ধ্যাসীর বিশুদ্ধ পানি রাখা হয় এ পাত্রে আর পাত্রটি বেঁধে রাখা হয়েছে আংটার সাথে, যেটি ধরে ইন্ডিয়ান নিম্নপদস্থ কর্মচারীরা বহন করে।

পাত্রে থাকা পানি লাস ক্যাসাসের ওয়াশ বেসিনে ঢেলে ফেলে দিল তিপাউ। এরপর ভেতরে হাত ঢুকিয়ে পরিষ্কার কাপড় দিয়ে শুকনো করে মুছে ফেলল। তারপর মূল্যবান বইটাকে রেখে দিল ভেতরে।

দেয়ালের কাছে তাকের দিকে এগিয়ে গেলেন লাস ক্যাসাস। নিজের কাজ করা অসংখ্য লেখা এখানে রেখেছেন তিনি। আরো দুটো মায়ান বই হাতে তুলে নিয়ে তিপাউ-এর দিকে বাড়িয়ে ধরলেন। ‘যতগুলো সম্ভব রক্ষা করতে হবে আমাদের।’

‘এগুলো এখানে আটবে না। প্রথমটি এগুলোর মতো একশটির চেয়েও বেশি মূল্যবান।’ বলে উঠল তিপাউ।

‘বাকিগুলো তাহলে চিরতরে হারিয়ে যাবে।’

‘আমি বইটাকে এত দূরে নিয়ে যাব যে সৈন্যরা কখনোই খুঁজে পাবে না।’ আবারো বলে উঠল তিপাউ।

‘তারা যেন তোমাকে ধরতে না পারে। তাদের ধারণা শয়তানের বার্তা বহন করছে তুমি।’

‘আমি এটা জানি, ফাদার।’ জানাল তিপাউ। ‘আমাকে আশীর্বাদ দিন।’ হাঁটু গেড়ে বসে পড়ল সে।

তিপাউ-এর মাথার ওপর হাত রাখলেন লাস ক্যাসাস, লাতিন ভাষায় বলে উঠলেন, ‘প্রভু’ এই ব্যক্তির সঠিকতাই যেন যথেষ্ট হয়। নিজের জন্য কিছুই চায় না সে, শুধু তার দেশের প্রজ্ঞা সংরক্ষণ করতে চায় ভবিষ্যৎ প্রজন্মের জন্য। ‘আমিন।’ ঘুরে দাঁড়িয়ে আবারো তাকের দিকে গিয়ে তিনটা স্বর্ণমুদ্রা দিয়ে ফিরে এলেন ফাদার। তিপাউ-এর হাতে তুলে দিলেন।


‘আমার কাছে এই-ই আছে। ভ্রমণের সময় যা দরকার সে কাজে ব্যবহার করো।’

‘ধন্যবাদ, ফাদার।’ দরজার দিকে এগিয়ে গেল তিপাউ।

‘দাঁড়াও। এখনই বাইরে যেও না। তাদের কথা শুনতে পাচ্ছি আমি।’ দরজার কাছে গিয়ে বাইরে পা দিলেন লাস ক্যাসাস। আগুনে পোড়ার তীব্র গন্ধের সাথে নদীর দিকে গ্রামের কাছ থেকে আসা চিৎকার শুনতে পেলেন ফাদার। দরজায় পিঠ দিয়ে যখন দাঁড়িয়ে আছে তার তিনজন ডমিনিকান, সন্ধ্যাসীকে ধাক্কা দিয়ে গির্জার ভেতরে প্রবেশ করল এক প্র্যাটুন সৈন্য।

সন্ন্যাসীরা চেষ্টা করেছিল তাদের বাধা দিতে। গ্যালারির নিচের স্টোররুমে খোঁজার জন্য ঢুকে পড়ল চারজন সৈন্য।

পেছনে এসে নব ঘুরিয়ে নিজের স্টাডির দরজা খুলে ধরলেন লাস ক্যাসাস। এক ঝলক দেখলেন কেবল, হুঁশ করে বেরিয়ে গেল তিপাউ। পিঠে পানির পাত্র, কোমরের কাছে দড়ি দিয়ে বাঁধা আর কপালের ওপরে পড়েছে পাত্রের বেশিরভাগ ভার। দৌড়ে খোলা জায়গা পেরিয়ে গাছপালার ভেতরে হারিয়ে গেল তিপাউ। কিন্তু মাত্র কয়েক সেকেন্ড দেখা গেল তাকে আর তারপরই সুনসান হয়ে গেল চারপাশ।



গুয়াদালোপ দ্বীপ, মেক্সিকো: বর্তমান

হাজার হাজার রূপালি মাছ সাঁতার কেটে যাচ্ছে স্যাম আর রেমি ফারগোর পাশ দিয়ে; উজ্জ্বলতা ছড়িয়ে একসাথে এমনভাবে এপাশ থেকে ওপাশে যাচ্ছে, যেন একটি মস্তিষ্ক নিয়ে চালিত হচ্ছে প্রত্যেকটি। পরিষ্কার আর উষ্ণ পানিতে নিজেদের খাঁচার লোহার গরাদ ছাড়িয়েও বহুদূর দেখতে পাচ্ছে স্যাম আর রেমি।

শেষ প্রান্তে তীক্ষ্ণ, ছোট বড়শি লাগানো তিন ফুট লম্বা অ্যালুমিনিয়ামের তীর ধরে আছে স্যাম। শনাক্তকরণের জন্য ট্যাগ লাগাতে ব্যবহার করার যন্ত্র এটি। আর এই অভিযানে আসার পর গত কয়েক সপ্তাহে এটি ব্যবহার করতে অভ্যস্তই হয়ে উঠেছে সে। রেমির দিকে একবার তাকিয়ে আবারো দূরে কিছু একটার দিকে একদৃষ্টে চেয়ে রইল স্যাম।

দুজনেই দেখতে পেল, দৃষ্টিসীমার একেবারে শেষ মাথায় কান্টো একটা বিন্দু ধীরে ধীরে আকৃতি পাচ্ছে। ঠিক যেন পানির ভেতরে ছোট ছোট কণা একত্রে মিলে গড়ে তুলছে দৃঢ় একটি অবয়ব। একটা হাঙ্গর। আর স্যাম আর রেমি যেমনটা ভেবেছিল ঠিক সেভাবেই তাদের দিকে ধেয়ে আসতে লাগল দানবীয় মাছটা। স্টিলের খাঁচার ভেতর বাইরে মোছেদের বিদ্যালয় দেখেই সম্ভবত খানিকটা কোনাকুনি করে এগোতে লাগল হাঙ্গর। কিন্তু স্যাম আর রেমিকে যে দেখতে পেয়েছে এ ব্যাপারে কোনো সন্দেহ নেই।

ফারগো দম্পতি অভিজ্ঞ ড্রাইভার। আর ডুবুরি হিসেবে এটা ভালোভাবেই জানা আছে যে, পৃথিবীর কোনো সমুদ্রেই হাঙ্গরের নজর এড়িয়ে যাবার কোনো

উপায় নেই। বছরের পর বছর ধরে অনেক হাঙ্গর দেখেছে দুজন। বিশেষ করে নীল রঙা ছোট হাঙ্গরগুলো; সান দিয়েগোতে তাদের বাড়ির কাছাকাছি সৈকতে দেখেছে ভেজা শরীরের আগন্তুক ডুবুরিদের কাছ থেকে এসে তদন্ত করে শিকার হিসেবে বাতিল করে আবার সাঁতার কেটে ফিরে যায় হাঙ্গরগুলো। তবে এখনকার হাঙ্গরটাকে দেখে মনে পড়ে গেল অন্যান্য সম্ভাবনাগুলো—দুঃস্বপ্নের মতো শিকার, সবসময় সামনের দিকে সাঁতার কাটে যেন ফুলকো দিয়ে সবসময় পানি আসা-যাওয়া করতে পারে। দৃষ্টি, স্রাব আর শ্রবণশক্তি মিলে তৈরি নেটওয়ার্ক ছড়িয়ে আছে সারা শরীরে। ফলে পানির মাছে ছোট্ট একটু আলোড়ন ও অনুভব করতে পারে সাথে সাথে। এছাড়া ভিকটোরিয়া পেশি নড়াচড়া থেকে তৈরি সেকেন্ডের ইলেকট্রিক ডিসচার্জ ও বুঝতে সক্ষম এই প্রাণী।

হাঙ্গরের লম্বা লেজ থেকে সৃষ্টি অলস ঢেউ ছড়িয়ে পড়ছে চারপাশে। ফারগোদের দিকেই এগিয়ে আসছে এখন। পরিষ্কার পানিতে স্পষ্ট ফুটে উঠেছে মাছটার দেহকাঠামো। দূর থেকে মনে হচ্ছিল বড়সড়। কিন্তু যতই তাদের কাছে এগিয়ে আসছে স্যাম উপলব্ধি করতে পারল পর্যবেক্ষণের সীমাবদ্ধতা। কাছাকাছি হচ্ছে আর বিশাল হাঙ্গরটা অস্তিত্ব জানান দিচ্ছে। ঠিক এটাকেই খুঁজতে এখানে এসেছে স্যাম আর রেমি—বিশাল সাদা হাঙ্গর যেটি বিশ ফুটের চেয়েও বেশি লম্বা।

দুই ভাগে ভাগ হয়ে যাওয়া ছোট মাছের ঝাঁকের মধ্য দিয়ে এগিয়ে আসছে হাঙ্গর। আবারো এক হয়ে যাচ্ছে সাথে সাথে; কিন্তু সেদিকে কোনো নজর দিল না হাঙ্গরটা। আরেকবার লেজের ঝাপটা ছড়িয়ে সামনে এগিয়ে আসতে লাগল। সমান্তরাল নাকের উদগত অংশটা মনে হচ্ছে প্রায় চার ফুট চওড়া, হাঙ্গরটা পানির মধ্যে তাদের দিকে এগিয়ে আসতে আসতে আরও ফিরে গেল। স্টিলের খাঁচার, যেখানে স্যাম আর রেমি ঝুলছে, পাশে দিয়ে চলে গেল হাঙ্গরের শরীর, এতটা কাছ দিয়ে যে দুজনেই স্পর্শ করল হাঙ্গরটাকে। মোটা দেহের উর্ধ্বাংশের পাখনা ওপরের দিকে ঠিক একজন মানুষের সমান উঁচু।

তবে চলে গেল না হাঙ্গর। আবারো তাদের পাশে এসে ঘুরে গেল। নিজের খাঁচার মাঝে নিস্পন্দনের মতো দাঁড়িয়ে আছে স্যাম আর রেমি। এমনকি দ্বীপের কাছে বহুবার ডুব দেয়ার পরেও এই দীর্ঘ মিনিটগুলোতে মনোযোগ দিয়ে লোহার গরাদগুলো দেখতে লাগল স্যাম, ঠিকভাবে ওয়েল্ডিং করা হয়েছিল তো? ক্রেনের সাহায্যে পানিতে নামানোর সময় মনে হচ্ছিল যথেষ্ট মজবুত। কিন্তু এখন মনে হলো ছোট ছোট ফাঁকগুলো তাড়াহুড়ো করে করা হয়েছে—হয়তো এর ওপর ভরসা করা যাবে না। ওয়েল্ডার সম্ভবত কল্পনাও

করতে পারবে যে না কতটা বিশালকার আর শক্তিশালী একটা প্রাণী এর পাশ দিয়ে যাওয়া আসা করছে।

গুয়াদালোপ দ্বীপে এই প্রাণী খুঁজে বেড়ায় হস্তি সিল আর টুনা মাছ, যদিও স্যাম আর রেমি কোনোটার সাথেই খাপ খায় না। যদিও ভেজা, কালো স্যুটে এখন তাদের দেখাচ্ছে ক্যালিফোর্নিয়ার সি-লায়নের মতো। হয়তো এ কারণেই মুখরোচক মনে হচ্ছে বিশাল এই সাদা হাঙ্গরের কাছে। এরপর যেমন হঠাৎ করে এটা এসেছিল তেমনি তীব্রভাবে লেজের কয়েকটা বাড়ি মেরে সরে গেল খাঁচার কাছ থেকে। কয়েক সেকেন্ডের জন্য গভীর হতাশায় ছেয়ে গেল স্যামের মন। আকার আর হিংস্রতা সত্ত্বেও বিশাল সাদা হাঙ্গরেরা মাঝে মাঝে অবিশ্বাস্য রকমের সাবধানীও হয়। দৈত্যটার রেকর্ড রাখার একমাত্র সুযোগটাও কি হারিয়ে ফেলেছে স্যাম?

এরপর সতর্ক বার্তা ছাড়াই আবারো লেজের চার-পাঁচটা ঝাপটা মেরে এগিয়ে আসতে লাগল হাঙ্গর। স্টিলের খাঁচার চওড়া প্রান্ত এবার লক্ষ্য, বিশাল মুখ হ্যাঁ করতেই দেখা গেল ত্রিকোণাকার দাঁতের সারি। খাঁচার অপর দিকের গরাদ চেপে ধরল স্যাম আর রেমি, সামনের অংশ দেহের ভার দিয়ে নড়াতে লাগল হাঙ্গর। খাঁচার চারপাশে চোয়াল ঢুকিয়ে আঁকড়ে ধরতে চাইলেও, অবশ্য সক্ষম হলো না।

খাঁচাটাকে সামনের দিকে ধাক্কা দিচ্ছে হাঙ্গর। সুযোগ খুঁজে পেল স্যাম। পৃষ্ঠদেশের লম্বা পাখনার নিচে চামড়ার অ্যালুমিনিয়ামের তীরে ছুড়ে মারল। সাথে সাথেই আবার টেনে খাঁচার ভেতরে ঢুকিয়ে নিল। মনে হলো হাঙ্গরটা দেখেওনি বা কিছু অনুভবও করেনি। বিঁধে গেল বড়শি। উজ্জ্বল হলুদ রঙের হাঙ্গরের চিহ্ন, ছয় ডিজিটের সংখ্যাটা পাখনার নিচে প্রায় ক্ষুদ্রই দেখাতে লাগল বিশাল মাছটার দেহে।

খাঁচার নিচে সাঁতরে চলে গেল হাঙ্গর। অপেক্ষা করছে স্যাম আর রেমি। মনে ক্ষীণ আশা, হয়তো এখনই আবার তীব্র বেগে ফিরে আসবে হাঙ্গরটা। খাঁচাটাকে বাঁকিয়ে ভেঙেচুরে তাদের ছুড়ে মারবে বড়, দাঁতঅলা মুখগহ্বর। কিন্তু নিজের কাজে ব্যস্ত হাঙ্গর মশাই। দূর থেকে দূরে সরে গিয়ে অবশেষে চলেই গেল। স্যাম উঁচু হয়ে সিগন্যাল দেয়ায় দড়িতে তিনবার টান দিল। এরপর আরো তিনবার। গুপ্তারের পৃথিবীতে কোথাও কেঁপে উঠল একটা মোটর, বাঁকুনি খেয়ে আস্তে আস্তে উঠে যেতে শুরু করল খাঁচা।

পানি থেকে উঠে এলো স্যাম আর রেমি। উজ্জ্বল রোদে পুরোপুরি বাতাসে ভাসছে; এরপর নেমে এলো ইয়টের ডেকে। নিজের মাস্ত আর মাউথপিস খুলে

স্যামের উদ্দেশে বলে উঠল রেমি, ‘তো তোমার কী ধারণা—দ্বিতীয়বার চেষ্টা করার মতো যথেষ্ট উপাদেয় ছিলাম না আমরা?’

‘চিন্তা করো না।’ উত্তরে বলল স্যাম। ‘তোমাকে বিন্মিত দেখাচ্ছে। নিজেকে অখ্যাদ্য দেখানোর জন্য রীতিমতো অনুশীলন করে এর জন্য প্রস্তুত হয়েছি আমি।’

‘ওরে হিরো কোথাকার।’

নিজের ভেজা স্যুটের হুড নামিয়ে হাসল স্যাম। ‘অবিশ্বাস্য আর অসাধারণ ছিল পুরো ব্যাপারটা।’

‘ধন্যবাদ! দুঃস্বপ্নের মতো বিষয়গুলোকে আর কখনো এড়িয়ে যাব না আমি।’ খাঁচা থেকে বের হয়ে স্যামের গালে কিস করে ভেজা কাপড় বদলাতে নিজেদের কেবিনের দিকে হেঁটে গেল দুজন।’

কয়েক মিনিট পরে, চাটার করা আটান্তর ফুট লম্বা মারল এক্সপ্রোরারের সামনের ডেকে দাঁড়িয়ে আছে স্যাম আর রেমি। আধুনিক আর অত্যন্ত জাঁকজমকপূর্ণ আরামদায়ক এই ইয়ট চব্বিশ নট গতিতে ছুটতে পারে। কিন্তু যে দুই সপ্তাহ ধরে তারা সমুদ্রে ভাসছে, একবারও ক্যাপ্টেন জোয়ান স্যান্ডোভাল প্রয়োজন বোধ করেননি জোড়া ক্যাটারপিলার সি ৩০ ডিজেল ইঞ্জিন খুলে দেয়ার জন্য। কোনো তাড়া নেই তাদের। সমুদ্র জুড়ে খুঁজে বেড়াচ্ছে বিশাল সাদা হাঙ্গরের সম্ভাব্য আবাসস্থল, মাঝে মাঝে শুধু মেক্সিকোর বন্দরে টু মারতে হয় ফুয়েল আর অন্যান্য প্রয়োজনীয় জিনিস কেনার জন্য। স্যাম আর রেমির প্রয়োজনের চেয়েও বেশ বড় এই ইয়ট। এটাচড বাথরুমসহ তিনটা বড় বড় বেডরুম ছাড়াও তিনজন ক্রু থাকার মতো পৃথক কোয়ার্টার আছে কয়েকটা। ক্যাপ্টেন স্যান্ডোভাল, মেট মিগেল কোলেরা, রাঁধুনি জর্জ মোরালেস সবাই এসেছে আকাপুলকো থেকে, যেটিকে বলা হয় চাটার বোটদের গৃহ। আইলা গুয়াদালোপে নিয়ে যাবার জন্য ইয়টটাকে আঁড়ী করেছে স্যাম আর রেমি। বাজা ক্যালিফোর্নিয়া উপকূল থেকে প্রায় ১৬০ মাইল দূরে। বিশাল সব হাঙ্গরের আনাগোনার জন্য সুখ্যাতি আছে জায়গাটার।

বিশাল সাদা হাঙ্গরের গতিবিধি আর অভ্যাস সম্পর্কে জানার জন্য সান্তা বারবারাতে ক্যালিফোর্নিয়া বিশ্ববিদ্যালয় থেকে পরিচালিত মেরিন বায়োলজি স্টাডিতে স্বেচ্ছাসেবক হিসেবে যোগ দিয়েছে স্যাম আর রেমি। বছরের পর বছর ধরে চলছে চিহ্ন স্থাপনের কাজ; কিন্তু এ কাজে সফলতার হার বেশ নগণ্য। কেননা চিহ্নসমেত বেশিরভাগ হাঙ্গরকেই আর কখনো দেখা যায়নি। আলাদা করে প্রতিটি সাদা হাঙ্গরের রেকর্ড রাখা বেশ কষ্টসাধ্য ব্যাপার। বহু দূর থেকে দূরান্ত পর্যন্ত ভ্রমণ করতে সক্ষম, বিপজ্জনক আর ধরতে কঠিন এই

সাদা হাসরেরা। কিন্তু গুয়াদালোপ দ্বীপ এক্ষেত্রে বিশেষ সুবিধা দিতে প্রস্তুত। একমাত্র এই স্থানেই বিশালকার, পরিণত সাদা হাসরগুলোকে দেখা গেছে বছরের পর বছর ধরে। আর যদি কোনো অভিযানের সদস্যরা খাঁচার মধ্যে থেকে পানিতে নামতে আগ্রহী হয় তাহলে না ধরেও চিহ্ন স্থাপনের কাজটা করা সম্ভব। নিজের স্যাটেলাইট ফোন ব্যবহার করে ট্যাগ সংখ্যা আর আজকের হাসর সম্পর্কে রিপোর্ট পাঠাল স্যাম।

খোলা সাগরে সহজেই বাজা ক্যালিফোর্নিয়ার দিকে এগিয়ে যাচ্ছে ইয়ট। বাতাসে লম্বা তামাটে চুল শুকিয়ে নিচ্ছে রেমি। তার দিকে ঝুঁকে এঁলো স্যাম।

‘এখনো মজা লাগছে?’

‘অবশ্যই।’ জানিয়ে দিল রেমি। ‘একসাথে সবসময় আনন্দই করি আমরা।’

‘তুমি তো এটা ভাবছিলে না। কিছু একটা বিরক্ত করছে তোমাকে।’

‘সত্যি কথা বলতে বাসার কথা ভাবছি আমি।’ জানাল রেমি।

‘সরি।’ বলে উঠল স্যাম। ‘আমি ভেবেছিলাম ‘যেকোনো রিসার্চ প্রজেক্টে জড়িয়ে পড়লে সময় কেটে যাবে দ্রুত। মেরামত আর ঠিকঠাক করতে করতে হাঁপিয়ে উঠেছিলে তুমি, আমি দেখেছি।’

কয়েক মাস আগে, পঞ্চম শতকে ইউরোপজুড়ে মাটির নিচে সমাধি গুহায় হানদের লুকিয়ে রাখা সম্পদ পুনরুদ্ধারের কাজ শেষ করে ফিরে এসেছে ফারগো দম্পতি। তিনজনে প্রতিদ্বন্দ্বী সম্পদ অন্বেষণকারীরা হয় ভেবেছে ফারগো দম্পতি নিজেদের সাথে নিয়ে এসেছে কয়েকটা মূল্যবান আর্টিফ্যাক্ট অথবা শুধু প্রতিশোধ নিতে চেয়েছে যে কেন তাদের হারিয়ে ছিল ফারগোরা। লা জোল্লাতে গোল্ডফিশ পয়েন্টে ফারগোদের চার তলা বাড়িতে সশস্ত্র হামলা চালিয়েছে লোকগুলো। খণ্ড-বিখণ্ড হয়ে গেছে পুরো বাড়ি। তারপর থেকেই, পুনরায় বাড়ি তৈরির ও মেরামতের তদারকি করছে ফারগো দ্বয়।

‘ক্লান্ত হয়ে পড়েছি আমি।’ আবারো বলে উঠলো রেমি। ‘কন্সট্রাক্টরগুলো আমাকে পাগল বানিয়ে ছাড়বে। প্রথমে, তাদের সাথে তোমাকে মন পছন্দ নকশার জন্য শো-রুমে যেতে হবে। তারপর আবারো সভায় বসে শুনতে হবে যে এ ধরনের মডেল তৈরি ছেড়ে দিয়েছে তারা ফলাফল, তোমাকে অন্য কোনো নকশা বেছে নিতে হবে। তারপর—’

‘আমি জানি।’ হাত ছুড়ে জবাব দিল স্যাম।

‘মেরামতের কাজ জঘন্য লাগে, কিন্তু কুকুরটাকে মিস করছি আমি।’

‘সুলতান ভালো আছে। সেলমা তাকে পুরো দলের রাজার মতোই রেখেছে।’ থেমে গেল স্যাম।

‘এক মাস আগে যখন আমরা এ ভ্রমণ শুরু করেছিলাম, তারা আশা করেছিল দশটা হাজারের গায়ে ট্যাগ বসাতে পারব। মাত্রই মোল্লাকাত হওয়া মিঞা ভাই ছিল পনেরো নাম্বার। আমার মনে হয় সময় হয়েছে তল্লিতল্লা গুটিয়ে ফিরে যাবার।’

খানিকটা দূরে সরে গিয়ে স্যামের চোখের দিকে তাকাল রেমি। ‘আমাকে ভুল বুঝো না। আমি সমুদ্র ভালোবাসি আর তোমাকেও ভালোবাসি। আর এরকম অসাধারণ একটা ইয়টে করে কেই বা চাইবে না ঘুরে বেড়াতে, একটা সুন্দর জায়গা ছেড়ে অন্যটায় যেতে?’

‘কিন্তু?’

‘কিন্তু, অনেক দিন ধরেই আমরা বাইরে।’

‘হয়তো তুমি ঠিকই বলছ। যা করার কথা ছিল তার চেয়েও বেশি করেছি আমরা। তাই সম্ভবত সময় এসেছে বাসায় ফিরে কাজ শেষ করে নতুন প্রজেক্টে হাত দেয়ার।’

মাথা নাড়ল রেমি। ‘আমি ঠিক এই মিনিটের কথাই বলতে চাইনি। আমরা ইতিমধ্যে বাজার দিকে চলেছি আর সান ইগনাসিও লেগুনের কাছে ডাঙার দেখা পাব। আমার সবসময় দেখার ইচ্ছা ধূসর তিমিরা সঙ্গী আর বাছুরের জন্য কোথায় যায়!’

‘হয়তো; তারপর সোজা আকাপুলকো গিয়ে প্লেন ধরতে পারব আমরা।’

‘হয়তো’ উত্তরে জানাল রেমি। এ বিষয়ে তখন কথা বলা যাবে।’

আরো একদিন পর সান ইগনাসিও লেগুনে নোঙর করল ইয়ট। পানিতে নামানো প্লাস্টিকের সামুদ্রিক ভেলা। রেমি আর স্যাম যার যার ভেলায় নেমে এলে জর্জ মোরলেস নামিয়ে দিল দ্বি-ফলা দাঁড়। লেগুনের মাঝে দাঁড় বেয়ে চলল দুজন, খুব বেশি সময় লাগল না, তাদের সামনে দেখা দিল ধূসর তিমি। নাকের জোড়া ফুটো দিয়ে পানি আর ধোঁয়া ছিটিয়ে, লেজের ঝাঁড়ি মেঝে বুদবুদের রেখা রেখে গেল পানির ওপরে। নিচের দিকে, গভীরে ডাইভ দিল স্যাম আর রেমি। কয়েক সেকেন্ডের জন্য চুপ থ বনে গেল দুজনই—সিটি বাসের মতো আকারের একটা প্রাণী তাদের সামনে দেখা দিয়েই আবার ডুবে গেল, রেখে গেল লেগুনে তাদের ছোট কমলা বর্ণের একাকী প্লাস্টিকের ভেলা দুটোকে।

দিনের বাকি সময়টুকু আর পরের দিনটাতে ভেলায় ভেসে কাটিয়ে দিল ফারগোরা। যতবারই দেখা হলো কোনো ধূসর তিমির সাথে, কাছে এগিয়ে এলে কৌতূহলীও হয়ে উঠল। প্রতিটা তিমির মাথা আর পিঠে হাত বুলিয়ে দিল স্যাম আর রেমি, তারপর তাকিয়ে দেখল এগুলোর চলে যাওয়া।

সন্ধ্যাবেলায় ইয়টের পেছনের ডেকে ত্রুদের সাথে টেবিলে বসে ফারগো দম্পতি। সবাই মিলে উপভোগ করে তাজা ধরে আনা মাছ অথবা সান ইগনাসিওর ছোট্ট শহরের কোনো রেস্টোরাঁ থেকে আনা সুস্বাদ মেস্কিকান ডিনার। অন্ধকার হয়ে যাবার পরেও বহুক্ষণ জেগে থাকে। কথা বলে সমুদ্র আর এর প্রাণীদের নিয়ে, গল্প করে তাদের জীবন আর বন্ধু, তাদের পরিবার নিয়ে। রাতের আকাশ পূর্ণ হয়ে উঠে উজ্জ্বল তারকারাজিতে। ঘুমের জন্য নিজেদের কেবিনে যাবার পরেও স্যাম আর রেমির কানে বাজতে থাকে অন্ধকার ভেসে বেড়ানো তিমিদের শব্দ।

এরপর, উপকূল ধরে দক্ষিণে এগোতে লাগল মারল এক্সপ্লোরার। গন্তব্য আকাপুলকো, পৌছানোর পরে দুজন মিলে কথা বলল সেলমা উত্তির্যাশ এর সাথে, তাদের প্রধান রিসার্চার। সেলমা আর তার অধীনে কাজ করা তরুণ দম্পতি পিট জেফেকট আর ওয়েন্ডি করডেনকে এক মাসের ছুটি দিয়েছে স্যাম আর রেমি। কিন্তু সেলমা নিজেই ইচ্ছাতেই রয়ে গেছে লা জোল্লাতে আর তাদের অনুপস্থিতিতে নির্মাণকাজ তদারকি করছে।

উত্তর দিল সেলমা, ‘হাই রেমি। সুলতান ভালো আছে।’

‘আমরা দুজনও।’ বলে উঠল স্যাম। ‘ভালো লাগল শুনে’ আর কাজের কী অবস্থা?’

‘মনে রাখবে চার্টারের ক্যাথেড্রাল তৈরিতে; কয়েক শ বছর লেগে গিয়েছিল।’

‘আশা করছি মজা করছ তুমি।’ বলে উঠল রেমি।

‘ঠিক তাই। এমন একটাও কাঠের টুকরা নেই যেখানে বুলেট একটা ও গর্ত বানায়নি। নিচের দুটো ফ্লোরের কাজ প্রায় শেষ। আর সবকিছু কাজও করছে। তৃতীয় ফ্লোরে খানিক রঙের কাজ এখনো বাকি। কিন্তু চতুর্থ ফ্লোরে তোমাদের সুইটের বহুকাজ এখনো বাকি। অন্তত সপ্তাহ দুয়েক জো লাগবেই। বুঝতেই পারছ এর মানে কী।’

‘আমার জুতাগুলো রাখার মতো অবশেষে যথেষ্ট জায়গা থাকবে তো?’ শুধোল রেমি। ‘হ্যাঁ।’ বলে উঠল স্যাম। ‘আর দুই সপ্তাহ মানে কন্সট্রাক্টরের ভাষায় চার সপ্তাহ।’

‘নিরাশাবাদীর হয়ে কাজ করতে ভালোই লাগে। সবকিছু ঠিকঠাক চললেই অবাক হও তুমি। যাই হোক কোথায় তোমরা?’

উত্তর দিল স্যাম, হাসরের গায়ে চিহ্ন লাগিয়ে বেড়াচ্ছি। এখন আকাপুলকো তে আছি।’

‘সবকিছু ঠিকঠাক আছে?’

‘অসাধারণ।’ এবার উত্তর দিল রেমি। ‘তাজা মাছ, মুরগি, তারার নিচে নৃত্য ইত্যাদি ইত্যাদি। হাঙ্গরকে তাড়া করার চেয়েও বেশি মজা। কিন্তু বাসায় ফেরার কথা ভাবছি শীঘ্রই।’

‘শুধু আমাকে জানিয়ে দিও। জেট আর ত্রুনা তৈরি থাকবে তোমাদের ঘরে নিয়ে আসার জন্য। অরেঞ্জ কাউন্টি এয়ারপোর্টে তোমাদের তুলে নেব আমি।’

‘ধন্যবাদ’ সেলমা। জানাল রেমি। ‘তোমাকে জানাব। এখন সময় হয়েছে আরো কিছু মজা করার। ডিনার রিজার্ভেশন দশ মিনিটের মধ্যে। ফোন করো প্রয়োজন হলে।’

‘অবশ্যই। গুডবাই।’

হোটেলের দুটো টাওয়ারের একটাতে আছে তারা দুজন। আর রাতে ঠিক বিছানায় যাবার পরপরই মনে হলো একটু যেন কেঁপে উঠল সবকিছু।

কয়েক সেকেন্ডের জন্য কাঁপতে লাগল বিল্ডিং; কিন্তু হালকা খটখট শব্দ ছাড়া আর কিছুই শোনা গেল না। রেমি পাশ ফিরে স্যামকে ধরল। ফিসফাস করে বলে উঠল, ভূমিকম্প প্রতিরোধের জন্য পুনরায় তৈরি এমন সব বিল্ডিংয়ে নিয়ে আসো আমাকে আর তোমাকে ভালোবাসার এটা আরেকটা কারণ।’

‘নারীরা সাধারণত তাদের স্বপ্নের পুরুষের লিস্টে এমন কিছু রাখে না, যাই হোক তারপরও দ্রুত প্রশংসা নিচ্ছি আমি।’

পরের দিন হোটেল থেকে চেক আউট করে ইয়টে ফিরে গেল দুজন। কিন্তু ও-কে পৌছানোর সাথে সাথেই টের পেল পরিবর্তন হয়েছে কিছু একটা। ওপরে ব্রিজের ভেতরে এত জোরে স্প্যানিশ ভাষায় রেডিও স্টেশন শুনছে ক্যাপ্টেন জুয়ান যে, ট্যাক্সি থেকে নামার সাথে সাথে প্রতিটা শব্দ পরিষ্কার শুনতে পেল তারা। রেইলে দাঁড়িয়ে তাদের দেখেছে জর্জ, বড় বড় হোঁচক করে চেহারায়ে এঁটে রেখেছে দুশ্চিন্তার মুখোশ। ইয়টে পা দেয়ার সাথে সাথেই স্যামের কানে এলো ‘সিসমো টেম্বলর’ আর ‘ভলকান’ শব্দগুলো।

‘কী হয়েছে?’ জিজ্ঞেস করে উঠল সে। ‘আরেকটা ভূমিকম্প।’

‘মাত্র পাঁচ থেকে দশ মিনিট আগে হয়েছে। জরুরি হয়তো আরো বেশি জানালেন।’

স্যাম, রেমি আর জর্জ তিনজন মিলে ব্রিজে উঠে এলো। তাদের দেখে ক্যাপ্টেন বলে উঠলেন, চিয়াপাসে তাপাচুলা উপকূলে আঘাত হেনেছে। গুয়েতেমালা সীমান্তের ঠিক কাছেই।

‘অবস্থা কি বেশি খারাপ?’ জানতে চাইল রেমি।

‘হুম।’ জানালেন ক্যাপ্টেন।

‘রেডিওতে বলছে ৮.৫, ৮.৩। তারপর থেকে তাকানা থেকে ধোয়া বের হচ্ছে। শহরের উত্তরের আগ্নেয়গিরি। বহুদূর পর্যন্ত ভূমিধসের কারণে রাস্তাঘাট বন্ধ হয়ে গেছে। মানুষজন আহত হয়েছে, কয়েকজন মারাও গেছে। কিন্তু সংখ্যাটা কত কেউ জানে না।’ মাথা নাড়লেন ক্যাপ্টেন। ‘ইস! আমরা যদি কিছু করতে পারতাম।’

স্যাম রেমির দিকে তাকাতেই মাথা নাড়ল সে। ‘আমাদের একটা ফোন করতে হবে। ইয়েটকে যাত্রা শুরু করার জন্য প্রস্তুত করে ফেলুন। এখানে আসার পর থেকে যা কিছু করতে পারেননি, এখন করে ফেলুন।’

নিজের স্যাটেলাইট ফোন তুলে নিয়ে সামনের ডে-কে চলে এলো স্যাম। ডায়াল করল। ‘সেলমা?’

‘হাই’ স্যাম। ‘উত্তরে বলল সেলমা।’

‘এত তাড়াতাড়ি ফিরে আসছ?’

‘না, সমস্যা হয়েছে। এখান থেকে খানিক দূরের উপকূল তাপাচুলাতে ভয়াবহ ভূমিকম্প হয়েছে। তাদের সাহায্যে প্রয়োজন আর শহরের রাস্তাগুলো বন্ধ হয়ে গেছে—হয়তো পুরো অঞ্চলেই। জানি না তাপাচুলাতে কী ধরনের বিমানবন্দর আছে; কিন্তু আমি চাই তুমি ডাক্তার ইভানসকে ফোন করো। তাকে জানাও যেন সেখানকার হাসপাতাল যাই হোক না কেন স্ট্যাভার্ড ডিজাস্টার মেডিকেল প্যাকেজ যেন পাঠানো হয়—বড়সড় একটা ভূমিকম্পের পর তাদের যা যা দরকার হয়। জানিয়ে দাও যে এটা আমাদের পক্ষ থেকে করা হচ্ছে। এক লক্ষ ডলারের ব্যাংক ক্রেডিট পাঠিয়ে দাও। পারবে না?’

‘হ্যাঁ, যদি উনাকে নাও পাই আমি আমার নিজস্ব ডাক্তারকে কাজে লাগাব। বিমানবন্দর ভিন্ন ব্যাপার, কিন্তু খুঁজে দেখব এখানে উড়ে যাওয়া যাবে নাকি ওপর থেকে ফেলতে হবে।’

‘মালামাল তোলা হয়ে গেলেই যত শীঘ্র সম্ভব দক্ষিণে রওনা হব আমরা।’

‘ঠিক আছে, যোগাযোগ রাখব আমি।’ ফোন কেটে দিল সেলমা।

ব্রন্ত পায়ে ক্যাপ্টেন জুয়ানের সাথে কথা বলার জন্য বিজে ফিরে এলো স্যাম। ‘মনে হচ্ছে মাছের গায়ে চিহ্ন লাগানোর চেয়েও গুরুত্বপূর্ণ কাজ এসে পড়েছে হাতে।’

‘কী বলতে চান আপনি?’

‘তাপাচুলার রাস্তাঘাট বন্ধ, তাই না?’

‘রেডিওতে তো তাই বলল, আরো বলেছে পরিষ্কার করতে হয়তো মাসের পর মাস লেগে যাবে।’

‘এখানে আসার পর থেকে ইয়টে ইতিমধ্যে যথেষ্ট খাবার আর পানি নিয়েছেন তাই না? ফুয়েল ট্যাংকও ভরা? আমি চাই যতটা সম্ভব ইয়টটাকে ভরে সেখানে পৌঁছাতে। হয়তো এক বা দুই দিনের মাঝেই পৌঁছে যাব।’

‘হ্যাঁ, ঠিক তাই।’ বলে উঠলেন ক্যাপ্টেন। ‘হয়তো আরেকটু কম সময়ই লাগবে। কিন্তু ইয়টের মালিক কম্পানি এ ধরনের কাজের জন্য অর্থ বা রসদ; কিছুই দেবে না। কুলোতে পারবে না এ ব্যয়ভার।’

‘আমরা পারব।’ বলে উঠল রেমি। আর আমরা তো এখানে আছিই। চলুন গিয়ে রসদ কিনে নিয়ে আসি।’

স্যাম, রেমি, ক্যাপ্টেন জুয়ান, জর্জ আর মিগেল কাজে লেগে গেল। বড় একটা ভ্যান ভাড়া করল স্যাম। সকলেই একসাথে আকাপুলকো গিয়ে কিনে আনল পানির বোতল, ক্যান ফুড, কন্সল, স্লিপিং ব্যাগ, প্রফেশনাল লেবেল ফার্স্ট এইড বক্স, আর প্রাথমিক কিছু ওষুধ, ব্যান্ডেজ ইত্যাদি। ইয়টে জিনিসগুলো রেখেই আবার চলে গেল আরো কেনাকাটা করতে। এবার নিয়ে এলো গ্যাসোলিনের ক্যান, পনেরোটি সহায়ক জেনারেটর, ফ্ল্যাশলাইট আর ব্যাটারি, রেডিও, তাঁবু, সব সাইজের পোশাক। থাকার কোয়ার্টার, হোল্ড, এমনকি ব্রিজ ভরে উঠল রসদে। পরে তাই ডেকের ওপর রাখা হলো পানির কনটেইনার, গ্যাসোলিন, খাবার আর এগুলোকে রেইলের সাথে বেঁধে দেয়া হলো যেন উন্মত্ত সাগরে ভেসে বা গড়িয়ে না পড়ে যায়।

লোডিং শেষ হতেই জর্জ আর মিগেলকে দায়িত্ব দিল রেমি যেন আকাপুলকোর হাসপাতালগুলোতে ফোন করে জেনে নেয়া হয় তাপাচুলাতে প্রয়োজন হতে পারে এমন কোনো প্রেসক্রিপশন বা মেডিকেল সাপ্লাই দিতে পারবে কিনা। হাসপাতালগুলো প্রেসক্রিপশন, পেইন কিলার, অ্যান্টিবায়োটিক, ভাঙা হাড়ের জন্য পাতলা তক্তা আর বাঁধার কাপড়ের প্যাকেজ পাঠিয়ে দিল। একটা হাসপাতালের তিনজন ইমার্জেন্সি রুমের ডাক্তার আগ্রহ প্রকাশ করলেন ফারগোদের চার্টার করা ইয়টে করে তাপাচুলা যাবার ব্যাপারে।

মাঝদুপুরে যাত্রার জন্য যন্ত্রপাতি আর নিজেদের ওষুধের বহর নিয়ে এসে পৌঁছালেন ডাক্তার ত্রয়ী। এদের মাঝে দুজন ডাক্তার গার্জা আর ডাক্তার তালামান্টেস ইমার্জেন্সি রুমে কাজ করা কম বয়সী মহিলা ডাক্তার। আর ডাক্তার মার্টিনেজ ষাট বছর বয়সী পুরুষ সার্জন। নিজেদের বাস্র গুছিয়ে তৎক্ষণাৎ স্যাম, রেমি আর ত্রুদের সাথে হাত লাগালেন ভ্যান থেকে সবশেষ রসদগুলো ডেকে তোলার কাজে, এরপর ডেকে। তারপর ডেকের নিচে খালি দুটি কেবিনে জায়গা নিলেন।

বিকেল চারটায় অর্ডার দিল স্যাম। আর বন্দর ছেড়ে যাত্রা শুরু করল ইয়ট পাঁচশ দশ কি.মি. পথ পাড়ি দেয়ার জন্য। ইঞ্জিনগুলোকে পূর্ণ গতিতে সচল করে দিয়ে ঘণ্টার পর ঘণ্টা সেভাবেই রেখে দিলেন ক্যাপ্টেন। গভীর পানি কেটে সোজা একটি কোর্স ধরে বিপর্যস্ত এলাকার উদ্দেশে ছুটতে লাগল ইয়টে। তিনজন ক্রু, স্যাম আর রেমি প্রত্যেকেই দাঁড়িয়ে নজর রাখল হালের দিকে। ঘুম অথবা ইয়টের কাজে সাহায্য করার সময়টুকু ছাড়া সবাই ডাক্তারের তত্ত্ববধানে কাজ করে মেডিকেল সরঞ্জামগুলো পৃথক পৃথক বাক্সে আলাদা করে রাখে; যেন সহজেই পৌঁছে দেয়া যায় ছোট ক্লিনিক, ইমার্জেন্সি রুম কিংবা ডাক্তারদের কাছে।

পরেরদিন সন্ধ্যাবেলা দূর থেকে তীর দেখা যেতেই বোঝা গেল বিপর্যস্ত এলাকার কাছাকাছি পৌঁছে গেছে তারা। জনবসতি থেকে মাত্র এক মাইল দূরে হলেও কোনো আলোর দেখা পাওয়া গেল না। হালের কাছে গিয়ে চার্ট পরীক্ষা করে দেখল স্যাম। ‘কোথায় এসেছি আমরা?’

‘সেলিনা ক্রুজ।’ বলে উঠল মিগেল। ‘বেশ ভালো সাইজের একটা শহর কিন্তু কোনো আলো বা বাতি তো দেখছি না।’

‘আরেকটু কাছে যাওয়া যায় না? যেন ভালো দেখা যায়।’

‘ফাঁকা আছে কিন্তু একই সাথে বালির চড়াইও আছে। ভারী বোঝা বহন করছি আমরা, তাই সাবধান থাকতে হবে।’

‘ঠিক আছে।’ জানাল স্যাম।

‘যতটা কাছে যাওয়া সম্ভব যাবার পর নোঙর করা হোক। লাইফবোট দিয়ে তীরে সার্চপার্টি পাঠাব, তারপর আবার ফিরে আসবে তারা।’

‘ঠিক আছে।’ সাহস করে তীরের দিকে আরেকটু এগিয়ে নোঙর করল মিগেল। কয়েক মিনিটের মাঝে, স্যাম, রেমি আর জর্জ বোট ঠিক করতে না করতেই ডেকে উঠে এলেন ডা. তালামান্টেস। তাকিয়ে দেখতে লাগলেন বোটে জেনারেটর তুলছে স্যাম আর জর্জ। এরপর কয়েক টিন গ্যাসোলিন ও ওঠানো হলো এটা চালানোর জন্য। ডা. বলে উঠলেন, ‘আমার আর আমার ব্যাগের জন্য ও একটু জায়গা রাখবেন, বাকিটুকু খাবার আর পানির জন্য।’

‘আমাদের হয়তো কয়েকবার যাওয়া-আসা করতে হবে। কিন্তু শুরু করার জন্য মন্দ না।’ বলে উঠল স্যাম।

স্টার্ন থেকে নামানো হলো বোট। রেমি, স্যাম, মিগেল আর ডা. তালামান্টেস চড়ে বসল। আউটবোট মোটর চালু করে কোনাকুনিভাবে চলা শুরু করল মিগেল। সার্ফ লাইনে পৌঁছানোর পর, মোটর বন্ধ করে দেয়ায়

পানিতে প্রপেলার ঘোরা বন্ধ হয়ে গেল। ডেউয়ের ধাক্কায়ে শেষবারের মতো এগিয়ে বালিতে এসে বিঁধে গেল বোট।

স্যাম আর রেমি লাফ দিয়ে নেমে নৌকাটাকে বালু তীর আর কয়েক ফুট পর্যন্ত টেনে নিয়ে এলো। এরপর নামল মিগেল আর তালামান্টেস। তারপর সকলে মিলে টেনে আরেকটু ওপরে নিয়ে এলো বোট। বালুর মাঝে নোঙর গাঁথে দিল মিগেল, যেন সমুদ্রের ডেউ এসে পৌঁছালেও ভেসে না যায় বোট।

এরপর নৌকা থেকে নামাতে লাগল সবকিছু। দ্রুত স্থানীয় মানুষেরা দৌড়ে এসেও হাত লাগাল তাদের সাথে। মিগেল আর ডা. তালামান্টেস তাদের সাথে স্প্যানিশ ভাষায় কথা বলতে লাগল। স্যামের জন্য অনুবাদ করে দিল রেমি।

‘খানিক বা ছোটোখাট আঘাতে আহত হওয়া কয়েকজন আছে এ লোকগুলোর সাথে।’ বলে উঠলেন ডাক্তার। ‘এখান থেকে কয়েক ব্লক দূরে একটা বিদ্যালয়ে আছে তারা। আমি গিয়ে তাদের একবার দেখেই আবার ফিরে আসছি।’ স্থানীয় দুজন নারীর সাথে ফ্ল্যাশলাইটার আর নিজের মেডিকেল বাক্স নিয়ে চলে গেলেন ডা. তালামান্টেস।

অন্যরা পানির বোতলের কেসগুলো নামিয়ে শেষ করতেই মিগেল একজন পুরুষের সাথে কয়েক মিনিট কথা বলে জানাল, ‘এই লোকটা স্থানীয় মেডিকেল ক্লিনিকে কাজ করছে। অবাক হয়ে জানতে চাইছে, জেনারেটর দিয়ে আমরা কী করব।’

‘শুরু করার জন্য বেশ ভালো জায়গাই পাওয়া গেল।’ বলে উঠল স্যাম। চারপাশে চোখ বুলিয়ে দেখতে পেল কেউ একজন সামনের রাস্তা থেকে বাচ্চাদের একটা লাল ওয়াগন নিয়ে এসেছে। ওয়াগানে জেনারেটর তুলে নিয়ে যাওয়া হলো তিন ব্লক দূরে শহরের মাঝখানের ক্লিনিকে। স্যাম কানেকশন ঠিক করে দিতেই কয়েক মিনিটের মাঝে চালু হয়ে গেল জেনারেটর। ক্লিনিকে আলো জ্বলে উঠল। প্রথমে হালকা তারপর আরেকটু তীব্র হলো, বাইরে থেকেও শোনা গেল জেনারেটরের শব্দ।

ক্লিনিক খুলে দিতেই রোগীরা আসতে শুরু করল। পৌঁছে গেলেন ডা. তালামান্টেসও। বলে উঠলেন, ‘বিদ্যালয়ে এরই মাঝে কয়েকজনকে দেখে এসেছি আমি। ভাগ্য ভালো যে সবাই সামান্য আহত হয়েছে। সেখানেই গুনতে পেয়েছি সবকিছু নিয়ে এখানে এসেছেন আপনারা।’

‘কেউ জানে ভূমিকম্পের উৎপত্তিস্থলের কাছাকাছি কী হচ্ছে?’

‘তাপাচুলা বলতে গেলে তছনছ হয়ে গেছে। কয়েকটা নৌকা তৈরি করা হয়েছে। আহতদের সাথে নিয়ে রসদের খোঁজে রওনা হয়ে গেছে নৌকাগুলো। যদি এখানকার জন্য কোনো সাহায্য নিয়ে ফিরে আসতে পারে, সেই আশায়।’

‘তাহলে আমাদের উচিত তীরে আরো কিছু রসদ নিয়ে আসা। এরপর তাপাচুলার দিকে যাব। আপনি কি এখানে থাকতে চান, যতক্ষণ পর্যন্ত না আমরা আরেকবার মালামাল নিয়ে আসি?’

‘ভালোই হয়, তাহলে।’ উত্তরে জানালেন ডাক্তার। ‘আপনারা কাজ করতে করতে আমি আরো কয়েকজন রোগী দেখতে পারব।’

‘মিগেল, তুমি ডা. তালামান্টেসের সাথে থাকো।’ বলে উঠল স্যাম। ‘জর্জ আর ক্যান্টেন আমাদের সাহায্য করতে পারবে নৌকায় মাল তোলার জন্য।’

শশব্যস্ত হয়ে বালুতীরে নোঙর করে রাখা লাইফবোটের কাছে চলে গেল স্যাম আর রেমি। স্যাম নোঙর তুলতে তুলতে কাছে এসে দাঁড়াল রেমি।

‘দুজনের জন্য চাঁদের আলোয় নৌভ্রমণে যাবে, নাকি দেখিয়ে দেবে যে তুমি কতটা ভালো মাঝি?’

‘দুটোই একটু একটু করে। এছাড়া আরো একটা জিনিস দেখেছি, যত কম মানুষ হবে ততই বেশি করে রসদ নিয়ে আসতে পারব।’ মুচকি হাসল স্যাম।

পানিতে ধাক্কা দিয়ে নৌকাকে নামিয়ে দিল দুজন। বোর মাথায় বসে স্যামের দিকে তাকাল রেমি। ঢেউয়ের মাঝে নৌকাটাকে ঘুরিয়ে ধাক্কা দিয়ে মাঝখানের আসনে উঠে বসল স্যাম দাঁড় বাইবার জন্য। প্রথম ঢেউয়ের ওপর দাঁড় বেয়ে উঠে গেল, তারপর দ্বিতীয়তে আরো একটা জোর ধাক্কা দিয়ে দাঁড় বাইতে লাগল, একটু পরে, দাঁড় তুলে মোটর চালু করে দিল। ছুরির মতো তীব্র বেগে পরের ঢেউয়ের মাঝে ঢুকে গিয়ে ওপরে উঠে গেল বোট। এরপর একের পর এক ঢেউ কেটে তীরের কাছ থেকে সরে গেল আস্তে আস্তে।

গভীর পানিতে নোঙর করে থাকা ইয়টকে দেখতে পেল স্যাম; কিন্তু কিছু পরিবর্তন ও নজরে এলো। আরেকটা বোটের ছায়া দেখা যাচ্ছে, ছোট একটা কেবিন ক্রুজার তাদের ইয়টের খুব কাছে আর পাশ দিয়ে বেঁধে রাখা হয়েছে। বিজে গুনে দেখল তিনজন লোক আর পেছনে ডেকে আধি দুজন। লাইফবোট কাছে এগিয়ে যেতেই দেখা গেল সিঁড়িতে অচেনা কেউ একজন ডেকের নিচে কেবিনগুলোতে অদৃশ্য হয়ে গেল।

আউটবোর্ড মোটর বন্ধ করে দিল স্যাম। নিঃশব্দ হয়ে যেতেই রেমি জানতে চাইল, ‘কী হয়েছে?’ ‘ইয়টের দিকে তাকাও। মেহমান এসেছে আমাদের কাছে। যতক্ষণ পর্যন্ত না নিশ্চিত হচ্ছি যে লোকগুলো বন্ধু না শত্রু। চূপচাপ এগিয়ে যেতে চাই। নজরে রাখো, ততক্ষণে আমি দাঁড় বাই।’ বলে উঠল স্যাম।

আবারো মাঝখানের আসনে ফিরে গেল স্যাম আর বোর মাথায় বসে তাকিয়ে রইল রেমি। এখনো ইয়ট আর এর নতুন সঙ্গীর কাছ থেকে কয়েকশ ফুট দূরে আছে তারা। দেড়শ ফুট দূরে থাকতেই ইয়টটাকে চক্কর মেরে এলো স্যাম। পেছনে এসে স্টারবোর্ড স্টানের পাশ ঘেঁষে চলে এলো ছোট ত্রুজারের পাশে। ফিসফিস করে বলে উঠল, ‘আমার মনে হয় নিরাপদ কিনা নিশ্চিত হবার পরেই আমাদের দেখা দেয়া উচিত।’

চুপচাপ নিজেদের আসনে বসে কান পেতে রইল স্যাম আর রেমি। স্প্যানিশ ভাষায় প্রচুর চিৎকার শোনা যাচ্ছে। রেমির কাছে ও অস্পষ্ট লাগল শব্দগুলো, কিন্তু গলার স্বরের ত্রোধ বুঝতে পারল দুজনই। ইয়টের পেছনের সিঁড়ি দিয়ে খানিক উঠে তাকিয়ে দেখতে চাইল স্যাম। কয়েক সেকেন্ড পরেই আবার নেমে এলো।

‘ব্রিজে জুয়ানের সাথে তিনজন লোক। মেঝেতে বেঁধে ফেলে রাখা হয়েছে জর্জকে। একটা লোক একটু আগেই ঘুষি মেরেছে জুয়ানকে। আমার ধারণা তারা চাইছে ইয়াটটাকে চালু করতে।’ বলল স্যাম।

‘কী করতে চাও তুমি?’

‘দেখো তো লাইফবোর্টের সেফটি বক্সে কী পাওয়া যায়। আমি ইয়টের পেছনের ডেকের ইমার্জেন্সি লকার দেখে আসি।’ আবারো মই বেয়ে উঠে যেতে শুরু করল স্যাম। বোর মাথায় বক্স খুলল রেমি।

ফিসফিস করে জানাল, ‘দেখো, একটা পিস্তল।’ তুলে ধরল। একটা ধাতুর তৈরি ফ্লোর গান, প্লাস্টিকের নয়। ফ্লোয়ারের প্লাস্টিক প্যাকেট খুলে বন্দুক দুই ভাগ করে একটা ফ্লোর ঢুকিয়ে অন্যগুলো নিজের জ্যাকেটের পকেটে রেখে দিল রেমি।

ফিসফিস করে উঠল স্যামও, ‘ভালোই করেছ। দেখা যাক ওপরে কী পাই আমি।’

নিঃশব্দে পেছনের ডেকে উঠে গেল সে। ব্রিজের যাওয়ার সিঁড়ির নিচে ছায়াঘেরা জায়গাটাতে চলে গেল। স্টিলের লকার খুলে কয়েকটা লাইফ প্রিজারভার একপাশে সরিয়ে রেখে খুঁজে পেল দ্বিতীয় পিস্তল। লোড করে নিতেই ফাস্ট এইড কিটের পাশে দেখতে পেল লম্বা বোন্ডিং নাইফ। পকেটে ভরে নিল দ্রুত।

কনুইয়ের কাছে এসে সিঁড়ির দিকে দেখাল রেমি।

‘যাব?’

মাথা নাড়ল স্যাম। দুজনই পা বাড়াল সিঁড়ির দিকে। ব্রিজের সমান্তরাল হয়ে ঠিক নিচে ডান পাশে হামাগুড়ি দিয়ে রইল রেমি আর স্যাম বাম পাশে। ব্রিজের ছাদে ইনস্ট্রুমেন্ট প্যানেলের লাইটের ছায়ার দিকে তাকিয়ে শুনতে লাগল

কথাবার্তা। কেউ একজন ক্যাপ্টেন জুয়ানকে আঘাত করতেই মেঝেতে বাঁধা জর্জের পাশে পড়ে গেল ক্যাপ্টেন।

স্যাম উঠে দাঁড়িয়ে ব্রিজে ঢুকে গেল। যে লোকটাকে নেতা টাইপের মনে হলো তার দিকেই তাক করল পিস্তল, এই লোকটাই একটু আগে আঘাত করেছিল জুয়ানকে। ঠাণ্ডা স্বরে আদেশ দিল স্যাম, ‘পিস্তল ফেলে দাও।’

‘এটা তো একটা ফ্লোর পিস্তল।’ উপহাস করে উঠল লোকটা। ‘এটাও তাই।’ অন্য দুজনের পেছনে থেকে বলে উঠল রেমি। এদের একজন আবার চেষ্টা করল, ঘুরে রেমির দিকে পিস্তল ধরতে।

যেদিকে ঘুরতে চাইছিল সেদিকেই লোকটাকে ধাক্কা দিল স্যাম, ফলে দরজা দিয়ে গিয়ে ডেকের ওপর পড়ে স্থির হয়ে গেল লোকটা। রেমির পাশে দাঁড়িয়ে থাকা লোকটার মাথায় ফ্লোর গান ছুড়ল স্যাম আর রেমি। গুলি করল স্যামের পাশে দাঁড়িয়ে থাকা লিডারের মাথায়।

সালফিউরাসের দম বন্ধ করা ধোঁয়ায় মেঝে ভরে গেল কেবিন। কিন্তু এরই ফাঁকে দেখা গেল ফ্লোর থেকে অন্ধের মতো ম্যাজেন্টা রঙের শিখা ছড়িয়ে আগুন ধরে যাচ্ছে একজনের কাপড়ে, পুড়ে যাচ্ছে চামড়া। স্যাম যাকে গুলি ছুড়েছিল নিজের পিস্তল ফেলে দিল সে লোকটা আর দুই হাত দিয়ে আগুন নেভানোর চেষ্টা করতে করতে তাড়াহুড়ো করে নেমে গেল সিঁড়ি দিয়ে। ডেকে পড়ে যেতেই আবারো উঠে দাঁড়িয়ে বোর্ডের ওপর দিয়ে পানিতে লাফিয়ে পড়ল। লিডার লোকটা চেষ্টা করল যেন না পড়ে নেমে যেতে পারে সিঁড়ি বেয়ে, কিন্তু লোকটার পেছনে ছোট একটা লাথি কষল স্যাম, ফলে উড়ে গিয়ে পেছনের ডেকে পড়ল সে। অচেতন বন্ধুর পাশে ল্যান্ড করে উঠে দাঁড়িয়ে বোর্ডের ওপর দিয়ে পানিতে ঝাঁপ দিলে সেও।

ইমার্জেন্সি বক্স থেকে পাওয়া ফোল্ডিং নাইফ রেমির হাতে তুলে দিল স্যাম। ‘জর্জের বাঁধন কেটে দাও।’ এরপর দুই হাতে সিঁড়ির রেলিং ধরে ব্রিজ থেকে নেমে এলো ডেকের ওপর।

ওপরের দিকে তাকিয়ে দেখতে পেল ব্রিজের প্রবেশমুখে হাঁটু গেড়ে বসে পড়ে যাওয়া লোকটার ফেলে আসা পিস্তল তুলে নিচ্ছে রেমি। ডেকের ওপর অবচেতন হয়ে শুয়ে থাকা লোকটার পিস্তল তুলে নিল স্যাম। এরপর এসে দাঁড়াল কেবিনের দিকে চলে যাওয়া সিঁড়ির কাছে। চিৎকার করে আদেশ দিল, ‘নিচে থেকে উঠে এসো, জলদি।’ কথা বলতে বলতে খুলে ফেলল নিজের জুতা। সিঁড়ির পেছনে হ্যাচের ওপরের দিকে গেল খালি পায়ে। সিঁড়ি বেয়ে উঠে এলো একটা লোক, স্যামকে দেখতে পায়নি। এক হাতে পিস্তল আর অন্য হাতে রেমির কম্পিউটার।

‘পিস্তল ফেলে দাও আর কম্পিউটারকে সাবধানে নামিয়ে রাখো মেঝের ওপর।’ বলে উঠল স্যাম।

‘তোমার কথামতো কেন কাজ করব আমি?’ পাল্টা প্রশ্ন ছুড়ল লোকটা।

‘কেননা তোমার মাথার পেছনে তোমারই বন্ধুর পিস্তল তাক করে রেখেছি আমি।’

এতক্ষণে লোকটা বুঝতে পারল যে পেছন থেকে আসছে শব্দ। ভ্রাস্তে করে হাত তুলল ডেকের ওপরে পিস্তল আর কম্পিউটার নামিয়ে রাখার জন্য। এরপরই মাথা ঘুরিয়ে নিজের এক সঙ্গীকে পড়ে থাকতে দেখল।

‘তোমার অন্য বন্ধুরা সাঁতার কাটতে গেছে। এ বোটে কী করছ তোমরা?’

কাঁধ ঝাঁকাল লোকটা। ‘জানতাম যে ভূমিকম্পের জন্য রসদ আর জিনিসপত্র নিয়ে আসবে যেকোনো নৌকা। এছাড়া কেউ কেনই বা আসবে?’

‘যাদের এখন খাবার আর চিকিৎসার জিনিসগুলো দরকার তাদের কাছ থেকে এগুলো নিয়ে যেতে চাও?’

‘আমাদেরও দরকার।’ উত্তরে জানাল লোকটা।

‘কেন?’

‘বিক্রি করে অর্থ পাওয়ার জন্য। ভূমিকম্পের পর এগুলোর জন্য প্রচুর অর্থ দেবে লোকজন। উপকূলের আরেকটু ভেতরে যারা থাকে তারা তো আরো বেশি দেবে। খাবার আর পানির সংকট ক্রমেই বাড়ছে। রাস্তাঘাট বন্ধ। বিদ্যুৎ সংযোগ কেটে গেছে তাই ফ্রিজের জিনিসও পচে যাচ্ছে।’

‘যাই হোক, আমাদের কাছ থেকে কিছুই পাচ্ছ না তোমরা।’ জানিয়ে দিল স্যাম।

কাঁধ ঝাঁকাল লোকটা। বলে উঠল, ‘হয়তো তুমিই সঠিক, অথবা আমিই ঠিক বলছি।’ রেইলে হেলান দিয়ে হাত ভাঁজ করে ফেলল সে।

কেবিন থেকে আসা সিঁড়িতে নতুন হুটোপুটির আওয়াজ পাওয়া গেল। এবার দেখা দিলেন ডা. মার্টিনেজ। মাথার ওপর তোলা দুই হাত। এরপরে এলেন ডা. গার্জা, একইভাবে রাখা হাত। অতঃপর এলো একজন মেক্সিকান তরুণ। মূল্যবান হেয়ারকাট, পেশিবহুল সুদৃঢ় শরীর, দামি জিন্স, আর একজোড়া কাউবয় বুট পরিহিত তরুণকে নৌকার মাঝে বিসদৃশ্যই দেখাচ্ছে। এক হাত ডা. গার্জার কাঁধে আর আরেক হাত দিয়ে ডাক্তারের মাথার পেছনে ধরে আছে পিস্তল।

‘যদি তুমি তোমার অস্ত্র নামিয়ে রাখো, তাহলে আমি তাকে গুলি করব না।’ বলে উঠল মেক্সিকান তরুণ।

‘সাবধান’, পাল্টা জবাব দিল স্যাম। ‘তোমার কথা শুনেই বিরক্ত হয়ে উঠেছে আমার স্ত্রী।

ব্রিজের সিঁড়ির মাথায় দাঁড়িয়ে তরুণের মাথা বরাবর পিস্তল তাক করেছে রেমি।

অপ্রসন্ন দৃষ্টিতে রেমির দিকে তাকাল রেইলে হেলান দিয়ে দাঁড়িয়ে থাকা দস্যু। তারপর বলে উঠল, ‘তার অস্ত্র কেড়ে নাও।’

ডেকের ওপর শুয়ে থাকা লোকটা উঠে দাঁড়িয়েই দৌড় লাগাল স্যামের দিকে। তৎক্ষণাৎ মানুষটার পায়ের কাছে এক রাউন্ড গুলি ছুড়ল স্যাম। ডেকের ওপর পড়ে গিয়ে একপাশ থেকে আরেক পাশে গড়াতে গড়াতে পা ধরে গোঙাতে লাগল লোকটা।

দামি জিন্স পরা তরুণ যেই না ডা. গার্জার মাথা থেকে পিস্তল সরিয়ে স্যামের দিকে তাক করল, মাথার ওপর থেকে চিৎকার করে উঠল রেমি, ‘ফেলে দেয়ার জন্য শেষ সুযোগ দিলাম তোমাকে।’

‘ও পিস্তলে চ্যাম্পিয়ন। বুঝতে পেরেছ? যদি চায় তাহলে তোমার চোখের মনির ভেতরে বুলেট ঢুকিয়ে দিতে পারবে।’ বলে উঠল স্যাম।

চোখ তুলে রেমির দিকে তাকাল তরুণ। দেখতে পেল শক্ত দু’ হাতে পিস্তলের ব্যারেল দিয়ে নিচের দিকে তাকিয়ে আছে রেমি। এক মুহূর্ত কী যেন ভেবে আস্তে করে নিজের পাশে ডেকের ওপর নামিয়ে রাখল পিস্তল। ডা. গার্জা তাড়াতাড়ি করে উঠে এলেন ডেকের ওপর।

‘এখন এসে বন্ধুদের সাথে দাঁড়াও।’ আদেশ দিল রেমি। ডেকের ওপর উঠে দুই সঙ্গীর সাথে যোগ দিল তরুণ।

‘তো ঠিক আছে।’ বলে উঠল স্যাম। ‘এখন সবাই গিয়ে পানিতে ঝাঁপ দাও।’ রেইলের ধারে দাঁড়িয়ে থাকা লোকটা বলতে চাইল, ‘কিন্তু—জীবিত অথবা মৃত, সবাইকেই এখন ভিজতে হবে?’ জানিয়ে দিল স্যাম।

সঙ্গীদের উদ্দেশ্যে অনুবাদ করে শোনাল লোকটা। দুজন আহত সঙ্গীকে রেইলের ওপর দিয়ে নামতে সাহায্য করে নিজেরাও ঝাঁপ দিল পানিতে।

শেষ জনের পানি ছিটানোর শব্দ পাওয়ার পর ইয়টের স্টানে গিয়ে এক ক্যান গ্যাসোলিন নিয়ে এলো স্যাম, হেঁটে গেল পাশে বেঁধে রাখা ছোট্ট ঐঞ্জারের দিকে। তারপর এটির ডেকে ঢেলে দিল সবটুকু গ্যাসোলিন। দড়ি কেটে দিল ঐঞ্জারের, ধাক্কা দিয়ে সরিয়ে দিল নোঙর করে রাখা ইয়টের কাছ থেকে। পাঁচজন দৃশ্য এখনো সাঁতার কেটে এগোচ্ছে। ইয়ট থেকে ত্রিশ ফুট

দূরে চলে যেতেই পিস্তল তুলে নিয়ে ত্রুজারের ডেকে ফ্লোর ছুড়ল স্যাম।
তাকিয়ে দেখল জীবন্ত হয়ে উঠল উজ্জ্বল কমলা রঙের শিখা। ইয়টে দাঁড়িয়ে
থাকা বাকিরা হাততালি দিয়ে উঠল সাথে সাথে।

ব্রিজের সিঁড়ির নিচে গিয়ে চিৎকার করে জানতে চাইল স্যাম, ‘জুয়ান!’

‘ইয়েস, স্যাম?’


‘আপনি আর জর্জ কাজ করার মতো সুস্থ অনুভব করছেন?’

‘হ্যাঁ।’

‘তাহলে নোঙর তুলে ইঞ্জিন চালু করুন। ওকে, নিয়ে চলুন আমাদের।
মিগেল আর ডা. তালামান্টেসকে তুলে নিয়ে চলুন এখান থেকে চলে যাই।’

The Online Library of Bangla Books

BANGLA BOOK.ORG



সেলিনা ক্রুজ, মেক্সিকো

কয়েক মিনিট পরেই ডেকে উঠে এলেন ডা. তালামান্টেস আর মিগেল। সমুদ্রের মাঝে ইয়টে আগুন লেগে যাবার খবর শোনার সাথে সাথেই দুজন দৌড়ে এসেছে বিচে। এরপর যখন দেখতে পেল এটি ডেকের দিকে এগোচ্ছে নিজেরাও এসে পড়ল এখানে। পরবর্তী কয়েক মিনিটের মাঝে উপকূল ধরে আবারো দক্ষিণ-পূর্ব দিকে এগোতে লাগল ইয়ট।

আরো তিনবার অন্ধকারাচ্ছন্ন উপকূলীয় শহরগুলোতে নেমে কেসভর্তি করে বিশুদ্ধ পানি আর টিনজাত খাবার, ফ্যাশলাইট, জেনারেটর আর গ্যাসোলিন বিলি করল তারা। প্রতিবার প্রথমবারেই নৌকায় করে তীরে যেত তিন ডাক্তার। সাথে অবশ্যই থাকত তাদের স্টাভার্ড মেডিকেল বক্স।

প্রতিবার থামার কয়েক ঘণ্টা পরে সকল ইমার্জেন্সি রোগী দেখে শেষ করতেন ডাক্তাররা। এরপর ঘোষণা দিতেন যে, বিলি করা মেডিকেল সাপ্লাইয়ের মাধ্যমে এরপর ছোটখাটো আঘাত স্থানীয় লোকেরা নিজেরাই ঠিক করে নিতে পারবে।

সবাইকে বিচে ডেকে নিত স্যাম আর লাইফবোট ফিরিয়ে নিতে যেত মিগেল। তীর থেকে যাওয়া শেষ দুজন সবসময় ফিরে আসত স্যাম আর রেমি। তারা ইয়টে উঠে যেতেই ক্রুরা নোঙর তুলে নিলে পর ইয়ট আবার উপকূল ধরে যাত্রা শুরু করত তাপাচুলার উদ্দেশ্যে।

চতুর্থ দিন ভোরবেলা, তখনো নিজেদের কেবিনে ঘুমিয়ে আছে স্যাম আর রেমি, এমন সময় দরজায় নক করল মিগেল। উঠে দরজা খুলে দিল স্যাম।

‘কী হয়েছে?’

‘তাপাচুলা দেখতে পাচ্ছি আমরা। জুয়ান ভাবছে তুমি ব্রিজে গেলে ভালোই হয়।’

দ্রুত পোশাক পরে ডেকে উঠে এলো স্যাম আর রেমি। ব্রিজের সিঁড়ি বেয়ে উঠতে উঠতেই বুঝতে পারল জুয়ান কেন তাদের ঘুম থেকে তুলতে চেয়েছে। উইন্ডশিল্ডের ভেতর দিয়ে দূর থেকে দেখা যাচ্ছে তাকানা। মেক্সিকোর দ্বিতীয় উঁচু পর্বত। উপকূলের পেছনে মাইলখানেক ভেতরে গাড়ী নীল রঙের পিরামিড একাকী দাঁড়িয়ে আছে আকাশের বুকে হেলান দিয়ে। এই সকাল বেলাতেই। ভেতর থেকে উদগিরীত বিবর্ণ ধোঁয়ার লাইন উড়ে যাচ্ছে পূর্ব দিকে।

‘কার্যত এটি এখনো সক্রিয়। কিন্তু ১৯৫০-এর পর থেকে তেমন বড় কোনো অগ্ন্যুৎপাত হয়নি।’ জানাল জুয়ান।

‘রেডিওতে কি জানিয়েছে যে এটা কোনো কিছু ঘটতে চলেছে?’ জানতে চাইল রেমি।

‘মানুষজনকে বলেছে এলাকা ছেড়ে চলে যেতে?’

‘মনে হয় তারা এখনো জানেই না যে কী ঘটছে। তাদের ধারণা হয়তো ভূমিকম্পের কাঁপনে কিছু আলগা হয়ে গেছে অথবা ফাটলগুলো খুলে গেছে। রাস্তাঘাট বন্ধ, তাই আমার মনে হয় না যে, বিজ্ঞানীরা মাপজোঁকের জন্য পৌঁছাতে পেরেছে এখানে।’

‘শহর থেকে কত দূরে আগ্নেয়গিরিটা?’ এবারে জানতে চাইল স্যাম।

‘যতটা দেখাচ্ছে তার চেয়েও বেশি দূরে।’ জানাল জুয়ান। ‘পর্বতটা চার হাজার মিটার উঁচু। তাই কাছে দেখায়। কিন্তু আগ্নেয়গিরি ছাড়াও অনেক কিছু করার আছে আমাদের। বিশ মিনিটের মাঝে তাপাচুলায় পৌঁছে যাব আমরা।’

রেমি সিঁড়ি দিয়ে নিচে নেমে ডেকের নিচে কেবিনের দুর্ঘটনায় গিয়ে নক করল। ‘আমরা তাপাচুলায় পৌঁছে গেছি প্রায়।’ ডেকে তুলল সবাইকে।

কয়েক মিনিট পরেই ডেকের ওপর একসাথে বসে সাধারণ কফি, ডিম আর ফল দিয়ে নাশতা সেরে নিল ত্রু, ডাক্তার আর ক্যান্টেনসহ ফারগো দম্পতি। দূরে আগ্নেয়গিরি থেকে আকাশের বুকে উদগিরীত ধোঁয়া থেকে চোখ সরিয়ে নেয়া কষ্টসাধ্য হলো সকলের জন্য। শহরের কাছাকাছি হতেই চোখে পড়তে শুরু করল ধ্বংসও—ভূমিকম্পের ফলে আধাআধি ভেঙেপড়া দালান, একসময় যেখানে দেয়াল ছিল এখন সেখানে পড়ে আছে ইটের পাহাড়, টেলিফোনের পোলগুলোর লম্বা সারি পড়ে আছে, পার্ক করা গাড়ি আর রাস্তার

এপর পড়ে আছে ইলেকট্রিক্যাল তার। ইয়টের ডেক থেকে এখানে-সেখানে ছাড়িয়ে-ছিটিয়ে আগুন জ্বলতেও দেখা গেল। সম্ভবত প্রাকৃতিক গ্যাসলাইনও ফটে গেছে। একের পর এক গিয়ে তীরে নামার প্রস্তুতি নিতে লাগল সকলে।

উপকূল পর্যন্ত আসতে আসতেই এতগুলো আক্রান্ত শহর দেখা হয়ে গেল যে, নিজেদের কর্মপন্থা ঠিক করে নিতে পারল সহজে আর নিখুঁতভাবে। তিনজন ডাক্তার নিজেদের পরিপূর্ণ মেডিকেল ব্যাগ ছাড়াও প্রত্যেকে আরো বড় বড় দুটি করে ব্যাকপ্যাক প্রস্তুত করে নিলেন শেষ শহরে প্রয়োজন পড়েছিল এমন সব জিনিস দিয়ে। আগুন দেখা গেছে। তাই পোড়া ক্ষতের ওষুধ আর পেইনকিলারও নিয়ে নিলেন ডাক্তাররা। দালানকোঠা ভেঙে পড়ার দৃশ্য দেখার পর সাথে নেয়া হলো হাড় ভাঙা জোড়া দেয়ার তক্তা, ক্ষত সেলাই করা দরকারি জিনিস—আর সবচেয়ে বেশি হঠাৎ করে প্রয়োজন পড়ে যদি—অঙ্গ ছেদন করার জিনিসসমেত ব্যাগ। স্যাম, রেমি প্রথমে জেনারেটর আর গ্যাসোলিনের ক্যান লোড করে সারি বেঁধে রেখে দিল খাবার আর পানির কেস। অভিজ্ঞতা থেকে জানে যে তীরে নামলেই অনেকেই আগ্রহী হয়ে সাহায্য করতে এগিয়ে আসবে আবার—যাদের প্রয়োজন তারাও আসবে। তাই কেসভর্তি করে ফ্লাশলাইট, ফ্লাস্ট এইড বক্স, ভেঙেপড়া দালানের নিচে থেকে খনন করে মানুষকে উদ্ধার করে তোলার জন্য যন্ত্র আর অস্থায়ী আবাস নির্মাণের যন্ত্রপাতিও নেয়া হলো।

সাতটার দিকে, তখনো বাধা ছাদায় ব্যস্ত ইয়টের সকলে, দেখা গেল তীরে ইতিমধ্যে লোক জমতে শুরু করেছে তাদের সাথে দেখা করার জন্য। পানিতে নামানোর আগেই ভারী বস্ত্রগুলো তুলে দেয়া হলো লাইফবোটে। এরপর এক সারিতে দাঁড়িয়ে পড়ল সবাই। একজনের হাত থেকে আরেকজন এমন করে বাকি বস্ত্রগুলোও মই বেয়ে নামানো হলো নৌকায়। কাজ শেষ করার পর তিনিসপত্রে টাইটশ্বুর নৌকার ভাসাম্য বজায় রাখার জন্য সার্বধানে ছড়িয়ে-ছিটিয়ে বসে পড়ল সবাই। তীরে যাবার জন্য যাত্রী হলেন তিনজন ডাক্তার, স্যাম রেমি আর মিজেল; যার কাজ হলো মোটর চালিয়ে নৌকা নিরাপদে আনা-নেয়া করা। ঢেউয়ের সাথে চতুরতার সাথে এগিয়ে ঠিকঠাকভাবে নৌকা চালাতে লাগল মিজেল, যেন গড়িয়ে না যায় কিছু। ঠিক তীরের কাছাকাছি যেতেই মোটর বন্ধ করে প্রপেলার বাঁচাতে একপাশ উঁচু করে ধরল নৌকা। লাইফবোটের তলা সামনের দিকে উঠে যেতেই স্যাম আর রেমি লাফ দিয়ে নামে নৌকাকে টেনে নিয়ে গেল তীরে।

তাদের নিয়ে আসা রসদ দেখতে পেয়ে আনন্দে চিৎকার করে উঠল স্থানীয় লোকজন। হাসপাতালে পথ দেখিয়ে নিয়ে যেতে আগ্রহী লোকেরা এসে

জড়ো হলো ডাক্তারদের পাশে, হাতে তুলে নিল মেডিকেল সাপ্লাইয়ের ব্যাগ। বাকি রসদ বালির ওপর নামিয়ে রাখল স্যাম, রেমি আর মিগেল। এরপর ধাক্কা দিয়ে আবারো লাইফবোটটাকে সমুদ্রে নিয়ে যাওয়া হলো যেন দ্বিতীয় জেনারেট, খাবার আর পানি আনার জন্য ফিরে যেতে পারে মিগেল।

প্রথম জেনারেটর চালু করার জন্য ডাক্তারদের সাথে গেল স্যাম আর রেমি। এরপর হাসপাতাল চালু হবার পরে আবারো সমুদ্রতীরে এলো মিগেলের আনা দ্বিতীয় জেনারেটরের জন্য, নিয়ে যাওয়া হলো এখনো শহরের ওপারে অক্ষত হয়ে দাঁড়িয়ে থাকা মেডিকেল ক্লিনিকে।

সারা দিন আর রাতেরও বেশিরভাগ সময় চলল কাজ। শহরের বিভিন্ন অংশে নিজেদের জিনিসপত্র বিলাতে গিয়ে বহু কাহিনি শোনা হয়ে গেল তাদের। উপকূল ধরে শহরের রাস্তা পরিষ্কার করার জন্য বেলচা, ট্রাক্টর আর ট্রাক নিয়ে কাজে লেগে পড়েছে লোকজন। যাদের বাড়ি-ঘর এখনো যথাস্থানে দাঁড়িয়ে আছে তারাও আশ্রয়হীনদের নিয়ে যাচ্ছে নিজেদের গৃহে।

পরবর্তী পাঁচ দিন ধরে বজায় রইল এই বিশাল ভূমিকম্পের আফটার শক। প্রথম দিকের গুলো ছিল খুব তীব্র আর বেশি সময়ব্যাপী। কিন্তু যত দিন গেল ধীরে ধীরে মৃদু আর অনিয়মিত হয়ে পড়ল।

ষষ্ঠ দিনে সন্ধ্যাবেলা ইয়টের পেছনের ডেকে অপেক্ষা করছেন ক্যাপ্টেন জুয়ান। লাইফবোটে করে আবারো একত্র হলো স্যাম, রেমি আর অন্যরা। গম্ভীর হয়ে আছে ক্যাপ্টেনের চেহারা।

স্যামের দিকে চেয়ে জ্র নাচাল রেমি। ‘মনে হচ্ছে অবস্থা বেশি সুবিধার না। খবর আছে।’

রেমি, স্যাম তিনজন ডাক্তার, জর্জ আর মিগেল একসাথে জড়ো হতেই অস্বস্তি নিয়ে নড়ে উঠে গলা খাকারি দিলেন ক্যাপ্টেন।

‘আজ দুপুরবেলায় চার্টার কম্পানি থেকে রেডিও মেসেজ এসেছে আমার কাছে। কিছু জিনিস সম্পর্কে ধৈর্যের পরিচয় দিয়েছে তারা; কিন্তু এখন চাইছে যেন ইয়ট আকাপুলকোতে ফিরিয়ে নেয়া হয়।’

‘কেন?’ জানতে চাইল রেমি। ‘আমরা এটি ভাড়া নিতে এখনো রাজি আর এছাড়া ইয়টের তো কোনো ক্ষতিও করিনি আমরা, তাই না?’

‘ব্যাপারটা তা না।’ উত্তরে জানালেন ক্যাপ্টেন। ‘তারা খানিকটা শঙ্কিত যে এমন মূল্যবান আর জমকালো ইয়টে করে রসদ পরিবহন করছি আমরা; কিন্তু আবার এও জানে যে, এর প্রয়োজন আছে আর যেকোনো সমস্যার সমাধানও করতে পারব আমরা। কিন্তু তাদেরও শিডিউল মেনে চলতে হয়। চার দিনের মাঝে আকাপুলকো পৌঁছে যাবে আরেকটা দল। তারাও আশা করছে যে ইয়ট

শঙ্কত থাকবে তাদের জন্য। এগুলো পূর্ব হতেই চুক্তি করা।’ কাঁধ বাঁকিয়ে শূন্য হাত নেড়ে নিজের অসহায়ত্ব দেখিয়ে দিলেন ক্যান্টেন।

‘আর কতটা সময় আছে আমাদের হাতে?’ জিজ্ঞেস করল স্যাম।

‘তারা চায় আমরা যেন আজ রাতেই রওনা হয়ে যাই। তাহলে এক দিন সময় পাওয়া যাবে ডেক পরিষ্কার করে পলিশ করার জন্য। ইঞ্জিন সার্ভিস করে নতুন মাল তোলার জন্য। আমি দুঃখিত আসলে।’

‘ঠিক আছে।’ জানাল স্যাম। ‘এখনকার জন্য নিয়ে আসা সবকিছু নামানো হয়ে গেছে আগেই। তাই এখন আর ইয়টের কোনো প্রয়োজন নেই। তুমি কী বলো রেমি? ইয়টে চেপে আকাপুলকো নিয়ে বাড়ির পথ ধরতে চাও?’

‘এখন না।’ উত্তরে জানাল রেমি। ‘আমার মনে হয় আমাদের আরো কয়েকটা দিন থাকা উচিত। শুনেছি যে আগ্নেয়গিরির পাশে পড়ে আছে এমন সব লোকেদের এখনো মেডিকেল কেয়ার আর রসদের প্রয়োজন।’

‘তুমি নিশ্চিত?’ প্রশ্ন করে উঠলেন জুয়ান। ‘এটা ছেলেখেলা নয়। আমাকে ভুল বুঝো না। দেখেছি হাল ছেড়ে দিতে চেয়েছিলাম আমি, তখনো কতটা সক্রিয় ছিলে তোমরা দুজন। তোমাদের জানার সুযোগ পেয়ে আমি গর্বিত।’

‘আমরাও তাই।’ বলে উঠল জর্জ। ‘আমাদের জন্যও ব্যাপারটা যথেষ্ট আনন্দের।’ জানাল স্যাম। ‘কিন্তু পর্বতের ওপর থাকা লোকগুলোকেও সাহায্য করতে চাই। এখনকার মতো, সবাই নিচে গিয়ে নিজেদের জিনিস গুছিয়ে নেব, যেন তাড়াতাড়ি রওনা হতে পারে তোমরা।’

এবারে কথা বলে উঠল ডা. মার্টিনেজ, ‘আমার মনে হয় সম্ভব হলে ইয়টে চেপে ফিরে যেতে চাই আমি। যতটা পেরেছি হাসপাতাল থেকে ছিলাম এখানে।’

অন্যদের দিকে তাকাল স্যাম। ‘ডা. গার্সা?’

উত্তর দিলেন ডাক্তার। ‘ডা. তালামান্টেস আর আমি আরো কয়েক দিনের জন্য থাকব। আর আরেকটা ব্যাপার, আমাকে মারিয়া নামেই ডাকতে পারো। বেশকিছু সময় একসাথে কাটিয়ে ফেলেছি আমরা, মনে হচ্ছে তোমাদের বছবছর ধরেই চিনি।

‘আর আমাকে ক্রিস্টিনা নামে ডেকো।’ বলে উঠলেন ডা. তালামান্টেস।

পিঠে ব্যাকপ্যাক নিয়ে অল্প সময়ের মাঝেই জাহাজের পেছনের ডেকে আবারো জড়ো হলো পুরো দলটা। জর্জ আর মিজেল সবাইকে সাহায্য করল লাইফবোট নামতে। এরপর নিয়ে গেল বিচে। সবাই বালুতীরে নেমে যাওয়ার পর স্যাম আর রেমি গভীর পানিতে ধাক্কা দিয়ে ভাসিয়ে দিল লাইফবোট।

‘তোমাদের খুব মিস করব আমরা।’ বলে উঠল মিজেল।

‘ভালোই।’ উত্তরে জানাল রেমি। ‘বন্ধুদের উচিত একে অন্যকে মিস করা। কিন্তু আবারো যখন দেখা হবে একে অপরকে বলার জন্য হাজারো অভিযানের গল্প জমা হয়ে যাবে আমাদের।’

লাইফবোট ইয়টে উঠে যাবার পর নিজেদের ব্যাকপ্যাক তুলে নিল স্যাম। এরপর রেমি সহ হাঁটতে লাগল বিচ পার হয়ে ওপরের রাস্তা ধরে শহরের বিদ্যালয়টার দিকে; এটিই এখন তাদের অস্থায়ী আবাসস্থল। আপন মনে বলে উঠল, আমরা এখন বাস্তবহারা হয়ে গেলাম, তাই না?’

‘অত্যন্ত গরম একটা বালুতটে ভালোবাসার মানুষটার সাথে বাস্তবহারা?’ হেসে উঠল রেমি। ‘ভালোই তো।’

‘রানওয়ের ফাটল সারাতে বেলচা দিয়ে পাথর আর আলকাতরা ঘাটা রমণীর মুখে বড় বেশি রোমান্টিক শোনাল কথাটা। ‘আশা করছি এসব অভিযানে ততটাই আনন্দ খুঁজে পাবে যেমনটা মিগেলকে জানালে।’

বুড়ো আঙুলের ওপর উঁচু হয়ে দাঁড়িয়ে স্যামকে কিস করল রেমি। ‘সব ঠিক হয়ে আছে। আর ভালো কিছু করার খানিক চেষ্টা করব আমরা। যদি এখানে না থেকে বাসায় থাকতাম, ইলেকট্রিশিয়ান আর কাঠমিস্ত্রির পেছনে লেগে থাকতাম হয়তো, তাহলে বাসার কাজ আর শেষই হতো না কখনো।’

‘ঠিকই বলেছ।’ জানাল স্যাম। ‘চলো যাই, বিদ্যালয়ে ঘুমানোর মতো আমাদের জন্য রুম আছে কিনা। সেলমাকে ফোন করে জানিয়ে দেব, তাহলে আর চিন্তা করবে না সে। আর আগামীকাল সবার সাথে ঘুরে কথা বলতে হবে, কীভাবে পর্বতের ওপর যাবার জন্য একটা রিলিফ পার্টির বন্দোবস্ত করা যায়।’

8

তাকানা আগ্নেয়গিরি, মেক্সিকো

পরের দিন দুপুরবেলা। একটা ট্রাকের পেছনে আরো ডজনখানেক স্বেচ্ছাসেবীর সাথে গনগনে সূর্যের নিচে বসে আছে স্যাম আর রেমি। অসম্ভব খারাপ রাস্তা ধরে ঝাঁকি খেতে খেতে এগিয়ে চলেছে তাকানা আগ্নেয়গিরির দিকে। পাশেই বসে আছে ইয়টে তাদের সহযাত্রী ডা. ক্রিস্টিনা তালামান্টেস আর ডা. মারিয়া গার্জা। অন্য পাশে যারা বসে আছে, গত কয়েক সপ্তাহে এদের সাথে ভালোই সখ্য গড়ে উঠেছে তাদের। আছে বিশেষ কোঠায় বয়সের দুই ভাই রাউল আর পল মেনডোজা, যারা বড় হয়ে উঠছে আগ্নেয়গিরির কাছাকাছি শহরতলিতে। আরো আছে লম্বা, চুপচাপ স্বভাবের জোসে। তাপাচুলাতে থাকা জোসের ল অফিস ক্ষতিগ্রস্ত হয়েছে ভূমিকম্পে। ঘন গাঁফে ঢেকে আছে জোসে সানচেজের মুখমণ্ডল, তাই চট করে বোঝা মুশকিল যে লোকটা হাসছে না কাঁদছে।

শহর থেকে বের হয়ে মাইলের পর মাইল কৃষিজমি ছাড়িয়ে আরো ভেতর দিকে যেতে যেতে রেমি তাকিয়ে রইল বহুদূরের ত্রিকোণাকার নীল তাকানার দিকে। ব্যাপারটা খেয়াল করল ক্রিস্টিনা, ‘আর তো দেখা যাচ্ছে না। হয়তো নিস্তেজ হয়ে গেছে আরো একশ বছর বা তার চেয়েও বেশি সময়ের জন্য।’

‘অথবা এমনও হতে পারে যে, শক্তি বাঁচিয়ে রেখেছে আগুন আর ছাইয়ের জন্য, যেন লাভা দিয়ে কবর দিতে পারে আমাদের’, বলে উঠল জোসে। মায়া ভাষায় ‘তাকানা’ মানে হলো ‘আগুনের গৃহ’।

‘আশা এইটুকুই যে, হয়তো এখনকার মতো আমাদের ওপর নিজের নামের সদ্ব্যবহার করবে না এটি।’ বলে উঠল স্যাম।

আরো এক ঘণ্টা ভ্রমণ শেষে ট্রাক এসে পৌঁছাল ইউনিয়ন জুয়ারেজ নামের ছোট্ট শহরে। প্রধান রাস্তার ছোট ছোট দুটো ইটের দালানের খানিকটা করে অংশ ভেঙে পড়েছে। আরো দুটোর ছাদের টালি খসে পড়েছে। মাঝখানের চত্বরে গিয়ে নেমে গেল ড্রাইভার আর স্প্যানিশভাষী স্বেচ্ছাসেবকরা কথা বলতে লাগল চত্বরে ঘুরে বেড়ানো মানুষের সাথে। স্যাম আর রেমি আঠার মতো সেন্টে রইল ক্রিস্টিনার সাথে, অনুবাদ করছে ডাক্তার। ভারতীয় চেহারার এক দম্পতির সাথে খানিকটা কথা বলে ফারগোদের জানাল ক্রিস্টিনা, ‘প্রায় সাত কি.মি. পর বন্ধ হয়ে গেছে রাস্তা।’

‘তারপর?’ জিজ্ঞেস করল স্যাম। ‘এরপর আমাদের হাঁটতে হবে।’ উত্তরে বলে উঠল ক্রিস্টিনা। ‘এই রমণীর মতে, পায়ে চলা রাস্তা আছে যার আবার ছোট ছোট অনেক শাখাপথও আছে। এগুলো ধরে এগোলেই পৌঁছে যাওয়া যাবে পর্বতের গ্রামগুলোতে।’

এবার জানতে চাইল রেমি, ‘ওখানকার অবস্থা সম্পর্কে কিছু বলেছে?’

‘সাবধান করে দিয়েছে যে, সেখানে নাকি বেশ ঠাণ্ডা। ওপরে তেরো হাজার ফুটেরও বেশি উচ্চতায় যেতে হবে।’

‘এর জন্য প্রস্তুত আছি আমরা।’ বলে উঠল রেমি। ‘বস্তুত, কিছু কথা তোমার সাথে শেয়ার করতে চাই। ইয়ট থেকে কিছু কাঠামো আর মেসের লোমের লাইনিং নিয়ে এসেছি। কারণ মাঝে মাঝে বেশ ঠাণ্ডা হয়ে ওঠে প্রশান্ত মহাসাগর, বিশেষ করে রাতের বেলা যখন বাতাস বইতে থাকে।’

‘ধন্যবাদ।’ খুশি হলো ক্রিস্টিনা। ‘আমি আর মারিয়াও কিছু গরম কাপড় নিয়ে এসেছি। ভেবেছিলাম হয়তো বাইরে ঘুমাতে হবে। কিন্তু তোমাকে সবকিছু সহ দুই-তিন দিনের মধ্যে নিয়ে যেতে পারব হয়তো।’

‘আর কিছু কি বলেছে সেই নারী?’

‘ভূমিকম্পের ফলে হিমবাহের সৃষ্টি হয়েছে। আর গ্রামের পানি সরবরাহের জায়গাও দূষিত হয়ে গেছে। আহত আছে কয়েকজন, আমি আর মারিয়া যাদের সুস্থ করে তুলতে পারব আর সম্ভবত কিছু ক্ষেত্রে করা সম্ভব হবে না। সেসব জনগণকে সরিয়ে নিতে হবে।’

এবার বলে উঠল স্যাম, ‘প্রতিটা গ্রামের কাছাকাছি হেলিকপ্টার ল্যান্ড করার মতো জায়গা খুঁজে বের করতে হবে আমাদের।’

‘ধন্যবাদ।’ আবারো বলে উঠল ক্রিস্টিনা। ‘এখন গির্জায় গিয়ে মারিয়ার সাথে যোগ দেব। দেখা যাক পর্বত থেকে আশ্রয়ের খোঁজে নেমে

আসা লোকগুলোর কাছ থেকে নতুন কিছু জানা যায় কিনা। আসবে তোমরা?’

সবাই মিলে গির্জায় প্রবেশ করতেই পর্বতের গ্রামগুলো থেকে আসা পাঁচটি পরিবারের সাথে কথা বলল মারিয়া আর ক্রিস্টিনা। তারা যখন পিতা-মাতার সাথে কথা বলছে, বাচ্চাগুলো এসে রেমির কোলে চড়ে বসল। লম্বা তামাটে রঙের চুলের প্রতি আগ্রহী হয়ে রেমির মাতৃভাষা ইংরেজিতে ছোট ছোট গান শুনে মুগ্ধ হয়ে গেল ছেলেমেয়েদের দল। প্রোটিন বার, বাদাম আর চকলেট দিয়ে মেহমানদারি করল রেমি।

কিছুক্ষণ পর গির্জার সামনে এলো ট্রাকের ড্রাইভার। শেষ পথটুকু ভ্রমণ করার জন্য সবাই আবার উঠে বসল ট্রাকের পিঠে। পথের শেষ মাথায় পায়ে হাঁটা রাস্তার নির্দেশনাস্বরূপ পাথর পড়ে থাকতে দেখা গেল। প্রতিজন স্বেচ্ছাসেবক ট্রাক থেকে নেমে পিঠে তুলে নিল রসদবোঝাই ভারী ব্যাকপ্যাক। একে অন্যকে সাহায্য করল কাঁধে-বুকে ট্রাপে বেঁধে নিতে। তারপর হাঁটা ধরল।

খাড়া পর্বতের গা বেয়ে উঠতে গিয়ে গতি হয়ে পড়ল ধীর আর পরিশ্রমসাধ্য। গাছপালা কেটে চলাচলের ব্যবস্থা করা হলেও পর্বতের ওপরে এমন কিছু করা হয়নি বিধায় কণ্টাকাকীর্ণ হয়ে উঠল রাস্তা। চারপাশে ফলের গাছ, এমন একটা সমান্তরাল জায়গা পরিষ্কার করে তাঁবু খাটানো হলো। ফলগুলো দেখতে ছোট ছোট অ্যাভোকাজোর মতো, মেনজোডা ভ্রাতৃদ্বয় ডাকছে ক্রিওল্লো বলে। ভোর পর্যন্ত ঘুমাল সকলে। সূর্যমামা উদয় হয়ে ঘুম ভাঙাল। আরো উঁচুতে পৌঁছানোর পর নিচু জমির গাছগুলো বদলে গিয়ে দেখা গেল পাইনের সারি।

তিন দিন ধরে একইভাবে পথ চলল সকলে। প্রতিদিন সকালে তাঁবু নামিয়ে পরবর্তী গ্রাম না আসা পর্যন্ত হাঁটা। তারপর গ্রামবাসীদের সাথে কথা বলে বের করা যে কী ধরনের সাহায্য তাদের প্রয়োজন। প্রতিটি গ্রামে রোগী দেখল ক্রিস্টিনা আর মারিয়া, আহত ও অসুস্থদের সেবা করল। সাহায্য করল রেমি। ওষুধ আর রসদের তালিকা তৈরি করে রাখল, ক্ষত মুছে ব্যান্ডেজ করে দিল, প্রেসক্রাইব করা ডোজও দিয়ে দিল। এই ফাঁকে অন্য রোগীর কাছে গেল ডাক্তাররা। স্যাম কাজ করল স্বেচ্ছাসেবক আর স্থানীয় কৃষকদের সঙ্গে। সকলে মিলে পুনরায় বাড়ি তৈরি, ভাঙা, পাইট আর ওয়্যারিং বদলে দেয়া, জেনারেটর ঠিক করে বিদ্যুৎ প্রতিস্থাপনের কাজ করা হলো।

পর্বতে ওঠার পর পঞ্চম দিন শেষে আড়াই হাজার মিটার উচ্চতার কাছাকাছি গ্রামের ধারে তাঁবুতে শুয়ে স্যাম বলে উঠল, ‘আমাকে স্বীকার করতেই হবে যে এই সিদ্ধান্ত নিয়ে এখন আনন্দিত আমি।’

‘আমিও।’ বলে উঠল রেমি। ‘আমার জীবনের সবচেয়ে তৃপ্তিদায়ক মুহূর্ত এখন কাটাচ্ছি আমি।’

‘তোমার স্বাদের তারিফ করতেই হয়।’

‘আর তোমার আত্মাভিমান। এখন ঘুমোতে যাচ্ছি, আমি।’

পরের দিন সকাল বেলা শেষ গ্রামের দিকে পথ দেখিয়ে চলল স্যাম আর রেমি। মেয়রের কথামতো পাশের ছোট একটা ট্রেইল ধরে এগোতে লাগল দুজন। আর শীঘ্রই দেখা গেল সবাইকে ছাড়িয়ে চলে গেছে তারা। অপেক্ষা করল অন্যরা যেন তাদের দেখতে পায় তারপর আবারো শুরু হলো পথচলা। কিন্তু বেশি দেরি হবার আগেই আবারো সবার কাছ থেকে এগিয়ে গেল ফারগো দম্পতি।

রাতের বেলা হিমবাহ এসে আঘাত করেছে এমন একটা ঢালু জায়গায় পৌঁছে গেল স্যাম আর রেমি। নোংরা আর পাথর পড়ে ট্রেইলের একটা অংশ এমনভাবে ঢাকা পড়েছে যে, দেখে মনে হচ্ছে ব্যাসল্ট (আগ্নেয়গিরি থেকে জাত কৃষ্ণশিলা)। সাবধানে এর ওপরে ঘুরে বেড়াতে লাগল দুজন। বড় বড় বোল্ডারগুলোর পাশ দিয়ে যাবার সময় আরো সতর্ক রইল। এরপরই থেমে গেল দুজন।

পথের ওপর পড়ে থাকা বিশাল একটা পাথরের চাই দেখে অবশ্য প্রাকৃতিক বলে মনে হলো না। নিখুঁত আয়তকার পাথরের মাথায় গোলাকার কোনো বস্তু। কোনো কথা না বলে দুজনই কাছে এগিয়ে গেল। দেখতে পেল বাঁকানো নাক আর লম্বা মাথাঅলা মায়ান অভিজাত এক পুরুষের খোদাই করা প্রতিচ্ছবি। লোকটার মাথায় বিশাল পালকঅলা শিরভূষণ। জটিল সব চিহ্নের সারি দেখে দুজনই বুঝতে পারল, এগুলো মায়ান শব্দ। চোখ তুলে ওপরে পর্বতের দিকে তাকাতেই সবুজ গাছপাতার গায়ে বিশাল ক্ষুদ্র বা দোমড়ানো-মোচড়ানো অবস্থা দেখা গেল। এপথ দিয়েই গড়িয়ে পড়েছে হিমবাহ।

অদম্য এক আকর্ষণ দুজনকেই টেনে নিল ওপরের দিকে। খাড়া পাহাড় বেয়ে এমন একটা জায়গায় এলো যেখানটা একেবারে নিখুঁত একটা তাকের মতোই সমান। প্রায় ত্রিশ ফুট লম্বা আর বিশ ফুট চওড়া। জায়গাটার চারপাশে গাছ দিয়ে ঘেরাও করা, কিন্তু দেখা গেল না কাউকে। দেখা গেল তাকের একটা অংশই ভেঙে হিমবাহের সাথে গড়িয়ে পড়েছে নিচে।

নিজের ছুরি দিয়ে কয়েক ইঞ্চি গর্ত করে ফেলল স্যাম। দুজনই শুনতে পেল পাথরের গায়ে ছুরির ফলার ঘষা খাওয়ার শব্দ।

চারপাশে তাকাল রেমি। ‘একটা উঠান? অথবা একটা প্রবেশদ্বার?’

একবার চোখ তুলে তাকাল খাড়া পর্বতের দিকে। এখানে একটাই মাত্র জায়গা যেটার ওপরে নতুন করে ময়লার আস্তর পড়েছে। পর্বতের মাথা থেকেই পড়েছে এগুলো।

‘দেখে মনে হচ্ছে বড় ব্লক পড়ে যাওয়ায় পিছলে পড়ে গেছে এটা।’ বলে উঠল স্যাম। আবারো ছুরি দিয়ে গুতিয়ে দেখে নিজের ব্যাকপ্যাক থেকে ভাঁজ করা বেলচা বের করল। পাথুরে দেয়াল থেকে চেষ্টা তুলে ফেলতে লাগল আবর্জনা।

‘সাবধান।’ সতর্ক করে দিল রেমি। বাকি পর্বতটাকেও নামিয়ে আনতে চাই না।’ কিন্তু নিজের ব্যাকপ্যাক থেকে কাঠ কাটার হালকা কুড়াল বের করে যোগ দিল স্যামের সাথে। আবর্জনা পরিষ্কার হয়ে যেতেই সামনে দেখা গেল কালো আগ্নেয় পাথরের দেয়াল। কয়েকবার নিজের বেলচা দিয়ে এর গায়ে আঘাত করল স্যাম। ভঙ্গুর আর ছিদ্রময় ঝামা পাথরের মতো টুকরা টুকরা উঠে আসতে লাগল। রেমির কুড়ালের দিকে তাকিয়ে জানতে চাইল, ‘আমাকে দেবে?’ ‘সানন্দে।’ স্যামের হাতে কুড়াল তুলে দিল রেমি।

আগ্নেয় পাথরের গায়ে আঘাত করতে লাগল স্যাম। ‘মাঝে মাঝে কিছু জায়গা দেখে মনে হচ্ছে লাভা প্রবাহ এসে পর্দার মতো তৈরি হয়ে গেছে।’

‘প্রবেশদ্বারের ওপর?’

‘এভাবে বলার সাহস করছি না। জানি না এটা কী আদৌ কোনো প্রবেশদ্বার, নাকি অন্য কিছু। কিন্তু দেখতে তো তাই মনে হচ্ছে।’ বড়সড় একটা টুকরা ভেতর দিকে ভেঙে না পড়া পর্যন্ত শক্ত হাতে আঘাত করে গেল স্যাম। তৈরি হয়ে গেল একটা গর্ত।

‘তোমার দরকার ছিল জোরে জোরে আঘাত করা।’ বলে উঠল রেমি। ‘কী ভেবেছিলে? সমাধি?’ ‘এই পথ ধরে? আমি অনুমান করছি কোনো একটা পবিত্র জায়গা হয়তো, হতে পারে আগ্নেয়গিরির দায়িত্বে থাকা কোনো দেবতার তীর্থভূমি।’

গর্তের মুখটাকে আরো বড় করে ফেলল। ব্যাকপ্যাক থেকে ফ্লাশলাইট বের করে আলো ফেলল ভেতরে, এরপর পা দিল গর্তে। ‘এসো।’ রেমির উদ্দেশ্যে বলে উঠল। ‘প্রাচীন একটা দালান পেয়ে গেছি আমরা।’

ভেতর পাথের কেটে তৈরি করা কক্ষ, ভেতর সাফা প্লাস্টার করা হয়েছিল নিশ্চয়। সমস্ত দেয়ালজুড়ে মায়ান নারী, পুরুষ আর দেবতাদের কোনো রকম একটা শোভাযাত্রার রঙিন চিত্র আঁকা রয়েছে। কয়েকজন মানুষকে দেখা যাচ্ছে নিজেদের কেটে দেবতার উদ্দেশ্যে উৎসর্গ করছে অথবা জিহ্বাতে কাঁটা ঢুকিয়ে দিচ্ছে। কিন্তু প্রতিটি দেয়ালে প্রধানত যে ছবিটা চোখে পড়ছে তা হলো বুলন্ত মনিসমেত খুলি।

কিন্তু এসব কোনো দৃশ্যের ওপরই বেশি মনোযোগ দিচ্ছে না স্যাম আর রেমি। কক্ষের আরো ভেতর দিকে হেঁটে চলেছে দুজন। একটা মাত্র দৃশ্যই আকৃষ্ট করেছে তাদের। হোয়াইটওয়াশ করা পাথরের মেঝেতে পড়ে আছে একজন পুরুষের শুকিয়ে যাওয়া মৃতদেহ, কালো, কঠিন। পরনে লতাপাতা দিয়ে বোনা স্যান্ডাল। কানের ফুটোয় বড় সবুজ পান্নার দুল। গলায় পান্না আর মুক্তার মালা আর খোদাই করা পান্নার লকেট। ফ্লাশলাইটের আলো ফেলে পুরো দেহটাকে ওপর নিচ করে করে দেখল স্যাম আর রেমি। মানুষটার মৃতদেহের পাশে পড়ে আছে চওড়া মুখালা ঢাকনা দেয়া একটা পাত্র।

ফ্লাশলাইটের ঘাড়ে চাপ দিয়ে আলো বাড়াতে চাইল রেমি। ‘আরো কাছে যাবার আগে কয়েকটা ছবি তুলতে চাই আমি।’ ‘অথবা আরেকটা আফটারশক এসে ছাদ ধ্বংসে পড়ার আগে।’

স্যামের হাতে নিজের ফ্লাশলাইট তুলে দিল রেমি। এরপর ফোনের সাহায্যে ছবি তুলে নিল। মৃতদেহটাকে চক্রাকারে ঘুরে প্রতিটি কোনো থেকেই ছবি তুলল। চার দেয়াল, ছাদ, মেঝে, মৃতদেহের পাশে পড়ে থাকা পাত্রের ছবি ও তুলে নিল। ‘মমি হয়ে গেছে লোকটা। দেখতে খানিকটা ইনকা পর্বতের সমাধি আর চিলি উপকূলের মোড়ে আর চিমুর মতো।’

‘ঠিক তাই। কিন্তু এটা কোনো সমাধি নয়।’ মন্তব্য করল স্যাম, ‘না।’ একমত হলো রেমি। ‘মনে হচ্ছে অস্থায়ীভাবে হলেও এখানে আশ্রয় নিয়েছিল আর তারপর মারা গেছে। ভেতরে দানাঅলা কাঠ হয়ে যাওয়া কিছু জিনিস আছে। হয়তো ফল পচে এমনটা হয়েছে।’

‘লোকটার বেলেট্টে একটা ছুরি। আর কাঠ খোদাইয়ের সময় এদিক-ওদিক উড়ে যাওয়া টুকরা।’

পাত্রের ছবি তুলছে রেমি। মায়ান ছবি আঁকা পাত্রটাতে সম্ভবত একজন লোকের চিত্রই দেখা যাচ্ছে—খাবার গ্রহণ করছে, শিল্প তৈরি, যুদ্ধ, ভয়ংকর দর্শন এক দেবতার সামনে হাঁটু গেড়ে বসে আছে দেখতে খানিকটা বিড়াল খানিকটা মাছের মতো।

‘ভেতরে কী আছে সেটা ভেবে অবাক হচ্ছি আমি।’ বলে উঠল স্যাম।

‘যাই হোক না কেন সম্ভবত এখনো ভেতরেই আছে। মনে হচ্ছে কোনো একটা সিলের মতো করে ঢাকনা আটকে গেছে—যেমন আঠা। খোলার চেষ্টা না করাই উচিত তাহলে নয়তো কোনো ক্ষতি করে ফেলব আমরা। সামনে থেকে সরে যাও। ব্যাটারি ফুরিয়ে যাবার আগেই সেলমার কাছে ছবিগুলো পাঠিয়ে দিতে চাই আমি।’

‘গুড আইডিয়া।’ গর্তের ভেতর দিয়ে লাভা পর্দার কাছে ফিরে এলো স্যাম। নিজের ফোন ব্যবহার করে প্রবেশদ্বারের ছবি নিল আর ওপর আর নিচের পর্বতের ছবি। নিচের হাঁটা পথ আর পাথরের ব্লকের ছবি তুলতে গিয়ে বাকি স্বেচ্ছাসেবকদের এগিয়ে আসতে দেখতে পেল। ‘হেই!’ চিৎকার করে উঠল সে। ‘এইখানে! ওপরে!’

থেমে গেল মানুষের সারি। তাকাল ওপরের দিকে। হাত নাড়তে লাগল স্যাম যেন তাদের দুশ ফুট ওপরে স্যামকে দেখতে পায় তারা। খানিক দ্বিধা করলেও পরে সকলে আবার উঠে যেতে শুরু করল স্যামের দিকে।

স্যাম অন্যদের জন্য অপেক্ষা করছে এমন সময় প্রবেশদ্বারের কাছে এসে রেমি জানতে চাইল, ‘কী করছ তুমি?’

নিচে অন্যদের দেখাল স্যাম। ‘আমি তাদের ডেকেছি ওপরে এসে দেখে যাওয়ার জন্য।’

‘আমার মনে হয় নিজেদের মাঝে লুকিয়ে রাখতে পারব না এটিকে।’ ‘এক দিনের জন্যও নয়। নিচের রাস্তার প্রবেশদ্বারে ভাঙা অংশ পড়ে থাকার পরে তো নয়ই। তাদের সাহায্য দরকার হবে আমাদের। যেন কর্তৃপক্ষের হাতে তুলে দেয়ার আগে পর্যন্ত নিরাপদ রাখা যায় এ স্থান।’

‘ঠিক বলেছ। বেশ গুরুত্বপূর্ণ হতে পারে এ আবিষ্কার। আর কোনো মায়ান মমির কথা জানা নেই আমার।’

কয়েক মিনিটের মাঝেই ক্রিস্টিনা, মারিয়া, মেনডোজা ভ্রাতৃত্ব আর জোসে সানচেজ এসে পৌঁছে গেল। নিজের চারপাশে তাকাল ক্রিস্টিনা। ‘কোন জায়গা এটা?’ ‘আমরা নিশ্চিত নই।’ বলে উঠল রেমি। ‘মায়ান ধ্বংসাবশেষ। আর দেখে মনে হচ্ছে লাভা প্রবাহের নিচে চাপা পড়েছিল। আমাদের ধারণা, কোনো একটা পবিত্র জায়গা—তীর্থভূমি হতে পারে। সম্ভবত পর্বতের উদ্দেশে উৎসর্গ করা। মায়ানদের অনেক দেবতাই আকাশে অথবা ভূমির মাঝে বাস করতেন। আমরা মনে হয় আগ্নেয়গিরিতেও হতে পারে। বাকাব নামক একজনের কথা মনে পড়ছে, যিনি কিনা উভয় কাজই করতেন।’

প্রবেশপথে তাকাল মারিয়া। ‘কোনো অনিষ্ট করে ভেতরে যেতে পারি আমরা?’

‘আমরা ভেতরেই ছিলাম।’ জানাল স্যাম। ‘কোনো কিছু না স্পর্শ করলেই সবকিছু ঠিক থাকবে। সেখানে একজন মানুষের দেহাবশেষ পড়ে আছে। মমি হয়ে গেছে—ইচ্ছকৃতভাবে নয়, অবস্থার ফেরে পড়ে। উচ্চতা আর গুরু বাতাস সম্ভবত তাকে এভাবেই সংরক্ষণ করে রেখে দিয়েছে, যেমনটা হয় পেরু আর

চলিতে। এছাড়া লাভা প্রবাহ পড়ে বন্ধ হয়ে গেছে প্রবেশমুখ আর সম্ভবত এটিই গড়ে দিয়েছে এক বিশাল পার্থক্য।’

নিজেদের ফ্লাশলাইট তুলে নিয়ে একেকবারে মাত্র একজন করে ভেতরে গেল স্বেচ্ছাসেবকরা। যখনই একজন বাইরে বের হয়ে এলো অন্যজন ভেতরে গেল। যখন প্রত্যেকেই ভেতরে ছিল, সমান্তরাল প্রবেশপথে দাঁড়িয়ে হতভম্ব হয়ে তাকিয়ে ছিল চারপাশে।

‘তাকে নিয়ে কী করব আমরা?’ জানতে চাইল পল মেনডোজা। জোসে সানচেজ উত্তর দিল, ‘আমরা সংবাদটা প্রচার করে দিই। তখন মানুষ টাকার বিনিময়ে এখানে আসবে।’

‘না।’ বলে উঠল মারিয়া। ‘আমাদের উচিত কর্তৃপক্ষকে ডেকে নিয়ে আসা। পুরাতত্ত্ববিদগণ—এখন বসে বেশি কিছু করতে পারবে না।’ এবার বলে উঠল ক্রিস্টিনা।

‘রাস্তাঘাট বন্ধ আর যদি এগুলো চালু হয়েও যায়, প্রথমে হাসপাতালে যাবার জন্য অপেক্ষারত মানুষগুলোকে না সরিয়ে একটা মৃতদেহ সরানোর কাজ করাটা খারাপ দেখায়।’

‘সে তো শুধু একটা মৃতদেহ নয়।’ বলে উঠল সানচেজ। ‘এটা একটা জাতীয় সম্পদ।’

‘সে গতকাল মারা যাক কী—৯০০ খ্রিস্টপূর্বাব্দে মারা যাক, মৃতদেহই।’ বলে উঠল মারিয়া। ‘অপারেশনের প্রয়োজন পড়া একটা রোগীর মতো বিপদের মুখে নেই সে। সংরক্ষণের দিকটা নিশ্চিত করাটুকুই কেবল করতে পারি আমরা এখন।’

একটা হাত তুলল স্যাম, ‘প্লিজ, সবাই শোনো। এটা এত গুরুত্বপূর্ণ কিছু হতো না—যদি না আমার আর রেমির এ জাতীয় কাজের পূর্ব অধিকার না থাকত। পৃথিবীর বিভিন্ন অংশে পুরাতাত্ত্বিক খননকাজে অংশ নিয়েছি আমরা। এখনো জানি না লোকটা কখন এলো এখানে। কিন্তু লোকটার কাছে শুধু একটা ছুরি আছে, লোহা বা স্টিলের তৈরি কিছু নেই। মনে হচ্ছে এ জায়গাটা ক্ল্যাসিক মায়ান পিরিয়ডের, যার অর্থ ৩০০ থেকে ৯০০ খ্রিস্টাব্দ সময়কাল। সবাই দেখতে পাচ্ছে যে লোকটা পান্নার গয়না পরে আছে, তার মানে সমাজের উঁচু পদে আসীন ছিল। হয়তো একজন যাজক বা অভিযান্ত্রিক ছিল। বিজ্ঞানীরা অনেক কিছু জানতে পারবেন এর কাছ থেকে। এতটা ভালো অবস্থায় কোনো মায়ান দেহাবশেষ পাওয়া গেছে বলে জানা নেই আমাদের।’

‘তোমার কী ধারণা, আমাদের কী করা উচিত?’ জিজ্ঞেস করল পল মেনডোজা।

‘সাধারণভাবে বলতে পারি, প্রবেশপত্র আটকে দিয়ে পুরাতত্ত্ববিদগণকে ডেকে নিয়ে আসা।’ উত্তর দিল রেমি। ‘কিন্তু একটা বিপর্যস্ত এলাকার মাঝামাঝি আছি আমরা। তাই তার আসতে সময় লাগবে। আর পথের মাঝে পড়ে থাকা খোদাই করা পাথরের কারণে এই স্থানের অস্তিত্ব লুকিয়ে রাখাও সম্ভব নয়।’

স্যাম বলে উঠল এবারে, ‘আমার ধারণা, রাতের মতো পাহারা দেয়ার ব্যবস্থা করা উচিত আমাদের। এরপর শেষ গ্রামে দেখা হওয়া মেয়রকে বুঝিয়ে বলতে পারি যে, এই স্থানের গুরুত্ব কতটা, তাহলে প্রতিবেশীদের সাহায্য জোগাড় করা যাবে। পুরাতাত্ত্বিক স্থানগুলো থেকে মেক্সিকোর অন্যান্য জায়গা আর মধ্য আমেরিকা আর্থিক দিক দিয়ে লাভবান হয়েছিল। লোকজন আসবে আর একে নিয়ে গবেষণা করতে আগ্রহী হয়ে উঠবে। কিন্তু যদি এখনই বাইরের কাউকে বলে দিই, বিজ্ঞানীরা পরীক্ষা করার আগেই বিজ্ঞাপন প্রচার করা হয় তাহলে পুরোপুরি ধ্বংস হয়ে যাবে জায়গাটা। লুটপাটকারী আর গুপ্তধন শিকারীরা এসে পড়বে, চারপাশের সবকিছু খুঁড়ে ফেলে তছনছ করে ফেলবে। সত্যিকারের পণ্ডিতরা আসার আগেই।’

‘তুমি সবকিছু নিয়ে একটু বেশি নিশ্চিত, তাই না?’ বলে উঠল সানচেজ। বোঝা গেল রেগে গেছে সে।

‘এটুকু আমি জানিই।’ উত্তর দিল স্যাম। ‘এরকমটা ঘটতে দেখেছি আমরা আগেও। চিহ্নিত করার আগেই নিয়ে যাওয়া হয়েছে অমূল্য শিল্প নিদর্শন, দেয়াল ভেঙে ফেলা হয়েছে, মানব দেহাবশেষ একপাশে ছুড়ে ফেলে পচনের পথ তৈরি করা হয়েছে।’

‘আর যদি এমনটা হয়ও, কী এসে-যায় তাতে? এটা আমাদের, তোমাদের নয়। প্রাচীন আমলের যা-ই হোক না কেন, এর মালিক মেক্সিকোর জনগণ। আইন আর বুদ্ধিবিবেক অনুযায়ী এটি আমাদের অধিকার। এই লোকেরা আমাদেরই পূর্বপুরুষ।’

‘তুমি একদম সত্যি বলেছ।’ তাড়াতাড়ি বলে উঠল স্যাম। ‘আমরা যা পেয়েছি তা একশ তেরো কোটিবারের বেশি প্রতিটি মেক্সিকান নাগরিকের। আমরা শুধু চাই সেসব নাগরিকরা যেন তাদের প্রাপ্য অংশ পায়। আর এর অর্থ একে মেক্সিক্যান কর্তৃপক্ষের হাতে তুলে দেয়া।’

ক্রিস্টিনা সাথে যোগ করল, ‘গাধার মতো কথা বলো না জোসে। এটা মেক্সিকান ইতিহাসের একটা অংশ। আমরা এটিকে অবশ্যই সংরক্ষণ করব।’

‘স্যাম ফারগোর সাথে তোমার সখ্য একটু বেশিই, তাই না? ইয়টের ভ্রমণ নিশ্চয় বেশ আনন্দদায়ক ছিল।’

স্যাম জানাল, ডাক্তাররা আমাদের সাথে এসেছে, কেননা তারা রাস্তা বন্ধ হয়ে আটকেপড়া আহত লোকদের চিকিৎসা করতে চেয়েছে। প্লিজ, এর ওপর অন্য কোনো গন্ধ খুঁজে তাদের অপমানিত করো না।’

দাঁত কিড়মিড় করতে করতে দ্রুত স্প্যানিশ ভাষায় কিছু বলে উঠল মারিয়া

শোকে স্তব্ধ হয়ে খানিকটা লজ্জিত মনে হলো জোসে সানচেজকে। ‘আমি দুঃখিত যে আমি এই কথা বলেছি। প্লিজ, আমার ক্ষমা ভিক্ষা গ্রহণ করো সকলে। আমিও অন্য সকলের সাথে যাব আর এখানে থাকা সবকিছু সংরক্ষণে নিজের দায়িত্ব পালন করব।’

‘ধন্যবাদ, জোসে।’ জানাল রেমি। ‘এখন আমাদের যা করতে হবে তা হলো, রাতের জন্য তাঁবু বানানো। এই স্থানটা থেকে খানিকটা দূরে, যেন কেউ দেখতে পেয়ে কৌতূহলী না হয়ে ওঠে।’

‘আমি একটা জায়গা খুঁজে বের করব।’ বলে উঠল জোসে। একাকী হেঁটে গিয়ে পুরো উপত্যকা খুঁজে দেখল সে। মিনিটখানেক পরে পর্বতের বাঁকের পাশে উধাও হয়ে গেল।

মেনডোজা ভ্রাতৃদ্বয় তাকে খুঁজে না পেয়ে চাইল পেছন থেকে অনুসরণ করতে। আর স্থান নির্বাচনে মতামত দিতে।

‘আমি তাকে কিছুক্ষণের জন্য একা থাকতে দিতে চাই।’ বলে উঠল স্যাম। ‘বুঝতে পারলে নিজে থেকেই ফিরে আসবে।’

‘ঠিক আছে।’ একমত হলো রাউল। ডাক্তারদের দিকে তাকাল স্যাম। ‘ক্রিস্টিনা আর মারিয়া, আমার মনে হয় আমি আর রেমি লাভা প্রবাহ এসে আটকে যাওয়া তীর্থভূমির প্রবেশপথে খুলে ফেলে একটা সমস্যা সৃষ্টি করে ফেলেছি। সেখানের মেঝেতে পড়ে থাকা লোকটা হয়তো ব্যক্তিগত পরিবেশের কারণে সংরক্ষিত হয়ে আছে। আর এখন এর পরিত্রাণ করে ফেলেছি আমরা। বায়ুমণ্ডলে উন্মুক্ত হয়ে গেছে। কিছু বলার আছে তোমাদের?’

‘ফ্রিজ করতে পারলে বেশি ভালো হতো, যেটা এখন পারব না আমরা।’ উত্তর দিল ক্রিস্টিনা।

মারিয়া জানাল, আমার ধারণা, তুমি ঠিকই বলেছ। এত ওপরে পর্বতের আবহাওয়ার কারণেই—সংরক্ষিত হয়ে আছে মৃতদেহ। দশ হাজার ফুটের ওপরে শুষ্ক, ঠাণ্ডা দিন আর রাত একেবারে আদর্শ। তাই এখনকার মতো সম্ভবত সে ভালোই থাকবে। সমুদ্রের সমান্তরাল বনের মাঝে নিচে নামিয়ে নেয়াটাই বরং ঝুঁকির হয়ে যাবে।’

স্যাম উত্তরে বলল, ‘হয়তো ঠাণ্ডা আর এয়ারটাইট একটা কন্টেইনারের ব্যবস্থা করতে পারলে নিচে নিয়ে যাওয়া সম্ভব হবে।’

‘এটাই আমাদের সবচেয়ে ভালো প্রত্যাশা’, জানাল মারিয়া। ‘কাছাকাছি বরফ কোথায় আছে?’ জানতে চাইলে ক্রিস্টিনা।

‘মাথার ওপরে।’ জানাল স্যাম। ‘বারো হাজার ফুটের ওপরে সম্ভবত বরফের রাজ্য গতকাল দেখেছি আমি। আমি হয়তো পারব উঠে গিয়ে ছোট একটা টুকরা নিয়ে আসতে।’

‘বডিব্যাগ’, বলে উঠল ক্রিস্টিনা।

‘বডিব্যাগ?’

মারিয়া জানাল, ‘যখন মেডিকেল টিম কোনো বিপর্যস্ত এলাকায় যায়, তখন হয়তো রোগের প্রকোপ না ছড়ানোর জন্য কিছু নমুনা ব্যাগে ভরে বহন করতে হয়। তাই কয়েকটা ব্যাগ বহন করি আমরা। একসাথে তিন থেকে চারটা ব্যবহার করে দেহের তাপমাত্রা সমান রাখা সম্ভব। এগুলো বাতাস নিরোধক আর শক্তিশালী। এরকম একটার মাঝে ঢুকিয়ে বরফ দিয়ে মুড়ে আবার একটা বা দুটো ব্যাগ দিয়ে ঢেকে দেয়া হয়, তাহলে তাজা থাকবে দেহটা।’

‘আমিও যাব তোমার সাথে।’ স্যামের কানের কাছে বলে উঠল রেমি।

মাথা নাড়ল সে। ‘দুজনের জীবন ঝুঁকির মাঝে ফেলা কোনো ভালো পছন্দ নয়।’

‘বরফের রাজ্যে একাকী উঠে যাওয়াও কোনো কাজের কথা নয়।’

‘ব্যাপারটা ঠিক তা নয়।’

উত্তর দিল স্যাম। ‘মূল্যবান একটা নমুনা রক্ষা পাবে তাহলে।’

‘তুমি নিজেও বহু মূল্যবান একটা নমুনা আর দুজন মিলে বেশি বরফ নিয়ে আসা যাবে।’ বলে উঠল রেমি। ‘তর্ক করতে চাও?’

‘নিজের মতো করে চলার জন্য কখনো তোমার সাথে তর্ক করেছি বলে মনে হয়েছে তোমার?’

‘না।’ মিথ্যা বলল রেমি। ‘ঠিক আছে তাহলে’, বলে উঠল স্যাম। ‘আমরা দুজনই যাব।’ এবারে রেমি জানাল, ‘অন্তত আমরাও সেই সুন্দর বডিব্যাগসগুলো পাব, যদি খারাপ কিছু ঘটে।’

নিজেদের প্যাক থেকে প্রায় সবকিছু ফেলে দিল স্যাম আর রেমি। নিল তিন প্রত্যেকে একটি করে বডিব্যাগ, রেমির কুড়াল, স্যামের বেলচা, পানি, জ্যাকেট আর কাপড়। এরপর ওপরে উঠতে লাগল।

তখনো দুপুর, এমন সময় যাত্রা শুরু করল দুজন। পথটা বেশ খাড়া। ক্লাইভিং গিয়ার না নিয়েই অসমান পর্বতের গায়ে পা রেখে রেখে বেশ খানিকদূর পর্যন্ত উঠে গেল দুজন। একটু পরে গাছের মাথা ছড়িয়ে শূন্য একটুখানি জমি পাওয়া গেল, হয়তো বাতাসের ঝাপটায় সৃষ্টি হয়েছে এ ঢালু জায়গা। ক্লান্ত আর দম বন্ধ বোধ করল রেমি আর স্যাম।

‘এটা চেষ্টা করার আগে যে দশ হাজার ফুট উঁচুতে কয়েক দিন কাটিয়েছি তাতে খুশিই হয়েছি আমি।’ বলে উঠল রেমি।

‘আমিও। আশা এটুকুই যে এ কষ্ট হয়তো বৃথা যাবে না। ওপরে উঠে অন্ধকার নামার আগেই ফিরে আসতে চাই।’

‘এই হারে এগোতে থাকলে পেরে যাব। সমস্যা নেই।’

হেসে উঠে দুজনই আরো দ্রুত গতিতে চলতে শুরু করল। একটু পরেই অবশ্য চুপচাপ হয়ে গেল। কথা না বলে নিঃশব্দে উঠে গেলেই মনে হলো দম বন্ধ ভাব কমে আসবে। মাঝে মাঝে শুধু স্যাম ঘুরে তাকিয়ে জানতে চাইত, ‘তুমি ঠিক আছো?’ উত্তরে রেমি জানাত, ‘এই তো।’

বিকেলেরও পরে পর্বতের তুষারাবৃত অংশে পৌঁছে সামনের দিকে তাকানোর জন্য থামল দুজন।

একেবারে মাথায় বড় একটা আগ্নেয় পাথরের চাই আর কিনারের দিকে ছোট ছোট তিনটা খণ্ড। এরই মাঝে মাঝে সাদা স্তূপ। সেদিকে তাকিয়ে স্যাম বলে উঠল, ‘দেখেছ? পাথরগুলো থেকে দূরেই কেবলমাত্র বরফ জমেছে।’

‘পাথরগুলো নিশ্চয় বেশ গরম।’ বলে উঠল রেমি।

‘চলো দেখা যাক কিছু বরফ তুলে তাড়াতাড়ি নেমে যাওয়া যায় কিনা।’

পাথরখণ্ডগুলোর মাঝখানের কর্কশ জায়গা দিয়ে হেঁটে বরফের কাছে পৌঁছালো দুজন। এরপর তুষারের নিচে গর্ত খুঁড়তেই শক্ত বরফ পাওয়া গেল। স্যামের বেলচা আর রেমির কুড়াল ব্যবহার করে ভেঙে নেয়া হলো খণ্ডগুলো। যতটা বহন করতে পারবে ততটুকু পর্যন্ত ভেঙে নিয়ে নিল বরফ। বডিব্যাগের ভেতর রেখে জ্যাকেট আর কাপড় দিয়ে বেঁধে ফেলল ব্যাগ। ব্যাকপ্যাকের ভেতর রেখে আবারো ফিরে চলল সঙ্গীদের কাছে।

দ্রুত পায়ে নামতে গিয়ে গভীর গর্জনের আওয়াজ শোনা গেল। একই সাথে পায়ের নিচের পাথরের ভূমিও কাঁপতে শুরু করল। বুঝতে পারল ভারসাম্য ধরে রাখা সম্ভব না। হাঁটু ভাঁজ করে বসে কাঁধে ব্যাকপ্যাকের স্ট্যাপ খুলে ভূমিকম্পের জন্য অপেক্ষা করতে লাগল স্বামী-স্ত্রী। এক মিনিট ধরে চলল এরকম, তারপর আরো এক মিনিট।

‘ভয় পাচ্ছ?’ জিজ্ঞেস করল রেমি।

‘হুম, ভয় লাগছে’, বলে উঠল স্যাম। ‘কোনো ধারণাই নেই যে এটা কি কোনো আফটার শক, নাকি মাথার ওপরের পর্বত ভেঙে পড়ে শূন্যে ভাসিয়ে নিয়ে যাবে আমাদের।’

‘তোমার মানসিক দৃঢ়তার পরীক্ষা হচ্ছে শুধু।’ জানাল রেমি।

তর্জন-গর্জন থেমে যেতেই শোনা গেল নতুন এক ধরনের শব্দ। হি-স— হি-সি, যেন কেউ হুইসেল বাজাচ্ছে। একটু পরেই বাড়তে বাড়তে এত বেড়ে গেল শব্দটা যে মনে পড়ে গেল এয়ার প্লেনের ইঞ্জিনের শব্দ। উৎসের খোঁজে চারপাশে তাকাতেই তুষারের রাজ্যে দেখা গেল ধোঁয়ার মেঘের কুণ্ডলী। সাদা গুঁড়ের বাষ্পটা বেশ জোরের সাথে তাদের নিচে পর্বতের কোথাও থেকে বের হচ্ছে।

আবারো ব্যাকপ্যাক কাঁধে তুলে নিয়ে বরফের ভাবের ভারসাম্য ঠিক করে পথ চলতে লাগল দুজন। দ্রুত হাঁটতে হাঁটতে আগ্নেয়পাথর শক্ত আর পরিষ্কার হয়ে গেছে এমন জায়গা হালকা চালে দৌড়ে পার হতে লাগল দুজন।

ওপরে ওঠার জন্য যে ট্রেইল ব্যবহার করেছিল তার কাছে আসতেই— ডুবে যেতে লাগল সূর্য। ইতিমধ্যে দিগন্তের কাছ থেকে সরে এর রশ্মি চলে যেতে লাগল মেস্কিকো থেকে পশ্চিম আর পূর্ব দিকে গুয়েতেমালা বনের বিশাল ছায়া পড়তে শুরু করল। একটুও দেরি না করে নিচে নামতে লাগল স্যাম আর রেমি। মনে পড়ল এমন সব জায়গা একের পর এক হয়ে যেতে লাগল। এবার অবশ্য খেয়াল রাখতে হলো, যেন ঠিকঠাক জায়গায় পড়ে পা, নতুবা হারিয়ে যেতে হবে চিরতরে।

এখন দেখা যাচ্ছে শব্দের উৎস আর ধোঁয়ার মেঘ। পাথুরে পর্বতের পাশের একটা অংশের ফাটল থেকে খুব জোরে বের হয়ে আসছে পানি আর গরম বাতাসের পালকের মতো রেখা। ধোঁয়া থেকে দূরে সরে গেছে দুজন; কিন্তু খুব বেশি দূরে গেল না, যেন আবার পথ না হারিয়ে যায়। এর কাছ থেকে নিচে নেমে যাবার পর স্বস্তির শ্বাস ফেলল দুজন। কিন্তু ঘণ্টাখানেক পর জমে যাওয়া ঝরনার মতো পাথর খণ্ডের কাছে পৌঁছানোর পর আবারো কাঁপতে শুরু করল মাটি।

‘থেমে যাওয়াটাই উচিত হবে।’ বলে উঠল স্যাম। বসে পড়ে স্যামের কাঁধে মাথা রাখল রেমি। নিজেদের জায়গায় স্থির হয়ে বসে রইল, আর কাঁপতে লাগল পুরো পর্বত। এবারে মনে হলো যেন তীব্র হয়ে গেছে কাঁপনের গাতি। তাদের বাম পাশ দিয়ে কয়েক ডজন পাথর গড়িয়ে পড়তে লাগল, অন্য পাথরের গায়ে আঘাত করে শূন্যে উঠে গেল একসাথে, তারপর আবার ভয়ংকর শব্দ করে আছড়ে পড়ল মাটিতে।

একটু পরেই অবশ্য আবার থেমে গেল শব্দ। নীরবতা নেমে এলে পর হাঁটতে শুরু করল দুজন। এখন অবশ্য ধীর হয়ে গেছে চলার গতি। পথিমধ্যে পাথরের টুকরা এসে ভরে গেছে রাস্তা। পা রাখার পুরনো জায়গাগুলো ঢেকে যাওয়ায় নতুন জায়গা খুঁজে নিতে হচ্ছে। অন্ধকার নেমে এলে ফ্লাশলাইট জ্বালাতে হলো প্রতিবার পা ফেলার আগে। আরো একবার ফিরে এলো কম্পন, কিন্তু এবারে তারা পড়ে গেল খোলা আর অরক্ষিত একটা জায়গায়। যেকোনো সময় উড়ন্ত পাথরের টুকরা এসে পড়তে পারে গায়ের ওপর। আর তাই নিচে নামা ছাড়া আর কোনো গতন্তর রইল না।

রাত একটা বাজার পরে যেখান থেকে শুরু করেছিল সেখানে এসে পৌঁছাল স্যাম আর রেমি। প্রধান ট্রেইল ধরে ধ্বংসাবশেষের স্থানেও পৌঁছে গেল। ছোট উপত্যকাটার দিকে এগোতেই মোবাইল ফোনের আলোর আভা দেখা গেল। ‘কারো কাছে নিশ্চয়ই স্যাটেলাইট ফোন আছে।’ বলে উঠল রেমি। ‘আমার ধারণা জোসের কাছে।’ বলে উঠল স্যাম। জোরে চিৎকার করে উঠল রেমি, ‘হ্যালো, নিচে শোনা যাচ্ছে। আমরা এসে পড়েছি।’

ফোনের আভা মুছে গেল সাথে সাথেই। আরেকটা মানবদেহ এগিয়ে এলো আঙিনা ধরে। ‘এই দিকে!’ জোসের গলা চিনতে পারল দুজনই। ফ্লাশলাইট জ্বালিয়ে স্যাম আর রেমিকে পথ দেখাল। ‘তোমরা নিশ্চয় ক্লান্ত হয়ে গেছ? চলো, তোমাদের তাঁবুতে নিয়ে যাই।’

‘প্রথমে, আমাদের বন্ধুকে বরফে জড়াতে হবে।’ জানাল স্যাম।

স্যাম, রেমি আর জোসে ঢুকে গেল মন্দিরের ভেতরে। পরিষ্কার একটা বডিব্যাগ নিয়ে সাবধানে মৃতদেহটাকে ঢুকিয়ে ফেলল এর ভেতর। জিপার টেনে বন্ধ করে দিল মুখ।

‘বেশ হালকাই লাগল।’ বলে উঠল জোসে।

‘বেশিরভাগই তো কঙ্কাল এখন।’ জানাল রেমি। ‘আমাদের জীবিত দেহের ওজনের মাত্র পনেরো শতাংশ থাকে হাড়, আর বেশিরভাগটাই পানি।’ ব্যাগের চারপাশে বরফ দিয়ে আরেকটা ব্যাগ দিয়ে ঢেকে তৎপর তৃতীয় ব্যাগে ভরা হলো সবকিছু।

বাইরে শোনা গেল পদশব্দ। রাউল মেন্ডোজা বলে উঠল, ‘পাহারার দায়িত্ব এখন আমার।’ এরপর মাথা গলিয়ে দিল প্রবেশমুখে, ‘ওহ, ফারগো। তোমাদের দেখে বেশ ভালো লাগছে, পর্বত যখন কাঁপতে লাগল, ভয় পেয়ে গিয়েছিলাম, আমরা।’


‘আমরা ভালো আছি।’ বলে উঠল রেমি। ‘একটু ঘুমালে আরো তরতাজা হয়ে যাব।’

জোসের দেখানো পথ ধরে প্রাচীন একটা রাস্তা বেয়ে আরেকটা সমান্তরাল জায়গায় উঠে এলো স্যাম আর রেমি। সব তাঁবুগুলো এখানেই খাটানো হয়েছে। মাথার ওপর আলো ধরল স্যাম, ‘আমাদের ওপরে কী আছে?’

‘কোনো বারান্দা বা বড় পাথর নেই। আজকের কম্পনের সময়েও কিছু নেমে আসেনি।’

‘ধন্যবাদ জোসে। আর মমির সাথে কাজ করার জন্যও ধন্যবাদ।’

‘শুভ রাত্রি।’ চলে গেল জোসে। নিজেদের তাঁবুতে হামাগুড়ি দিয়ে ঢুকে গেল ফারগো দম্পতি। ঘুমিয়ে পড়ল ভোরের আশায়, একটু পরেই উদিত হলো যা।



তাকানা আগ্নেয়গিরি

রেমির স্যাটেলাইট ফোনের গুনগুন আওয়াজে ঘুম ভেঙে গেল স্যামের। উঠেই বুঝতে পারল যে ইতিমধ্যে মাথার ওপর পৌঁছে গেছে সূর্য। ছোট তাঁবুর মেঝে হাতড়ে ফোন খুঁজে নিয়ে কানে দিল স্যাম। ‘হ্যালো।’

‘স্যাম?’ সেলমা উত্তর্যাশ-এর গলা শোনা গেল। ‘তোমরা দুজন কোথায়?’

‘প্রায় দশ হাজার ফুট ওপরে সক্রিয় আগ্নেয়গিরি তাকানাতে। আজকেই নেমে যাব। কেন? কিছু হয়েছে?’

‘তোমার ওপরেই ছেড়ে দিছি বিচারের ভার।’ বলে উঠল সেলমা। ‘আজ সকালে মেক্সিকো শহরের একটা পত্রিকাতে প্রকাশিত হওয়া আর্টিকেল পাঠিয়ে দিছি তোমাকে।’

‘ঠিক আছে। দেখার পরে ফোন দেব তোমাকে।’

কল কেটে দিয়ে অনলাইনে গিয়ে ই-মেইল খুলতেই অ্যাটাচমেন্ট পেল স্যাম। আর্টিকেলের ওপর ক্লিক করতেই চোখের সামনে ভেসে উঠল মায়ান মন্দিরের রঙিন ছবি, মৃতদেহ আর চিত্রিত পাত্র।

‘ওহ ঈশ্বর!’ অস্ফুটে বলে উঠল স্যাম।

চোখ মেলে উঠে বসল রেমি। ‘কী হয়েছে?’

রেমির দিকে ফোনের স্ক্রিন ঘুরিয়ে দিতেই হা হয়ে গেল সেও। ‘কীভাবে হলো এমন?’

আর্টিকেলের ওপর আঙুল চালিয়ে একের পর এক ছবি দেখতে লাগল স্যাম। শেষ পার্বত্য গ্রামে তোলা পুরো দলের গ্রুপ ছবি আছে একটা। রেমির দিকে তাকিয়ে বলে উঠল, ‘মনে আছে এটা কখন তোলা হয়েছিল?’

‘নিশ্চয়! আমরা সকলে সারি বেঁধে দাঁড়িয়েছিলাম...’ আর তারপর থেমে গেল রেমি। ‘জোসে তার ফোন দিয়েছিল মেয়রের ভাইয়ের হাতে।’

‘আর তারপর আবার জোসের কাছে ফিরিয়ে দিয়েছিল মেয়রের ভাই। তো আমরা তাহলে জানি কোথা থেকে এলো ছবিটা?’

‘তার মানে জোসে ছবিসহ আর্টিকেল দিয়েছে এক প্রতিবেদকের কাছে। দেখি আমার চেয়েও ভালো অনুবাদ করে এমন কাউকে পাওয়া যায় কিনা।’ স্যামের হাত থেকে ফোন নিয়ে তাঁবুর বাইরে অদৃশ্য হয়ে গেল রেমি।

একটু পরে স্যাম গিয়ে দেখল ক্রিস্টিনার পাশে বসে আছে রেমি। ক্রিস্টিনা অনুবাদ করছে। ‘আবিষ্কার করছেন স্যাম আর রেমি ফারগো, তাকানার ওপরে প্রত্যন্ত গ্রামে ত্রাণ সরবরাহ নিয়ে আসা স্বেচ্ছাসেবক দলের সদস্য...।’ থেমে গেল ক্রিস্টিনা।

‘তোমাদের পুরো দাবিদার বানাতেও অন্য কাউকেও বাদ দেয়নি। ছবিতে প্রত্যেকের পূর্ণ নাম দেয়া আছে আর বর্ণনাও একেবারে সঠিক।’

‘তার সততার জন্য শ্রদ্ধা জানাচ্ছি।’ বলে উঠল রেমি। ‘আমরা শুধু ভেবেছিলাম, বাকি পৃথিবী জানার আগে স্থানিকটা সময় পাওয়া যাবে।’

‘যাই হোক, তা পাওয়া গেল না।’ বলে উঠল স্যাম। ‘এখন ঠিক করতে হচ্ছে যে করণীয় কী।’ তাঁবুর চারপাশে তাকাল স্যাম।

‘জোসে কোথায়?’

উঠে দাঁড়িয়ে চারপাশে চোখ বোলাল রেমি। ‘গত রাতে আমরা যখন চলে এসেছিলাম। মন্দিরের পাহারায় ছিল সে।’

দৌড় লাগাল স্যাম। সংকীর্ণ পথটুকু দিয়ে হাঁচট খেতে খেতে গিয়ে থামল মন্দিরে ঢোকার প্রবেশমুখে। দেখা হলো রাউল মেনেডোজার সাথে। ‘সুপ্রভাত স্যাম।’ বলে উঠল রাউল, ‘বুয়েনস ডিয়াস।’

‘বুয়েনস ডিয়াস’, জানাল স্যাম। প্রবেশপথে বাঁকে পড়ে তাকিয়ে দেখল ভেতরের সবকিছু জায়গামতোই আছে। বডিগার্ডের মাঝে মৃতদেহ, পাত্রটাও সরানো হয়নি আর কাঠের পানপাত্রগুলোও স্পর্শ করা হয়নি। রাউলের কাছে গিয়ে গেল সে।

‘আজ সকালে জোসেকে যেতে দেখেছ তুমি?’

‘না।’ জানাল মেনেডোজা। ‘গত রাতে তোমাদের সাথে দেখার পর থেকে আর নয়।’

‘আমার মনে হয় কয়েক মিনিটের জন্য মন্দির ছেড়ে চলে যাওয়া উচিত।’ বলে উঠল স্যাম। ‘কথা বলতে হবে একসাথে।’

‘ঠিক আছে।’

তাঁবুর কাছে ফিরে গেল দুজন। অন্যরা মাত্রই তাদের তাঁবু খুলে ফেলে গিয়ারসহ ব্যাকপ্যাকের মাঝে ভরে জ্বালাতে লাগল আগুন। স্যাম আর রাউল এসে পৌঁছানোর পর রেমি জানাল, ‘জোসে নিজেকে নিয়ে হাওয়া হয়ে গেছে। তাঁবু আর গিয়ারগুলোও নেই।’

‘আমাদের কথা বলতে হবে।’ ‘আমরাও এ ব্যাপারেই কথা বলছিলাম।’ বলে উঠল রেমি।

‘সবাই একমত হয়েছে যে, মন্দিরে লুকিয়ে রাখার ব্যাপারে তেমন কিছু করার নেই আমাদের। খোদাই করা পাথরের পিলারটাকে মাটির নিচে রাখতে পারি, কিন্তু নড়াতে পারব না। একমাত্র যেটা করতে পারি তা হলো মন্দিরের ভেতরকার ছবিগুলো যত বেশি সম্ভব তুলে নিয়ে যাওয়া আর আমাদের বন্ধু আর তার জিনিসগুলোও সাথে নিয়ে যাওয়া।’

‘গ্রাসবাসীদের কাছেও বুঝিয়ে বলতে হবে যে এখানে কী পেয়েছে তারা।’

সকালবেলা গ্রামের মেয়র আর তার দুজন কাছের বন্ধুকে মন্দিরে নিয়ে এসে মেক্সিকো শহরের সংবাদপত্রের আর্টিকেলটা দেখাল অভিযাত্রীরা। স্যাম তাদের এটা বলেও সতর্ক করে দিল যে, লোকজন আসতে শুরু করতে পারে। সরকার আর বিশ্ববিদ্যালয়ের মানুষদের স্বাগত জানানো হলেও খানিক সময়ের জন্য দূরে রাখতে হবে অন্যদের।

ব্যখ্যা শেষ করার পরে মেয়র যখন জানাল যে তিনি বুঝতে পেরেছেন, মন্দির ছেড়ে চলে এলো স্বেচ্ছাসেবকরা। বুকের কাছে আংটির মতো করে বানিয়ে প্রাথমিকভাবে মাটির পাত্রটা ঝুলিয়ে নিল স্যাম আর কৌশলমতে তৈরি করা স্ট্রচারে করে মৃতদেহটা বহন করল মেনডোজা সহযোগীরা। তাদের মাঝখানে শুধু রইল দড়ির দুই মাথা। জীবাণুনাশক বাতাস নিরোধক প্লাস্টিকের ব্যাগে কাঠের পানপাত্র আর এগুলোর মাঝে পাওয়া সবজি আর ফলের ধ্বংসাবশেষ নিয়ে নিলেন ডাক্তাররা।

কয়েক ঘণ্টা পর পরই বরফ গলা পানি ফেলে দিল স্যাম থেমে থেমে। খেয়াল রাখল বডি ব্যাগ যেন অক্ষত থাকে। পুরো দুই দিন লেগে গেল লম্বা ট্রেইল ধরে হেঁটে ইউনিয়ন জুয়ারেজ নামক গ্রামটাতে পৌঁছাতে। কিন্তু রেমির ফোন ব্যবহার করে আগে থেকেই তাপাচুলাতে তাদের নিয়ে যাবার জন্য ট্রাকের বন্দোবস্ত করে রাখল মারিয়া।

ঝাঁকি খেতে খেতে তাপাচুলাতে ফিরে আসার সময় কোলের ওপর রেখে পাত্রটাকে বাঁচাল স্যাম। নিজেদের হাঁটুর ওপরে স্ট্রিচার থেকে মমিকে সাবধানে বহন করল মেনডোজ ভ্রাতৃদ্বয়। ট্রাকের গায়ে লাগলই না স্ট্রিচার। শহরে যেতে যেতে অন্যদের সাথে কথা বলে নিল স্যাম।

‘আমার মনে হয় লোকজনের আলোচনা না থামা পর্যন্ত আমাদের বন্ধুর অবস্থান গোপন রাখতে হবে। মারিয়া, ক্রিস্টিনা আমি ভাবছি তোমাদের কাছে একটু সুবিধা চাইলে কেমন হয়?’

আরো কিছুক্ষণ আলোচনার পর ট্রাককে তাপাচুলার হাসপাতালে যেতে বলল স্যাম। ভেতরে একাই ঢুকল ডা. তালামান্টেস আর ডা. গার্সা। একটু পরেই চাকা লাগানো স্ট্রিচার নিয়ে ফিরে এলো দুজন। তারপর মমি নিয়ে গেল মর্গের রেফ্রিজারেটরে রেখে দেয়ার জন্য। আবারো যখন ফিরে এলো জানা গেল বহু খবর। যখন তারা আগ্নেয়গিরির ওপর ত্রাণ বিতরণ করে বেড়াচ্ছিল এই ফাঁকে শহরের অনেক উন্নতি ঘটে গেছে। বিদ্যুৎ ব্যবস্থা সচল হয়েছে, পূর্ব আর পশ্চিমের রাস্তা পুনরায় চালু হয়ে গেছে আর বিমানবন্দরেও আন্তর্জাতিক ফ্লাইট ওঠানামা করছে।

চারজন মিলে ক্যাবে উঠে সদ্য পরিষ্কার আর আংশিক মেরামত করা রাস্তা ধরে ছুটে চলল এয়ারপোর্টের দিকে। স্যাম যখন ড্রাইভারকে ভাড়া মেটাচ্ছে, ক্রিস্টিনা তালামান্টেস বলে উঠল, ‘স্যাম, রেমি, তোমাদের দুজনকেই মিস করব আমরা।’ ফারগো দম্পতিকে জড়িয়ে ধরে বিদায় জানাল। একই কাজ করল মারিয়া গার্সা। ‘কিন্তু আকাপুলকো উড়ে যাওয়াটাই ভালো হবে যেন নিজেদের কাজে যোগ দিতে পারি।’

‘তোমাদের আমরাও মিস করব।’ বলে উঠল রোমি। ‘কয়েক সপ্তাহের মধ্যে আমাদের ফাউন্ডেশনের কেউ না কেউ যোগাযোগ করবে।’

অবাক হয়ে গেল ক্রিস্টিনা।

‘কেন?’

‘এটা তো নিশ্চয় শেষ বিপর্যয় নয়।’ জানাল স্যাম। ‘কিন্তু হয়তো আমাদের ফাউন্ডেশন পরবর্তীটা আসার আগে প্রস্তুতি নিতে সাহায্য করতে পারবে। আমরা চাই তুমি এবং মারিয়া আমাদের পরামর্শ দেবে যে কোথায় আর কোন খাতে কত অর্থ খরচ করতে হবে।’

মারিয়া, সাধারণত একটু লাজুক স্বভাবের হলেও স্যামকে ধরে গালে কিস করল। তারপর ছেড়ে দিয়েই তাড়াতাড়ি হেঁটে চলে গেল টার্মিনালের দিকে। হেসে ফেলল ক্রিস্টিনা। বলে উঠল, ‘তুমি যেমনটা বললে তেমন হলে

যারপরনাই আনন্দিত হব আমরা।’ ঘুরে দাঁড়িয়ে হালকা পায়ে দৌড় লাগাল মারিয়াকে ধরতে।

এয়ারপোর্ট বারে এসে বসল স্যাম আর রেমি। স্যাম বলে উঠল, ‘তুমি জানো আমার কী নিতে ইচ্ছা করছে? একেবারে বরফ ঠাণ্ডা কিছু একটা পান করতে। বহুদিন হয়ে গেল।’ দুই বোতল বিয়ার অর্ডার দিয়ে সেলমাকে ফোন করল।

‘হ্যালো, তোমরা দুজন, কোথায়?’ জানতে চাইল সেলমা।

‘হাই, সেলমা। আমরা তাপাচুলায় ফিরে এসেছি, এয়ারপোর্টে আর সময় হয়েছে অন্য কোথাও যাবার। প্রশান্ত মহাসাগরের উপকূলে কোথাও একটা রিসোর্ট খুঁজে দেবে, যেটা ভূমিকম্পের কবলে পড়েনি?’

‘আমি সর্বোচ্চ চেষ্টা করব। ফোন হাতের কাছেই রেখ।’

বিয়ার শেষ করার আগেই আবার বেজে উঠল স্যামের স্যাটেলাইট ফোন। ‘সেলমা?’

‘প্রায় একইরকম। পঁয়তাল্লিশ মিনিটের মাঝে তোমাদের হ্যাটুলকো নিয়ে যাবার জন্য একটা অ্যারোমেক্সিকো ফ্লাইটের টিকিট অপেক্ষা করছে। কাছাকাছি কিন্তু একেবারেই কোনো ক্ষতি হয়নি। হোটেলের নাম লাস ব্রাইসাস। সমুদ্রতীরে খুবই ভালো একটা হোটেল আর তোমাদের রুমের সাথে সমুদ্রের দিকে মুখ করা বরান্দাও আছে। তোমাদের জন্য একটা গাড়ি ভাড়া করে দিয়েছি আমি, এয়ারপোর্ট থেকে নিয়ে নিও।’

‘ধন্যবান, সেলমা।’

হ্যাটুলকো গিয়ে সাইন করে গাড়ি নিল স্যাম আর রেমি। এরপর ড্রাইভ করে গেল লাস ব্রাইসাস হোটলে। পুলে গিয়ে ভেজা গায়ে শুয়ে রইল লম্বা ডেক চেয়ারে, হাতে মার্গারিটা। প্রায় এক ঘণ্টা পরে স্যামের দিকে ফিরল রেমি, সানগ্লাস খুলে ফেলে বলে উঠল, ‘যদি তুমি আজ রাত সাতটায় আমাকে একটা অসাধারণ ডিনারে নিমন্ত্রণ কর তাহলে চেষ্টা করব আমার বস্তু শিডিউল থেকে খানিকটা সময় বের করতে।’

হোটেলের দোকান থেকে নতুন পোশাক কিনে ঠিক সাতটায় রেস্টোরাঁতে ঢুকল দুজন। আমন্ডরেড সসে মাখানো পাখির মাংস অর্ডার দিল স্যাম। রেমি নিল সামুদ্রিক খাবার, স্ল্যাপার, কড আর শ্রিম্প দিয়ে তৈরি পোজল। এর সাথে আর্জেন্টাইন মালবেক আর চিলিয়ান সঙিনন ব্লাঙ্ক। আরো মেক্সিকান কেক আর পলভোরনস দি কল, স্থানীয়ভাবে তৈরি দারুচিনির কুকিজা, ডেজার্টের জন্য।

ডিনারের পর বিচে হেঁটে বেড়াল দুজন। এরপর বারে গিয়ে চুমুক দিল ক্যাবো ইউনোলোল্যান্ড একস্ট্রা আনিজো তাকিলাতে; সেটার নিচে হালকা করে ভ্যানিলার গন্ধ মেশানো।

‘ধন্যবাদ স্যাম। আমার ভালো লাগে তোমাকে বলতে যে, মনে রাখবে আমি একটা মেয়ে। তোমার সেনাবাহিনীর পুরনো দোস্ত নেই।’

‘মাথায় একটা চাপড় না খেলে ভুল হতোই।’ সুগন্ধযুক্ত, শক্তিশালী, তাকিলাতে চুমুক দিল স্যাম। ‘দুজনের জন্যই ভালো হলো এই পরিবর্তনটা। তাঁবুতে থাকা আর সুয়ারেজের পাইপ ঘেঁটে দিন পার করা কয়েক দিনের জন্য ঠিক আছে কেবল।’

তাকিলা শেষ করে উঠে দাঁড়াল দুজন। রেমি গিয়ে স্যামের চেয়ারের পেছনে দাঁড়িয়ে স্যামের কাঁধে হাত রেখে নিচু হয়ে কিস করল স্বামীর মাথায়। সেকেন্ডখানেকের জন্য নিজের তামাটে চুল ছড়িয়ে দিল স্যামের দু’পাশে সিক্কের পর্দার মতো করে। এরপরই আবার সোজা হয়ে দাঁড়িয়ে বলে উঠল, ‘যাবে না?’

হাতে হাত রেখে হেঁটে গিয়ে প্রবেশমুখের এলিভেটরে উঠে গেল দুজন। রুমের দরজা খুলল স্যাম কিন্তু হঠাৎ করেই হাত দিয়ে বাঁধা দিয়ে থামিয়ে দিল রেমিকে। লণ্ডণ্ড হয়ে আছে পুরো রুম। বিছানার ওপর উপর করে ফেলে রাখা হয়েছে তার আর রেমির সবকিছু। ক্রোজোটের দরজা খোলা। তাকের ওপর থেকে নামিয়ে মেঝেতে ফেলে রাখা হয়েছে বালিশ আর কম্বল। বলে উঠল স্যাম, ‘ভাগ্য ভালো যে রুমের লকার ব্যবহার করিনি আমরা। ব্যাগ থেকে গায়েব হয়েছে কিছু?’

নিজের কিছু কাপড়চোপড় একপাশে সরিয়ে ব্যাগের ভেতর চেইনঅলা একটা জায়গা খুঁজে দেখল রেমি। এরপর ফিরে এসে রুমের চারপাশে তাকাল।

‘কিছু না নৌবিহারে কোনো শৌখিন গয়না আনি না আমি। মূল্যবান গিয়ার বলতে স্যাটেলাইট ফোন আর ডাউড ওয়াচ। আমাদের সাথেই আছে এগুলো।’

‘আমারও কিছু খোয়া যায়নি।’

‘প্লিজ বলো যে পার্কি অ্যাটেনড্যান্টের দেয়া রিসিট এখনো আছে তোমার কাছে?’ জানতে চাইল রেমি। ‘গাড়ির ট্যাংকে রাখা আছে পাশ্চাট।’

‘এই যে রশিদ।’ হাতের ওপর রশিদ মেলে ধরল স্যাম।

‘চলো চেক করে দেখি।’

এলিভেটরে চেপে পার্কিং গ্যারাজে নেমে এলো দুজন। ভাড়া করা গাড়িটা খুঁজে নিয়ে ট্রাঙ্ক খুলে ফেলল। পাত্র, রেমির কম্পিউটার জ্যাকেটে মোড়ানো অবস্থাতেই আছে। আর মায়ান লোকটার ব্যবহৃত শস্যদানাসহ কাঠের পানপত্র ও ঙায়গামতোই আছে।

‘সবকিছু ঠিক আছে।’ জানাল রেমি।

‘যেই হোক না কেন গাড়িটা খেয়াল করেনি বা আমাদের সাথে গাড়িটার সম্পর্ক আবিষ্কার করতে পারেনি অথবা এ পর্যন্ত পৌঁছাতে পারেনি।’

‘তোমার কী মনে হয়? কী হচ্ছে এসব?’

‘আমার মনে হয় না এটা কোনো সাধারণ হোটেলরুম ডাকাতি। সংবাদপত্রের আর্টিকেল বা ইন্টারনেটে দেখে কেউ হয়তো আমাদের চিনতে পেরেছে আর ভেবেছে যে, মন্দির থেকে গুরুত্বপূর্ণ কিছু নিয়ে এসেছি আমরা।’

‘পাত্রটা?’ জানতে চাইল রেমি।

‘হয়তো এটা মূল্যবান আর আমাদের কাছে এটাই আছে একমাত্র, কিন্তু যেই হোক না কেন, তারা তো এটা জানে না।’

‘তাহলে যা করতে হবে সেটা হলো, এখান থেকে চলে যাওয়া।’ বলে উঠল রেমি। ‘আর খেয়াল রাখতে হবে, যেন কেউ অনুসরণ করতে না পারে।’

এবার স্যাম জানাল ‘এখনই এ হোটেল ছেড়ে অন্য হোটেলে চলে যাব আমরা।’

‘কোথায়?’

‘দেশের আরেক প্রান্তে।’

‘শুনে তো ভালোই দূর মনে হচ্ছে।’

‘এখানেই থাকো। আমি ওপরে গিয়ে এক্সপ্রেস চেক আউট করে পেছনের সিঁড়ি দিয়ে ব্যাগ নিয়ে নামছি।’

‘তুমি এসব করতে করতে আমি সেলমাকে ফোন করে জানিয়ে দিচ্ছি যে আমরা কোথায় যাচ্ছি।’ এই বলে আবার জানতে চাইল রেমি, ‘আমরা কোথায় যাচ্ছি?’

‘কানকুন।’ শশব্যস্ত পায়ে হোটেলে ঢুকে গেল স্যাম।

আধাঘণ্টার মাঝে ভাড়া গাড়িতে করে রাস্তায় নেমে এলো দুজনে। শুরু হলো হ্যাটুলকো থেকে কানকুন পর্যন্ত নয়শ মাইলের ড্রাইভ। বেশ রাত হয়ে গেছে তাই—ট্রাফিক ও তেমন নেই। শক্ত হাতে ড্রাইভ করতে করতে নজর রাখল স্যাম যে কেউ অনুসরণ করছে না। দুই ঘণ্টা পরে সেমি বসল ড্রাইভিং সিটে, টানা চারটা পর্যন্ত গাড়ি চালাল দুজন মিলে। ট্রাফিকটা গিটিরেজের বন্ধ গ্যাস স্টেশনে থেমে দেখল আটটা বাজে, এটি না খাওয়া পর্যন্ত ঘুমাল। এরপর ট্যাংক ভরে নিয়ে গাড়ি চালিয়ে গাফ কোস্টের সেন্ট্রোতে। কানকুন পর্যন্ত না পৌঁছানো পর্যন্ত বিরতি দিয়ে দিয়ে দুজন সমানে গাড়ি চালাল। এরপর ক্রডিন প্যারাডাইস ক্লাবে চেক ইন করে গোসল সেরে ঘুমাল সকাল পর্যন্ত।

ঘুম থেকে উঠে গাড়ি চালিয়ে গেল এলসেদ্রিতে, শহরের মধ্যখানে, কেনাকাটার জন্য। ছোট ছোট অনেকগুলো দোকান পাওয়া গেল, যেগুলো

তৈরিই হয়েছে আমেরিকান ট্যুরিস্টদের প্রয়োজনের কথা মাথায় রেখে সেরকম ঙ্গিনিস দিয়ে। অসংখ্য স্যুভেনির কিনে আনল দুজন মিলে, সবগুলোই কমদামি মায়া সভ্যতার বিভিন্ন স্মারকপাত্র—বোল, দেয়ালে ঝোলানোর ঙ্গিনিস, ম্যাটস, আর মায়ান চিত্রকলা আর লেখাসমেত কাপড়। সবকিছুর ওপরেই মায়ান রাজা, যাজক আর দেবতাদের ছবি আঁকা। কিন্তু যেনতেন আর ঙ্গমকালোভাবে আঁকা হয়েছে ছবিগুলো। হবি শাপে গিয়ে রূপালি, সোনালি রং আর ব্রাশসমেত অ্যাক্রিলিক পেইন্টের সেটও কিনে নিল।

হোটেলরুমে বসে মন্দির থেকে আনা সত্যিকারের মায়ান পাত্রটাকে নিয়ে বসল স্যাম। নকশার ওপরে রং করে ছবিগুলোকে একেবারে সস্তাদরের বানিয়ে ফেলল, যেন ঠিক তাদের কিনে আনা কম দামি স্যুভেনিগুলোর মতোই দেখায়। মায়ান রাজার পরিহিত গয়না রাঙিয়ে দিল উজ্জ্বল সোনালি রঙে আর শিল্প আর যুদ্ধের অংশ হাইলাইট করে দিল রূপালি রং দিয়ে।

রং শুকিয়ে যাবার পরে হোটেলের তথ্য বিভাগে খোঁজ নিয়ে জানতে চাইল যে, তাদের সৈন্য স্যুভেনিরগুলো দেশে পাঠানোর জন্য মেইলিং কম্পানি কোথায় পাওয়া যাবে। উত্তরে শুনতে পেল হোটেলই তাদের এ সেবা দিতে প্রস্তুত। স্যাম আর রেমি তাকিয়ে তাকিয়ে দেখল যে, হোটেলের পাঠানো লোকটা বড় একটা প্যাকিং বাক্স এনে পাত্রটা রেখে তার চারপাশে ভরে দিল কিনে আনা ম্যাট, দেয়ালে ঝোলানোর পর্দা, কাপড় দিয়ে আর বাকি জায়গাটুকুও ভরে দেয়া হলো স্টাইরোফোম দিয়ে, তারপর বন্ধ করে দেয়া হলো বাক্স। এরপর লোকটার সহায়তা নিয়ে কাস্টমস, ডিক্লারেশন ফিলআপ করল স্যাম আর রেমি। যাতে লেখা রইল যে, এটা ‘মেক্সিকো থেকে স্যুভেনির’ আর একশ ডলারের মূল্যও চুকিয়ে দিল।

লা জোল্লাতে বাসা পর্যন্ত পৌঁছানোর জন্য শিপিং খরচ ছাড়াও লোকটাকে বহু টাকা টিপস দিয়ে বিচে চলে এলো স্যাম আর রেমি। ইজু শহরে গরম একটা সকালবেলা কাটাবার পর অগভীর পানিতে দাপাদানি করা।

রাতে নিজেদের রুম থেকে সেলমাকে ফোন করল দুজন।

‘হাই, কী খবর তোমাদের? এবার কী হলো? কেমনা নাকি?’

‘এখনো না।’ জানাল, স্যাম। ‘তোমাকে শুধু এটুকু জানাতে চাই যে, ইডকাতান থেকে কিছু স্যুভেনির পাঠিয়েছি লা জোল্লার বাসার জন্য।’

‘ঠিক আছে। আমি খেয়াল রাখব। বড়সড় বাক্স নাকি?’

‘হ্যাঁ।’ এভাবে কথা বলে উঠল রেমি। ‘কয়েকটা মাটির পাত্র আছে, সেগুলো যাতে না ভেঙে যায় খেয়াল রেখ।’

হালকা একটু বিরতি দিল সেলমা। ফারগো দম্পতি বুঝতে পারল যে সেলমাও বুঝতে পেরেছে প্যাকেটটার মূল্য। ‘আর কোনো চিন্তা করো না এটা নিয়ে। বাসায় ফিরছ নাকি?’

‘যত তাড়াতাড়ি ফ্লাইট পাই।’ বলে উঠল স্যাম।

‘সান ডিয়েগোতে এলে কোথায় ঘুমাবে ভেবে দেখেছ? বাসার চার তলা এখনো সংস্কারাধীন, বেডরুম জাতীয় কিছু এখনো ফুটে ওঠেনি।’

‘গতকাল পর্যন্ত ঘুমিয়ে ছিলাম। সক্রিয় একটা আগ্নেয়গিরির পাশে।’ বলে উঠল রেমি। ‘ঠিক চালিয়ে নেব, সমস্যা নেই।’

‘তোমরা ভ্যালেনিয়া হোটেলে থাকতে পারবে। আমি একটা সুইট বা ভিলা রিজার্ভ করে রাখব। তাহলে প্রতিদিন লন বা বিচ পার হয়ে বাসায় হেঁটে আসতে পারবে।’

‘শুনতে তো ভালোই লাগছে।’ জানাল রেমি। ‘যদি ভিলা ভাড়া নিই, সুলতানকে আমাদের ভাড়া নিই, সুলতানকে আমাদের সাথে থাকতে দেবে?’

‘আমি দেখব, যেন তারা অ্যারেঞ্জ করতে পারে। এমনকি তাদের দেখিয়েও আনব যে সুলতান কতটা অনুকরণীয় একটা প্রাণী।’ উত্তর দিল সেলমা।

‘সম্ভবত এটা ভালো আইডিয়া হবে না।’ এবারে কথা বলল স্যাম। ‘একশ বিশ পাউন্ডের একটা কুকুর যখন তুমি বসতে বললে বসবে, এখানে তেমন বিশ্বাসযোগ্য নয়।’

‘তার গুনগান গেয়ে একটা ড্যামেজ ডিপোজিটও করে দেব আমি।’

‘খেয়াল রেখ যেন কোনো কামড়ের ঘটনা ঘটলে এ অর্থ দিয়ে সমাধান করা যায়।’

‘স্যাম! ধমকে উঠল রেমি। ‘প্লেনে ওঠার আগে ফোন করব আর।’

রেমির কম্পিউটার ব্যবহার করে বাসায় ফেরার টিকিট কেটে নিল স্যাম। এরপর মায়া সভ্যতার ওপর বিশেষজ্ঞ আমেরিকান পুরাতাত্ত্বিক প্রফেসরদের নাম খুঁজে দেখল। আশ্চর্য হয়ে দেখল, সান ডিয়েগোতে ইউনিভার্সিটি অব ক্যালিফোর্নিয়াতেই আছেন প্রফেসর ডেভিড কেইন। ড. কেইনকে ই-মেইল করে তাকান না। আগ্নেয়গিরিতে তার আর রেমির আবিষ্কারের কাহিনি জানিয়ে সাথে মেক্সিকান নিউজ আর্টিকেল অ্যাটাচ করে পাঠিয়ে দিল কেইনের কাছে। জানতে চাইল বাসায় ফেরার পর তাদের সাথে দেখা করা সম্ভব কিনা। পাঠানোর পূর্বে রেমিকে দেখিয়ে নিল ই-মেইলটা।

দেখেশুনে রেমি বলল, ‘আমি বলব সেভ বাটনে ক্লিক করো।’

‘তোমার মনে হয় না যে আমাদের সম্পর্কে কিছু লেখা দরকার? হতে পারে অন্যান্য দেশে আমরা যেসব খোঁড়াখুঁড়িতে অংশ নিয়েছিলাম, তাদের একটা লিস্ট দিয়ে দেয়া?’

‘এটা কাউকে করতে হবে না। এটা যখন পড়বেন, তখনি কম্পিউটারের সামনে থাকবেন তিনি। গুগলে গেলেই আমাদের সম্পর্কে যা জানার জেনে যাবেন।’

‘আমারও তাই মনে হয়।’

এক ঘণ্টার মধ্যে এসে গেল প্রফেসর কেইনের উত্তর। জানিয়েছেন যে, তাদের সাথে দেখা করতে পারলে খুশিই হবেন আর আগ্রহ নিয়ে তাদের সাম্প্রতিক আবিষ্কার সম্পর্কে শুনতে অপেক্ষা করছেন। স্ক্রিনের দিকে নির্দেশ করল রেমি, “দেখেছ? আমাদের ‘সাম্প্রতিক আবিষ্কার’ তার মানে আমাদের সম্পর্কে গুগল থেকে তথ্য নিয়েছেন।”

সন্ধ্যাবেলা, স্যাম আর রেমি হোটেল থেকে চেক আউট করে ভাড়া করা ট্যাক্সি নিয়ে চলল শহরের দক্ষিণে বিমানবন্দরের দিকে। ট্রাফিকে দুজনের ব্যাকপ্যাক রেখে দিল ড্রাইভার। কিন্তু ক্যাবে উঠতে যেতেই খানিকটা দ্বিধা দেখা দিল রেমির মাঝে।

‘কী?’ জানতে চাইল স্যাম ‘কিছু হয়েছে?’

মাথা নাড়ল রেমি। ‘বাইরে প্রধান প্রবেশমুখের কাছে একটা লোক দাঁড়িয়ে ছিল। আমরা আসতেই দৌড়ে পালিয়েছে।’

‘কোন দিকে?’

‘আমি জানি না, মনে হয় রাস্তার দিকে।’

‘হতে পারে হয়তো অন্য কারো পার্কিং অ্যাটেনডেন্ট। গাড়ি আনতে গেছে?’

‘তাই হবে আসলে।’ বলে উঠল রেমি। ‘আমার মনে হয় একটু ছটফট লাগছে আজ। যা সব অভিজ্ঞতা হলো এ কয়দিনে...’

পেছনের সিটে, তারা উঠে বসতেই ইংরেজিতে জানতে চাইল, ‘কোন এয়ারলাইন?’

‘অ্যারোমেক্সিকো।’

লম্বা ড্রাইভওয়ে পেরিয়ে ফেডারেল হাইওয়ের দিকে চলল ক্যাব। বিমানবন্দর প্রায় দশ মাইল দূরে আর গাড়িগুলো ঠিকঠাকভাবে এগিয়ে গাছে। ওই সময় ও ভালো কাটল। মেক্সিকো উপসাগরের দিকে তাকিয়ে পাড়ি দিল পথটুকু।

সামনে ডানদিকে বিমানবন্দর চোখে পড়তেই দ্রুতগতিতে কালো একটা গাড়ি চলে এলো তাদের পেছনে। পাশে চলে এসে কালো সুট পরিহিত কঠিন চেহারার এক লোক ইশারা করে গাড়ি থামাতে বলল।

‘পোলিসিয়া’ বলে বিড়বিড় করে উঠল ড্রাইভার। থামানোর জন্য ভালো একটা জায়গা খুঁজতে লাগল। রিয়ার উইন্ডো দিয়ে স্যাম তাকিয়ে দেখল তাদের ক্যাব থেমে যেতেই কালো গাড়িটা পেছনে এসে বাম্পার থেকে কয়েক ফুট দূরে থেমে গেল। বেরিয়ে এলো দুজন লোক। ক্যাবের জানালার কাছে হেঁটে এসে হাত বাড়িয়ে দিল একজন। ড্রাইভার নিজের লাইসেন্স তুলে দিল লোকটার হাতে। ফিরিয়ে দিয়ে পেছনের সিটে বসে থাকা ফারগোদের দিকে তাকাল লোকটা।

দ্বিতীয়জন তাদের ক্যাবের পেছনে ডানদিকে, বেটের হোলস্টারে বন্দুকের ওপর এক হাত রেখে দাঁড়িয়ে আছে। ফিসফিস করে রেমি বলে উঠল, ‘পেছনের লোকটাকেই আমি একটু আগে দৌড়ে যেতে দেখেছি।’

ড্রাইভারের পাশে দাঁড়ানো লোকটা বলে উঠল, ‘আব্রা এলো মালেটেরো।’

ট্রাঙ্ক খোলার জন্য বোতামে চাপ দিল ড্রাইভার। গাড়ির পেছনে দাঁড়ানো লোকটা তাদের ব্যাকপ্যাকের চেইন খুলে ফেলল।

‘কী খুঁজছ তোমরা?’ জানতে চাইল স্যাম।

ড্রাইভারের পাশে দাঁড়ানো লোকটা তার দিকে তাকালেও কিছু বলল না।

দরজাটা এক ইঞ্চি খুলল স্যাম বাইরে বের হবার জন্য। কিন্তু কোমর দিয়ে ধাক্কা দিয়ে দরজা আটকে নিজের বন্দুক স্যামের দিকে তাক করল লোকটা।

নিজের সিটে কোলের ওপর দুই হাত রাখল স্যাম। জানালা থেকে সরে গেল লোকটা।

ক্যাব ড্রাইভার আস্তে করে বলে উঠল, ‘প্লিজ, সিনোর। এরা পুলিশের লোক নয়। আমাদের সবাইকে মেরে ফেলবে।’

কালো গাড়ির ট্রাঙ্কে ব্যাকপ্যাক দুটো ভরে নিয়ে গাড়িতে উঠে মিলে গেল লোক দুজন। স্যাম এবার জানতে চাইল, ‘কারা ওরা?’

‘আমি জানি না।’ বলে উঠল ড্রাইভার। ‘বেশিরভাগ সময় এসব লোকের সাথে কিছু বলা যায় না। সবাই জানে যে তারা এখানে—বাকিট্রাফিক্যানটস, এ জায়গাটাকে শিপমেন্ট পয়েন্ট হিসেবে ব্যবহার করে—কারো খোঁজে শহরে আসে জিতাস। কোনো না কোনোভাবে তোমাদের খুঁজে নিয়েছে। হয়তো তোমরাই আমাকে বলতে পারবে কেন।’

জ্র কুঁচকে একে অন্যের দিকে তাকাল স্যাম আর রেমি। ‘শুধু এয়ারপোর্টে নিয়ে যাও আমাদের।’ বলে উঠল স্যাম। ‘প্লেন ধরতে হবে।’

টার্মিনালের সামনে গোলাকার ড্রাইভওয়েতে পৌঁছে ড্রাইভারকে অনেক টাকা বখশিশ দিয়ে স্যাম বলে উঠল, ‘নাও, এটা তোমার প্রাপ্য।’

ভেতরে ঢুকতেই রেমি বলে উঠল, ‘তারা কিসের খোঁজে এসেছে নিশ্চয় তুমি জানো?’

‘আমি জানি’, উত্তর দিল স্যাম।

‘আবারো যদি জোসে সানচেজের সাথে দেখা হয় তাহলে ফ্রি পাবলিসিটি করে দেয়ার জন্য তাকে ধন্যবাদ জানাব। আমাদের বিখ্যাত বানিয়ে দিয়েছে সে। বেহুদা আর্টিকেলটার জন্য অন্য কেউ এসে খুন করে ফেলার আগে চলো গেইটের মধ্যে ঢুকে পড়ি।’

ডালাস ফোর্টে কিছুক্ষণ থামাসহ আট ঘণ্টার দেশে ফেরার ভ্রমণটা মন্দ হলো না। অন্ধকার নামার পরে সান ডিয়েগোর ওপর দিয়ে উড়ে যাবার সময় নিচে শহরের আলোর দিকে তাকাল দুজন। স্যামের হাত চেপে উঠল রেমি। ‘অনেক মিস করেছি এ জায়গা। কুকুরটাকে মিস করেছি। দেখতে চাই আমাদের ঘর নিয়ে কী করেছে তারা।’

‘ছুটির মাঝে বিশ্রাম নেয়ার সুযোগ পেলেই ভালো হয়।’ বলে উঠল স্যাম।


পেছনে হেলান দিয়ে বসে স্বামীর দিকে তাকাল রেমি। ‘তুমি ইতিমধ্যে আবার কোথাও যাবার কথা ভাবতে শুরু করে দিয়েছ, তাই না?’

‘ঘরে ফিরতে পারলেই বাঁচি।’ জানাল স্যাম। ‘কোথাও যাবার জন্য নির্দিষ্ট কোনো পরিকল্পনা নেই।’

আবারো স্যামের গায়ে হেলান দিল রেমি। ‘আমার মনে হয় এখন আমাদের তাই করতে হবে। কোনো নির্দিষ্ট পরিকল্পনা নেই মানে আমরা কালই আবার কোথাও ছুটছি না।’

‘ঠিক তাই।’ জানাল স্যাম। ‘যেমন আজকে আমাদের কোনো লাগেজ ও নেই।’

The Online Library of Bangla Books
BANGLA BOOK.ORG



লা জোল্লা

মেক্সিকো থেকে ফিরে আসার পর প্রথম দিকে জার্মান শেফার্ড কুকুর সুলতানকে নিয়ে ভ্যালেন্সিয়া হোটেলের গ্রাউন্ড ফ্লোরের পেরিয়ে গোল্ডফিশ পয়েন্টে নিজেদের বাড়ি দেখতে হেঁটে চলেছে স্যাম আর রেমি। নতুনভাবে তৈরি বাড়িটা দেখার কথা ভেবে দুজনই উচ্ছ্বসিত। খালি চোখে দেখে একটুও বোঝা গেল না যে কয়েক মাস আগে ত্রিশজনের বেশি সশস্ত্র একটি দল এসে অটোমেটিক অস্ত্র দিয়ে ঝাঁঝরা করে দিয়ে গেছে পুরো বাড়ি। দেয়াল ফুটো করা হাজারো বুলেটের গর্ত, কাঠের টুকরা, ডজনখানেক ভাঙা জানালা পিকআপ ট্রাক দিয়ে উপড়ে ফেলা সদর দরজা, সব উধাও হয়েছে প্রতিটি জিনিস।

শুধু কিছু কিছু জায়গা দেখলে তীক্ষ্ণ কোনো পর্যবেক্ষকের চোখে ধরা পড়বে, যে যুদ্ধটা একটা ঠিকই হয়েছিল। সত্যিকারের নকশা থাকা একশ বছরে একবার আসা প্রশান্ত মহাসাগরীয় ঝড় এড়ানোর স্টিলের শাটার সরিয়ে ফেলে সে জায়গায় লাগানো হয়েছে মোটা এক স্টিলের প্লেট, যেটা বাতাসে চাপ দেয়া মাত্রই মাধ্যাকর্ষণের চাপে ভেঙে এসে আটকে যাবে। নিরাপত্তা ব্যবস্থার মাঝে সংযুক্ত করা হয়েছে পুরো বাড়ির ওপর চক্কর দেয়ার মতো ক্যামেরা। মাটির ধারে লাগানো লম্বা পাইনের মাথায়ও লাগানো হয়েছে। ফ্লোরে হেঁটে বেড়ানোর সময় ট্যুর গাইডের মতো কথা বলতে লাগল সেলমা। 'প্লিজ, খেয়াল করে দেখ যে প্রতিটি জানালায় লাগানো হয়েছে ডাবল পেনড

সেফটি গ্লাস। আমি নিশ্চিত যে স্নেজহ্যামার এলেও কেউ ভাঙতে পারবে না এগুলো।’

সোজা বুককেসের দিকে হেঁটে গেল সেলমা। নির্দিষ্ট একটা বই তুলে নিতেই দরজার মতো খুলে গেল কেস। স্যাম আর রেমি তাকে অনুসরণ করে ভেতরের প্যাসেজে ঢুকতেই বন্ধ হয়ে গেল দরজা। ‘দেখছ?’ বলে উঠল সে। ‘বুককেস খোলার সাথে সাথে আলো জ্বলে উঠেছে। বাকি সবকিছু তোমাদের নকশামতোই হয়েছে।’ সিঁড়ির দিকে পথ দেখিয়ে স্টিলের একটা দরজার কাছে নিয়ে এলো স্যাম আর রেমিকে। যেখানে কম্বিনেশন লক দেয়া আছে। সেলমা কোড চাপ দিতেই খুলে গেল দরজা। কংক্রিটের চেম্বারে ঢুকল সকলে। ‘আমরা এখন সামনের লনের নিচে।’ সিলিংয়ের দিকে তাকিয়ে ঘোষণা করল সেলমা। ‘খেয়াল করলে দেখবে যে আলো আর বাতাস চলাচল অটোমেটিক্যালি হচ্ছে। দুইশ ফুট কংক্রিটের কালভার্ট, সাত ফুট গোলাকার আয়তনের গ্যুটিং গ্যালারি তৈরি করেছে নির্মাতারা।’

‘ফায়ারিং রেঞ্জ, শুনতে পেলেই পছন্দ করব আমরা।’ বলে উঠল রেমি।

‘ঠিক তাই। জানাল স্যাম। যদি আমরা একে গ্যুটিং গ্যালারি নাম দিই তাহলে মানুষজনকে কিউপি পুতুল আর টেডি বিয়ার জেতার সুযোগ দিতে হবে।’

‘তোমাদের যেমন ইচ্ছা।’ বলে উঠল সেলমা। ‘পেছনে তাকালে দেখতে পাবে দুটো একস্ট্রা বড় বন্দুকের তাক রেখেছি আমি। যেন বন্দুক আর গুলি স্টোর করতে পারো। আর এখানে বিশ্রাম নেয়ার বেঞ্চ পাশে অস্ত্র পরিষ্কার আর ঠিক করার একটা বেঞ্চ।’

‘মনে হচ্ছে এই প্রজেক্টে বেশ মজা পেয়েছ তুমি। কখনো তো বন্দুক নিয়ে এত মাথাব্যথা দেখিনি।’ বলে উঠল রেমি।

‘মি. বাকো, মি. পলিয়াকফ আর মি. লি ক্লার্ক আর তাদের ছোটদের এদৌলতে অস্ত্রশস্ত্রের প্রতি এমন আগ্রহ জেগেছে, যা আগে কখনো বোধ করিনি।’

‘ঠিক আছে। তোমাকে অসংখ্য ধন্যবাদ যে সবকিছুর দেখাশোনা করেছে।’ জানাল রেমি। ‘অন্য প্রান্তে কী আছে?’ বেঞ্জের শেষ মাথায় দেখাল রেমি।

‘পঁয়তাল্লিশ ডিগ্রি কোণের স্টিলের একটা শিট সেট, যেন বালির মাঝে গোঁথে যায় সব। ফলে গুলির লাফালাফি হবে না।’

স্যাম জানতে চাইল, ‘বের হবার জন্য অন্য কোনো পথ আছে?’

‘হ্যাঁ। স্টিলের পাতগুলোর পেছনে দ্বিতীয় সিঁড়ি আছে, যেখান দিয়ে রাস্তার ওপর পাইনের ধারে চলে যাওয়া যাবে।’

‘গ্রেট।’ বলে উঠল স্যাম। ‘চলো ওপরে যাই, দেখে আসি নতুন করে বিদ্যুৎ সংযোগের জন্য ওয়্যারিং কেমন হয়েছে।’

‘আমার ধারণা তুমি খুশিই হবে।’ বলে উঠল সেলমা। মাসের পর মাস এটা নিয়ে কাজ করে মাত্র গত সপ্তাহেই শেষ করেছে। একটা ইমার্জেন্সি জেনারেটরের পরিবর্তে এখন চারটা লাগানো হয়েছে। বিভিন্ন ফাংশনের জন্য পৃথক পৃথক সার্কিট। এই ঘরকে এখন এক সেকেন্ডও বিদ্যুৎ ছাড়া রাখা যাবে না।

সংকীর্ণ করিডর পেরিয়ে বুককেসের দরজার মধ্য দিয়ে অফিসে ফিরে এলো তিনজন। সেলমা জানাল, ‘এটাই মজার হয়েছে তো। আগে ছিল না এখানে।’

সেলমার ইশারার দিকে তাকাল স্যাম আর রেমি। বড়সড় একটা হার্ডবোর্ডের বক্স। ‘মেক্সিকো থেকে আসা আমাদের স্যুভেনির বক্স!’ বলে উঠল রেমি।

রুমের ওপাশে একটা কম্পিউটারে কাজ করছে ওয়েন্ডি কর্ডেন। বলে উঠল, ‘কয়েক মিনিট আগেই এসেছে। আমি সাইন করে নিয়েছি।’

‘ধন্যবাদ’, জানাল স্যাম, একটা ওয়ার্কটেবিলের ওপর তুলে নিল বাক্সটা। আন্তে করে নেড়ে দেখল। ‘কোনো কিছু ভাঙার শব্দ শুনতে পাচ্ছি না।’

‘এমন কথা বলোও না।’ বলে উঠল সেলমা। ‘আমার বিশ্বাস হচ্ছে না যে এভাবে পাঠিয়েছ—এমনভাবে বাসায় পাঠিয়েছ, মনে হচ্ছে যে...কোনো থালা-বাটি।’

‘সেখানে তোমার থাকা উচিত ছিল, তাহলে বুঝতে আমাদের অবস্থা। লোকজন এটা চুরির জন্য রীতিমতো যুদ্ধ শুরু করেছিল।’

ডেস্ক ড্রয়ার থেকে বক্স কাটার নিয়ে এসে স্যামের হাতে দিল সেলমা। ‘আমরা দেখতে পারব?’

বক্স খুলে ফেলল স্যাম। কিছু প্যাকিং পিনাটস আর সুটস, দেয়ালে ঝোলানোর আসবাব সরিয়ে ফেলল।

একটা খুলে ফেলল সেলমা, তারপর আরো দুটো। দেখে বলে উঠল, ‘এগুলো সত্যিই সুন্দর। রাজাকে দেখাচ্ছে এলজিসের মতো—কে যেন মাথায় আসছে না, রাজা।’ ছোট্ট একটা পাত্র খুলে ফেলল। ‘আর এটা দেখ, এত—উজ্জ্বল রঙে যোদ্ধা লোকটাকে তো তেমন সুরতের মনে হচ্ছে না।’

হেসে ফেলল রেমি। ‘আমার ধারণা সত্যিকারের পাত্রের ওপর রং করার ব্যাপারে এগুলো উৎসাহ জুগিয়েছে স্যামকে।’

ভেতরে হাত ঢুকিয়ে সত্যিকারের মায়ান পাত্রটাকে বের করে আনল স্যাম। টেবিলের ওপর সোজা করে রাখল। চিৎকার করে উঠল সেলমা, ‘উফ, কী ভয়ংকর, সোনালি আর রূপালি রং? এটা তো বর্বরতা।’

‘এটাই কাজে দিয়েছে।’ বলে, উঠল স্যাম। ‘কোন জায়গায় যেন একবার পড়েছিলাম, মহান মিশরীয় শিল্পের অনেক কিছুই ইউরোপে এসেছে, সস্তাদরের স্যুভেনির ছদ্মবেশ নিয়ে। এই কৌশল এখনো তাহলে কাজে লাগে।’

বিশ্ববিদ্যালয়ের ডা. ডেভিড কেইনের অফিসে ফোন করল স্যাম নিজের সেলফোন ব্যবহার করে। ‘ড. কেইন?’ জিজ্ঞাসা করে উঠল। ‘যে ডেলিভারির জন্য আমি অপেক্ষা করছিলাম, তা এসে গেছে। আপনি কি একবার দেখতে চান?’

‘বর্তে যাব এই সুযোগ পেলে।’ কেইন জানালেন। ‘কখন আসতে পারব আমি?’

‘এখন থেকে যখন ইচ্ছা। সন্ধ্যা পর্যন্ত এখানে আছি আমরা।’ ঠিকানা জানিয়ে দিল স্যাম।

‘এক ঘণ্টার মধ্যে আসছি আমি।’

ফোন কেটে দিয়ে অন্যদের দিকে তাকাল স্যাম। ‘এক ঘণ্টার মধ্যে এখানে আসবেন তিনি। একটা কাজ করি। এই রং এখনই মুছে ফেলি। নয়তো সেলমার মতোই ভিরমি খাবেন তিনি।’

ঘণ্টাখানেক পরে এসে পড়লেন অতিথি। মধ্য চল্লিশের ডা. কেইন যথেষ্ট ফিট এখনো। রোদে পোড়া তামাটে গায়ের রং, জিন্স আর কালো পোলো শার্টের ওপরে গ্রীষ্মকালীন স্পোর্টস কোট পরে আছেন। দরজা দিয়ে বিশাল অফিসে পা রাখতেই রুমের ও পাশে টেবিলের ওপর দেখতে পেলেন পাত্রটা। আর সেখানেই আটকে গেলেন। কিছুতেই যেন নজর সরাতে পারছেন না। থেমে স্যামের হাত ধরে ঝাঁকি দিলেন। ‘আপনি নিশ্চয় স্যাম? আমি ডেভিড কেইন।’

রেমি এগিয়ে এলো। ‘আমি রেমি। এই দিকে আসুন। বেশ বুঝতে পারছি যে, পাত্র দেখার জন্য অধীর হয়ে আছেন আপনি।’

খোলা হাউস ও মেঝের ওপর দিয়ে রেমিকে অনুসরণ করে এলেন ড. কেইন। কিন্তু পাত্র থেকে ছয় ফুট দূরে থাকতেই থেমে গিয়ে একদৃষ্টে তাকিয়ে রইলেন খানিকক্ষণ। তারপর ঘুরে ঘুরে দেখতে লাগলেন প্রতিটি কোণ থেকে।

‘আমি আর্টিকেলটা পড়েছি আর আপনাদের পাঠানো ছবিগুলোও দেখেছি। কিন্তু এত কাছ থেকে এটাকে দেখা সত্যি অভাবনীয়।’ বলে উঠলেন ড. ‘আমার ব্যাপারটা সবসময়ই উত্তেজনার মনে হয়। পেইন্টিংস, মাটির পাত্র

সবসময়ই চিত্রশিল্পীর ব্যক্তিত্বের আভা বহন করে। মোটাসোটা ছোট্ট একটা কুকুরের মতো পানির পাত্র দেখলে মনে হয় যেন ঠিক সেই সময়ে কুমোর লোকটার কাছেই চলে গেছি।’

‘বুঝতে পারছি আপনি কী বলতে চাইছেন।’ বলে উঠল রেমি। ‘আমারও ভাবতে ভালো লাগে এক হাজার বছর আগে কেউ একজন আমার দিকে তাকিয়ে আছে তার কাজের মধ্য দিয়ে।’

এবার টেবিলের কাছে এগিয়ে এলেন কেইন, কাছ থেকে ভালো করে দেখলেন পাত্রটাকে। ‘কিন্তু এটা বেশ আলাদা। কোনো সন্দেহ নেই যে ক্লাসিক্যাল পিরিয়ডের অংশ। কোপান রাজার প্রাত্যহিক জীবনের চিত্র।’ সোজা হয়ে দাঁড়িয়ে ফারগো দম্পতির দিকে তাকালেন কেইন। আপনারা নিশ্চয় জানেন, এ জাতীয় আবিষ্কারের কথা মেক্সিকো সরকারকে জানানো প্রয়োজন, তাই না?’

‘অবশ্যই।’ উত্তর দিল স্যাম।

‘আমরা একটা প্রাকৃতিক বিপর্যয়ের মাঝে পড়ে গিয়েছিলাম আর তাই এমনটা করার আর কোনো নিরাপদ বা যৌক্তিক উপায় ছিল না অথবা কোনো কর্তৃপক্ষেরও সময় ছিল না। এটা সম্পর্কে জানার সুযোগের সদ্ব্যবহার করার পরেই এটা ফিরিয়ে দেব। এ ব্যাপারে কোনো চিন্তা নেই।’

‘শুনে স্বস্তি পেলাম যে আপনারা নিয়মগুলো জানেন।’

রেমি এবারে জানতে চাইল, ‘আপনি নিশ্চিত যে এটা রাজা কোপানের সময়কার? তাপাচুলার উত্তরে তাকানাতে পেয়েছি এটা আমরা। কোপান থেকে অনন্ত চারশ মাইল দূরে।’

কাঁধ বাঁকালেন কেইন।

‘মাঝে মাঝে স্থানীয় আমেরিকানরা হেঁটেই দেখা যায় পাড়ি দেয় বহুদূর পথ। এভাবে ব্যবসাও হয়।’

‘কত পুরাতন হতে পারে এটি?’

গলা বাড়িয়ে পাত্রটা দেখে বলে উঠলেন কেইন, ‘দাঁড়ান। এই তো বোঝা যাচ্ছে। রাজা হচ্ছেন ইয়াক্স পাসাজ চান ইয়োপাত্ত, কোপানের ষোলোতম শাসক। এখানে এটাই লেখা আছে।’ সিলমোহরের মতো গোলাকার নকশা করা লম্বা কিছু সারি দেখালেন তিনি।

স্যাম জিজ্ঞেস করে উঠল, ‘আপনি এগুলো পড়তে পারেন?’

‘হ্যাঁ। প্রতিটি সারিতে এক থেকে পাঁচটি ভাগ আছে। আর প্রতিটি ভাগ একটি শব্দ অথবা বাগধারা অথবা বাক্যের মাঝে কোনো একটা অবস্থান বোঝাচ্ছে। আপনাকে ওপরের বাম পাশ থেকে ডান পাশে পড়তে হবে। কিন্তু

মধু প্রথম দুই সারি। এরপর একটা লাইন নিচে নেমে বাম পাশের লাইন পড়ে এরপর ডান পাশ। এভাবে চলতে থাকবে। আমাদের জানা মতে, আটশত শব্দটি অংশ আছে।’

‘প্রায় বিশটার বেশি মায়া ভাষা আছে।’ বলে উঠল রেমি, ‘এই লেখার ঠাট্টামো কী সবগুলোর জন্যই প্রযোজ্য?’

‘না।’ উত্তরে জানালেন প্রফেসর। ‘আমরা যেটা পেয়েছি সেটা লেখা হয়েছে চোলান, জেলতালান আর ইয়াকুটেক ব্যবহার করে।’

পাত্রটার দিকে এক দৃষ্টিতে তাকিয়ে রইল স্যাম। ‘তাহলে এটি কোপান থেকে এসেছে? আমি ভেবে অবাক হচ্ছি যে, কেমন করে এটা হন্ডুরাস থেকে গুয়েতেমালা পাড়ি দিয়ে মেক্সিকো সীমান্তে চলে গেল।’

‘আর কখন?’ এবারে বলে উঠল রেমি।

‘ঠিক এটাই আমিও ভাবছিলাম।’ বলে উঠলেন কেইন। এর সাথে পাওয়া গেছে এরকম যেকোনো অর্গানিক জিনিস আর মৃত মানুষটার কার্বন থেকে পরীক্ষা করে একটা তারিখ বের করা যাবে।’

‘আমি ডা. তালামান্টেস আর ডা. গার্জাকে ফোন করব, যদি মৃত মানুষটাকে পরীক্ষা করার ব্যবস্থা করতে পারেন তারা।’ বলে উঠল রেমি। ‘তাপাচুলাতে একটা হাসপাতালের মর্গে আছে মৃতদেহ। ভূমিকম্পের পর সে এলাকার মেডিকেল কমিউনিটির সাথে ভালো একটা সম্পর্ক গড়ে ওঠার সুবাদেই এ কাজে সমর্থ হয়েছে তারা।’

‘তারাও কি পুরাতাত্ত্বিক?’ জিজ্ঞেস করলেন কেইন।

‘না। কেবল মেডিকেল ডাক্তার।’ উত্তর দিল স্যাম।

‘তাহলে আপনারা কি কিছু মনে করবেন, যদি এ কাজে আমি আমার কয়েকজন মেক্সিকান সহকর্মীকে সম্পৃক্ত করি? তারা সকলেই প্রথম শ্রেণির বিজ্ঞানী আর বেশ শ্রদ্ধাভাজনও বটে।’

‘আমরা অসম্ভব খুশি হব তাহলে।’ জানাল রেমি।

‘তাহলে আজ সন্ধ্যাতেই তাদের ফোন করে জানিয়ে দেব আমি। মৃতদেহের অবস্থান গোপন করে আপনারা ঠিক কাজটিই করেছেন যেমনতো প্রথম বিজ্ঞাপনের সুবাদেই সকলে হামলে পড়ত মমি দেখতে। কিন্তু সে ব্যাপারেও নিশ্চিত থাকতে পারেন যে, আরো অনেকেই অপেক্ষা করছে আর শুনেছে।’

‘কয়েকজন পণ্ডিত, বিজ্ঞানী, বিকৃতমস্তিষ্ক আর প্রতারক, সবসময়কার মতোই।’

স্যাম বলে উঠল, ‘খবরটা ছড়িয়েছে আমাদের সাথেই থাকা আরেকজন খেচ্চাসেবকের মাধ্যমে। তার নিজের মতানুসারে, এত বড় আবিষ্কার লুকিয়ে

রাখা উচিত নয়। এই আবিষ্কার নাকি মানুষের জন্য, তাই মানুষকেও জানাতে হবে। আমরা ভেবেছিলাম যে তাকে অপেক্ষা করার কথা বলব, কিন্তু আমাদের ছাড়াই জনসমক্ষে চলে এসেছে সে। এরপরে, ট্যুরিস্ট আর স্যুভেনির শিকারির দল সবকিছু ধ্বংস করে ফেলার আগেই বিজ্ঞানীদের দেখানোর জন্য পদক্ষেপ নিয়েছি আমরা।’

‘ভালোই হয়েছে যে আপনারা এমনটা করেছেন। এখানে এমন কিছু আছে, যার সাহায্যে কার্বন তারিখ নির্ণয় করতে পারব আমরা?’

রেমি জানাল, ‘অনেকটা তেমনই। কাঠের মাঝে ফুটো করে ফাঁকা অংশটুকু ফেলে দিয়ে এক জোড়া পাত্র বানিয়েছিল লোকটা। এগুলোর একটার মাঝে কয়েকটা শস্যদানা পাওয়া গেছে।’

‘অসাধারণ।’ বলে উঠলেন প্রফেসর, ‘বৈঁচে আছে এরকম যেকোনো কিছু মারা যাবার পর থেকে ১৪ মিনিটের মাঝে কার্বন হারাতে থাকে।’

‘আমি নিয়ে আসছি।’ কক্ষের আরেক প্রান্তে চলে গেল রেমি। দরজা দিয়ে অদৃশ্য হয়েই আবার ফিরে এলো দুটো প্লাস্টিকের ব্যাগে কাঠের পানপাত্র, দানা আর খোসা নিয়ে।

আবারো পাত্রের দিকে মনোযোগ দিলেন কেইন। ‘এই পাত্রের একটা ঢাকনা দেখা যাচ্ছে। সিল দেখতে স্বচ্ছ মনে হচ্ছে, অনেকটা যেন মৌমাছির মোমের মতো। আপনারা খুলেছিলেন?’

‘না।’ উত্তর দিল স্যাম। ‘মন্দিরের প্রবেশপথ বা যা-ই হোক না কেন, দালানটা, এটার মুখ থেকে লাভা পরিষ্কার করার সাথে সাথে বুঝতে পেরেছি যে লোকটা আর তার জিনিসগুলো এখন বাতাসের সংস্পর্শে নষ্ট হয়ে যাবার ঝুঁকি আছে। তাই তখন থেকেই সময় গুনে কাজ করেছি। পাত্রটাকে ক্ষতি করবে এরকম কিছু করতে চাইনি। সাথে নিয়ে বেশকিছু সময় ঘুরেছি। তাই জানি যে ভেতরে জিনিস তরল নয় অথবা পাথর কিংবা ধাতুর তৈরিও নয়। কিন্তু এটিকে শূন্যও বলা যাবে না। তবে নাড়াচাড়া করলেই কিছু একটা এপাশ-ওপাশ করতে থাকে।’

‘এখন এটা খোলার চেষ্টা করা উচিত হবে কি?’ জিজ্ঞাস্য করে চাইলেন কেইন।

‘এই কাজ করার জন্য ভালো একটা জায়গা আছে আমাদের।’ বলে উঠল রেমি, ‘বাড়িটাকে পুনরায় তৈরি করতে গিয়ে নির্মাতাকে দিয়ে আবহাওয়া নিয়ন্ত্রিত একটি কক্ষ তৈরি করানো হয়েছে—কম তাপমাত্রা, কম আর্দ্রতা, কোনো সূর্যের আলো নেই—ঠিক যেন একটা লাইব্রেরি রেয়ার বুক রুম।’

‘অসাধারণ।’ জানালেন কেইন। ‘আসুন আমার সাথে।’ এইমাত্র ঘরে ঢোকার জন্য যে দরজা ব্যবহার করেছে সেদিকে পথ দেখিয়ে, খুলে ফেলে

খালো জ্বালালো রেমি, রুমটাতে আছে লম্বা টেবিল, কয়েকটা চেয়ার, গ্লাস, কেবিনেটের দেয়াল, যদিও এ মুহূর্তেও সবগুলো খালি। রুমের এক কোনাতে লম্বা লাল রঙের চাকাঅলা যন্ত্রপাতি তাক, অটো-মেকানিকের দোকানে যেমন দেখা যায়।

প্রফেসর কেইন পাত্রটাকে নিয়ে টেবিলের ওপর রাখলেন। চাকা ঠেলে তাকটাকে কাছে নিয়ে এসে ওপরের ড্রয়ার খুলে ফেলল স্যাম। ‘ছোট, নাজুক কোনো কিছুর ওপর কাজ করার জন্য বিভিন্ন যন্ত্র রাখা আছে এখানে।’ ব্রাশ, চিমটা, এক্স অক্টো ছুরি, দাঁত ওঠানোর যন্ত্র, ম্যাগনিফায়ার, কড়া আলোর ফ্লাশলাইট, করাত, জীবাণুনাশক জল ধোয়া সার্জিক্যাল গ্লাভস-এর একটা বক্সও আছে।

গ্লাভস পরে নিলেন কেইন। চিমটা দিয়ে সিল পরীক্ষা করে খানিকটা তুলেও ফেললেন। ম্যাগনিফায়ার গ্লাস দিয়ে এর নিচটা দেখলেন। ‘কোনো একটা গাছের কষ থেকে তৈরি আঠা মনে হচ্ছে।’ এক্স-অক্টো ছুরির সুইচ জ্বালিয়ে ঢাকনার চারপাশের স্বচ্ছ অংশটুকু কেটে ফেললেন।

‘ভেতরে যা আছে তা নিশ্চয়ই খাবার নয়? আঠা দিয়ে লাগানো হয়েছে যেহেতু।’ বলে উঠল রেমি।

‘অনুমান করার সাধ্য হচ্ছে না আমার।’ বলে উঠলেন কেইন। ‘পুরাতাত্ত্বিক নিদর্শনগুলোতে প্রয়াস দেখা যায় সবচেয়ে আশার ভূমিতে মাটি ছাড়া কিছু পাওয়া যায় না।’ ঢাকনা ধরে মোচড় দিলেন প্রফেসর।

‘মজা তো, ঢাকনাটা ঘোরাতে পেরেছি; কিন্তু তোলা যাচ্ছে না। দেখে মনে হচ্ছে তাপ দিয়ে পাত্রটাকে আবার ঠাণ্ডা করা হয়েছে। ফলে খানিকটা শূন্যতা তৈরি হয়েছে, যার কারণে শক্ত হয়ে এটে বসে গেছে সিল।’

‘বেশ চালাকি করা হয়েছে।’ জানাল রেমি। ‘তাহলে হয়তো খাবার।’

‘এখন আমি সত্যিই অবাক হয়ে ভাবছি যে, না ভেঙে কীভাবে খোলা যায় এটি।’

স্যাম জানাল, ‘আবারো খানিকটা তাপ দিতে পারলে ভেতরে বাতাস ঢুকতে পারবে। অথবা খানিকটা উঁচু জায়গায় নিয়ে যেতে পারি, যেখানে বাতাসের চাপ কম।’

‘ক্ষতি না করে কীভাবে উত্তপ্ত করা যায়?’

‘সমানভাবে করতে পারলে ভাঙবে না পাত্রটা।’ আবারো বলে উঠল স্যাম।

‘আমারও তাই মনে হচ্ছে।’ জানালেন কেইন।

‘ঘরের আরেকটা সংস্কার কাজ, চুল্লি তৈরি করা হয়েছে।’ তথ্য দেয়ার মতো করে জানাল রেমি।

সিঁড়ি বেয়ে দ্বিতীয় তলায় উঠে এলো তারা। চুল্লির ভেতরে ঢুকে গেল স্যাম। কাঠের বেঞ্চে রেখে দিল পাত্রটাকে। এরপর তাপ বাড়িয়ে তাপমাত্রা বাড়িয়ে দিল। দশ মিনিট শেষে আবারো চুল্লিতে প্রবেশ করে পাত্রটাকে তোয়ালে দিয়ে জড়িয়ে নিয়ে এলো বাইরে। পাত্রটাকে ধরে রাখল স্যাম আর ঢাকনা খোলার চেষ্টা করলেন কেইন। উঠে এলো আর চাপও সমান হয়ে গেল। স্যাম ঢাকনাকে আবার লাগিয়ে সকলে মিলে আবহাওয়া নিয়ন্ত্রিত কক্ষটাতে চলে এলো।

‘মাহেন্দ্রক্ষণ এসে গেছে অবশেষে।’ ঘোষণা করল রেমি। ‘যদি এমন হয় যে অর্গানিক কিছু পেলাম, যেটা হয়তো কোনো খাবার ছিল, মন খারাপ করবেন না।’ জানালেন কেইন। ‘মাঝে মাঝে সবচেয়ে জরুরি তথ্যও প্রথম দেখাতে তেমন কিছুই মনে হয় না।’

টেবিলের ওপর পাত্রটাকে রেখে দিল স্যাম। কেইন, হাতে এখনো সার্জিক্যাল গ্লাভস, বড় করে একটা শ্বাস ফেলে এগিয়ে গেলেন কাছে। শুকিয়ে যাওয়া আগাছার মতো কিছু জিনিস বের করে আনলেন। ‘প্যাকিং করার জন্য?’

ছোট্ট একটা ফ্ল্যাশলাইট তুলে নিয়ে পাত্রের ভেতরে তাকালেন, ‘ওহ...’ উঠে দাঁড়িয়ে পাত্রটার ভেতরে তাকালেন প্রফেসর। ‘এটাও কি সম্ভব?’

‘কী হয়েছে?’

‘দেখে মনে হচ্ছে একটা বই।’ জানালেন কেইন। ‘একটা মায়ান বই।’ ‘বের করে আনতে পারবেন?’

দুই হাত ঢুকিয়ে পাত্রের ভেতর থেকে মোটাসোটা বাদামি আয়তক্ষেত্র বইটি বের করে সাবধানে টেবিলে রাখলেন কেইন। গ্লাভের ইনডেক্স ফিংগার দিয়ে বাইরের অংশ ইঞ্চিখানেক তুলে দেখলেন। অবিশ্বাসে প্রায় ফিসফিস করে উঠলেন প্রফেসর। ‘একেবারে অক্ষত। আমার কিছুতেই বিশ্বাস হচ্ছে না।’ এক মুহূর্তের জন্য যেন জমে গেলেন কেইন। ডুবে গেলেন গভীর ভাবনায়। এরপর আবারো বাস্তবে ফিরে এলেন। আঙুল তুলে নিলেন। মনে হচ্ছে তখন, খেয়াল করলেন যে, রুমে ফারগো দম্পতিও আছে।

উজ্জ্বল হয়ে উঠল প্রফেসরের চেহারা। ‘এটা মায়ান বই। একটা হস্ত লিখিত পণ্ডিত। দেখে মনে হচ্ছে কোনো ক্ষতিই হয়নি। সময় নিয়ে পরীক্ষা করে দেখতে হবে, কেননা আমরা জানি না যে এটা কতটা ভঙ্গুর অবস্থায় পৌঁছেছে আর জানারও কোনো উপায় নেই যে, একটা পৃষ্ঠা কতবার স্পর্শ করা হয়েছে বা উল্টনো যাবে।’

‘আমি যতটুকু জানি, এগুলো বেশ দুস্পাপ্য।’ বলে উঠল রেমি। ‘পশ্চিমা সভ্যতাগুলোতে পাওয়া সবচেয়ে দুস্প্রাপ্য আর সম্ভবত সবচেয়ে মূল্যবান।’

জানালেন কেইন। ‘আমেরিকাতে মায়ানরা ছিল একমাত্র জনবসতি, যারা জটিল এক ধরনের লিখন পদ্ধতির চালু করেছিল আর এটা ভালোও ছিল। যা মুখে বলত, সে সবকিছুই লিখতে পারত। এভাবে চাইলে উপন্যাস, পৌরাণিক কাহিনী, ইতিহাসও লেখা যেত। হয়তো লিখেও ছিল। এক সময় তো হাজার হাজার ছিল এসব হাতে লেখা পণ্ডিত। অথচ আজ মাত্র টিকে আছে চারটি, তিনটি আবার ইউরোপের জাদুঘরে—ড্রেসডেন পণ্ডিত, মাদ্রিদ পণ্ডিত, দ্য প্যারিস। এছাড়া আছে গ্রোলিয়ার পণ্ডিত, কিন্তু অন্যগুলোর তুলনায় এত নিচু মানের যে, বিশেষজ্ঞের ধারণা এটা জাল। কিন্তু প্রথম তিনটি মায়া সভ্যতার জ্ঞান দ্বারা পরিপূর্ণ—গণিতশাস্ত্র জ্যোতির্বিদ্যা, মহাকাশবিদ্যা, ক্যালেন্ডার। আমাদেরটা হয়তো পঞ্চম।’

‘আপনি যে বললেন আগে হাজার হাজার ছিল।’ জানতে চাইল রেমি।

‘একশ হাজার, এই ছিল হিসাব।’ জানালেন প্রফেসর, ‘কিন্তু দুটো সমস্যাও ছিল। বন্য এক ধরনের ফিগ গাছ নামে ফিকাস গ্লাব্রাটা, এর বাকল থেকে কাপড়ে পেইন্ট করা হতো পণ্ডিতগণ। কাপড়টাকে মোড়ানো যেত পৃষ্ঠার মতো আর পৃষ্ঠাগুলো সাদা এক ধরনের মিশ্রণ দিয়ে রাঙানো হতো, যেমন চুনকাম করা হয়। এভাবে মায়া পৃষ্ঠাগুলো লেখার জন্য তৈরি হয়ে যেত। প্যাপিরাসের চেয়ে ভালো ছিল এগুলো, ঠিক কাগজেরই মতো।’

‘তাহলে সমস্যা কোথায়?’

‘একটা হচ্ছে আবহাওয়া। বেশিরভাগ মায়ান দেশেই ছিল আর্দ্র বা স্যাঁতসেঁতে জঙ্গল। বইগুলো শুকিয়ে গেলেই পচে যেত। কয়েকটা পণ্ডিত আবার সমাধিতে চলে গেছে। কিছু কোপান, কিছু বেলিজের আলতুল হাতের কিছু আবার আক্সকতুন ওয়াটান। ফিগ-বাকলের কাপড় পচে গিয়ে পড়ে থাকে পেইন্ট করা চুনকামের ছোট ছোট অংশ। সেগুলো আবার এতই ছোট আর নাজুক যে, একসাথে করা অসম্ভব। কিন্তু সবচেয়ে বড় সমস্যা দেখা দিল জাহাজের মাধ্যমে।’

‘স্প্যানিশ অভিযান।’ বলে উঠল স্যাম।

‘বিশেষ করে যাজকেরা। স্থানীয় ধর্মের সাথে মিশ্রিত যেকোনো কিছু ধ্বংস করতে বন্ধপরিকর ছিল তারা। তাদের কাছে মায়ান দেবতাদের মনে হতো শয়তানের মতো। খুঁজে পেতে সব বই নষ্ট করা হয়েছে আর প্রতিটি গোপন জায়গা খুঁজে দেখেছে, তাই টেকেনি কোনো বই। ১৫০০ শতকে মায়ান অভিযানের শুরু থেকে ১৬৯০ পর্যন্ত চলেছে এসব। যখন শেষ শহরটাকেও পদানত করা হলো। এ কারণেই টিকে আছে মাত্র চারটি।’

‘আর এখন পাঁচটি।’ জানাল রেমি।

‘খুব উল্লেখযোগ্য একটা আবিষ্কার হলো এটা।’ বলে উঠলেন কেইন।
‘এমন কোনো জায়গা আছে আপনাদের, যেখানে এটি নিরাপদে রাখা যাবে?’

‘আছে।’ উত্তর দিল স্যাম।

‘শক্ত করে তালা দিয়ে রেখে দেব।’

‘গুড। তারিখ নির্ণয়ের কাজ শুরু করতে চাই আমি। এরপর আগামীকাল
ফিরে আসব পঙ্ক্তি পরীক্ষা করার জন্য। সম্ভব হবে তো?’

‘আমি বলব এটা অবশ্যই হবে।’ জানাল স্যাম। ‘আপনি যতটা আমারও
ঠিক ততটাই কৌতূহলী আর আপনি ছাড়া নিবারণের আর কোনো পথ নেই।’

লা জোল্লা

পরের দিন সন্ধ্যাবেলা প্রফেসরের জন্য অপেক্ষা করছে স্যাম আর রেমি। এসে পৌঁছালেন কেইন। স্যাম আর রেমি পথ দেখিয়ে নিয়ে গেল আবহাওয়া নিয়ন্ত্রিত কক্ষটাতে। সার্জিক্যাল গ্রাভস পরে নিয়ে একটা গ্রাস কেবিনেট খুলে পণ্ডক্তি বের করে এনে টেবিলের ওপর রাখল রেমি। কাভারের দিকে একদৃষ্টে তাকিয়ে খানিকক্ষণ স্থাণুর মতো বসে রইলেন কেইন। এরপর বলে উঠলেন, ‘আমরা শুরু করার পূর্বে জানাতে চাই যে, কাঠের বালের মাঝে থাকা দানা আর খোসা থেকে এমনকি কাঠ থেকেও কার্বন তারিখ বের করা হয়ে গেছে। প্রতিটি স্যাম্পলে ৯৪:২৯ শতাংশ কার্বন ১৪ পাওয়া গেছে। কাঠ আর চারাগুলো প্রায় একই সময়ে মারা গেছে। যা প্রায় ৪৭৬ বছর আগে ১৯৩৭ সালে।’

‘এটা তো ক্ল্যাসিক মায়ান পিরিয়ডের শেষ সময়টা, তাই না?’ জানতে চাইল রেমি।

‘এটা সভ্যতাটা ধ্বংস হবার একেবারে শেষের দিকে। বেশিরভাগ বড় ক্ল্যাসিক শহরগুলোই প্রায় ১০০০ বছরের দিকে শেষ হয়ে গিয়েছিল। যেগুলো বাকি ছিল, স্প্যানিশরা এসে সেগুলোকেও ধ্বংস করেছিল। এসব শুরু হয়েছিল ১৫২৪-এর দিকে, যখন পেন্দ্রো ডি আলভারডো স্থানীয় মিত্র লাক্সকাল্লা আর চোলুলাদের সহায়তায় বিশাল এক সেনাবাহিনী নিয়ে আক্রমণ করে মায়াদের ওপরে। কিন্তু কয়েকটা মায়া রাজ্য ছিল, যেগুলোকে অধিকার করে নিতে দীর্ঘ

সময় লেগে গিয়েছিল। একেবারে সর্বশেষটির পতন হয় ১৬৯৭ সালে, প্রায় দেড়শ বছর পরে।’

এবারে রেমি বলে উঠল, ‘তার মানে আমরা উচ্চপদস্থ একজনকে খুঁজে পেয়েছি, যিনি কিনা হন্ডুরাসের কাছে কোপান থেকে পাত্র নিয়ে তার মাঝে একটি বই রেখে হেঁটে পথ পাড়ি দিয়েছিল। প্রায় চারশ মাইল বা তার চেয়েও বেশি পথ ভ্রমণ করে উঠে যায় মেক্সিকোর তাকানা আগ্নেয়গিরির ওপরে আর এটাকে রেখে দেয় মন্দিরে।’

‘আমি বলব যে, নিশ্চিত এরকমটাই কিছু ঘটেছিল। কেন এটা করতে গেল সে, তা শুধু আমরা অনুমান করতে পারি।’

‘কোনো ধারণা আছে আপনার?’ জানতে চাইল স্যাম।

‘আমার ধারণা, স্প্যানিয়ার্ডদের হাত থেকে বাঁচানোর জন্য মূল্যবান কোনো বই নিয়ে গোপন জায়গায় লুকিয়ে রাখতে চেয়েছিল লোকটা। সাইট থেকে আনা আপনাদের ছবি দেখে এটা নিশ্চিত যে ছোট্ট পাথরের গুহাটা মন্দির বলে আপনাদের ধারণা পুরোপুরি সঠিক। ভেতরে আছে সিঁড়ি। এর ছবি মৃত্যু আর ভূমিকম্পের দেবতা, যে কিনা ভূমিকম্প সৃষ্টি করতে সক্ষম। নৃত্যরত কাঠামো আর সামনে পেছনে ঘোরাতে সক্ষম চোখের মণি আছে এ দেবতার।’

‘তারপর কী?’

‘মনে রাখবেন এগুলো শুধু আমার ধারণা। কোথাও কোথাও আগ্নেয়গিরির লাভা এসে পড়তে পড়তে ভরে গেছে মন্দিরটা। এটাও সম্ভব যে, লোকটা হয়তো নিজেই বইটাকে ইচ্ছাকৃতভাবে মন্দিরে রেখে দিয়েছে। জানত যে লাভা দ্বারা বন্ধ হওয়া সম্ভব। বিশ্বাস করেছিল যে, ঈশ্বর তাকে বইটা নিরাপদে লুকিয়ে রাখার জন্য নিখুঁত একটা জায়গার সন্ধান দিয়েছে।’

‘আপনার সত্যিই তাই মনে হচ্ছে?’

কাঁধ ঝাঁকালেন কেইন। ‘মৃত্যুপরবর্তী আরেকটা জীবনে দৃঢ়ভাবে বিশ্বাস করত মায়ানরা। তাদের বিশ্বাস ছিল সে জীবনেই পুরস্কৃত বা শাস্তিপ্রাপ্য ও হবে। তারা আরো বিশ্বাস করত যে কৃতকর্মের কারণেই ভারসাম্য বজায় রাখতে পারে বিশ্বব্রহ্মাণ্ড।

জ্যোতির্বিদ্যা আর গণিতশাস্ত্রে রেখে যাওয়া তাদের জ্ঞানসমূহের বেশিরভাগেরই উদ্দেশ্য হলো জানানো যে কেমন করে পৃথিবীকে নিয়ন্ত্রণের বাইরে ঘোরা বন্ধ করা যায় আর ভারসাম্যহীন মেশিন হিসেবে এটিকে ধ্বংস করে ফেলা যায়। ১৫৩৭ সালের দিকে এলোকগুলোর পৃথিবী আগামী একশ বছরের জন্য টুকরো হয়ে যাবার চিহ্ন দেখা দেয়। ৭৫০ থেকে ৯০০ সাল

পর্যন্ত একের পর এক যুদ্ধ হয়েছে, রোগবালাই দেখা গেছে। এরপরই এলো স্প্যানিয়ার্ডরা। ১৫২৪ সালে তাদের আগমন মনে হলো হররমুভিতে দেখা কোনো এলিয়েনের আগমনের মতো। এমন অস্ত্র নিয়ে এলো যেটা দিয়ে কেউ যুদ্ধ করতে পারে না। তৈরি করতেও পারে না। মায়া সভ্যতার যা কিছু বাকি ছিল তা ধ্বংস করতে আর হত্যা অথবা মায়ান জনগণকে দাসে পরিণত করতে বদ্ধপরিকর হয় তারা। একের পর এক অভিশাপের পর এটাই ছিল সবশেষ অভিশাপ। একজন মায়ান—আর এই ব্যক্তি ছিলেন রাজকীয়-সম্প্রদায়ের—দেখতে পেয়েছিলেন এ সত্য। এ লোকগুলোর ক্যালেন্ডার ৫১২৫ বছরব্যাপী চক্রে বিভক্ত ছিল। নিশ্চয় বিশ্বাস করেছিল, যে বইখানা সে বাঁচাতে চাইছে তাতে পৃথিবীটাকে অক্ষত রাখার কিংবা ভবিষ্যতে পুনরায় গড়ে তোলার তথ্য ভাণ্ডার আছে।’

‘আমার ধারণা, এ কারণেই সে বইটাকে বাঁচাতে নিজেকে আত্মহুতি দিতেও দ্বিধা করেনি।’

কেইন আবারো বলতে লাগলেন, ‘কল্পনা করে দেখুন তো, শক্তিশালী মানব সদৃশ কোনো প্রাণী স্পেসশিপ করে এখানে এসে পৌঁছাল। যাদেরকেই পেল হত্যা করল কিংবা দাস বানাল। তারপর সব কম্পিউটার, সব বই খুঁজে নিয়ে পুড়িয়ে ফেলল। উপস শিল্পের ইতিহাস, পেইন্টিং সব গেল। পুড়ে গেল ক্যালকুলাস, বীজগণিত, ত্রিকোণমিতি। সব ধর্মের বই পুড়ে ফেলল তারা—সব বাইবেল, কোরআন, তালমুড সবকিছু। দর্শনের কথা ভুলে গেছে? না, এসব কিছুও আগুনে গেল। যা লেখা হয়েছে সব কবিতা, সব গল্প। ধোঁয়া হয়ে উড়ে গেল। পদার্থ, রসায়ন, জীববিজ্ঞান, চিকিৎসা; রোমান আর গ্রিক ইতিহাস, চায়নিজ, মিশরীয়। সব ছাই।’

‘কতটা ভয়ংকর আর মন খারাপ করা একটা ব্যাপার।’ বলে উঠল রেমি। ‘ফিরে আসার কোনো ম্যাপ ছাড়াই আবারো পাথরের যুগে ফিরে যাবি আমরা।’

‘এর মাধ্যমে পঙ্ক্তি সম্পর্কে আরো বেশি করে কৌতূহলী হয়ে উঠছি আমি।’ জানাল স্যাম। ‘আগুন থেকে কী বাঁচাতে পেরেছে আমাদের বন্ধু? কী আছে বইটাতে?’

‘আবারো কাঁধ ঝাঁকালেন কেইন।’ গত দু’দিন ধরে এটা নিয়েই জেগে আছি আমি।’

দরজায় এ সময় আওয়াজ হতেই স্যাম বলে উঠল, ‘কাম ইন।’

ভেতরে এলো সেলমা। ‘দেরি করে ফেললাম?’

‘না’, উত্তর দিল রেমি। ‘প্রফেসর ডেভিড কেইন, এ হচ্ছে সেলমা উত্তর্যাশ, যিনি দয়া করে আমাদের প্রধান গবেষকের দায়িত্ব পালন করছেন। যে বিষয়ই

হোক না কেন, সেলমা যদি উত্তরটা না জানে তাহলেও এটা জানবে যে উত্তরটা কোথায় খুঁজতে হবে।’

উঠে দাঁড়িয়ে সেলমার সাথে করমর্দন করলেন কেইন। ‘উত্তর্যাশ। তেমন শোনা যায় না এ নাম। আপনি কি এস.আই উত্তর্যাশ-এর সাথে সম্পর্কিত, যে কিনা ইনকা কুইপু ক্যাটলগ তৈরিতে সহায়তা করেছে?’

‘আমিই এস.আই উত্তর্যাশ।’ উত্তরে জানাল সেলমা। ‘কিন্তু কুইপু প্রজেক্ট তো বহুদিন আগেকার কথা।’

‘তারপর থেকে তো তাদের গুপ্ত অর্থ উদ্ধারের ব্যাপারে আর তেমন কোনো উন্নতি হয়নি।’ বলে উঠলেন কেইন। ‘বিভিন্ন জিনিসের ট্র্যাক রাখার জন্য ইনকাদের ব্যবহৃত বন্ধনীগুলো এখনো দুর্বোধ্য আমাদের কাছে।’

‘আমি সবসময় আশা করি যে, কোনো একদিন কেউ একজন পুরনো স্প্যানিশ কোনো দলিল খুঁজে পাবে, যেখানে একজন ইনকা সংবাদদাতার রেকর্ড থাকবে যে, কেমন করে কুইপুর বিভিন্ন ধরন, রং আর দৈর্ঘ্যের বর্ণনা করতে হয়।’

‘আমরাও তাই আশা করি।’ বলে উঠলেন কেইন। ‘স্প্যানিশরা হাজার হাজার কুইপু পুড়িয়ে ফেলেছে। মাত্র শ কয়েক টিকে আছে। কিন্তু তারপরও আপনাকে ধন্যবাদ। অনন্ত যা টিকে আছে তা-ই জানতে পারলাম।’

টেবিলের ওপর রাখা পঙ্ক্তির দিকে তাকাল সেলমা। ‘তো, আমরা এ পেলাম।’

‘হ্যাঁ। সবাই প্রস্তুত।’

মাথা নাড়ল বাকি সবাই। গ্লাভস পরে নিয়ে সাবধানে প্রথম পাতা উল্টালেন কেইন; চোখ ধাঁধানো পেইন্টিং দেখার জন্য। হাতে ঝুড়ি নিয়ে ছোট ছোট মায়ান পৃষ্ঠা জুড়ে দৌড়ে বেড়াচ্ছে। সাথে আছে পালকঅলা যুদ্ধের মুকুট পরিহিত যোদ্ধা, পরনে ফোলা ফোলা দেহবর্ম, গোলাকার ঢাল আর কাঠের লাঠি বহন করছে, কিনারে নিরেট টুকরা। দেখে মনে হচ্ছে জঙ্গলে এমন গাছপালার মাঝ দিয়ে চলেছে। একটা জায়গায় দেখা যাচ্ছে পর্বতের মতো কিছু পার হয়ে যাচ্ছে, এরপর পৌছে গেল নদী-উপত্যকায়। পৃষ্ঠার ওপরের এক-তৃতীয়াংশ জায়গা জুড়ে চিহ্নের সারি।

‘অবিশ্বাস্য।’ বলে উঠলেন কেইন। ‘পৃষ্ঠাটা মনে হচ্ছে একটা মানচিত্র, দিকনির্দেশিকা। লেখা আছে যে, কোপান থেকে মোতাগুয়া নদী উপত্যকার দিকে গেছে, যেটা গুয়েতেমালাতে। দেখেছেন এই চিহ্নগুলো? এটা ইয়াক্স চিচ, ‘পান্নার মায়ান অর্থ।’

‘ঝুড়ি হাতে লোকগুলো কি পান্না খুঁজতে যাচ্ছে?’

‘অনেকটা সেরকমই মনে হচ্ছে এটা নিয়ে ব্যবসার জন্য।’ জানালেন কেইন। ‘হ্যাঁ, এটা ব্যবসাই। তারা জঙ্গলের মূল্যবান পণ্য নিয়ে যাচ্ছে—পাখির পালক, চিতা বাঘের চামড়া, কোকা-পান্নার সাথে ব্যবসা করার জন্য।’

সেলমা জানাল, ‘আমেরিকাতে পান্না ছিল সবচেয়ে মূল্যবান। জানা উৎসগুলো হচ্ছে বার্মা, রাশিয়া আর মোতাগুয়া উপত্যাকা, এটা দেখে মনে হচ্ছে কোথায় আছে তা মনে হচ্ছে কোথায় আছে তা জানাবে।’

কেইন বলে উঠলেন, ‘স্প্যানিশরা আসার পরে মায়ানরা সেখানে যাওয়া বন্ধ করে দেয় আর কখনোই স্প্যানিশদের জানায়নি যে পান্না কোথা থেকে আসে। স্প্যানিশরা শুধু স্বর্ণ আর রুপা চেয়েছিল, তাই অবস্থানটাও ভুলে যাওয়া হয়। বহুদিন ধরে রহস্য হয়ে ছিল ব্যাপারটা। তারপর ১৯৫২ সালে মোতাগুয়া উপত্যকার ওপর দিয়ে বয়ে যায় হারিকেন। আর পাহাড়ের পাশ দিয়ে পড়ে যায় গাড়ির সাইজের পান্নার টুকরা।’

স্যাম বলে উঠল, ‘তার মানে আমরা যেটার দিকে তাকিয়ে আছি তা ১৯৫২ সাল পর্যন্ত গোপন ছিল?’

‘ঠিক তাই।’ জানালেন কেইন। ‘মায়ানদের কাছে খুবই গুরুত্বপূর্ণ একটা তথ্য।’

‘আর এটা হলো গিয়ে সবে মাত্র প্রথম পৃষ্ঠা।’ বলে উঠল রেমি।

সাবধানে পৃষ্ঠা উল্টে চললেন কেইন আর বিস্ময়ে থ বনে গেল সকলে। দেবতা আর বীরদের ছবি আঁকা। সৃষ্টির পৌরাণিক গল্পে বিভোর অথবা সময়ের শেষ নিয়ে। তিকাল আর কালাকমুলদের মাঝে যুদ্ধ সম্পর্কে তথ্য বিবরণী। যেখানে তিকালকে সমর্থন দিয়েছিল কোপান। প্রতিটি সারির খানিক করে অর্থ পড়লেন কেইন। যেন বিষয়টা কী তা বোঝা যায়।

ত্রিশতম পৃষ্ঠা শেষে একটা আংশিক ছবি দেখার জন্য পৃষ্ঠা উল্টালেন কেইন। একটা অ্যার্ক্যাডিয়নের মতোই ভাঁজ করে রাখা বইটা। দুটো পৃষ্ঠা খোলার পর সমান করে রেখে আরো দুটো পৃষ্ঠা খুলতে হয় একত্রে চারটি মিলে একটি পৃষ্ঠা তৈরির জন্য। জঙ্গল, লেক আর পর্বতের ছবিতে ভরা পৃষ্ঠাগুলো। আর পুরো দৃশ্যজুড়েই ছোট ছোট মায়ান দালান দেখা যাচ্ছে।

স্যাম বলে উঠল, ‘দেখে তা মনে হচ্ছে যেন একটা মানচিত্র’, পানির ওপরে ভেসে থাকা একটা আকৃতির দিকে আঙুল দিয়ে দেখাল সে। ‘এটা দেখতে ইয়াকুটান পেনিনসুল্যার মতো।’

পৃষ্ঠার মাঝে কয়েকটা দালান দেখা যাচ্ছে অন্যগুলোর চেয়ে বড়। ‘কী হতে পারে এগুলো?’ ‘চিহ্নের মাধ্যমে লেখা আছে যে এগুলো চিচেন ইট্জা।’ উত্তর দিলেন কেইন। ‘এটা জামা উপকূলের ওপরে। তুলাম-এর প্রাচীন নাম।’


এর নিচে আলতুন হা, তা মানে এই অংশ বেলিজ। এখানে গুয়েতেমালাতে তিকাল। আর ওপাশে পালেনকু, মেক্সিকোতে।’

‘এই সমস্ত জায়গা আপনি চেনেন?’ জিজ্ঞেস করে উঠল রেমি। ‘এদের কয়েকটা বোনামপাক, লাপাক, কোপান। কিন্তু আরো অনেক নাম আছে এখানে। এগুলো কখনো আমি দেখিনি আগে। একেবারে সাম্প্রতিক হিসাব অনুযায়ী মায়ান শহর আর মানচিত্রের মাত্র ষাট শতাংশ জানা গেছে—একশরও বেশির মাঝে। কিন্তু এগুলো—কী? অন্তত তিনশ দালান দেখা যাচ্ছে শহরের মাঝে? কখনো গুনিইনি এমন সব ও দেখতে পাচ্ছি আমি। আর অসংখ্য ছোট ছোট সাইট দেখে মনে হচ্ছে ছোট শহর ছিল হয়তো। এ পর্যন্ত আবিষ্কৃত হওয়া সাইটগুলোর সাথে মিলিয়ে দেখব আমি।’

ঘড়ির দিকে তাকিয়ে কেইন বলে উঠলেন, ‘ওহ! বিশ্বাসই হচ্ছে না যে পাঁচ ঘণ্টা ধরে এসব করছি আমরা। আমাদের অফিসে যেতে হবে কিছু জিনিস আনতে আর তারপর বাসায় গিয়ে সাইটগুলো দেখে ঠিক করতে হবে যে কোনগুলো অন্তর্ভুক্ত করা হয়নি। আজ যেখানে শেষ করেছি, আগামীকাল সেখান থেকেই শুরু করতে পারব না আমরা?’

‘অবশ্যই।’ উত্তর দিল রেমি। ‘আমি দুপুরের দিকে চলে আসব। আগামীকাল সকালেই সেমিনারে সব ক্লাস শেষ হয়ে যাবে আমার।’

‘দেখা হবে তাহলে তখন’, বিদায় জানাল স্যাম। রেমি, স্যাম, সুলতান দরজা পর্যন্ত হেঁটে গিয়ে প্রফেসরকে গাড়ি চালিয়ে চলে যেতে দেখল।



লা জোল্লা

পরের দিন সকাল দশটা। এক তলাতে একসাথে বসে আছে স্যাম আর রেমি। কম্পিউটারে টেপাটেপি করে জেনে নিতে চাইছে মায়ান সভ্যতার বিভিন্ন দিক। পড়ে দেখা একটা জিনিস ভাবতে গিয়ে পর্দা ছেড়ে রেমির দিকে তাকাল স্যাম। পান্না সবুজ লিলেন আর সিল্কের ড্রেস পরে আছে রেমি। একে একে চোখ চলে গেল রেমির চোখ, চুল আর পায়ে চামড়ার মানোলো ব্লাহনিক, স্যাভাল জোড়ার ওপর। তার পায়ের কাছে শুয়ে আছে সুলতান, দেখাচ্ছে বেশ তৃপ্ত। কিন্তু হঠাৎ করেই নিচু স্বরে গর্জন করে উঠল বড়সড় কুকুরটা, উঠে দাঁড়িয়ে, ঘরের মাঝে দিয়ে হেঁটে বড় জোড়া সদর দরজার কাছে গিয়ে তাকিয়ে রইল তাদের দিকে। রেমি উঠে দাঁড়িয়ে সুলতানের পিছু নিল। জানালা দিয়ে তাকাল বাইরের দিকে।

‘স্যাম’, ডেকে উঠল রেমি, ‘অতিথি এসেছে আমাদের কাছে।’ ‘ওহ?’ ঞ্জেক্স করল স্যাম। ‘ডেভ কেইন কি তাড়াতাড়ি চলে এসে নাকি?’

‘কালো লিমোতে চড়ে এসেছে কয়েকজন।’ স্যাম উঠে দাঁড়িয়ে দরজার কাছে যাবে, এমন সময় ডোরবেল বেজে উঠল।

দরজার কাছে গেল রেমি। ‘হ্যালো, কী সাহায্য করতে পারি?’

তিনজন কালো পোশাকের পুরুষ সঙ্গীসহ দাঁড়িয়ে আছে এক নারী। বেশ আকর্ষণীয় মহিলা, নীল গভীর চোখ আর সোনালি চুল নিখুঁতভাবে পেছনে বেঁধে রাখা হয়েছে। দামি-নীলরঙা স্যুট পরে আছে আগন্তুক নারী। এক পা

এগিয়ে এসে রেমির সাথে করমর্দন করে বলে উঠল, ‘আমি সারাহ্ অ্যালারসবি, মিসেস ফারগো। রেমি, তাই না?’ ব্রিটিশ উচ্চারণ শুনে নিঃসন্দেহে বেশ উঁচু শ্রেণির মনে হলো।

‘ওয়েল, হ্যাঁ’, ইতস্তত করছে রেমি, ‘কোনো কিছু—?’

সারাহ্ বলে উঠলেন, ‘প্লিজ, আমাকে সারাহ্ নামে ডাকবেন। আর এই ভদ্রমহোদয়গণ আমার অ্যাটর্নি রোনাল্ড ফিফ—কার্লোস এসকোবেডো, জেমি সালজার। ভেতরে আসতে পারি আমরা?’ পেছনে সরে এলো রেমি আর তার পাশ দিয়ে একে একে ভেতরে ঢোকার সময় করমর্দন করল প্রতিজন অ্যাটর্নির সঙ্গে।

ঠিক ভেতরেই অপেক্ষা করছিল স্যাম। ‘আর আমি স্যাম ফারগো।’ বলে উঠল স্যাম।

‘জিজ্ঞেস করতে পারি যে কেন এখানে আসা হয়েছে?’

‘চিন্তা করবেন না। আশা করি এরকম অযাচিতভাবে চলে আসাতে কিছু মনে করবেন না আপনি। কিন্তু এটা এতটাই জরুরি যে, এড়িয়ে যাবারও উপায় নেই। আমি গুয়েতেমালা শহরে বাস করি, কিন্তু অন্য আরেকটা প্রয়োজনে গত রাতে লস্ অ্যাঞ্জেলেসে এসেই খবরটা পেয়েছি আর ততক্ষণে ফোন করার জন্য বেশ দেরি হয়ে গিয়েছিল—বিজনেস আওয়ার শেষ হয়ে গেছে।’

‘আমরা বিজনেসে নেই আপাতত।’ উত্তর দিল স্যাম। ‘কতটা ভাগ্যবান আপনারা। আমি একজন শখের প্রত্নতাত্ত্বিক আর সংগ্রাহক। বিশেষ করে মধ্য আমেরিকার ওপর। কিন্তু তারপরও দায়িত্বের পাহাড় চেপে বসেছে আমার ওপর।’

‘কোন খবরটা শুনে পেয়েছেন আপনি?’ জানতে চাইল রেমি।

‘মেক্সিকোর আগ্নেয়গিরি তাকানাতে আপনারা যা খুঁজে পেয়েছেন, কোপানের একটা মূল্যবান জারসহ...’ খানিক বিরতি দিল সারাহ্। ‘আর একটা মায়ান পঙ্ক্তি।’

‘মজা তো।’ বলে উঠল স্যাম, চাইল নিজের বিস্মিত ভাব গোপন করতে। ‘কোথায় শুনেছেন’ এটা আপনি?’

মোলায়েমভাবে হাসল সারাহ্। ‘আমার কন্সল্টেডেনশিয়াল সোর্স সম্পর্কে সবাইকে বলে বেড়ালে সেগুলো তো আর তেমন থাকবে না। আমাকে ঘৃণাও করবে তারা।’

‘আর তাদের সোর্সও তাদের ঘৃণা করবে।’ বলে উঠল স্যাম। ‘এভাবেই চলতে থাকবে।’ উত্তর দিল সারাহ্। ‘পুরো ইকোসিস্টেমটা এভাবেই নিরাপদে রাখতে হয় আমাদের।’

রেমি বুঝতে পারল যে অস্বস্তিকর একটা মুহূর্ত ধীরে ধীরে তেতো হয়ে যাচ্ছে আর এই নারীর গলার স্বর, গন্ধ অথবা উপস্থিতি কিছু একটা বিরক্ত করেছে সুলতানকে। কুকুরটার মাথায় চাপড় দিয়ে শান্ত করতে চাইল রেমি আর সারাহর দিকে তাকিয়ে বলে উঠল, ‘প্লিজ, ভেতরে এসে বসুন।’

রেমিকে অনুসরণ করে এক তলায় বড়সড় খোলা সিটিং এরিয়ায় আসতে আসতে ঘড়ির দিকে তাকাল সারাহ। জানালার কাছে প্রশান্ত মহাসাগরের দৃশ্য দেখা যায় এমন এক অংশে বিশাল কফি টেবিলের চারপাশে রাখা চামড়ার কাউচের কাছে অতিথিদের নিয়ে গেল স্যাম।

‘ড্রিংক?’

‘আমার মনে হয় সকলের জন্য চা হলেই ভালো হয়।’ উত্তর দিল সারাহ। তিনজন ল’ইয়ারকে তেমন একটা আগ্রহী মনে হলো না। কিন্তু পরিষ্কার বোঝা গেল যে নিজের যা সঠিক বলে মনে হয় তাই অন্যদের ওপর চাপিয়ে দিতে অভ্যস্ত সে। স্যাম বুঝতে পারল যে মহিলা রেমিকে রুম থেকে বের করে দিয়ে ব্যবসায়িক কথা বলতে চায়।

এক মিনিটের জন্য বাইরে গেল রেমি। ফিরে এসে জানাল, ‘প্রস্তুত হয়ে গেছে সেলমা। ভেতরে নিয়ে আসবে।’ সুলতানও এলো তার পিছু পিছু। বসতেই সুলতানও তার পায়ের কাছে স্ক্রিংস-এর মতো ভঙ্গি করে বসে রইল, মাথা উঁচু হয়ে আছে, কানগুলো খাড়া আর পলক পড়ছে না কালো-হলুদ চোখ জোড়াতে। রেমি এটা দেখে গলার কাছে আদর করে দিল। কিন্তু যেভাবেই ছিল সেভাবেই রইল সুলতান, যেকোনো মুহূর্তে উঠে কাজ করতে প্রস্তুত। স্যামের চোখের দিকে তাকাল রেমি।

হালকাভাবে মাথা নাড়ল স্যাম। সে আর রেমি দুজনই জানে যে অতিথিদের পাহারা দিচ্ছে সুলতান।

‘ও সুলতান। দয়া করে এমন কিছু করবেন না যাতে ও আপনাদের ওপর বিরক্ত হয়। এমনিতে বেশ বাধ্য সুলতান।’ বিরতি দিল স্যাম। ‘আপনার জন্য আমরা কী করতে পারি মিস অ্যালারসবি?’

‘আমি এসেছি, কারণ আশা করছি যে আগ্নেয়াস্ত্রের যন্ত্র পেয়েছেন তা আমাকে দেখতে দিতে আপত্তি করবেন না আপনারা।’ হাসল সারাহ। ‘আমি পঙ্ক্তির কথাই বলছি।’

‘আমরা তো কোনো পঙ্ক্তির কথা বলিনি।’ বলে উঠল রেমি।

নিজের এক অ্যাটর্নির দিকে তাকাল সারাহ। স্যাম আর রেমি দুজনই টের পেল এমন এক অস্বস্তিকর আবহাওয়া, যা বেশিরভাগ লোক কল্পনা করতেই বিস্মিত হবে। ‘আমি খোলাসাভাবেই বলতে চাই।’ বলে উঠল

সারাহ্‌। ‘অসংখ্য ভিন্ন ভিন্ন নির্ভরযোগ্য সূত্র থেকে জানতে পেরেছি যে আপনাদের কাছে কী আছে। কোনো সন্দেহ নেই যে এটা একটা সত্যিকারের হাতে আঁকা এবং লেখা পণ্ডিত।’ আবারো হেসে রেমির দিকে তাকাল সারাহ্‌।

তাকিয়ে রইল রেমি, কিছু বলল না। একই কাজ করল সুলতান।

বলে চলল সারাহ্‌। ‘আপনারা যখন বাসায় বসে আছেন ডা. কেইন দেশ-বিদেশের শিক্ষাবিদদের কাছে ফোন করেছেন—ভাষাতাত্ত্বিক, প্রত্নতাত্ত্বিক, ইতিহাসবিদ, ভূগোলবিদ, জীববিজ্ঞানী। যা দেখিয়েছেন তাদের জানিয়েছেন। আরো জানিয়েছেন বাকি অংশে কী থাকতে পারে তা নিয়ে তার ধারণা। তিনি এতটাই বিশ্বাসযোগ্য যে, জাল হবার কোনো সম্ভাবনা নেই। এটা সত্যিকারের পঞ্চম পণ্ডিত।’

রেমি জিজ্ঞেস করে উঠল। ‘কেন এ লোকগুলো ডা. কেইন-এর সাথে তাদের আলোচনা আপনাকে জানিয়েছে?’

‘আমার কোনো সন্দেহ নেই যে একমাত্র আমাকেই জানানো হয়েছে। আমি অন্যদের চেয়ে শুধু একটু আগে থাকি, এই যা।’ বলে উঠল সারাহ্‌।

‘আমি আর আমার পরিবার বিভিন্ন বিশ্ববিদ্যালয়ে বেশ বড় অঙ্কের গ্রান্ট আর ডোনেশন দিয়ে থাকি। কখনো কখনো এটাও জানিয়েছি যে, নির্দিষ্ট কিছু বিষয়ে আমি আগ্রহী, যদি তারা কখনো সেগুলো খুঁজে পায়। আর অবশ্যই এ ব্যাপারে কোনো সন্দেহ নেই যে, যেই পাক না কেন, সেগুলো বিশ্ববিদ্যালয় আর জাদুঘরেই থাকবে। তাই কারো কারো কাছে এটা সত্যিই বেশ গুরুত্বপূর্ণ।’

‘ডা. কেইন কি জানেন যে তার আলোচনা আপনার সাথে সহভাগিতা করেছেন তার সহকর্মীরা?’ জানতে চাইল রেমি।

হেসে ফেলল সারাহ্‌। ‘এটা তো আমার জানা নেই। আমার ধারণা, তার নিশ্চয়ই গবেষণা করার জন্য নিজস্ব কিছু সূত্র আছে আর সেইটুকু জানান, যতটুকু তিনি জানতে চান।’ বিদ্রূপের মতো শোনাৎ তার হাসি। নীল চোখ জোড়া শীতল হয়ে গেল রেমির সাথে কথা বলার সময়।

স্যাম বুঝতে পারছে যে মিস অ্যালারসবির ধারণা ছিল যে সে এসে নিজের সৌন্দর্য দিয়ে বিমোহিত করে দেবে তাকে আর ইঁদুরের মতো কোথাও গিয়ে লুকাবে তার স্ত্রী। আর তাই কক্ষের মাঝে দ্বিতীয় সুন্দরী নারীর উপস্থিতি আর দুজন প্রশ্নকারীর সামনে সহজ হতে পারছে না। আর তাই নিজের ইগোকে খানিক বাঁচানোর জন্য সারাহ্‌ বলে উঠল, ‘আমি নিজেকে বাহবা দিতে চাইছি না যে নন-অ্যাকাডেমিক হিসেবে একমাত্র আমিই জানি এ সত্য। আর তাই সাথে সাথেই এসেছি। আর এ কারণে বহু পথ পাড়ি দিয়েছি। এটাও কি

মহাষ্ট্রজনক কারণ নয়? আর কিছুই তো গোপন নেই। আমি এমন একজন, যে কিনা সত্যিই এই দুর্লভ সম্পদকে সংরক্ষণ করতে চাই। এ কাজে মিলিয়ন মিলিয়ন অর্থও ব্যয় করেছি।’

স্যাম তাকাল রেমির দিকে। হালকাভাবে মাথা নাড়ল সে। ‘ঠিক আছে।’ এর দিল স্যাম।

‘কিন্তু এ কাজে বেশ সাবধান হতে হবে। শুধু প্রথম পৃষ্ঠাটাই খোলা হয়েছে। দুটোকে একসাথে জড়িয়ে ফেলার ঝুঁকি আর ক্ষতি করা ছাড়া অন্যগুলোও হয়তো খোলা যাবে না। তাই কয়েকটা পৃষ্ঠাই দেখা যাবে শুধু।’

‘ঠিক আছে।’ জানাল সারাহ্। ‘কোথায় এটি?’ এতটা নগ্ন আগ্রহ নিয়ে বিশাল কক্ষটাতে চোখ বোলাল সারাহ্ যে, অস্বস্তিতে পড়ে গেল স্যাম।

‘পাত্র আর পঙ্ক্তিটা আবহাওয়া নিয়ন্ত্রিত একটি কক্ষে রাখা হয়েছে।’ বলে উঠল রেমি। ‘এটার ঠিক নিচেই।’ সে আর সুলতান মিলে দরজার কাছে গেল। এরপর খুলে বলে উঠল, ‘আমার ভয় হচ্ছে যে একবারে হয়তো মাত্র দুজনের জায়গাই হবে। তাই পালা করে যেতে হবে।’

সারাহ্, অ্যালারসবি তড়িঘড়ি বলে উঠল, ‘চিন্তা করবেন না। তারা এই কারণে এখানে আসেনি। এটা দেখার তাদের কোনো প্রয়োজন নেই।’ ভেতরে পা রাখল সারাহ্, পেছনে গেল স্যাম। রেমি প্রবেশ করতেই দরজা আটকে দিল। গ্লাভস পরে নিয়ে কেবিনেটের কাছে গিয়ে পাত্রটা নিয়ে এলো।

চোখ বড় বড় হয়ে গেল মিস অ্যালারসবির। ‘অবিশ্বাস্য। এটা তো কোপানের ক্ল্যাসিক স্টাইল।’ একটা পুরস্কার পাবার সাথে সাথেই আরেকটার জন্য বায়না ধরা বখে যাওয়া বাচ্চাদের মতো কাচের দরজার পেছনে তাকের দিকে তাকাল সারাহ্। ‘আর পঙ্ক্তি?’

একে অন্যের দিকে তাকাল স্যাম আর রেমি, দুজনেরই দৃষ্টিতে একই প্রশ্ন: এই কাজ করার সত্যিই কি দরকার আছে? কেবিনেটের সারির কাছে গিয়ে একটি তাল খুলে পঙ্ক্তি নামিয়ে আনল স্যাম। টেবিলের কাছে নিয়ে গেল। সাথে সাথে সারাহ্ অ্যালারসবি এমনভাবে সেদিকে ঘুরে গেল যেন চুম্বকের টানে আকর্ষিত হলো। স্যাম নিচে নামিয়ে রাখতেই কাছে ঝুঁকে পড়ল সারাহ্—খুব কাছে।

‘প্লিজ সাবধান, স্পর্শ করবেন না।’ বলে উঠল রেমি। তাকে অগ্রাহ্য করেই সারাহ্ বলে উঠল, ‘খুলুন।’

এক মুহূর্ত সময় নিয়ে কজি পর্যন্ত গ্লাভস টেনে নিল স্যাম।

‘খুলুন এটাকে।’ আবারো বলে উঠল সারাহ্।

মোতাগুয়া উপত্যকার পান্না খনির পৃষ্ঠাটা খুলে ফেলল স্যাম।

‘কী এটা?’ জিজ্ঞেস করে উঠল সারাহ্। ‘পান্না?’

‘আমরা পুরোপুরি নিশ্চিত যে জঙ্গলের শহর থেমে মোতাওয়া উপত্যকাতে এক দল যাচ্ছে এটি নিয়ে ব্যবসা করার জন্য।’

পরের পৃষ্ঠা মেলে ধরতেই উত্তেজনায় ছটফট করতে লাগল সারাহ্। ‘আমার মনে হয় এটি পোপল ভাহ-এর অংশ। পৌরাণিক কাহিনি তৈরি আর এ জাতীয় সবকিছু। এখানে পালকঅলা তিনটা সাপ। এখানে আকাশের তিনজন দেবতা।’

এই অংশের শেষে এসে থেমে গেল স্যাম, বই বন্ধ করে গ্লাস কেবিনেটে জায়গামতো তুলে রেখে আটকে দিল কেবিনেট। খানিক সময় নিয়ে নিজেকে ধাতস্থ করল সারাহ্ অ্যালারসবি। পঙ্ক্তির দুনিয়া থেকে বের হয়ে আসতে কষ্ট হলো যেন।

সবাই মিলে ফিরে এলো সিটিং রুমের কাউচে। সেলমা ল’ইয়ারদের চা আর ছোট্ট পেস্ট্রি দিল। বাকিরা এসে পড়ার পরে তাদের খাবার দিল। রেমিকে অনুসরণ করে কাউচের কাছে গিয়ে বসল সুলতান, নজর রাখল চার অতিথির ওপর।

‘তো, উত্তেজনাকর ছিল ব্যাপারটা।’ বলে উঠল সারাহ্, ‘এসব কিছু সম্পর্কে আমি অনেক শুনেছি। যদি এর বাকি অংশটুকু শূন্যও হয় তারপরও এটা বিস্ময়কর।’ চায়ে চুমুক দিল সারাহ্। ‘আর বেশি এগোনোর পূর্বে প্রাথমিকভাবে আমি একটি প্রস্তাব দিতে চাই। পাঁচ মিলিয়ন ডলার কি ঠিক হবে?’

‘আমরা তো কিছু বিক্রি করছি না।’ উত্তর দিল রেমি।

ঈ কুঁচকে ফেলল সারাহ্ অ্যালারসবি। স্যাম বেশ বুঝতে পারল যে এই নারী তার দ্বিতীয় সেরা অস্ত্রটিও ব্যবহার করে ফল লাভে ব্যর্থ হলো। তার কমণীয় মুখশ্রী কাউকেই প্রভাবিত করতে পারেনি। একেবারে দুঃস্বপ্ন সব মুহূর্তে যখন এটি কাজ করে না, পারিবারিক অর্থ সবসময় সমীচীন আদায় করে নেয় নিশ্চয়ই। অথচ কোনো মন্তব্য ছাড়াই অর্থের ব্যাপারটা এড়িয়ে গেল রেমি।

‘কেন নয়?’

‘প্রথমেই বলব এটা আমাদের নয়। মেক্সিকোর।’

‘আপনি নিশ্চয়ই সিরিয়াস নন, তাই না? ইতিমধ্যে পুরো পথ পাড়ি দিয়ে এখানে স্মাগল করে নিয়ে এসেছেন। এখন আপনার বাসায়। আপনার অধিকারে। যদি না-ই চান, তাহলে সমস্যা, বন্দি হবার আর কারাগারে যাওয়ার ঝুঁকি কেন নিয়েছেন?’

এবারে স্যাম জানাল, ‘ইমার্জেন্সির কারণে। যা খুঁজে পেয়েছি তা সংরক্ষণের জন্যই এমনটা করেছি আমরা। আমরা যা করেছি তা হলো চোর এসে নিয়ে যাওয়া বা ভূমিকম্প আর আগ্নেয়গিরি ধ্বংস করে ফেলার আগেই সাইট থেকে সরে যেতে পারে এমন জিনিস নিয়ে এসেছি। এছাড়া স্থানীয় লোকদেরও যুক্ত করেছি মন্দিরের নিরাপত্তার কাজে। বিশেষজ্ঞদের এটি নিয়ে পড়াশোনার সুযোগ দেয়ার পরে সংরক্ষণের জন্য পুনরায় মেক্সিকোর কাছ দিয়ে দেয়া হবে।’

এমনভাবে স্যামের দিকে ঝুঁকে এলো সারাহ্, যেন থুথু ফেলবে। ‘সাত মিলিয়ন?’

‘আমি কি কথা বলতে পারি?’ কথা বলে উঠল ফিফ। ব্রিটিশ অ্যাটর্নি। ‘মূলত কেউ জানে না যে আপনাদের কাছে হাতে লেখা পণ্ডিত আছে। তাই যা করতে হবে তা হলো, একটি বিক্রির চুক্তিপত্র, গোপন রাখার চুক্তিপত্রে স্বাক্ষর করা। এরপর পরবর্তী কয়েক ঘণ্টায় আপনাদের পছন্দমতো ব্যাংক বা ব্যাংকসমূহে পৌঁছে যাবে অর্থ।’

‘আমরা কিছু বিক্রি করছি না।’ জানাল রেমি।

‘সাবধান।’ বলে উঠল সারাহ্। ‘যখন আমি দরজা দিয়ে বেরিয়ে যাব, তার মানে হবে আমরা একমত হইনি। যেমনটা বলতে চাইছেন যে মেক্সিকো থেকে চোরাকারবারি করার মতো করে নিয়ে আসেননি, তার মানে ধরে নেব যে সত্যিকারের বাধা হলো আরো বেশি মূল্য।’

মেক্সিকান ল’ইয়ার এসকোবডা বলে উঠল, ‘আমি নিশ্চয়তা দিতে পারি যে, এগোনোর জন্য এটাই শ্রেষ্ঠ পন্থা। কোনো কোনো ক্ষেত্রে মেক্সিকান সরকার ভালোই আগ্রহ দেখাবে। আপনারা যতটুকু পারবেন তার চেয়ে ভালোভাবে এর মোকাবিলা করতে পারব আমরা। মেক্সিকান সংবাদপত্রে আপনাদের কথা প্রকাশিত হয়েছে। আর যদি পণ্ডিত থেকে থাকে আপনাদের কাছে তার মানে মন্দির থেকে চুরি করেছেন এটি। যদি মিস অ্যালারসবি এটা পেয়ে যান, এটার উৎস হিসেবে যেকোনো স্থানের নাম বলতে পারবেন তিনি—সম্ভবত গুয়েতেমালাতে তার প্লান্ট থেকে। আর গুয়েতেমালার সীমান্তেই তো তাকানার অবস্থান। কয়েক গজ এদিক-ওদিক হুঁলেও পণ্ডিতের স্থান বদল আইনত থাকবেই।’

এবার পালা সালাজারের। ‘যদি আপনারা ভয় পেয়ে থাকেন যে হাতের লেখা পণ্ডিত এমন এক জায়গায় তালাবদ্ধ করে রাখা হবে যেখানে বিজ্ঞানীরা এটি পড়ার সুযোগ পাবেন না, তাহলে ভুল করছেন। পণ্ডিত জাদুঘরে রাখা হবে আর সারা পৃথিবীর অন্যান্য জায়গার মতো করেই তারা এটি পড়ারও

সুযোগ পাবেন। মিস অ্যালারসবি শুধু আইনগতভাবে এর মালিক হবার অভিপ্রায় ব্যক্ত করেছেন, একই সাথে সরকারি জিজ্ঞাসাবাদ থেকেও বেঁচে যাবেন আপনারা।’

‘আমি সত্যিই দুঃখিত’, বলে উঠল স্যাম। ‘কিন্তু যেটি আমাদের নয়। সেটি তো আমরা বিক্রি করতে পারি না। পঙ্ক্তি মেক্সিকান সরকারকে দিয়ে দিতে হবে। আমার বিশ্বাস, এখানে এমন সব তথ্য আছে, যা চোরাকারবারি, মৃৎশিল্প শিকারীদের হাতে পড়লে প্রত্নতাত্ত্বিকগণ পৌছানোর আগেই ধ্বংস হয়ে যাবে গুরুত্বপূর্ণ সাইটগুলো। আমরা শুধু আপনার প্রস্তাব ফিরিয়ে দিচ্ছি না। সব ধরনের প্রস্তাবই প্রত্যাখ্যান করব।’

উঠে দাঁড়িয়ে নিজের ঘড়ির দিকে তাকিয়ে সারাহ্ বলে উঠল, ‘আমাদের তাহলে উঠতে হবে।’ দীর্ঘ নিঃশ্বাস ফেলে আবার বলে উঠল, ‘আমি আপনাদের এত বিশাল অঙ্কের একটা প্রস্তাব দিয়েছি যেন নিলামে কোনো মেক্সিকান প্রতিষ্ঠান থেকে কিনে নেয়ার জন্য বছরের পর বছর অপেক্ষা করতে না হয়। কিন্তু যদি অপেক্ষা করাটা প্রয়োজন হয়, আমি তাই করব। কিছু কিছু ক্ষেত্রে যুক্তি কাজ করে আর আমরা ঠিকই উপলব্ধি করতে পারে যে, পুরনো একটা বইয়ের চেয়ে গোটা নতুন একটা লাইব্রেরিই বেশি ভালো। চায়ের জন্য ধন্যবাদ।’

ঘুরে দাঁড়িয়ে মুহূর্তখানেকের মাঝে দরজার বাইরে চলে গেল সারাহ্। অ্যাটর্নীদেরই বরং তাড়াহুড়া করে বের হয়ে সাইড ওয়াক ধরে যেতে হলো গাড়ির দরজা খুলে ধরার জন্য।

রেমি জানাল, ‘আমার কেমন যেন মনে হয়েছে এই মহিলাকে।’

‘আমারও।’ উত্তর দিল স্যাম।

জানালা দিয়ে লিমোজিনের দিকে তাকিয়ে গরগর করে উঠল সুলতান।

হেঁটে আবার আবহাওয়ার নিয়ন্ত্রিত রুমে ফিরে এলো স্যাম আর রেমি। সার্জিক্যাল গ্লাভস পরে নিয়ে পাত্র আর পঙ্ক্তি নিয়ে বাইরে বের হয়ে এলো। বুককেসের মাঝ দিয়ে গোপন দরজা ধরে ঢুকে গেল। এরপর সিঁড়ি বেয়ে নেমে গেল নতুন ফ্যারিং রেঞ্জে। বন্দুকের কেবিনেট খুলে পাত্রসহ পঙ্ক্তিটাকে একটা তাকে রেখে, তালা আটকে দিল স্যাম। লকের জায়গা ঘুরিয়ে কাজ শেষ করল।

আবারো ওপরতলায় উঠে এসে সেলমার কাছে রেমি জানতে চাইল, ‘নতুন সিকিউরিটি সিস্টেম ঠিকভাবে কাজ করছে তো?’

‘হ্যাঁ।’

‘গুড। কিন্তু আজ রাতে এখানে ঘুমাতে হবে না। সব সিস্টেম চালু করে নিজের অ্যাপার্টমেন্টে চলে যেও। আজ রাতে হয়তো নরক ভেঙে পড়বে।’

এগারোটা বাজার পনেরো মিনিট বাকি থাকতে গাড়ি চালিয়ে সান
।৬য়েগেতে ইউনিভার্সিটি আর ক্যালিফোর্নিয়াতে এলো স্যাম আর রেমি। নৃতত্ত্ব
।৭ভাগ থেকে কাছেই পার্কিং লটে গাড়ি রেখে হেঁটে চলে গেল বিভাগে।

ডেভিড কেইনের অফিসের কাছাকাছি যেতেই দেখা গেল দরজা খোলা
আরেকজন ছাত্র বের হয়ে যাচ্ছে, চোখ পেপারের দিকে আর বেশ বিমর্ষ ভাব।
ছাত্রটাকে কেইন বলে উঠলেন, ‘গ্রন্থপঞ্জি আর নোটসগুলো ঠিকঠাক করে দিও
জমা দেয়ার সময়ে।’ এরপর ফারগো দম্পতিকে দেখে প্রফেসর চিৎকার করে
উঠলেন, ‘স্যাম! রেমি! কী অবস্থা?’ তাদের নিজের অফিসে ঢুকিয়ে দরজা
আটকে দিলেন। এরপর চেয়ারের ওপর থেকে বইয়ের স্তুপ নামিয়ে তাদের
জন্য খালি করে দিয়ে বলে উঠলেন, ‘আমি আরো ভাবছি তোমাদের বাসায়
গিয়েই দেখা করে আসব।’

‘এক ঘণ্টা আগে সারাহ্, অ্যালারসবি নামক এক নারী এসেছিল আমাদের
বাসায়।’

‘ওহ, একদম ঠিক হয়নি ব্যাপারটা।’

‘আপনি তাকে চেনেন?’ জানতে চাইল রেমি।

‘বেশ খ্যাতি গুনেছি।’

স্যাম জানাল, ‘আপনি কথা বলেছেন এরকম অন্তত একজন সহকর্মী তার
কাছে সবকিছু বলে দিয়েছে। পণ্ডিতের জন্য আমাদের সাত মিলিয়ন ডলারের
প্রস্তাবও দিয়েছে। জানে যে কী আছে এতে।’

‘ওহ, না’, অস্ফুটে বলে উঠলেন প্রফেসর। ‘যাদের বিশ্বাস করতে পারি
এরকম লোকদের সাথেই শুধু মাত্র কথা বলেছি আমি। কখনো মাথায় আসেনি
যে কেউ এরকম প্রস্তাব দিতে পারে।’

‘কী জানেন তার সম্পর্কে?’ আবার ও জিজ্ঞেস করল রেমি।

‘যতটা চাইনি তার চেয়েও বেশি। সে হচ্ছে ইউরোপ আর উত্তর
আমেরিকার সেসব লোককে একজন যারা তাদের বিশাল ব্যক্তিগত গুণ্ডা গণ্ডা
বছর ভরে ফেলেছে চুরি করে আনা শিল্পদ্রব্য। উদ্ভিদ শতকে অনুন্নত
দেশগুলো ভ্রমণ করে যা ইচ্ছা তা নিয়ে আসতেই সক্ষম ছিল তারা। বিংশ
শতকে এসে গ্যালারিগুলোকে প্রচুর অর্থ দিচ্ছে জগৎব্যাপী চোরদের নিয়ে আসা
দ্রব্যাদির জন্য। কয়েকটা কিনে ফেলে মার্কেট তৈরি করেছে বাকিগুলোর জন্য।
অথচ এ ব্যাপারে কোনো চিন্তা বা আগ্রহই নেই যে জিনিসগুলো সত্যিই কী,
কোথা থেকে এসে বা কীভাবেই বা এসেছে। আজকের দিন ঘটনা এমন
দাঁড়িয়েছে যে, যদি আমি টিকে থাকা সবচেয়ে পবিত্র জিনিসটি খুঁজে পেতে
চাই, তাহলে আমাকে গর্ত ও খুঁড়তে হবে না কিংবা জাদুঘরেও খুঁজতে হবে

না। গত একশ বছর বা আরো বেশি সময় ধরে বিস্তবান, ইউরোপ আর আমেরিকার এমন সব বাড়িগুলোতে টুঁ মারলেই চলবে।’

‘অ্যালারসবিরো কি তাই?’ জানতে চাইল রেমি।

‘সবচেয়ে নিকৃষ্টদের একজন।’ উত্তরে জানালেন কেইন। ব্রিটিশরা ভারতে পা রাখার পর থেকেই তাদের এ অবস্থা। ত্রিশ বছর আগ পর্যন্ত বোঝা যায়নি ব্যাপারটা। এমনকি এখন পর্যন্ত যদি কোনো কিছু এর মাতৃভূমি ছেড়ে আসে ১৯৭০ সালে জাতিসংঘ স্বাক্ষরিত চুক্তির আগে তাহলে এটিকে নিয়ে যা খুশি করতে পারবেন আপনি। রেখে দিন, বেচে ফেলুন, চাই কি বার্ড বাথ হিসেবে বাগানে রেখে দিন। এই শুভংকরের ফাঁকিটা রয়ে গেছে, কারণ অ্যালারসবিরদের মতো ধনীরা তাদের সরকারের ওপর প্রভাব প্রতিপত্তি খাটাতে পারে।’

‘সারাহ্ ধরেই নিয়েছিল যে মেক্সিকো থেকে আমরা পঙ্ক্তি নিয়ে এসেছি অর্থের জন্য।’ জানাল রেমি।

মাথা নাড়লেন কেইন। ‘ব্যাপারটা বিব্রতকর। শুনেছি যে ব্রিটিশ ট্যাবলেয়েডগুলো নাকি গ্রিক দ্বীপপুঞ্জ আর ফরাসি রিভিয়েরাতে তার বদ আচরণ নিয়ে বহু কালি খরচ করেছে। কিন্তু গুয়েতেমালাতে যা করেছে তা সবচেয়ে নিকৃষ্টতম আর সিরিয়াস।’

‘কেন?’

‘১৯৬০ থেকে ১৯৯৬ পর্যন্ত গৃহযুদ্ধ চলেছিল গুয়েতেমালাতে। দুইশ মিলিয়ন মানুষ মৃত্যুবরণ করেছে এ যুদ্ধে। বহু পুরাতন স্প্যানিশ জমিদার পরিবার বিষয় সম্পত্তি বিক্রি করে ইউরোপে চলে এসেছে। মূলত বিদেশিরাই কিনে নিয়েছে বিশাল সেসব জমি। এদেরই একজন হলো সারাহ্ অ্যালারসবির পিতা। এসতানশিয়া গুয়েররো নামে বিশাল বড় একটা জায়গা কিনে নিয়েছে এর শেষ উত্তরাধিকারীর কাছ থেকে, যে কিনা এখন প্যারিসে থাকে আর মোনোকোতে জুয়া খেলে। সারাহ্‌র বয়স একুশ হবার পরে মেয়ের নামে প্রচুর সম্পত্তি লিখে দেয় তার পিতা—বহু ইউরোপীয় রাজধানীতে অট্টালিকা, ব্যবসা আর এসতানশিয়া গুয়েররো।’

‘বিস্তবান পরিবারগুলোর জন্য এটা নিয়মিত ব্যাপার।’ বলে উঠল রেমি।

‘যাই হোক, হঠাৎ করেই ইংল্যান্ডের বিদ্যালয় থেকে বের হওয়া একুশ বছর বয়সী তরুণী হয়ে গেল গুয়েতেমালার সবচেয়ে গুরুত্বপূর্ণদের একজন। কেউ কেউ ধারণা করেছিল যে, সারাহ্ হয়ে উঠবে প্রগতিশীল শক্তি, যে কিনা গরিব মায়ান, কৃষকদের পক্ষে দাঁড়াবে। কিন্তু ঘটল ঠিক তার উল্টো। গুয়েতেমালায় নিজের আবাস দেখতে গিয়ে জায়গাটাকে এতটাই পছন্দ করে ফেলল যে, সেখানেই গেড়ে বসল। মনে হলো যেন গুয়েতেমালা যেমন,

তেমনভাবেই এ জায়গাকে পছন্দ করেছে সে। হয়ে উঠল কতিপয় লোক দ্বারা শাসিত রাষ্ট্রের অংশ, সেসব বিদেশি, যাদের হাতেই আছে প্রায় আশি শতাংশ ভূমি আর অন্যসব কিছুর ওপর এর চেয়ে বেশি শতাংশ মালিকানা। পুরনো স্প্যানিশ জমিদারদের মতোই আচরণ করতে লাগল কৃষকদের সাথে।’

‘এটা তো নৈরাশ্যজনক।’

‘সকলের অবস্থা তাই হলো, কেবল কৃষকেরা বাদে, তারা বিস্মিত হলো না মোটেই: নতুন বসকে মেনে নাও—যেমন ছিল পুরনো বস। মায়ান শিল্পদ্রব্যের জন্য এই মহিলার আগ্রাসী টাইপের ক্ষুধা আছে; অথচ তার জমিতে কাজ করা জলজ্যাত মায়ান লোকদের জন্য আর তার ব্যবসায়ে কাজ করা শ্রমিকদের জন্য কার্যত কোনো দয়ামায়া নেই।’

‘তো’ বলে উঠল স্যাম। ‘এটা তো নিশ্চিত হয়েই গেল যে তার কাছে কিছু বিক্রি করছি না আমরা। আপনার কী মনে হয়, এখন আমাদের কোথায় যাওয়া উচিত?’

‘আমার সহকর্মীদের ব্যাপারেও কিছু করতে হবে। জানতে হবে কে সৎ আর কে নয়। এদের প্রত্যেককে পঙ্ক্তির বাকি অংশে কী আছে সেটা নিয়ে মিথ্যা খবর বলব আমি। তারপর দেখা যাবে সে সারাহ্ অ্যালারসবি কোনটার ভিত্তিতে প্রতিক্রিয়া করে।’

‘আমার ভয় হচ্ছে, এতকিছু করার জন্য অনেক দেরি হয়ে গেছে।’ বলে উঠল রেমি। আমরা যখন তার সোর্স জানতে চেয়েছিলাম, উত্তর দেয়নি। নিশ্চিত সে ভাবছে আমরা বের করার চেষ্টা করব।’

‘তাহলে আমাদের যা করতে হবে তা হলো, একসাথে দুটো পথে এগোনো।’ ঘোষণা করলেন কেইন। ‘কোন দুটো পথ?’ জানতে চাইল স্যাম।

‘পঙ্ক্তির পরীক্ষা, প্রতিলিপি তৈরি আর অনুবাদ করা। কী লেখা আছে আমাদের জানতে হবে।’

‘এতে কোনো দ্বিমত নেই।’ বলে উঠল রেমি।

‘অনুসন্ধানের অন্য পথটা একটু কৌশলী। আমাদের খুঁজে বের করতে হবে যে, পঙ্ক্তিটা কী একটা উপন্যাস, নাকি সে সমস্কার পৃথিবী যেমন ছিল তার বর্ণনা? এর জন্য একমাত্র যা করার আছে তা হলো মধ্য আমেরিকায় গিয়ে এর সত্যতা আর সুস্পষ্টতা যাচাই করা।’

‘আপনি বলতে চাইছেন এখানে লেখা আছে এরকম একটা জায়গা ভ্রমণ করা?’ জিজ্ঞেস করে উঠল স্যাম।

‘আমি আসলে সেটাই বলতে চাইছি।’ উত্তর দিলেন প্রফেসর। ‘শুধু পঙ্ক্তিতে উল্লেখ আছে এরকম একটা জায়গায় বৈজ্ঞানিক অভিযান চালাবার

কথা ভাবছিলাম। কিন্তু স্প্রিং কোয়ার্টারের মাত্র দুই সপ্তাহ হয়েছে। আরও বাকি আছে নয় সপ্তাহ। এখন ক্লাস ফাঁকি দেয়া সম্ভব নয়। আর একসাথে এতবড় অভিযানের আয়োজন করাটাও সময়সাপেক্ষ। আর সারাহ্ অ্যালারসবি এসে জোটাতে সময় আরো কমে গেল। আমরা যত দেরি করব সে তত জীবন অতিষ্ঠ করে তুলবে। তার ক্ষমতা আছে আমাদের যেকোনো অভিযানের পেছনে লোক লাগিয়ে দেয়ার। এরপর বন্দি করে বাধ্য করবে পঙ্ক্তি বিক্রি করতে নয়তো এমন ব্যবস্থা করবে যে, আর এটাকে নিয়ে কাজ করতে পারব না।’

‘আমরাই যাব অভিযানে।’ বলে উঠল রেমি। ‘আমি আর স্যাম।’


‘কী?’ চমকে গেল স্যাম। ‘আমি ভেবেছিলাম যে কয়েকদিনের জন্য তুমি হয়তো কোথাও যেতে চাইবে না আর।’

‘ওনার কথা শুনলে তো, স্যাম। মাত্রই—দুটো কাজ আছে করার মতো। আমরা কেউই জানি না কীভাবে মায়ান লেখার আটশ একষট্টি চিহ্ন/অংশ পড়তে হয়। আর ভাষাটাও জানি না। কী নাম যেন?’

‘চোলান।’ উত্তর দিলেন কেইন।

‘ঠিক তাই। চোলান। চোলান হলে কেমন হয়?’ বলে উঠল রেমি।

‘আমি বুঝতে পেরেছি তোমার কথা।’ এবারে বলে উঠল স্যাম। ‘ডেভ, যদি এমন কোনো জায়গা খুঁজে পান, যা আমাদের প্রয়োজন মেটাতে পারে—পঙ্ক্তিতেই একমাত্র এর উল্লেখ আছে, কখনো কেউ আগে আবিষ্কার করেনি আর ছোট যে বড় কোনো দল দিয়ে খোঁড়াখুঁড়ি করতে হবে না, আমি সেখানে যাব, চট করে দেখেই আবার ফিরে আসব।’



লা জোল্লা

পরের দিন সকাল বেলা তাড়াতাড়ি গোল্ডফিশ পয়েন্টে নিজেদের বাসায় চলে এলো স্যাম, রেমি আর সুলতান। চারতলায় কাজ করার জন্য ইলেকট্রিশিয়ান আর কাঠমিস্ত্রিরা ও তখনো এসে পৌঁছায়নি। সদর দরজা খুলে সেলমা এগিয়ে এলো। কোমরে হাত রেখে জানাল। ‘পুলিশ এই মাত্র গেছে।’

রেমি জানতে চাইল, ‘তার মানে অতিথি এসেছিল গত রাতে?’

‘হ্যাঁ। চোরের দল সদর দরজা খোলার বহু চেষ্টা করেছিল, কিন্তু এক চুলও নড়াতে পারেনি, হ্যাচ ঘোরানোর চেষ্টা আর ধাক্কা দেয়ার ফলে স্বয়ংক্রিয়ভাবে নেমে এসেছে একতলা আর দোতলার স্টিলের সাটার। এরই মাঝে পুলিশকে সতর্ক করে দিয়েছে বাইরের সার্ভিলেন্স ক্যামেরা আর মোশন সেন্সর। স্কি মাস্ক আর কালো পোশাক পরিহিত দুজনের ইন্ট্রাজ কেবল ধরা পড়েছে ক্যামেরাতে।’ জানাল সেলমা।

‘তুমি তাদের শ্রেষ্ঠ কাজ দেখবে বলে আশা করেছিলে?’ জানতে চাইল রেমি।

‘না।’ উত্তর দিল স্যাম। ‘কিন্তু আমার অবাক লাগছে এই ভেবে যে, তারা আগেই কেন ভাবেনি সহজ হবে না এই জায়গা।’

‘ওহ?’ অবাক হলো সেলমাও, ‘তার মানে তারা এখানে আগেও এসেছিল।’

কাঁধ ঝাঁকালো স্যাম। ‘আমাকে যদি অনুমান করতে বলো, আমার ধারণা গতকাল তাদেরই চা খাইয়েছিলে তুমি। তার মানে এই না যে সারাহ্ অ্যালারসবিই ফিরে এসেছিল শাবল নিয়ে। বলতে চাইছি যে, সে হয়তো আমাদের ভুল বুঝেছে—ভেবেছে, যদি কেউ এইভাবে ভয় দেখায় তাহলে মূল্যবান শিল্পদ্রব্যের চারপাশে থাকা বিপজ্জনক ভেবে আমরা হয়তো তার প্রস্তাব লুফে নেব।’

‘আরেকটা জিনিস।’ তড়িঘড়ি করে বলে উঠল সেলমা। ‘বাসার ফোনে রাতে মেসেজ রেখেছেন ডেভ কেইন। আজ সকালে দেখা করতে চান তোমাদের ছোট্ট ট্রিপ নিয়ে কথা বলার জন্য।’

দুই ঘণ্টা পরে, ডেভিড কেইনকে সাথে নিয়ে আবহাওয়া নিয়ন্ত্রিত রুমটাতে এলো সকলে। টেবিলের চারপাশে দাঁড়িয়ে আছে সকলে, পঙ্কজিতে থাকা একটা মানচিত্রের সাথে মিলিয়ে দেখছে কম্পিউটারের পর্দায় ভেসে ওঠা ভূতাত্ত্বিক মানচিত্রের সাথে। জঙ্গলের মাঝে একটা স্থানে ছোট তীর দিয়ে সংকেত রেখেছেন কেইন। ‘এই সাইটটা আমাদের প্রয়োজনের সাথে হুবহু মিলে গেছে। এ পর্যন্ত জানা কোনো মায়ান সাইটের মাঝে এটা নিয়ে কিছু করা হয়নি। আবার দেখে বড় কোনো শহর ও মনে হচ্ছে না। গুয়েতেমালার উচ্চভূমিতে হওয়ার দরুন লোকবসতি কম আর প্রত্যন্ত অঞ্চলের সুবিধাও রয়েছে।

‘আপনার কী মনে হয়, এটা কী?’ জানতে চাইল রেমি।

‘পঙ্কজির লেখা অনুযায়ী এটা পবিত্র একটা পুল। আমার বিশ্বাস, পানির কারণে নিচের চূনাপাথরের ভূমিতে তৈরি হওয়া গর্ত।’

‘কোনো সিন্ধুহালের মতো?’

‘ঠিক তাই। মায়ানদের কাছে পানি খুব মূল্যবান পণ্য ছিল, আর ক্র্যাসিক পিরিয়ডের শেষ দিকে তা আরো বেড়ে যায়। আপনারা হয়তো ভাবছেন, জঙ্গলে পানি প্রচুর ছিল। কিন্তু তা নয়। আর মাইলের পর মাইল গাছ যখন কৃষিকাজের জন্য মায়ানরা কেঁটে ফেলল, তখন আবহাওয়া আরো গরম হয়ে উত্তপ্ত আর শুষ্ক হয়ে উঠল। শেষের দিকে, অনেক শহরই এ ধরনের বেসিনের ওপর নির্ভর করত পানির জন্য। মানুষের তৈরি পৃষ্ঠদেশে জল রাখার চৌবাচ্চা খনন আর প্লাস্টার করার প্রমাণ পেয়েছি আমরা এল মিরাদোরে। যেটা কুয়োরই অনুকরণ, এতে আবার কৃত্রিম ঝরনার মতো বানিয়ে পানি ধরার ব্যবস্থা করা হয়েছিল।’

স্যাম জানতে চাইল, ‘আপনি কি চান আমরা একটা পানির পুল খুঁজে বের করি?’

‘কুয়োগুলো এর চেয়েও বেশি কিছু। এর মাধ্যমে নিচের পৃথিবীতেও যাওয়া যায়। অন্যান্য জায়গার মাঝে এগুলোর নিচেই বাস করত চাক। বৃষ্টি আর আবহাওয়ার দেবতা। আপনাকে বুঝতে হবে, এই লোকগুলো বিশ্বাস করত যে, তারা যা করছে এর মাধ্যমেই সঠিকভাবে কাজ করছে বিশ্ব। যদি আপনি বৃষ্টি চান তাহলে উৎসর্গের জিনিস ছুঁয়ে মারবেন এসব কুয়োতে, তাহলেই—সম্ভ্রষ্ট হবেন দেবতা।’

‘আর এটাই সবচেয়ে ভালো জায়গা?’

‘এই মানচিত্রে নতুন কিছু শহরও আছে। হয় তারা কল্পনাপ্রসূত অথবা হারিয়ে গেছে। আমরা জানি না কী ঘটেছে। কিন্তু মাসখানেকের প্রস্তুতি ছাড়া কোনো খননকাজে যাওয়া অথবা কোনো শহরের মানচিত্র তৈরি সম্ভব নয়। আর যদি তা করেনও তাহলে সমঝোতা করতে হবে স্থানটার সাথে, একই সাথে লুটপাটকারীদের জন্যও মেলে ধরা হবে। একটা কুয়ো হয়তো লুকিয়ে রাখা যাবে বা এর ওপরে অন্য কিছু তৈরি করা যাবে; কিন্তু বেশি লোকের মনোযোগ আকর্ষণ ব্যতীত কাজ করার জন্য এর চেয়ে আদর্শ আর কিছু নেই। তো এই হলো এটিকে পছন্দ করার পেছনের কারণসমূহ।’

রেমি বলে উঠল, ‘আমার মনে হচ্ছে কেনই বা হবে না, তার পেছনেও কারণ আছে।’

‘ঠিক তাই।’ উত্তর দিলেন প্রফেসর।

‘বিদেশি এক জমিদারের বিশাল জমি আছে এর পাশেই। নাম এসতানশিয়া গুয়েররো।’

‘সারাহ্ অ্যালারসবি?’ অবাক হয়ে জানতে চাইল রেমি।

‘হ্যাঁ।’ উত্তর দিলেন কেইন। ‘দুর্ভাগ্যক্রমে কাকতালীয় হয়ে গেছে ব্যাপারটা। কিন্তু গুয়েতেমালার যেখানেই যান না কেন এরকম কোনো না কোনো বড় এস্টেটেই পড়বে সেটা। শত শত বর্গ কি.মি. অধিকার করে রেখেছে তারা। তবে বেশিরভাগই খালি।’

‘হয়তো ততটা খারাপও হয়নি ব্যাপারটা।’ বলে উঠল স্যাম। ‘পঙ্ক্তি হাতানোর চিন্তায় অধীর হয়ে আছে এই নারী। তাই হয়তো আমাদের সাথে ঝামেলা করার জন্য নিজ ভূমিতে নাও থাকতে পারে।’

‘আমার মনে হয় না সে তত বেশি সেদিকে যায়। কেননা গুয়েতেমালা শহরে ব্যবসা, সামাজিক আর রাজনৈতিক কাজেই বেশি ব্যস্ত থাকতে হয়।’

‘শুনে তো ভালোই লাগছে।’ জানাল স্যাম। ‘আমরা চলে গেলেও আপনি পঙ্ক্তি নিয়ে কাজ করতে থাকবেন, নিয়মিত যোগাযোগও করব। সেলমা আর তার সহকারীদ্বয় পিট আর ওয়েন্ডিকে যখনই কোনো সাহায্যের জন্য ডাকবেন,

পেয়ে যাবেন। সেলমাকে তো আপনি এরই মাঝে দেখেছেন। পিট আর ওয়েন্ডি বয়সে তরুণ হলেও ইতিহাস আর প্রত্নতাত্ত্বিকে ভালো অভিজ্ঞতা আছে।’

টেবিলের ওপর রাখা পণ্ডিত্র দিকে তাকালেন ডেভিড। ‘চোরের ব্যাপারে আমাকে বলেছে সেলমা।’

‘যদিও এ নামটা এর সাথে ঠিক যায় না।’

‘আমি ভাবছিলাম আপনারা দেশে না থাকলে এটা এখানে রাখাটা নিরাপদ হবে কিনা।’

‘আর ভালো কোনো পরিকল্পনা আছে আপনার কাছে?’ জানতে চাইল রেমি।

‘যদি আপনারা আমাকে অনুমতি দেন তাহলে হয়তো বিশ্ববিদ্যালয় ক্যাম্পাসে রাখার সম্ভাবনা বিচার করে দেখা যায়।’ ‘সাধারণভাবে বলতে গেলে আমাদের বাসায় রাখলেও তেমন কোনো ক্ষতি হবে না।’ উত্তর দিল রেমি। ‘কিন্তু ওপরের তলায় এখনো কাজ চলছে। সারা দিন কাজের লোকেরা যাওয়া-আসা করছে। আর এখন তো সারাহ্ অ্যালারসবি আর তার সিঁধেল চোরেরাও জানে যে পণ্ডিত্র কোথায় আছে...’ থেমে গেল রেমি। ‘বিশ্ববিদ্যালয় কি এর চেয়ে নিরাপদ হবে?’

‘পুরো বিশ্ববিদ্যালয়ের ক্যাম্পাসে ছড়িয়ে আছে মূল্যবান সব জিনিস— সুপার কম্পিউটার, বিখ্যাত চিত্রকলা, সব ধরনের বৈজ্ঞানিক যন্ত্রপাতি।’ উত্তরে জানালেন কেইন। ‘এর পাশাপাশি বিশ্ববিদ্যালয়ে আরো কিছু জিনিস আছে, যেটা আপনারা নেই—পুলিশ বাহিনী।’

‘মনে হচ্ছে এটাই ভালো হবে।’ বলে উঠল স্যাম। ‘ক্যাম্পাসে রাখার ব্যাপারে প্রয়োজনীয় দিক ভেবে দেখুন। যদি এটাকেই যুক্তিযুক্ত মনে হয়, আমরা তাই করব। নচেত কোনো ব্যাংকে একটা জয়েন্ট সেইফ ডিপোজিট বক্স ও ভাড়া নেয়া যায়। আপনি সেখানে কাজও করতে পারবেন।’

‘ওড।’ জানালেন কেইন। ‘আমি আমার জিনের সাথে কথা বলে আপনারা জানাব। গুয়েতেমালার জন্য কখন রওনা হতে পারবেন?’

‘আগামীকাল।’ উত্তর দিল স্যাম। ‘আমরা সেখানে যাব, জায়গা শনাক্ত করে চলে আসব।’

‘তাই যদি করতে পারেন তাহলে এই প্রকল্পেই মানচিত্র অনুযায়ী বড় কোনো শহর খুঁজে বের করার জন্য দল গঠন করতে পারব। এছাড়া কাউকেই পাওয়া যাবে না।’

‘এই প্রাথমিক মিশন শেষ করে আসি, তারপরেই এটা নিয়ে ভাবব আমরা।’ বলে উঠল রেমি।

বাকি দিনটুকু গুয়েতেমালা যাবার প্রস্তুতি নিতেই কাটাল স্যাম আর রেমি। ব্যাগ গোছাল, তাদের জন্য অপেক্ষা করে থাকা যথাযথ স্কুবা গিয়ার আর ওয়েট স্যুট নিল আর পরিকল্পনা তৈরি করল ভ্রমণের প্রতিটি পর্যায়ের। গোছগাছের মাঝে পর্যায়ে এলো সেলমা, 'তোমাদের কথামতো লাইসেন্স নিয়ে এসেছি আমি।'

'কোন লাইসেন্স?' জানতে চাইল রেমি।

'লুকিয়ে বারুদ নিয়ে যাওয়া, গুয়েমালাতে। এগুলো কপি, আসলগুলো গুয়েতেমালা শহরে তোমাদের হোটেলে অপেক্ষা করছে। যাই হোক, এটা শুধুমাত্র লুকিয়ে নিয়ে যাওয়ার জন্য। খোলামেলাভাবে অস্ত্র বহনে এখন অসম্মতি দেয়া হয়। আমার ধারণা, গৃহযুদ্ধের পর থেকেই ব্যাপারটা বন্ধ হয়েছে।'

'ধন্যবাদ সেলমা।' জানাল রেমি।

'এরই মাঝে তোমাদের স্যাটে লাইটফোনে গুয়েতেমালার আলটা ভেরাপেজ প্রদেশের মানচিত্র দিয়ে দিয়েছি। সাইটের কো-অর্ডিনেট তোমাদের মুখস্থ করে নিতে হবে। কারণ এটা আমি প্রোগ্রাম করতে চাই না। এর মাঝে আরো আছে গুয়েতেমালা শহরে ইউ.এস কনসুলেট। আর অ্যান্থাসির নাম্বার, সাথে লোকাল পুলিশেরও। সাম্প্রতিক সময়ে এই অঞ্চলে অপরাধের সংখ্যা বেড়ে গেছে। আর বন্দি করে মুক্তিপণ আদায়ের জন্য আমেরিকানদের ভালোই মনে করা হচ্ছে।'

'সাবধানে থাকব আমরা।' কথা দিল রেমি।

'প্লিজ, তাই করো। ভুলে যেও না শুনে, কিন্তু তোমাদের দুজনকে দেখে ধনী মনে হয়। দেখে ভালো লাগল যে মেক্সিকো ত্রাণকার্য চালাবার সময়কার পোশাক ব্যাগে ভরে নিয়েছে। নিজেদের যন্ত্রপাতিগুলো ঢেকেছুকে রেখো।'

'মনে করিয়ে দেয়ার জন্য ধন্যবাদ।' হাসল স্যাম।

'আরেকটা কথা।' এখনো শেষ করেনি সেলমা। 'ডেভ কেইন জানিয়েছেন যে, পণ্ডিত নিয়ে কাজ করার জন্য তাকে চমৎকার একটা জায়গা দিয়েছে বিশ্ববিদ্যালয়। লাইব্রেরির আর্কাইভাল ডিপার্টমেন্টে সত্যিকারের নিরাপদ তাক আছে আর এর পাশেই খালি রুমও আছে, সেখানে তিনি কাজ করতে পারবেন। প্রতিদিন কাজ শেষ করে সেফের মাঝে তালাবদ্ধ করে রেখে দিতে পারবেন পণ্ডিত।'

'খুব ভালো হবে, তাহলে।' জানাল স্যাম।

এবারে রেমি বলে উঠল, 'এখন আমাদের পালা। তুমিও সাবধানে থাকবে।'

‘ঠিক তাই।’ সুর মেলাল স্যাম। ‘যদি তোমাদের কাউকে অনুসরণ করে কেউ বিশ্ববিদ্যালয়ে যাবে না, সোজা থানায় চলে যাবে।’

‘চিন্তা করো না।’ বলে উঠল সেলমা। ‘ভালোভাবে ঘুরে এসো। সবসময় ফোন করবে আর জলদিই ফিরবে। প্রমিজ করছি, সুলতানের মনে হবে যে সে ছুটি কাটাচ্ছে।’

বারো ঘণ্টার মাঝে গুয়েতেমালা শহরগামী একটা ফ্লাইটে চড়ে বসল স্যাম আর রেমি।

গুয়েতেমালা শহর

শহরে নেমে গুয়েতেমালা বিমানবন্দরের কাস্টমসে প্রবেশ করল স্যাম আর রেমি। এয়ারলাইন টার্মিনাল থেকে বের হতেই বেজে উঠল রেমির স্যাটেলাইট ফোন। কানে দিয়ে বলে উঠল, ‘হাই, সেলমা, তুমি নিশ্চয়ই আমাদের প্লেন ট্যাক করছিলে।’

‘অবশ্যই। বেশ মজার কিছু জিনিস খুঁজে পেয়েছি। ভাবলাম তোমাদের জানানো প্রয়োজন।’

‘কী হয়েছে?’

‘মনে হচ্ছে হাতে লেখা পণ্ডিতের মলাটের মাঝে পিণ্ড মতো কিছু একটা আছে?’

‘হ্যাঁ।’ উত্তর দিল রেমি।

‘প্রায় আয়তাকার। আমি ভেবেছিলাম তালি দেয়া হয়েছে।’

“এটা একটা পার্চমেন্টের কপি। ভাঁজ করে বাইরের দিকে রেখে ফিগ গাছের বাকল দিয়ে তৈরি কাপড় দিয়ে ঢেকে দেয়া হয়েছে। দুই ঘণ্টা আগে এটা খুলেছি আমি আর ডেভিড। স্প্যানিশ ভাষায় কালো কালি দিয়ে লেখা। বলা হয়েছে, ‘আমার স্বদেশীদের প্রতি, আশীর্বাদ।’ এই বই আর মায়ানদের অন্যান্য বইগুলোর বিষয় তাদের ইতিহাস আর প্রাকৃতিক পৃথিবী নিয়ে পর্যবেক্ষণ শয়তানের সাথে এর কোনো সম্পর্ক নেই। আর তাই মায়ান শোকদের সম্পর্কে জানতে হলে এগুলো সংরক্ষণ করতে হবে।”

‘কে লিখেছে?’ জানতে চাইল রেমি।

‘এ ব্যাপারটাই বিস্ময়কর। সাইন করা আছে, ফ্রা বার্তোলোমে ডি লাস ক্যাসাস, প্রায়র অব রাবিনাল, আলটা ভেরাপেজ।’

‘লাস ক্যাসাস? দ্য লাস ক্যাসাস?’ আশ্চর্য হয়ে গেল রেমিও।

‘হ্যাঁ—যে মানুষটা পোপকে আশস্ত করেছিলেন যে, ইন্ডিয়ানরাও আত্ম সমেত মানুষ আর তাদেরও অধিকার আছে। উত্তেজনায় ফেটে পড়ছেন ডেভ কেইন।’

‘কোনো তারিখ আছে কাগজটাতে?’

‘হ্যাঁ। জানুয়ারি ২৩, ১৫৩৭। এখনো হয়তো পঞ্জিকা সম্পর্কে সবকিছু জানতে পারিনি আমরা। কিন্তু যে বছরে লুকিয়ে ফেলা হয়েছিল তা দ্বিতীয়বারের মতো নিশ্চিত হওয়া গেল। আমাদের ধারণা, লাস ক্যাসাস নিজেও চাইছিলেন বইটাকে নিরাপদে রাখতে, হয়তো সে সময়ই, যে মানুষটাকে তোমরা খুঁজে পেয়েছ আগ্নেয়গিরিতে মন্দিরে বইটা নিয়ে গেছে।’

‘ফ্যান্টাস্টিক।’ বলে উঠল রেমি। ‘এর কপি তৈরি করতে ভুলো না।’ ঠিক আছে। এটা জানানোর জন্যই ফোন দিয়েছিলাম। আর আরেকটা কথা, সিনোর ডি লা জোল্লা নামে হোটেলের লটে গাড়ি রাখা হয়েছে তোমাদের জন্য। অনলাইনে কিনেছি, তাই সভ্য জগৎ ছাড়ার আগে দেখে নিও।’

‘হুম, ঠিক আছে তাই করব। পরে কথা হবে আবার।’ বলে উঠল স্যাম।

হোটেলের স্যুইটে চেক ইন করে স্যাম আর রেমি তাদের জন্য রেখে দেয়া ডকুমেন্টস আর ইকুইপমেন্ট নিয়ে নিল। এরপর বিল্ডিংয়ের পেছনে পার্কিং লটে যেতেই খুঁজে পেল গাড়ি। দশ বছর বয়সী জিপ, চেরোকি, গায়ে আঁড়ি দেখে বোঝা গেল যে সত্যিকারের রং ছিল লাল কিন্তু পরে এর ওপরে ব্লুয়ের ব্রাশ দিয়ে মেটে জলপাই রং করা হয়েছে। ইঞ্জিন চালু করে ব্লকের চারপাশে ঘুরল কয়েক মিনিট। জানালা বন্ধ ছিল। যেন কোনো ধরনের সমস্যা থাকলে ধরা পড়ে অভিজ্ঞ ইঞ্জিনিয়ার স্যামের কানে। এরপর হুড খুলে বেন্ট, হোস, ব্যাটারি আর ফ্লুইড লেবেল চেক করে দেখল স্যাম। হামাউড দিয়ে গাড়ির নিচে ঢুকে গিয়ে সবকিছু চেক করে দেখে নিয়ে আবারো উঠে দাঁড়াল। ‘তেমন একটা সুবিধার নয়, আবার খারাপও নয়।’ গাড়ির পেছনের সিট আর পেছনের মেঝেতে জায়গা হয়ে গেল সব যন্ত্রপাতির আর ব্যাগের। একটা স্টেশনে থেমে গিয়ে ট্যাংক ভর্তি করে নিয়ে দুটো পাঁচ গ্যালন অলা ধাতুর ক্যান কিনে সে দুটোকেও ভর্তি করে ফেলল।

সেই সন্ধ্যাতেই কোবানে যাওয়ার জন্য ১৪ রাত্রির একটা রুট মানচিত্রে চিহ্ন দিয়ে রাখল দুজন, এর অবস্থান ভেরাপেজ প্রদেশের উত্তর মধ্যখানে। এরপর রিড ক্যান্ডেলারিয়া প্রদেশের জাকজুল্ অঞ্চলে।

খুব সকালবেলাতেই, নিজেদের গিয়ার, ডাইভ ইকুপমেন্ট আর পরিষ্কার কাপড় আর অন্যান্য রসদের ছোট ব্যাগসহ বড়সড় ব্যাকপ্যাক গাড়িতে তুলে নিল স্যাম আর রেমি। এছাড়াও প্রত্যেকে বহন করছে জোড়া স্মিথ অ্যান্ড ওয়েসন এমএন্ডপি নাইন মিলিমিটার পিস্তল একটা ব্যাকপ্যাকের পকেটে, ছয়টা লোড করা, সাত রাউন্ড, সিঙ্গেল ট্রাক ম্যাগাজিন আর অন্যটা ঢোলা শার্টের নিচে কোমরের বেল্টের সাথে আটকে রাখা হয়েছে।

পুরনো গাড়িটা রাস্তা ধরে এগিয়ে চলার সময় সবসময়ই মনে হচ্ছিল কাজটা বেশ পরিশ্রমসাধ্য। এক হাজার থেকে শুরু করে ধীরে ধীরে নয় হাজার ফুট পর্যন্ত উঠে গেছে আলটা ভেরাপেজ। একেক সময়ে তো ওপরের দিকে ওঠার সময় গাড়ি এমনভাবে হাঁচোড়-পাঁচোড় করতে লাগল, যেন এক্সেলের সাথে পেঁচিয়ে গেছে কোনো দড়ি। অন্য সময়ে স্যাম কন্ট্রোল নিয়ে যুদ্ধ করছে আর গাড়ি পিছলে যাচ্ছে। মাঝে মাঝেই রাস্তার পাশের ছোট শহরগুলোতে থেমে বাথরুম আর হালকা নাশতার প্রয়োজনও সারা হলো। রেমি, যার স্প্যানিশ জ্ঞান এ সুযোগে ঝালাই হয়ে যাচ্ছে, এই ফাঁকে জেনে নিল সামনের রাস্তাও এরকম। একটা স্টপেজে থেমে স্যাম জানতে চাইল, ‘আমাদের অ্যাডভেঞ্চার নিয়ে কী ভাবছ তুমি?’

রেমি উত্তরে জানাল, ‘ভালো লাগছে যে, মাত্র কদিন আগেই সপ্তাহের পর সপ্তাহ কঠোর পরিশ্রম করে আগ্নেয়গিরিতে উঠে শহরের পর শহর বেরিরেছি হেঁটে হেঁটে।’

‘কেন?’

‘কারণ এখন আমার শরীর জানে যে যতই কঠিন হোক না কেন, ভ্রমণটার প্রতিটি মুহূর্ত উপভোগ করতে হবে আমাদের। কেননা শেষ হবার পরে সবকিছু আরো বেশি কঠিন হয়ে পড়বে।’

কোবানে পৌঁছে হোটেলে রাত কাটিয়ে গভীর ঘুমে তলিয়ে গেল দুজন। এরপর ভোরবেলা তাড়াতাড়ি উঠে জ্যাকজুলে যাওয়ার জন্য তৈরি হয়ে নিল। যাদের দেখা হলো সকলকে মনে হলো মায়ান কৃষক আর হিসপ্যানিক ভ্রমণার্থীদের সংমিশ্রণ। দুজনই জানে, বড় শহর ছেড়ে আরো দূরে যাওয়া মাত্রই এমন সব লোকের দেখা পাবে, যারা ইংরেজি তো দূরে থাক, স্প্যানিশও বলে না। আবারো চেরোকিতে চড়ে বসার পর বুঝতে পারল সামনের মাইলগুলোতে রাস্তা আরো সংকীর্ণ আর কঠিন হয়ে গেছে।

আরো এক ঘণ্টা পর মানচিত্র আর ঘড়ির দিকে তাকাল রেমি। ‘একটু পরেই জ্যাক্‌জুলে পৌঁছে যাব আমরা।’

পাঁচ মিনিট পরে গ্রামের পথ দিয়ে এগোতে লাগল গাড়ি। প্রায় শ’খানেক গজ লম্বা মাত্র।

গ্রামের কিনারে এসে গাড়ি থেকে নেমে নুড়ি পাথর বিছানো পথে দাঁড়াল স্যাম আর রেমি। তাকাল একে অন্যের দিকে। অসম্ভব চুপচাপ চারপাশ। বহুদূরে ডেকে উঠল একটা কুকুর আর যেন ভেঙে খানখান হয়ে গেল জাদুকরী মুহূর্তটুকু। বিভিন্ন দালান থেকে বের হয়ে এলো লোকজন, তাকিয়ে রইল তাদের দিকে। গাড়ির আগমনে কৌতূহলী হয়ে উঠেছে সকলে। আবার একজন একজন করে আগ্রহ হারিয়ে ফিরে এলো নিজেদের ঘরে।

নুড়ি পাথর বিছানো পথ হয়ে গেল গরুর গাড়ি চলার পথের মতো।

‘আশা করি যে জিপের ওপর উঠতে পারবে। অন্তত একটা ট্রেইল তো আছে, তারপরও ঝাঁকি খেতে খেতে এগোতে হবে।’ মন্তব্য করল স্যাম।

‘আর আমি আশা করছি যেন ঠিক পথেই এগোতে পারি আমরা। জঙ্গলের ভেতর গিয়ে অন্ধকারে ঘুরে মরতে চাই না।’ উত্তর দিল রেমি। ‘আমি ভেবেছিলাম যে এগুলো এমনিই নিয়ে এসেছি, কোনো কাজে লাগবে না।’ আকাশের দিকে একবার তাকিয়ে আবার স্যামের দিকে তাকাল। বলে উঠল, ‘সূর্যের আলো নিভে যাবার এখনো বেশ কিছু সময় বাকি। অন্তত ছয় ঘণ্টা।’

নিজ নিজ ক্যান্টিন থেকে পানি খেয়ে নিয়ে, বের করে এমন জায়গায় রেখে দিল, যেন চাইলেই পাওয়া যায়। এরপর ট্রেইল ধরে উঠে যাওয়া শুরু করল।

একবার নিজের স্যাটেলাইট ফোনের জিপিএস চেক করে নিল স্যাম। নিশ্চিত হবার জন্য যে, তারা ঠিক পথেই এগোচ্ছে। আঁকাবাঁকা আর কুণ্ডলী পাকানো ট্রেইল ধরে এগোনোর জন্য শক্ত পদক্ষেপ প্রয়োজন, যেকোনো লেগেছিল আলটা ভেরাপেজে। অন্ধকার আসার আগেই থমে গিয়ে নিজেদের ছোট্ট তাঁবু খাটিয়ে নিল দুজন। মেঝে আর জিপারের জায়গায় নেট লাগানো আছে, যেন পোকামাকড় থেকেও রেহাই পাওয়া যায়। ছোট্ট একটু আগুন জ্বালিয়ে খানিকটা শুকনো খাবার তৈরি করে নিয়ে ঘুমিয়ে পড়ল স্যাম আর রেমি।

সকালে উঠে পানি খোঁজ করতেই আধা গন্ত করা কাঠের গুঁড়িতে পেয়ে গেল কয়েক গ্যালন। দুটো প্লাস্টিকের কন্টেইনারে পানি ভরে নিয়ে মিলিটারি গ্রেড পিউরিফিকেশন ট্যাবলেট মিশিয়ে রেখে দিল জিপে।

পরবর্তী পাঁচ দিন একই রুটিন মেনেই চলল দুজন। প্রতিদিন জিপিএস চেক করে নিল, যেন পথ হারাতে না হয়। জনবসতি থেকে দূরে চলে

আসতেই, মাথার ওপরে, চারপাশের গাছে কিচিরমিচির করতে দেখা গেল বানরের দল। সকাল-সন্ধ্যায় মাথার ওপর দিয়ে উড়ে গেল ঝাঁকে ঝাঁকে পাখি আর ঘন জঙ্গলে দেখা যায় না এমন নাম না জানা হাজারো ছোট ছোট পাখি ডেকে চলল একে অপরের নাম। তৃতীয় দিন, চুড়া থেকে নেমে ট্রেইল চলে গেল চারপাশে ছোট পাহাড় দিয়ে ঘেরা উপত্যকার দিকে। শেষ হলো গিয়ে খোলা একটা জায়গায়। মনে হলো মনুষ্যসৃষ্ট সমান্তরাল কোনো জায়গা।

জায়গায় জায়গায় জন্মে আছে বড় বড় গাছ। ঝরা পাতা নিচে তৈরি করে মোটা মাটির মতো স্তর তারপর পচে গিয়ে নোংরা হয়ে গেছে। এর চাপে মারা গেছে ছোট ছোট গাছ, কেউ কেউ আবার প্রতিবেশী উঁচু গাছের ছায়ায় পড়ে আছে। আর বহু প্রজন্ম ধরেই এরকম জীবন মৃত্যুর খেলা চলে আসছে। কিন্তু যে জায়গায় ঘটে গেছে এত কিছু, তা এখনো পুরোপুরি সমান্তরাল। ডান পাশে আর বাম দিকে উঠে যাওয়া ছোট পাহাড়ের দিকে তাকাল স্যাম আর রেমি। নেমে এলো জিপ থেকে।

নিজের কম্পাস স্থির করে ধরতেই, আয়না তুলে ধরে ডান পাশের পাহাড়ের পাদদেশে রাখল। ‘একেবারে নিপুণভাবে সোজা।’ বলে উঠল স্যাম।

এক পাহাড়ের পাদদেশ থেকে শুরু করে আরেক পাহাড় পর্যন্ত সমান্তরাল জায়গাটায় হেঁটে গেল সে। ‘পঞ্চাশ কদম হয়েছে।’ জানাল স্যাম। ‘আরেকটু দূরে গিয়ে দেখা যাক। আমি আমার ব্যাকপ্যাক আর ‘ভাঁজ করা শাবল নিয়ে নিচ্ছি।’

দুইশ গজ হেঁটে গেল স্যাম আর রেমি। এরপর আবারো কম্পাস সেট করে পরের পাহাড়টার কাছে গেল। আবারো সমান্তরাল জায়গাটা হেঁটে বেরিয়ে এলো স্যাম।

‘আমার মনে হয় এবারেও পঞ্চাশ।’ বলে উঠল রেমি।

‘অবশ্যই।’

‘তোমার কী মনে হয়, কী ছিল পাহাড়গুলো?’

‘আমি যা পড়েছি, তাতে এগুলো যেকোনো কিছুই হতে পারে। আগেকার জায়গায় হয়তো নতুন দালান ওঠানো হয়েছিল।’

‘কোনটাকে বেশি গুরুত্ব দেবে?’ জিজ্ঞেস করে উঠল রেমি। ‘আমাদের পায়ের নিচে গর্ত খুঁড়ে দেখবে বাকি যে কিছু কি এটার নিচে আছে, নাকি পাহাড়টা একটা দালান, যার গায়ে গাছের জঙ্গল জন্মেছে।’

‘আমার মনে হয় আমরা যদি ওপরে উঠে যেতে পারি তাহলে বহুদূর পর্যন্ত দেখতে পাবে।’ জানাল স্যাম।

‘আমিও এটাই ভাবছি।’ একই কথা জানাল রেমি। ‘গাছের ওপর থেকে চারপাশ দেখতে ভালোই লাগবে, একঘেয়েমি কাটবে।’

নিজেদের ব্যাকপ্যাক রেখে, আর ভাঁজ করা বেলচা নিয়ে উঠতে লাগল দুজন। ডান পাশের মাঝখানের পাহাড়টাকে বাছাই করে নিয়েছে দুজন। মনে হচ্ছে এটাই সবচেয়ে উঁচু। খাড়া পাহাড়টার উচ্চতা প্রায় একশ বিশ ফুট আর ঢালু জায়গাগুলোতে ঘন হয়ে জন্মে আছে ছোট ছোট গাছ, এগুলোকে ধরার কাজে ব্যবহার করল স্যাম আর রেমি।

একেবারে চূড়ায় পৌঁছে, ভাঁজ করা বেলচা খুলে নিয়ে খুঁড়তে শুরু করে দিল স্যাম। প্রায় চারবার বেলচা ভর্তি করে মাটি ওঠানোর পর পাথরে আঘাত করার শব্দ পাওয়া গেল। আশপাশের আরো কয়েকটা জায়গা পরীক্ষা করে দেখার জন্য ব্যবহার করে একই শব্দই পাওয়া গেল। কয়েক গজ হেঁটে ঘন চরাগাছ পার হয়ে দালানের মাথায় গেল রেমি। ‘হারিয়ে যেও না আবার।’ সাবধানে করে দিল স্যাম।

‘এদিকে এসো।’ গলা চড়িয়ে বলে উঠল রেমি। ‘দেখ যাও।’

আর বেলচা তুলে নিয়ে ঘন জঙ্গল পার হয়ে রেমির পেছনে গেল স্যাম। গাছের মাথার ওপর দিয়ে তাকাল। এখান থেকে চাদোয়াটা একেবারে দুর্ভেদ্য দেখালেও মাঝে মাঝে কিছু জায়গা একেবারে খালি। সমান্তরাল যে জায়গাটা তারা ছেড়ে এসেছে সেদিকে দেখাল রেমি। ‘মনে হচ্ছে চওড়া কোনো রাস্তা। এখান থেকে শুরু হয়ে পাহাড়ের মাঝখান দিয়ে সোজা এগিয়ে গেছে। কিন্তু মাত্র কয়েক গজ।’

‘আর এদিক দিয়ে’, এবারে স্যাম দেখাল, ‘এই কোনো দিয়ে আরেকটা সমান রাস্তা এসে মিশে গেছে একে অন্যের সাথে।’

‘দেখো, এদিকে আরেকটা আছে।’ বলে উঠল রেমি। ‘পাঁচ না ছয়টা মরু ফালি এসে মিশে গেছে এক জায়গায়।’

‘মনে হচ্ছে যেন মাঝখানে উঁচু দেয়ালে এসে মিশেছে একটা তারার ছয় কোনা।’ বলে উঠল স্যাম।

‘এর ওপর দিয়ে শতবার উড়ে গেলেও কিছুই দেখবে না তুমি।’ জানাল রেমি। ‘গাছগুলোর জন্য সবকিছুই দেখতে একেবারে প্রাকৃতিক মনে হচ্ছে। আকৃতিতেও গোলকার, কিন্তু আমি নিশ্চিত যে জায়গায় আমরা দাঁড়িয়ে আছি তা একটা পিরামিড।’

‘যাই হোক, সত্যিই বেশ বড়সড়।’ বলে উঠল স্যাম।

‘তো আমার মনে হচ্ছে আমি বুঝতে পেরেছি যে আমাদের কোথায় যেতে হবে।’

‘অবশ্যই।’ একমত হলো রেমি। ‘রাস্তাগুলো যেখানে এসে মিশেছে ঠিক সে জায়গায়।’

খাড়া পাহাড়টার নিচে পৌছে রেমি বলে উঠল, ‘এটা বেশ গা ছমছমে। রোমাঞ্চকর একটা ব্যাপার, তাই না।’

‘কেন রোমাঞ্চকর?’

‘তুমি জানো যে এগুলো কোনো পাহাড় নয়। নোংরা আর গাছের জঙ্গলে ঢাকা বিশাল সব দালান। আর চারপাশের এই গাছগুলোই একমাত্র জিনিস যা গা ছমছমে নয়। কেননা তারা রাস্তার মাঝে জন্মেছে। মনে হচ্ছে যেন এখানে যারা বাস করত, সেসব মানুষ তাকিয়ে আছে আমাদের দিকে।’

‘বিশ্বাস করো, সেরকম কিছু নয়।’ হেসে কাঁঠের ওপর দিয়ে তাকাল স্যাম। ‘নাহ, কোনো ভূত নেই। কিন্তু, বলা যায় না, তাই জিপ এখানেই রেখে যাই।’

হাঁটতে শুরু করতেই, রেমি আবার বলে উঠল, ‘ওই গাছগুলোকে দেখ, যখন এসেছি তখন মনে হয়েছিল সব একই। এখন তাকিয়ে দেখও গাছগুলো একেবারে সমান একটা লাইন ধরে দাঁড়িয়ে আছে।’

রেমির পাশে দাঁড়িয়ে, সমান্তরাল জায়গাটার দিকে তাকাল। একটা লাইনের মাঝ বরাবর দিয়ে বিভিন্ন সাইজের আর প্রজাতির গাছ দাঁড়িয়ে আছে। থেমে গিয়ে ব্যাকপ্যাক নামিয়ে রেখে গাছের লাইনে গর্ত খুঁড়তে শুরু করে দিল। নোংরা জমে কম্পোস্ট সার হয়ে গেছে। উঠে এলো সহজেই। তাই একটু পরেই তিন ফুট চওড়া আর প্রায় তিন ফুট গভীর গর্ত তৈরি করে ফেলল স্যাম। ‘দেখ’ বলে উঠল রেমিকে, সরে এলো গর্তের কাছ থেকে।

লাফ দিয়ে এসে নিচে তাকাল রেমি। হাতের দিয়ে চারপাশ নেড়ে দেখতে লাগল। ‘ভি-আকৃতির জায়গাটায় পাথরের কিনারা। দেখে মনে হচ্ছে সেচের নালা।’

‘চারপাশে তাকিয়ে আস্তে করে ঘুরল স্যাম। আমার মনে হয় এটা অন্য কিছু।’

‘কী?’

‘ভেবে দেখ। ডেভ বলেছেন, ক্ল্যাসিক পিরামিডের শেষ দিকে মায়ানদের দুনিয়ায় যা হয়েছে, তাই খরার কবলে পড়ে নষ্ট হয়ে গিয়েছিল—প্রায় দুইশ বছর এরকম ছিল অন্তত।’

‘তোমার কী মনে হয়, এটা কী ছিল?’

‘আমার মনে হয় সমান জায়গাটা কোনো রাস্তা ছিল না। ঢাকা লাগানো গাড়ি বা কোনো পোষা প্রাণী ছিল না মায়ানদের এগুলো টানার মতো, তাহলে

পঞ্চাশ কদম চওড়া করার প্রয়োজনেই বা কী ছিল? আর এটা তো কোথাও যায়ওনি। দেখে মনে হচ্ছে এটা একটা প্লাজা। শুধু ব্যতিক্রম এই যে, প্রতি দিক মাথায় রেখে ছয়টা রাস্তা। আমার মনে হয় বৃষ্টির পানি সংগ্রহের জন্যই এর সৃষ্টি।’

‘অবশ্যই।’ একমত হলো রেমি। ‘সবদিক থেকেই স্ফুল্ভভাবে মাঝখানের খাতের ওপর ঢালু তৈরি করা হয়েছে আর এই খাত দিয়ে নিশ্চয়ই তাদের প্রয়োজনমতো দিকে প্রবাহিত করা হতো পানি।’

‘আর এর মাধ্যমেই ব্যাখ্যা পাওয়া গেল যে কেন ভেতর থেকে বের হয়ে ছয়টা পথ ছয় দিকে চলে গেছে। যেখানে এসে মিশেছে সে জায়গাটাই প্রধান বেসিন।’ বলে উঠল স্যাম। ‘ছয়টা পথ কোনো রাস্তা নয়। বৃষ্টির পানি ধরে রাখার জন্য, যেন মাটির ওপর দিয়ে চলে গিয়ে নষ্ট না হতো পানি।’

‘চলো দেখা যাক আমাদের ধারণা সত্যি কিনা।’ বলে উঠল রেমি। দ্রুত নেমে এসে ছয় পথ যেখানে গিয়ে এক হয়ে গেছে সেখানে গেল দুজন। একই সাথে ছোট ছোট চারা গাছ এসে পথ রোধ করল দুজনের। এখানে-সেখানে সরু রাস্তার মতো জায়গাগুলোর উপরিভাগ একেবারে শূন্য, এমনকি কোনো পাতাও নেই; বর্ষাকালে জলপ্লাবনের জন্যই নিশ্চয়ই হয়েছে এমনটা।

অবশেষে শেষ মাথায় পৌঁছাল দুজন। প্রায় পনেরো ফুট লম্বা প্রাচীন একটা পাথরের দেয়ালের পাদদেশে গিয়ে শেষ হলো সরু রাস্তা। ভি-আকৃতির নালা চলে গেছে দেয়ালের নিচে যেখানে দশ ইঞ্চি চওড়া একটা গর্ত আছে। গোলাকার দেয়ালটার চারপাশে ঘুরে বেরিয়ে দেখতে পেল বাকি পাঁচটা সরু ফালি রাস্তাও একইভাবে এসে পৌঁছেছে। পাদদেশে জমা হতো সব পানি। খুঁজে দেখতেই দেখা গেল যে দেয়ালটা পুরোপুরি গোলাকার নয়, দরজা হিসেবে ব্যবহারের জন্য খানিকটা শূন্যতা আছে। এটা বেশ পৌঁচানো, তাই গোলাকার দেয়ালটা পুরো ৩৬০° হয়েছে আর এরপর শুরু থেকে ২০° বেকে গেছে; তাই ১০ ফুটের মতো চিকন একটা করিডর হয়েছে প্রবেশমুখে। করিডর ধরে হেঁটে বেড়াতেই গোলাকার দেয়ালের মাঝে পৌঁছে গেল স্যাম আর রেমি। একেবারে মাঝখানে একটা পাথরের পুল। কিনারে গিয়ে নিচে তাকাল। বেশ পরিষ্কার পুলের গভীরতা ত্রিশ ফুট নিচে সরাসরি সূর্যের আলো পড়ে না, অন্তত সূর্য যখন নিচুতে থাকে। পুলের চারপাশের উঁচু দেয়াল ঘেরা জায়গাটার মাথার কাছে হাঁটর মতো রাস্তা আছে যেখানে সিঁড়ির ধাপ পার হয়ে হয়ে পৌঁছে যাওয়া যাবে।

‘তোমার কী মনে হয়, তারা দেয়াল দিয়েছিল কেন?’ জানতে চাইল রেমি।

‘আমি জানি না।’ উত্তর দিল স্যাম। ‘হতে পারে যে শহরের শেষ দিনগুলোতে পানি সংরক্ষণ জরুরি হয়ে পড়েছিল। সম্ভবত শহরের পরাজয় ঠেকানোর জন্য এটিই ছিল শেষ প্রতিরক্ষা অস্ত্র। অবরোধের সময় পানির ব্যবস্থাকে নিয়ন্ত্রণ করার আছে। আর দেখ, এই জায়গাটা মাত্র ত্রিশ ফুট চওড়া। তাই একে রক্ষা করাও সোজা। একেবারে নিচে দেয়াল প্রায় ৬ ফুট পুরু।’ দেয়ালের ধারে হেঁটে গিয়ে আলগা পাথর তুলে নিয়ে চারপাশের দেয়ালের ওপরে তাকাল স্যাম। ‘এই পাথরগুলো মনে হচ্ছে ছিপি। অন্যান্য গর্তেও এরকম ছিপির পাথর আছে। এভাবেই বিষক্রিয়া হওয়া থেকে রক্ষা পেত পানি।’

‘আমার মনে হয় সেলমা আর ডেভকে জানানো দরকার যে আমরা কী খুঁজে পেয়েছি।’ বলে উঠল স্যাম।

‘ঠিক বলেছ।’ একই কথা স্যাম ও ভাবল। ‘চলো কয়েকটা ছবি তুলে ডেভকে পাঠিয়ে দিই। তাহলে সেইই বলতে পারবে যে আমরা কী খুঁজে পেলাম।’

কুয়া, পুল, খোদাই করা প্রবেশপথ প্রভৃতি; তারপর দেয়ালের একেবারে ওপরে দাঁড়িয়ে প্রতিটি দিকের ছবি তুলল। পিরামিড আর সরু রাস্তার ওপর দাঁড়িয়ে তোলা ছবিগুলোও একসাথে করে পাঠিয়ে দিল সব। এরপর মিনিট খানেক অপেক্ষা করে ফোন কল সেলমাকে।

‘সেলমা বলছি। তাড়াতাড়ি বলো, কী পেলো?’

‘আমরা আসলেই পেয়েছি। সাইটে আছি এখনো আর এইমাত্রই কয়েকটা ছবি পাঠিয়েছি তোমাকে। ডেভ কেইনকে জানিয়ে দিও যে মানচিত্রটা সঠিক। চারপাশে পাথরের দেয়াল ঘেরা পানির পুল আছে আর এর ওপরে অনেক উঁচু দেয়াল। বেশ স্বচ্ছ আর ভালোই গভীর মনে হচ্ছে—ত্রিশ ফুট বা তারও বেশি।’

‘সমান জায়গাগুলো যে দেখছি এগুলো কী? রাস্তা?’

‘আমাদের ধারণা, এগুলো বৃষ্টির পানি সংরক্ষণ করে পুলে পৌঁছানোর জন্য তৈরি করা হয়েছে। প্রায় প্রতিটিই হালকা কক্ষের মাঝখানে বেঁকে নিচে নেমে গেছে। আর খুব বেশি হলে কয়েকশ গজ লম্বা।’

রেমির পাশেই দাঁড়িয়ে বলে উঠল, ‘আমাদের আরো মনে হচ্ছে যে সরু জায়গাগুলোর দু’পাশেই কয়েকটা দালানও আছে—এগুলোর একটা তো বেশ বড়।’

‘তো জায়গাটা তাহলে একটা শহর হতে পারে?’

‘বলতে পারো স্থাপত্য নকশার ওপর ভালোই শ্রম বিনিয়োগ করেছিল তারা।’ বলে উঠল স্যাম।

‘মিশন পুরোপুরি সফল করেছ তোমরা।’ মন্তব্য করল সেলমা। ‘কনগ্রাচুলেশনস। ওয়েল ডান। বাসায় ফিরে আসছ?’

‘না, এখনই না।’ উত্তর দিল রেমি। ‘ভাবছি কাল সকালে পুলে নামব আমরা। দেখে আসব নিচে কী আছে। শুকনো জঙ্গলের মাঝে স্কুবা যন্ত্রপাতি টেনে নিয়ে আসার পর এগুলো টেনে নিয়ে আসার পর এগুলোর ব্যবহার করতে তর সইছে না আমার।’

‘হুম, তোমাকে দোষও দিতে পারছি না।’ জানাল সেলমা। ‘তোমাদের বর্ণনাসহ ছবিগুলো ডেভ কেইনের কাছে এখনই ফরোয়ার্ড করে দিচ্ছি আমি।’

‘গুড’ বলে উঠল স্যাম। ‘এখন রাখি তাহলে। শীঘ্রই আবার কথা হবে তোমার সঙ্গে।’

ফোন রাখতেই রেমির দিকে তাকিয়ে স্যাম হেসে জানতে চাইল, ‘বাকি গিয়ারগুলোও এখানে নিয়ে আসতে হবে। জিপটাকে চালিয়ে নিচে নিয়ে আসবে নাকি এখনো ভূতের ভয় পাচ্ছ?’

‘জিপ যেখানে আছে সেখানেই থাকুক, অন্যান্য প্যাক আর যন্ত্রপাতি আনতে কয়েকবার হয়তো যাওয়া-আসা করতে হবে।’ বলে উঠল রেমি।

পুলের পাশের ঘেরা জায়গার মাঝে নিজেদের ছোট্ট তাঁবু খাটিয়ে নিল স্যাম আর রেমি। কাছের জঙ্গল থেকে জ্বালানি কাঠ এনে আগুন জ্বেলে পানি গরম করে নিল শুকনো খাবার তৈরির জন্য। খাবার শেষ করে দিনের শেষ আলোকে কাজে লাগিয়ে ছবি তুলে নিল কাছাকাছি পাহাড়ের ওপর দাঁড়িয়ে।

ঘুমোতে যাবার ঠিক আগে বেজে উঠল স্যামের ফোন।

‘হ্যালো?’

‘স্যাম! ডেভিড কেইন বলছি।’ ‘হাই, ডেভ।’ উত্তর দিল স্যাম। রেমির জন্যও অন করে দিল ফোনের স্পিকার।

‘অসাধারণ হয়েছে ছবিগুলো। আপনারা দুজনে মিলে প্রমাণ করেছেন যে কোডেক্স বা হাতের লেখা পঙ্ক্তি একেবারে সত্যিকারের অনুবাদ। কোনো পৌরাণিক কাহিনি কিংবা মিথ্যা কোনো ঐতিহাসিক কল্পনা নয়। জায়গাটাকে যেমন দেখলাম মনে হচ্ছে এখানে কোনো অনুষ্ঠান করা হতো। চারপাশের পাথর চুনাপাথর হতে পারে আর পুলের কাছে খণ্ড খণ্ড হয়ে পড়ায় মনে হচ্ছে এটাই সত্যি। যেহেতু চুন পানিতে মিশে যায়, সিক্কহোল তাই বড় হয়।’

‘আগামীকাল ডুব দেয়ার পরে আরো কাছ থেকে দেখে আসতে পারব আমরা। পরে আরো কাছ থেকে দেখে আসতে পারব আমরা।’

‘হুম, প্রস্তুত হয়ে যান অভূতপূর্ব কোনো দৃশ্যের জন্য।’ বলে উঠলেন প্রফেসর। ‘মায়ানরা বিশ্বাস করত, দেব-দেবীদের জটিল মন্দিরের সাথে তাদের সম্পর্কের ওপরেই নির্ভর করত সবকিছু। আর তাই বৃষ্টির দেবতা চাকের উদ্দেশে নিশ্চয়ই মূল্যবান সবকিছু ছুড়ে ফেলত পুলের পানিতে, উৎসর্গ হিসেবে।’

‘এখানে যে সমস্যাই হয়ে থাকুক না কেন, তা পানির অভাবে হয়নি।’

‘শোনার জন্য অপেক্ষা করছি আমরা।’

‘গুড নাইট প্রফেসর।’

গুয়েতেমালা

খুব ভোরবেলাতেই ঘুম থেকে উঠে গেল স্যাম আর রেমি। দ্রুত নাশতা সেরে নিয়েই তৈরি হয়ে গেল পুলে ঝাঁপ দিয়ে পড়ার জন্য। ডাইভ দেয়ার সবকিছু পরে নিল। দুজনের কাছেই আছে আভার ওয়াটার ফ্লাশলাইট, নেটের ব্যাগ আর ডাইভ দেয়ার উপযোগী ছুরি।

‘আমার আর তর সইছে না’, নিচে নামার জন্য উঠল রেমি। ‘আমারও বেশ কৌতূহল হচ্ছে।’ জানাল স্যাম। ‘অন্যদিকে চলে যেও না। নিচে যা-ই থাকুক না কেন, একসাথে থাকার কথা খেয়াল রাখবে।’

‘ঠিক আছে।’ একমত হলো রেমি। ‘যদি দেখি নরকঙ্কালের স্তূপ তাহলে হয়তো পিছু হটতেও পারি।’

‘রিডে?’

‘ইয়েস।’

মাস্ক নিচে নামিয়ে মাউথপিস পরে নিল দুজন। এরপর নেমে গেল পানিতে। পানিটা ঠাণ্ডা হলেও আশ্চর্যের ব্যাপার হলো, একেবারে পরিষ্কার। সূর্য আস্তে আস্তে মাথার ওপর উঠে আসছে, তাই গভীর পর্যন্ত পৌঁছে যাচ্ছে আলো।

অল্প সময়ের মাঝেই, নিচে পৌঁছে গেল স্যাম আর রেমি। ধূসর রঙের শূন্য চুন ছাড়া আর কিছু দেখা গেল না। ডেভিড কেইনের কথামতো কিছু না পেয়ে খুঁজতে শুরু করে দিল দুজন। চারপাশে আলো ছড়াতে লাগল ফ্লাশলাইট। একটা ডিস্ক খুঁজে পেল স্যাম, হাতে তুলে নিয়ে ওপর থেকে ময়লা

পরীক্ষার করতেই দেখা গেল সবুজ পান্না দিয়ে তৈরি খোদাই করা ডিস্ক এটা।
রেমিকে দেখিয়ে ব্যাগে ভরে নিল সাথে সাথে।

নিজের বাম পাশে কিছু একটা দেখতে পেয়ে স্যামের হাত ধরে ইশারা করল রেমি। তারপর এগিয়ে গেল এটির দিকে। মনে হলো যতটা কঠিন হবে ভেবেছিল সাঁতার কেটে এগোনোটা, ততটা হলো না। আলোর সীমানা পেরিয়ে এমন একটা জায়গায় এগিয়ে গেল, সেদিকটা অন্ধকার।

প্রথম খুঁজে পেল সোনার চওড়া একটা ব্রেসলেট। স্যামের উদ্দেশ্যে হাত উঠিয়ে ধরতেই মাথা নাড়ল সে। চূনের সমতলে ঘুরে বেড়াতে লাগল দুজন। সামনে যা কিছু পাচ্ছে তুলে নিচ্ছে। পান্না আর সোনা দিয়ে তৈরি বহু জিনিস একত্রী করল স্যাম আর রেমি। পাওয়া গেল চাকতি, মুখোশ, নেকলেস, কানের দুল, ব্রেসলেট, বুকের ওপর পরার জন্য গয়না।

বেশ কিছুক্ষণ ধরে এটা-সেটা তুলে নিল দুজন মিলে, তারপর রেমির হাত ধরে ইশারা করল স্যাম। মাথার ঠিক ওপরে থাকা আলোর বৃত্তটা সরে চলে গেছে প্রায় শ'খানেক ফুট পেছনে। যা দেখেছে সব তুলে নিয়েছে ফারগো দম্পতি, ফলে দেখা গেল ভাবেওনি—এত জিনিস জড়ো হয়ে গেছে।

একসাথে সাঁতার কেটে এগোতে লাগল স্যাম আর রেমির সাথে নেটের ব্যাগ ভর্তি জিনিস। আলোর কাছে পৌঁছে আস্তে আস্তে উঠতে লাগল ওপরের দিকে। ভেঙে গেল রূপালি তরঙ্গমালা।

মাস্ক খুলে পুলের পাশে রাখল দুজন। নিজের নেটের ব্যাগ তুলে রেমির নেটের ব্যাগও পানির ওপরে তুলে রাখল স্যাম। এরপর পাথরের ওপর উঠে হাত বাড়িয়ে দিল রেমির দিকে।

‘অনেক মজা হয়েছে, তাই না।’ বলে উঠল রেমি। ‘ডাইভ দিয়ে নিচে গেলাম আর ওদের ছুড়ে দেয়া জিনিসগুলো পেয়ে গেলাম।’

‘মনে হচ্ছে যেন ইস্টারের ডিম খুঁজছি।’

‘যদি ও নিচে স্রোতের ভালোই টান আছে। এ কারণে গয়না আর অন্যান্য জিনিস নিচের দিকে চলে গেছে।’

‘যদি ক্ল্যাসিক পিরিয়ডের শেষ দিকে জায়গা পরিত্যক্ত হয়ে যায় তাহলে সবকিছু নিচেই আছে। যদিও হাজার বছরে স্রোতের গতিতে পরিবর্তন আনতেই পারে।’

‘আমি নিশ্চিত যে নিচে পড়ার সাথে সাথেই দৃষ্টির বাইরে চলে গেছে কিছু গয়না।’ বলে উঠল রেমি।

‘এটার সম্ভাবনা আছে। নিচে তাকিয়ে লোকেরা যখন দেখেছিল যে উপহার নেই হয়ে গেছে, নিশ্চয় তারা ভেবেছিল যে দেবতারা তাদের কথা শুনেছে আর তাতে খুশি হয়ে উঠেছিল নিশ্চয় লোকগুলো।’

চুনের মাটির ওপরে নিজেদের জড়ো করা সব মেলে রাখল স্যাম আর রেমি। এরপর ছবি তুলে পাঠিয়ে ছিল সেলমার কাছে। জিপার দেয়া একটা ব্যাগে এরপর সবকিছু ভরে রেখে দেয়া হলো স্যামের ব্যাকপ্যাকে।

‘নিচের সবকিছু তো আমরা খুঁজে পাইনি।’ উসখুস করে উঠল রেমি। ‘আজ বিকেলে আবার নামবে নাকি পানিতে?’

‘এই জায়গাটা যাই হোক না কেন—শহর, দুর্গ, অনুষ্ঠানস্থল—একবার ঘুরে আমরা সব কিছু খুঁজেও পাব না বা জেনেও যাব না। প্রত্নতাত্ত্বিকরা এসে কাজ করবে বছরের পর বছর। তাই আমাদের উচিত হবে যা পারি চিহ্নিত করে চলে যাওয়া।’

‘ঠিকই।’ একমত হলো রেমি। ‘এটা তো পঙ্ক্তি বা কোডেক্সের ব্যাপার, এমন না যে দুজনে মিলে গুয়েতেমালার সম্পদ খুঁজতে এসেছি।’

‘আমার মনে হয় আজ বাকি দিনটুকু আর আগামীকাল পুরো চত্বরের মাপ নিয়ে, মানচিত্র তৈরি আর ছবি তুলে নিলেই ভালো হবে। পরের দিন চলে যাব যেন রসদ শেষ হওয়ার আগেই শহরে পৌঁছে যেতে পারি।’

‘জঙ্গলে টাপির আছে। আমি তোমাকে মজার টাপিরের স্যান্ডউইচ বানিয়ে দিতে পারব।’

‘হুম, তারপর টাপিরের দল এসে হামলে পড়ুক, তাই না।’

পোশাক বদলে জমির ওপর প্রতি সরু গলি ধরে হেঁটে বেড়াল দুজন। প্রায় সন্ধ্যার কাছাকাছি সময়ে তৃতীয় গলির শেষে জোড়া পাথরের পিলার খুঁজে পাওয়া গেল, দেখে মনে হলো গেইটপোস্ট। প্রায় আট ফুট লম্বা আর খোদাই করা পিলার দুটোর একটি পুরুষ দেহাকৃতির, মাথায় পালকের মুকুট শিল্প আর রাজার যুদ্ধ করার লাঠি, অন্যটি নারী দেহের আকৃতি, পোশাক পরিহিত, পায়ের কাছে একটা ঝুড়ি আর হাতে জগ। দুই দেহাকৃতির চারপাশে মায়া ভাষা লেখা চিহ্ন। প্রতিটি কোণ থেকে পিলার দুটোর ছবি তুলে সেলমাকে পাঠিয়ে দিল রেমি।

এরপর নিজের ফোন থেকে চোখ তুলে অকাল। বলে উঠল, ‘সূর্য অস্ত যাচ্ছে প্রায়। ফ্ল্যাশ দিয়ে কয়েকটা ছবি তুলে নিয়ে নেই, যেন লেখাগুলো স্পষ্ট থাকে।’

প্রতিটি পিলারে ফ্ল্যাশ লাইট অন করে ছবি তুলে নিল রেমি। এমন সময় তার হাত ধরে স্যাম ইশারা করল। ‘রেমি, দেখ!’

পাহাড়ের ওপরের যে ট্রেইল ধরে স্যাম আর রেমি এ জায়গায় পৌঁছেছে, সেদিক দিয়ে নেমে আসছে এক দল লোক। প্রায় পনেরোজন, এখনো এক মাইলের চার ভাগের এক ভাগ দূরে থাকলেও ধ্বংসাবশেষের শেষ ঢালু বেয়েই নেমে আসছে।

‘ওহ্ শিট। ফ্লাশের আইডিয়াটাই কুফা ছিল।’ বলে উঠল রেমি।

‘জানি না। তবে খোলা জায়গায় যে কারো চোখে পড়ার জন্য জিপটা রেখে আসার মতো নিশ্চয় নয়।’ উত্তর দিল স্যাম। ‘জানি না আমাদের দেখেছে কিনা, এটাও জানি না লোকগুলো ভালো না খারাপ। আমার মনে হয় পুলের কাছে গিয়ে তারা আসার আগেই অদৃশ্য হয়ে যাওয়া উচিত। এভাবে তাহলে খুঁজে পাবে না লোকগুলো।’

দৌড়াতে লাগল দুজন মিলে। সরু রাস্তার মাঝখানে নিরাপদে দাঁড়িয়ে থাকা গাছের দিকে এগোতে লাগল। দৌড়াতে দৌড়াতে পেছনে তাকাল রেমি। পাহাড়ের ওপর থেমে গিয়ে কাঁধের ওপর রাইফেল তুলে নিল একজন। রেমি তাড়াতাড়ি চিৎকার করে উঠল, ‘স্যাম! রান!’

মাথার ওপর দিয়ে শিস কেটে চলে গেল বুলেট। এর সেকেন্ডখানেক পরেই কানে এলো রাইফেলের গুলির আওয়াজ। পরের শব্দটা হলো জিপ বিস্ফোরিত হবার। সন্ধ্যার আকাশ আলোকিত করে তুলল গ্যাসোলিনের আগুনে বল। দ্রুত দৌড়ে চলেছে স্যাম আর রেমি। লোকগুলো আর তাদের মাঝে দুলছে গাছ আর ঝোপঝাড়। সমান একটা পরিষ্কার পথে থাকার সুবিধা পাচ্ছে স্যাম আর রেমি। পড়ে যাওয়ার ভয় ছাড়াই লাফিয়ে লাফিয়ে যাচ্ছে দুজন। অন্যদিকে ঢালুর ওপর দাঁড়িয়ে থাকা লোকগুলোকে পাহাড়ের পাশ দিয়ে এমন কোনাকুনি নামতে হচ্ছে, যেন বেশি দ্রুত করতে গিয়ে গড়িয়ে না পড়ে যায়।

কাঁধের ওপর দিয়ে এক বলক তাকিয়ে স্যাম দেখতে পেল দ্বিতীয় লোকটা থেমে কাঁধের ওপর তুলে নিয়েছে রাইফেল।

‘আরো একজন। কাভার বানও।’ দুজনই নিচু হয়ে গাছের ভিড়ে লুকিয়ে পড়ল। আরো একবার গুলি ছুটে এলো। চারপাশে ছড়িয়ে পড়ল গাছের ছাল। গাছের পেছন থেকে উঁকি মারতেই স্যামের চোখে পড়ল টেলিস্কোপিক সাইটে তাকিয়ে আছে লোকটা। চিৎকার করে বলে উঠল, ‘গো।’

উর্ধ্বাঙ্গে দৌড় লাগাল দুজন। প্রাণপণে দৌড়ে পৌঁছে গেল কুয়ার উঁচু দেয়ালের কাছে। একেবারে শেষতম প্রান্তে গিয়ে প্রবেশদ্বারে চলে এলো। আলাপা পাথর কুড়িয়ে নিয়ে সরু রাস্তাটাকে বন্ধ করে দিতে চাইল স্যাম। আর রেমি দৌড়ে নিজেদের ব্যাকপ্যাক হাতড়ে নিয়ে এলো চারটা পিস্তল, বাড়তি

ম্যাগাজিন আর গুলির বাক্স। প্রতি বন্ধুক চেক করে দেখে নিল লোড করা আছে কিনা।

‘আমার কিছুতেই বিশ্বাস হচ্ছে না পুরো ব্যাপারটা।’ বলে উঠল রেমি। ‘কারা ওরা?’ ‘আমরা জানতে চাই না এমন কেউ মনে হচ্ছে আমাদের পেছনে থেকে অনুসরণ করেছে; তারপর দেখতে পেয়েই গুলি করা শুরু করেছে।’ ‘তারা কী ভাবছে, আমরা কারা?’ ‘ভবিষ্যতের মরা মানুষ।’ রেমিকে জড়িয়ে ধরে স্যাম বলে উঠল, ‘দেখা যাক এই দেয়ালটাকে ব্যবহার করে বেঁচে থাকা যায় কিনা।’

‘আমি হেঁটে দেখে আসি, ওরা কী করছে।’

‘মাথা নিচু করে রাখবে।’ স্যাম সাবধান করে দিল।

বেসবল ক্যাপ মাথায় পরে নিল রেমি। ‘দুর্ভাগ্যের ব্যাপার হচ্ছে, এরকম অবস্থায় আগেও পড়েছি আমরা।’

‘যদি এবার বেঁচে যাই তো—’

স্যামের ঠোঁটের ওপর হাত ছোঁয়াল রেমি। ‘শশল, আমি জানি, ফেনা ওঠা জলে স্প্যা। যা দরকার তার সব প্রমিজ একে অন্যের কাছে এরই মাঝে করে ফেলেছি জানু।’

এক জোড়া পিস্তল হাতে নিয়ে দেয়ালের ওপরে উঠে হাঁটা শুরু করল রেমি। এমন একটা জায়গা পেয়ে গেল যেখানে দেয়ালের খানিকটা অংশ দেবে গেছে। সেখানে নেমে মাথা উঁচিয়ে আঁততায়ী লোকগুলোর দিকে তাকাল রেমি।

স্যাম দেখতে পেল দেয়ালের গায়ে লাগিয়ে হাত রেখে পিস্তলের নিশানা ঠিক করছে রেমি। আগেও বিভিন্ন প্রতিযোগিতায় তাকে এমনটা করতে দেখেছে স্যাম। অত্যন্ত গোপন একটি বাহিনীর একজন সদস্য পুরো এক মাস ব্যয় করে গোপন আস্তানা থেকে স্যামকে শিখিয়েছে কীভাবে ক্লোজ রেঞ্জে গুলি করতে হয় আর বিভিন্ন স্লাইপার টেকনিক। কিন্তু রেমির পদচারণা ছিল ভিন্ন অঙ্গনে। বারো বছর বয়স থেকে বিভিন্ন প্রতিযোগিতায় অংশ নিয়ে আসছে রেমি। তাই, ‘নেইল ড্রাইভিং’ কথাটা তার বেলায় কোনো বাগাড়ম্বর নয়।

নিচে দাঁড়িয়ে স্যাম আস্তে করে বলে উঠল, ‘নিচু হয়ে থাকো গুলির শব্দ না শোনা পর্যন্ত।’

প্রবেশপথে এগিয়ে গেল স্যাম, নিজের তৈরি ব্যারিয়ারের ওপর চড়ে বসে প্রায় দশ ফুট পর্যন্ত লাফিয়ে দৌড় লাগাল কাছাকাছি দাঁড়িয়ে থাকা গাছের দিকে। সমান্তরাল রাস্তার পাশের গাছগুলো ধরে এগিয়ে গেল স্যাম, এমন

জায়গায় গিয়ে থামল, যেদিকটা দিয়ে দেয়ালঘেরা পুলের কাছে যেতে হবে লোকগুলোকে। চলতে চলতে, চারপাশেও তীক্ষ্ণ নজর বোলাল, জানে যে তাদের ছেড়ে ভুল পথেও চলে যেতে পারে সে। সমান্তরাল রাস্তার এক হাতের মাঝে ঘন ঝোপের আড়ালে দাঁড়াল স্যাম; কিন্তু গাছগুলোকে এড়িয়ে গেল।

বুকে আড়াআড়িভাবে রাইফেল বাগিয়ে ধরে এগিয়ে এলো লোকগুলো। এমনভাবে দৌড়াচ্ছে, যেন কোনো খেলা খেলছে। সশস্ত্র প্রতিপক্ষের ব্যাপারে এতটুকু সচেতন নয়।

হামাগুড়ি দিয়ে অপেক্ষা করতে লাগল স্যাম। একটু আগেই গুনে দেখেছিল, পনেরোজন, কিন্তু এখন দেখতে পাচ্ছে বারোজন। সবার পরনে খাকি প্যান্ট, ছোট হাতার সিভিলিয়ান শার্ট আর টি-শার্ট। কয়েকজনের কাছে স্কোপ লাগানো শিকার করার রাইফেল—সম্ভবত ৪ পাওয়ারের, কেননা এরকম ঘন জঙ্গলে খোলা জায়গায় লং শট হয়তো পাত্তাই পাবে না। দুজন আবার শটগান বহন করছে। এই অস্ত্রটাই হয়তো তাদের খাবার জোগায়। দুজনের হোলস্টারে পিস্তল আর অন্যরা বহন করছে অ্যাসল্ট রাইফেল। অ্যামেরিকান এআর-১৫, হয়তো গৃহযুদ্ধের সময়ে এগুলো তাদের হাতে এসেছে বলে ভাবল স্যাম।

স্যামের ঠিক কাছাকাছি পৌঁছে যাওয়া লোকটার হাতে শিকার করার রাইফেল। তুলে নিয়ে পুলের চারপাশে দেয়ালের ওপর নিশানা করল লোকটা। স্যাম নিশ্চিত যে রেমিকে দেখতে পায়নি লোকটা। কিন্তু অপেক্ষা করছে কখন রেমি মাথা তুলবে।

একটামাত্র পিস্তল হাতে ধরা লোকটা গাছের কাছে দাঁড়িয়ে ইংরেজিতে চিৎকার করে উঠল, ‘আমরা জানি যে তোমরা এখানে আছ। এখনই রাইরে বের হয়ে এসো, সহজ হয়ে যাবে ব্যাপারটা তাহলে।’

লোকগুলোর দিকে পেছন দিয়ে দাঁড়িয়ে পাহাড়ের উদ্দেশে চিৎকার করে স্যাম বলে উঠল, ‘আমরা তোমাদের কোনো ক্ষতি করতে চাই না, চলে যাও।’

তিনজন আঁততায়ী খানিকটা ঘুরে দেখতে চাইল যে কেউ তাদের পেছনে আছে কিনা, আর আরেকজন উদ্যত অস্ত্র নিয়ে পুরোপুরি ঘুরে গেল।

আগের ঘোষক আবার বলে উঠল, ‘আমরা যাব না। বের হয়ে এসো, তাহলে আমরাই তোমাদের যেতে দেব।’

লোকটার কণ্ঠে খারাপ কিছু আভাস পেল স্যাম। এই লোকগুলো ভাবছে যে সহজ শিকার পেয়ে গেছে তারা, এক আমেরিকান দম্পতি, নিঃসন্দেহে

নিরস্ত্র আর অসহায়। হয়তো ইতিমধ্যে মুক্তিপণের আকাশ-কুসুমও শুরু করে দিয়েছে। আর যদি এটা পায়ও, তারপরও তাদের খুন করে ফেলবে।

কাছের জনের ওপর পিস্তল তাক করল স্যাম। দেয়ালের ওপর রাইফেল তাক করে টার্গেটের জন্য অপেক্ষা করতে লাগল লোকটা। ঘোষক লোকটা হাত ইশারা করতেই দেয়ালের কাছে এগোতে লাগল লোকগুলো। একই সাথে আড়ালে থেকে এগোতে লাগল স্যাম।

কাছাকাছি থাকা লোকটা টের পেয়ে স্যামের দিকে রাইফেল ঘোরাতেই, তার বুকে গুলি করল স্যাম। এরপর লুকিয়ে গেল ঝোপের মাঝে। পড়ে গেল লোকটা; ভালোই আহত হয়েছে, বেহুঁশ হয়ে গেছে সাথে সাথে। অন্যরা তাদের সঙ্গীকে পড়ে যেতে দেখে যার যেদিক মনে হলো গুলি এসেছে, সেদিকে গুলি চালাল সমানে। মাত্র দুজনের অনুমান সঠিক হলো; স্যামের লুকিয়ে থাকার ঘন ঝোপের সামনের জায়গাটা ঝাঁঝরা করে ফেলল বুলেট।

চোখ তুলে তাকাবার পর আরেকজনকে পড়ে যেতে দেখল স্যাম, অল্প যে কয়েকজন এআর-১৫ বহন করছিল—তাদের একজন। অন্যরা যখন উন্মত্তের মতো গুলি ছুড়ছিল, রেমি নিশ্চয়ই এ লোকটাকে টার্গেট করেছে। বেশি জরুরি ভেবে বেছে নিয়েছে এ লোকটাকে আর গুলি করে ফেলে দিয়েছে।

দলের নেতা এগিয়ে গিয়ে লোকটার রাইফেল আর প্যাক নিয়ে এলো। তারপর নিশানা করল দেয়ালের মাথার ওপর; কিন্তু নিচেই রইল রেমি। জানে যে, সবাই তার আশাতেই তাকিয়ে আছে।

কিন্তু নতুন সমস্যায় পড়ে গেল স্যাম। সে কি এখনো বেঁচে আছে না তার মৃতদেহ পড়ে আছে দেখার জন্য ঘন ঝোপের দিকে এগিয়ে এলো এক আঁততায়ী। পায়ের চাপে লাঠি ভাঙতে লাগল লোকটা। শব্দ অনুসরণ করে তিনবার গুলি চালাল স্যাম। রাইফেল আর তার বাহক, দুজনেরই পতনের শব্দ পেল সাথে সাথে। হাতে প্রস্তুত পিস্তল নিয়ে হামাগুড়ি দিয়ে লোকটার কাছে গিয়ে দেখতে পেল কপালে নতুন, তাজা গর্ত। রাইফেল তুলে নিয়ে আবারো নিজের জায়গায় ফিরে গেল স্যাম; একেবারে কিনারা গিয়ে ব্যারেল ঠিক করে নিল।

দেয়াল ঘেঁষে এগিয়ে আসছে শটগান হাতে এক আঁততায়ী। নিশানা করে গুলি ছুড়ল স্যাম, মৃত্যুর কোলে ঢলে পড়ল লোকটা। বোল্টের শিকল ঘুরিয়ে নতুন নিশানা খুঁজতে লাগল স্যাম। গায়ের সাথে বুলন্ত স্কোপ লাগানো রাইফেল নিয়ে গাছে ওঠার চেষ্টা করছে আরেক লোক। যেন

চারপাশের দেয়াল ঘেরা জায়গাটা দেখা যায়। গুলি ছুড়ল স্যাম; দুমড়ে-মুচড়ে দশ থেকে বারো ফুট নিচে মাটির ওপর পড়েই স্থির হয়ে গেল লোকটার দেহ।

আবারো বোল্ট ঘুরিয়ে বুঝতে পারল গোলা শেষ হয়ে আসছে। যে লোকটার কাছ থেকে রাইফেল নিয়েছিল হামাগুড়ি দিয়ে তার কাছে গেল স্যাম। কিন্তু এই সুযোগে তাকে দেখে ফেলে চিৎকার করে অন্যদের ডেকে উঠল এক আঁততায়ী। সময় ফুরিয়ে যাচ্ছে দ্রুত। তাড়াতাড়ি তাই গুলি করেই রাইফেল হাতে জঙ্গলের দিকে ছুটতে শুরু করল স্যাম। একটুও না থেমে ঘুরতে লাগল পুলের চারপাশের ঘেরা জায়গাতে। পেছনে অবশ্য কোনো ছুটন্ত পদশব্দ পাওয়া গেল না। ছুটতে ছুটতেই রাইফেল থেকে বোল্ট খুলে ছোট ছোট গাছপালায় ঘেরা দুর্ভেদ্য একটা জায়গায় ছুড়ে মারল স্যাম। আরো শ'খানেক ফুট সামনে গিয়ে আরেকটা খালি জায়গায় রাইফেলটাকে ফেলেই দৌড় লাগল।

প্রবেশপথের চেয়েও বহুদূর ঘুরে দেয়াল ঘেরা জায়গাটাতে পৌঁছে গিয়ে সাবধানে দেয়ালের ওপর লাফ দিয়ে চড়ে বসল স্যাম। একই সাথে দেখতে পেল পেছনে শটগান ঝুলিয়ে এগিয়ে আসছে একজন আঁততায়ী। লোকটার মাথার পেছনে পুরো এক রাউন্ড গুলি করল স্যাম। হাঁটু গেড়ে বসল শটগান তুলে নেয়ার জন্য। কানে এলো নিজের মাথা থেকে ইঞ্চিখানেক দূরে ছোট্ট একটু প্রতিধ্বনি। প্রবেশমুখে ঝাঁপ দিয়ে পড়ার সাথে সাথে পাথরকুচি ছড়িয়ে এআর-১৫-এর গুলিতে বিস্ফোরিত হলো জায়গাটা। জমাকৃত পাথরের স্তূপ পার হয়ে দেয়ালের মাঝে ঢুকে পড়ল স্যাম।

‘হানি’, অ্যাম হোম।’ চিৎকার করে জানিয়ে দিল রেমিকে। প্রত্যক্ষণ পরে।’ বলে উঠল রেমি, ‘চিন্তায় আমি অসুস্থ হয়ে পড়েছিলাম।’

সিঁড়িতে উঠে বসল স্যাম। ‘আমি শুনে দেখেছি; শুরুতে ছিল বারোজন, এখন আছে ছয়।’ ‘জানি, আমি। অন্তত তাদের একটু ভয় পাইয়ে দিতে পেরেছি, বুঝে গেছে নির্ঘাত যে এত সোজা হবে না ব্যাপারটা।’

‘এর চেয়েও ভালো করেছি আমরা। আমাদের মনে হয় এই মুহূর্তে আমরাই বিজয়ী।’

আন্তে করে মাথা ঝাঁকাল রেমি। ‘প্রথমে অনেকেই ছিল। অন্তত দুজন ঠিক সময়ে তোমার জায়গাটাতে গিয়েছিল। আমি তো ভেবেছিলাম যে নিশ্চয়ই তোমার পিছু নিয়েছে; কিন্তু তারপর দেখেছি যেখান থেকে এসেছিল সেই ঢালুতে ফিরে গেছে। নিশ্চয়ই সাহায্য আনতে গেছে।’

হয়তো এখান থেকে সরে পড়ার এটাই মোক্ষম সুযোগ।' বলে উঠল স্যাম। ব্যাকপ্যাক যা যা সম্ভব ভরে নিয়ে বাকি সবকিছু এখানে ফেলে রেখে দৌড় দিতে হবে এখনই।'

'হুম, এটাই করার আছে কেবল।' জানাল রেমি। 'আশা করছি যে তাদের প্রধান ক্যাম্প নিশ্চয়ই আরো দূরে।'

রেমির পাশে শটগান নামিয়ে রাখল স্যাম। 'তুমি নজর রাখ। রেঞ্জের মাঝে কেউ এলেই ব্যবহার করবে।' স্কুবা গিয়ার, তাঁবু আর বেশিরভাগ রসদ নামিয়ে রাখল। বাড়তি গুলি, মশাল, পুল থেকে তুলে আনা দ্রব্যাদি নিজের প্যাকে এরপর দেয়ালের ওপর চড়ে বসে শটগান তুলে নিল হাতে। 'ঠিক আছে, ঝোপের ভেতর গিয়ে আমার জন্য অপেক্ষা করো। শেষবারের মতো একবার দেখে নিই আর দেখা যাক যদি...' থেমে গিয়ে রেমির মুখে ফুটে ওঠা অভিব্যক্তির দিকে তাকিয়ে রইল স্যাম। 'কী?'

পাহাড়ের একপাশে ইশারা করে দেখাল রেমি। পড়ন্ত সূর্যের আলোয় দেখা গেল অনেকগুলো মানুষের দীর্ঘ একটামাত্র সারি ট্রেইল ধরে এগিয়ে আসছে তাদের দিকে। 'মোটাই ছয়জন নয়, ছত্রিশজন। নিশ্চয়ই গোলাগুলির আওয়াজ শুনতে পেয়ে এগিয়ে আসছে কী ঘটেছে দেখার জন্য। অথবা আমরা সভ্যতা থেকে এত দূরে যে কারো আড়িপাতা ছাড়াই রেডিও ব্যবহার করতে পেরেছে লোকগুলো।'

'আমি দুঃখিত রেমি।' বলে উঠল স্যাম। 'আমি সত্যিই ভেবেছিলাম যে ভালো একটা সুযোগ পাওয়া গিয়েছিল।'

স্বামীর গালে কিস করে রেমি বলে উঠল, 'জানো মৌমাছীদের নিয়ে কত কিছু বলা হয়? যখন কেউ মধুর জন্য তাদের মৌচাকে হামলা চালায়, সাধারণত তারা হেরে যায়। কিন্তু যতটা সম্ভব লোকটার জীবন অর্পিত করে তোলে। আর এই ধারণাকে আমিও শ্রদ্ধা করি।'

'না করাটাই শক্ত। চলো আলো থাকতে থাকতে সব ম্যাগাজিন লোড করে ফেলি। আর শটগানটার কথাও ভুলে যেও না।'

'ঠিক বলেছে।' একমত হলো স্যাম। সিঁড়ি বেয়ে নেমে মৃত লোকটার কাছে এগিয়ে গেল হামাগুড়ি দিয়ে, তারপর লোকটার প্যাক তুলে নিয়ে আবারো ফিরে এলো হামাগুড়ি দিয়ে। প্যাকের ভেতরে ডজনখানেক শটগানের শেল পাওয়া গেল একটা বাক্সে। কিন্তু বাকি জিনিসগুলো অর্থহীন একটা ক্যান্টিন, টুপি, বাড়তি কাপড়, হুইস্কি। পুলের শেষ মাথা থেকে আরো পাথর এনে প্যাসেজ আটকে দিল স্যাম। তারপর খুব সাবধানে জ্বালানি কাঠের স্তুপ তৈরি করে নিল, যদি কোনো কারণে আগুন জ্বালাতে হয়।

পুলের গভীরে নামার জন্য আনা শক্তিশালী ফ্লাশলাইট হাতে তুলে নিয়ে এরপর দেয়ালের ওপর অপেক্ষারত রেমির কাছে এগিয়ে গেল। নিজের আর রেমির পিস্তল লোড করা করা আছে কিনা দেখে নিশ্চিত হয়ে নিল স্যাম। তারপর বাড়তি দশটা ম্যাগাজিন চেক করে খালি হওয়া দুটো রি-লোড করে নিল। ‘কিছু দেখা যাচ্ছে এখনো?’ ‘গুলি করার মতো কিছু না।’ উত্তরে জানাল রেমি। ‘এখনো পিস্তলের রেঞ্জের বাইরে আছে লোকগুলো। আমার মনে হয় পুরোপুরি অন্ধকার না নামা পর্যন্ত অপেক্ষা করবে তারা; তারপর এগিয়ে আসবে যেন সেকেন্ডের জন্যও দেখা দিলে আমাদের গুলি করতে পারে।’

‘হুম, এটা হচ্ছে সময়মতো ঝাঁক বুঝে কোপ মারা।’

‘এর জন্য আমাদের পরিকল্পনা কী হবে?’

‘আমিও এরকমই কিছু একটার পরিকল্পনা করছি।’

প্রায় গজখানেক দূরত্বে দেয়ালের মাথাজুড়ে প্রথমে ছয়টা তারপর আটটা রাইফেলের গুলির শব্দ কানে এলো। ‘বেশি দেরি হয়ে গেছে।’ বলে উঠল রেমি। ‘চাইছে যেন আমরা মাথা নিচু করে রাখি, যেন প্রবেশপথে দৌড়ে আসতে পারে।’

শটগান চেপে ধরে সিঁড়ি দিয়ে নিচে নেমে গেল স্যাম। পাথরের স্তূপের পেছনে ঘাপটি মেরে বসে রইল। সামনেই দেখা গেল দুজন লোককে। গুলি ছুড়েই শটগান পাম্প করে আবারো গুলি করল স্যাম। দ্বিতীয়বারের মতো শটগান পাম্প করে একজনের বন্দুকের ব্যারেল টান দিয়ে নিয়ে এলো ভেতরে। দেখেই চিনতে পারল খাটো সাব-মেশিনগানটাকে, একটা ইনগ্রাম ম্যাক-১০। তৈরি করার পরে অন্তত দশ বছর কেটে গেলেও কোনো সন্দেহ নেই যে এটি কাজ করবে।

আরেকজনকে দেখা যেতেই গুলি করল স্যাম। পাম্প করে ফিরে এলো পাথরের আড়ালে। দেয়ালের ওপর থেকে গুলির শব্দ ভেসে এলো। পরপর চারটা দ্রুত আওয়াজ।

রেমি নিচে গলা বাড়াতেই তাকাল স্যাম। এইমাত্র যে জায়গায় ছিল রেমি, সেখানে পনেরো থেকে বিশটা গুলির আওয়াজ হলো। কিন্তু নিচু হয়ে প্রায় দশ ফুটের মতো জায়গা সরে এলো রেমি।

দেয়ালের ওপর চড়ে বসে উঁকি দিল স্যাম। দেখা গেল প্রবেশপথের দিকে দৌড়ে আসছে চারজন। ম্যাক-১০ তুলে চালু করে দিল। ওপর থেকে গুলি করতে লাগল। পিছিয়ে আসতে আসতে দেখে নিল পড়ে গেল চারজন। কিন্তু তখনো কাজ করছে ম্যাক-১০। এখন দেয়াল ঝাঁঝরা হয়ে যাচ্ছে বুলেট

বৃষ্টিতে। ওয়াকওয়েতে চুপ করে বসে গুলি থেমে যাওয়ার জন্য অপেক্ষা করতে লাগল স্যাম। খানিক সময় লাগলেও ধীরে ধীরে নেমে এলো নীরবতা।

‘কতজন?’ জানতে চাইল রেমি।

‘আমার মনে হয় সাত।’ খতম হয়েছে ‘আমার কাছে মাত্র দুইটা খতম হয়েছে’, বলে উঠল রেমি। ‘তোমার নতুন কৌশল কখন কাজে লাগাবে? গুলি শেষ হওয়ার আগে না পরে?’

‘হুম, মনে হচ্ছে এখনই ভালো সময়।’ জানাল স্যাম। প্রবেশপথের সিঁড়ি বেয়ে নিচে নেমে গেল। চারপাশে তাকাল কাউকে দেখা যায় কিনা; কিন্তু কেউ নেই। প্যাসেজে জড়ো করা সব জ্বালানি কাঠকে আবারো স্তূপ করে ওপরে খানিকটা হুইস্কি ঢেলে দিল। তারপর ম্যাচ দিয়ে আগুন ধরিয়ে দিল। এরপর সামনের দিকে নিশানা তাক করে বসে রইল শটগান নিয়ে। আগুনের শিখা দাউ দাউ করে উঁচুতে উঠে যাওয়ার পর মশালের মতো জ্বলতে শুরু করে দিল গাছের ডালপালা। চারটা ডাল একসাথে নিয়ে ওয়াকওয়েতে দৌড় লাগল স্যাম। দেয়ালের ওপর দিয়ে যত দূরে সম্ভব ছুড়ে মারল একটা ডাল তারপর বাকিগুলো। ফলে যত দূর সম্ভব ছড়িয়ে পড়ল জ্বলন্ত গাছের ডাল। আবারো ওয়াকওয়েতে বসে পড়ল স্যাম। চুপচাপ শুনতে লাগল দেয়ালের ওপর আছড়ে পড়া ত্রিশ থেকে চল্লিশ রাউন্ড গুলির গর্জন।

এই সুযোগকে কাজে লাগাল রেমি। তিন রাউন্ড গুলি ছুড়ে নিচু হয়ে বসে পড়ল। ‘এবার হলো তিন।’ বলে উঠল স্যামের উদ্দেশে।

‘স্কোরকিপারকে জানিয়ে দেব আমি।’

‘কেমন হলো কৌশলটা?—স্যামের পাশ দিয়ে দেয়ালের ওপর তাকিয়ে অবাক হয়ে গেল রেমি।

স্যামও তাকাল একই দিকে। পুরো আকাশ যেন জ্বলছে। শটগান হাতে নিয়ে আরো ভালোভাবে দেখার জন্য উঠে দাঁড়াল স্যাম। তারপর গুলি এগিয়ে আসতেই আবারো নিচু হয়ে বসে পড়ল।

জ্বলন্ত গাছের মশাল ছড়িয়ে কয়েকটা ঝোপঝাড়েও আগুন লেগে গেছে। শিখা তাই লকলক করে বেড়েই চলেছে। এগিয়ে যাচ্ছে স্যাম, লুকিয়ে ছিল এমন একটা ঝোপের দিকে। চারপাশে ডাল পোড়ার কটকট শব্দ আর স্কুলিঙ্গ ছড়িয়ে পড়ছে। গুলির শব্দ শেষ হতেই স্প্যানিশ ভাষায় লোকগুলোয় চিৎকার শুনতে পেল স্যাম।

আবারো নিচে দৌড়ে গিয়ে তিনটা জ্বলন্ত ডাল তুলে নিয়ে রেমির পাশের দেয়ালের ওপর দিয়ে অন্য পাশে ছুড়ে মারল।

‘কী করছ তুমি? তারা সবাই তো এই পাশে।’

‘নিজেদের জন্য জায়গা আর আলোর ব্যবস্থা করছি।’ উত্তরে জানাল স্যাম।

‘কেন?’

‘লুকিয়ে থাকা লোকগুলোকে আগুনের আলোতে বের করে নিয়ে আসার জন্য।’

স্যামের কাঁধ চাপড়ে দিয়ে হেসে ফেলল রেমি। তারপর দেয়ারের অন্য পাশে ইশারা করে দেখাল। তারপর দুজন মিলে হামগুড়ি দিয়ে চলে এলো এই পাশে। প্রস্তুত হয়ে রইল। এরপর একই সাথে গলা বাড়িয়ে গুলি করার জন্য প্রস্তুত হলো। তখনো দেখা যাচ্ছে না অবশ্য কাউকে। ক্রমশ বাড়তে থাকা আলোর দিকে চেয়ে রইল স্যাম, কিন্তু কাউকেই দেখা গেল না।

তার বেল্টের পেছনে চাপড় দিয়ে রেমি বলে উঠল, ‘তারা যেন আবার তোমাকে নিশানা করার সময় না পেয়ে যায়।’

নিচু হলো স্যাম। ‘শোনো, আমরা হয়তো তাদের পিছু হটিয়ে দিয়েছি।’

‘কিছুক্ষণের জন্য।’ বলে উঠল রেমি। ‘আগুন নিভে শেষ হয়ে গেলেই তারা আবার ফিরে আসবে।’

কাঁধ ঝাঁকাল স্যাম। ‘খানিকটা সময় পাওয়া গেল।’ ‘খন্যবাদ, স্যাম। অন্তত আরো ঘণ্টা দুয়েক পেলাম তোমাকে ভালোবাসার জন্য।’

‘এর পরে কী?’

‘দেখা যাক।’ উত্তরে জানাল রেমি। ‘ব্যাপারটা নির্ভর করছে তাদের গুলি ছোড়ার দক্ষতার ওপর।’

দুজনে মিলে হাত ধরে বসে রইল ওয়াকওয়েতে। তারপরও কয়েক মিনিট পরপর কেউ একজন উঠে গিয়ে দেখে আসছে কাউকে দেখা যায় কিনা। সরু রাস্তা ধরে গাছ আর ঝোপঝাড় পুড়তে পুড়তে এগিয়ে চলল আগুন; কিন্তু দু’পাশে এগোতে পারল না।

চাঁদ উঠতেই আবারো সরু রাস্তাটার দিকে তাকাল স্যাম। ‘আমার মনে হয় একটু পরেই ফিরে আসবে লোকগুলো। আর মনে হচ্ছে সঙ্গে আরো বেশি জনকে নিয়ে আসবে। ভাবার বিষয় যে তারা কারা।’

‘আস্তে আস্তে হতাশাজনক মনে হচ্ছে সবকিছুকে।’ জানাল রেমি।

নিজের পকেট হাতড়ে জানতে চাইল স্যাম, ‘আর কত গুলি বাকি আছে তোমার কাছে?’

‘বিশ রাউন্ড। প্রতিটা পিস্তলে আট করে। আর চারটা গুলিঅলা একটা বাড়তি ম্যাগাজিন।’

‘আমার কাছে আছে পনেরোটা। আর শটগানে পাঁচটা শেল।’ রেমিকে জড়িয়ে ধরল স্যাম। ‘বলতে কষ্ট হচ্ছে যে আমাদের পালা শেষ হয়ে আসছে।’ চুপচাপ দেয়ালে হেলান দিয়ে বসে রইল দুজন।

হঠাৎ করেই সোজা হয়ে বসল রেমি, ‘স্যাম।’

‘কী?’

‘পুল। কুয়ের মতো নয়, তাই না?’

‘না?’

‘স্রোত আছে। তুমি হয়তো তেমনভাবে টেরই পাবে না, কিন্তু আমরা যত শিল্পদ্রব্য পেয়েছি তা তীর থেকে দূরে। আর আমাদেরও নিয়ে গেছে একই দিকে। তার মানে এটা হচ্ছে আন্ডারগ্রাউন্ড একটা নদীর ওপরে।’

রেমির চোখের দিকে তাকাল স্যাম, ‘তুমি কি বাজির শেষ খেলাটা খেলতে চাও?’

মাথা নাড়ল রেমি। ‘যদি আমরা এখানে বসে থাকি তাহলে বুলেট হারিয়ে নির্ভর করতে হবে তাদের দয়ার ওপর। আমি এটা এক্কেবারে চাই না, তারচেয়ে ভালো হবে যাব।’

‘অলরাইট। চলো চেষ্টা করে দেখি।’

দেয়ালের ওপাশে তাকাল রেমি। ‘আরেকটু পরেই নিভে যাবে আগুন। নিচে নেমে আসছে লোকগুলো। আর বেশি সময় নেই আমাদের হাতে।’

ব্রস্ট পায়ে সিঁড়ি বেয়ে নেমে গেল স্যাম আর রেমি। ডাইভ দেয়ার ইকুইপমেন্ট প্রস্তুত করে ওয়েট স্যুট পরে নিল। নিজের প্যাক থেকে শিল্পদ্রব্যের ওয়াটারপ্রুপ ব্যাগটা ভরে করে নিল স্যাম। ‘বন্দুক, ফোন আর গুলিগুলো এখানে রেখে দাও।’

ব্যাগে সবকিছু ভরে সিল করে দিল রেমি। দুজনের জন্য এক জোড়া করে শর্টস, টি-শার্ট আর জুতো নেটের ব্যাগে ভরে নিয়ে পাখিতে প্যাক নামাল।

‘এখানেই সবকিছু।’ বলে উঠল স্যাম। ‘হয়তো লোকগুলো ভাববে যে আমরা আগুনের মাঝে দিয়ে পালিয়ে গেছি।’

ব্যাগটাকে নেড়ে দেখল রেমি। ‘তুমি এটাকে বন্ধ করতে পারবে?’

‘ভালোই হয়েছে ওজন।’ বেল্ট থেকে ভারী অংশটা ফেলে দিয়ে এর সাথে ব্যাগটাকে আটকে নিল স্যাম।

নিজেদের বাকি ইকুপমেন্ট পরে নিয়ে ফ্লাশলাইট ধরে পুলের কিনারে বসল স্যাম আর রেমি। স্যাম বলে উঠল, ‘আমি সরি রেমি, ব্যাপারটা একটু লম্বা হলো বলে।’

কাঁধ দিয়ে স্যামকে ধাক্কা দিয়ে রেমি বলে উঠল, ‘বেশি লম্বাও হবে না। যদি একটা সিক্কেহোল থেকে থাকে তাহলে নিশ্চয় আরো আছে। এটাকে খুঁজে পাবার জন্য বাতাস বাঁচিয়ে রাখতে হবে শুধু। প্রায় পঁচিশ মিনিট আছে হাতে।’

মাথা নাড়ল স্যাম। আর প্রায় একই সাথে দেয়ালের মাথায় তিন দিক থেকে একযোগে গর্জে উঠল ভয়ংকর গর্জন। বাতাসে ভাসতে লাগল। পাথরের টুকরা আর মটারের গোলা মাথা ঘুরিয়ে পরস্পরকে কিস করল স্যাম আর রেমি। এরপর মাস্ক নামিয়ে মাউথপিস মুখে দিয়ে পেছনে নেমে পড়ল পানিতে। দশ থেকে বারো ফুট পর্যন্ত নেমে গেল নিচে। এরপরই অনুভব করল হালকা স্রোত এসে টেনে নিয়ে যেতে লাগল দুজনকে।

গুয়েতেমালা

গাড়ি অন্ধকারে সাবধানে সাঁতার কেটে চলল স্যাম আর রেমি। শুধু স্রোতের টানে ভেসে চলল একশ ফুট পর্যন্ত যেন ওপরে কেউ দাঁড়িয়ে থাকলেও তাদের দেখতে না পায়। এরপর ফ্ল্যাশলাইট জ্বেলে গতি বাড়িয়ে সাঁতারে চলল ভূগর্ভস্থ নদীর পাথুরে করিডর দিয়ে। প্রায় ছাদ পর্যন্ত উঠে গেছে পানি, কোনো বাতাস আসার জায়গাই নেই। প্রথম দিকে দু’দিকের দেয়ালের মাঝে দূরত্ব ছিল প্রায় বিশ ফুট। কিন্তু ত্রিশ থেকে চল্লিশ ফুট গভীর অথচ সময় যত যাচ্ছে দু’পাশের দেয়ালের মাঝের ফাঁক সংকুচিত হয়ে আসছে। অস্বস্তি বাড়ছে দুজনেরই। জায়গাটা খানিকটা উন্মুক্ত হওয়া মাত্রই আবারো স্বস্তি পেল ফারগোরা।

ফিন দিয়ে লাথি মেরে সাহায্য নিতেই স্রোতও সাহায্য করল। সামনে বাড়িয়ে ধরেছে ফ্ল্যাশলাইট, কিন্তু কোনো পরিবর্তন নেই একঘেয়ে দৃশ্যের— আরো আঁকাবাঁকা টানেল। টানেল সংকীর্ণ হয়ে এলে স্যাম অন্ধ হয়ে ভাবছে এমনকি হতে পারে যে এ অঞ্চলে একের পর এক ভূমিকম্প হওয়াতে পাথরের মাঝে ফাটল ধরে পথ তৈরি হয়েছে হুমুতো। যদি তাই হয় তাহলে কোথাও বিশ ফুট থেকে ছয় ইঞ্চি সরলেই তারা আটকে পড়ে ডুবে যাবে।

সাঁতার কাটতে কাটতে নিজের ঘড়ির দিকেও চোখ রাখল স্যাম। গতকাল সকাল বেলায় প্রায় পনেরো মিনিটের জন্য ডুব দিয়েছিল দুজন। তাদের প্রতিটি অ্যালুমিনিয়াম ট্যাংকে এখনো পঁচিশ মিনিটের মতো বাতাস রয়ে গেছে। তার

মানে যদি তারা প্রথম বারো মিনিটের মাঝে কোনো বাধা পায় তাহলে হয়তো তখনো সম্ভাবনা থাকবে পুলে ফিরে গিয়ে ওপরে উঠে যাবার। যদি তারা তাই করে তাহলে হয়তো দেখা যাবে যে পেছনে লেগে থাকা লোকগুলো হয়তো ইতিমধ্যে দেয়াল ভেঙে তছনছ করে তাদের খুঁজে চলে গেছে না দেখতে পেয়ে। স্যাম যদিও ভালো করেই জানে যে এ ধারণা খানিক কল্পনা আর খানিক দুঃস্বপ্ন। সবচেয়ে বেশি সম্ভাবনা হচ্ছে ভূগর্ভস্থ এই নদীতে ডুবে গিয়েই সলিলসমাধি ঘটবে দুজনের।

আর তখনই হয়ে গেল তেরো মিনিট, স্যাম জেনে গেল এখনো যদি সাঁতার কেটে ফিরে যাবার চেষ্টা করে বাতাস ফুরোবার আগে হয়তো পারবে না। আরো পাঁচ মিনিট কেটে গেলে তো কোনো আশাই থাকবে না।’

বিশ মিনিট যখন কেটে গেল, হাতে রইল মাত্র মিনিট পাঁচেক। হয়তো এটাও বড় বেশি আশা হয়ে যাচ্ছে। শক্তভাবে সাঁতার কেটে এসেছে দুজন; তাই হয়তো বাতাসও খরচ হয়েছে বেশি বেশি। যতটা যৌক্তিকভাবে সম্ভব নিজেদের সম্ভাবনা যাচাই করে দেখতে লাগল স্যাম। ভাবার কোনোই কারণ নেই যে, পরবর্তী পাঁচ মিনিটের মাঝে ওপরে ওঠার কোনো রাস্তা পেয়ে যাবে। রেমি ছোট আর হালকা হওয়াতে তার চেয়ে বাতাস ব্যবহার করেছে কম। যদি রেমিকে দুটো ট্যাংক দেয়া যায় তাহলে হয়তো বাঁচার পথ খোঁজার সুযোগ দ্বিগুণ হয়ে যাবে।

নিজের ট্যাংক এক পাশে সরিয়ে নিল স্যাম, যেন বন্ধ করে দিতে পারে ভান্স। কিন্তু কী করছে তা দেখে ফেলল রেমি। অবিশ্বাস্য রকম শক্ত হাতে চেপে ধরল স্যামের কজি আর ভয়ংকরভাবে ঘোরাতে লাগল মাথা। স্যাম বুঝতে পারল যে রেমিও একই কথা ভাবছিল। একই ভয় পাচ্ছিল যে স্যাম তাকে নিজের ট্যাংক দিয়ে দিতে চাইবে।

রেমি যখন স্যামের কজি চেপে ধরল, মাথার ওপরের অংশ আলোকিত করে তুলল স্যামের ফ্লাশলাই। আর খানিকটা ভিন্ন মনে হলো দৃশ্যটা। এবারে পেছনে আর সামনে তাকাল স্যাম। এতক্ষণ ধরে দেখছিল যে তাদের সৃষ্ট বুদবুদগুলো ওপরে উঠে একপাশে সরে গেলেও স্থির হয়ে থাকত। কিন্তু এখন অদৃশ্য হয়ে যাচ্ছে। ওপরের দিকে উঠতে যাচ্ছে ওপরের দিকে উঠতে শুরু করে দিল স্যাম, এখনো তার কজি ধরে রেখেছে রেমি।

একসাথে ওপরে ভেসে উঠল দুজন। ফ্লাশলাইটের আলো ফেলল মাথার ওপরে। প্রায় দশ ফুট পর্যন্ত চূনাপাথরের দেয়াল উঠে যাওয়া গোলাকার একটা জায়গায় আবিষ্কার করল নিজেদের। মাউথপিস সরিয়ে সাবধানে নিঃশ্বাস নিল স্যাম। ‘ভালো বাতাস।’ ঘোষণা করল রেমির জন্য।

নিজের মাউথপিস সরাল রেমি। মাস্ক খুলে চারপাশে তাকাল দুজন। ‘আমি ভয় পাচ্ছিলাম যে হয়তো দেখা যাবে আগ্নেয়গিরি থেকে সৃষ্ট কার্বন মনোঅক্সাইড অথবা হাইড্রোজেন সালফাইড জাতীয় কিছু হবে। বলে উঠল রেমি।

‘না, শুধুই বাতাস।’

‘হুম্, মিষ্টি, তাজা বাতাস। কিন্তু...’ জিজ্ঞেস করে উঠল রেমি।

‘চলো ফ্লাশলাইট বন্ধ করে দেখি আলো দেখা যায় কিনা।’

বহু চেষ্টা করে দেখল দুজন কিন্তু কোনো আলো দেখা গেল না। অন্ধকারে চোখ সয়ে আসার জন্য অপেক্ষা করল, তারপরও দেখতে পেল না কিছুই। আবারো জেঁলে নিল ফ্লাশলাইট।

‘যাই হোক, অন্তত ওপর দিয়ে খানিক সাঁতার কাটা যাবে।’ বলে উঠল স্যাম; তারপর নিজেদের ট্যাংকের ভাষ বন্ধ করে এগোতে লাগল সামনের দিকে।

মাথার ওপরের জায়গাটুকু আগের মতোই রইল। তাই পরিষ্কার বাতাসে নিঃশ্বাস নিতে নিতে স্রোতের টানে সাঁতার কাটতে লাগতে দুজন।

একটু পরে কী যেন ভেবে থেমে গেল স্যাম। ‘আমার মনে হয় আমি বুঝতে পারছি যে এটা কী।’

‘তাই?’ জানতে চাইল রেমি। ‘সিঙ্কহোলে পড়া বৃষ্টির পানি অথবা ফাটল দিয়ে চুইয়ে পড়ার পর সেটা এখান দিয়ে নদীতে যায়। বৃষ্টির পর নিশ্চয়ই জলসীমার উচ্চতা বেশি থাকত—হতে পারে পুরো বর্ষাকালজুড়েই এমন থাকত, আর তারপর সময়ের সাথে সাথে আবার নেমে যেত।’

‘শুনে তো এরকমই কিছু একটা মনে হচ্ছে।’ বলে উঠল রেমি।

‘এ কারণেই মায়ারা বৃষ্টির পানি পূলে ফেলার জন্য বড় বড় পাথরের ফালি গুলি তৈরি করেছিল নিশ্চয়।’

‘কিছুদিনের জন্য বৃষ্টি না হলে ভূগর্ভস্থ বেশিরভাগ নদী শুকিয়ে এর ওপর দিয়ে বাতাস বইতে থাকে। নদীর উচ্চতা আবার বেড়ে গেলে বাতাস ও আটকে যায়।’ জানাল স্যাম। ‘নিজেদের শেষ অক্সিজেনটুকু বাঁচাবার জন্য যতক্ষণ পারা যায় এভাবে ওপর দিয়েই সাঁতার কাটতে হবে আমাদের।’

‘আর আরেকটা কথা’, বলে উঠল রেমি, ‘আমাকে নিজের এয়ার ট্যাংক দিয়ে দেয়ার মতো আর কিছু করার চেষ্টা করো না। ইতিমধ্যে অবগত হয়েছি যে বীরধর্ম এখনো মারা যায়নি।’

‘আমি শুধু যুক্তি দিয়েই বুঝতে চাইছিলাম।’ জানাল স্যাম। ‘আমার চেয়ে কম বাতাস ব্যবহার করো তুমি। তাই আরেকটু সময় পেলে আরো দূর এগিয়ে যেতে পারবে।’

‘এর মানে হচ্ছে আমরা দুজন একাকী মারা যাব। কিন্তু আমার মৃত্যুর সময় কেউ একজন সামনে থাকবে, এই হচ্ছে আমার পরিকল্পনা। আর আমি আমার জনকে বহু বছর আগেই খুঁজে নিয়েছি। সেটা হচ্ছে তুমি।’

‘তোমাকে বহু নিমন্ত্রণ পাঠাতে হতে পারে মনে রেখ।’ হেসে ফেলল— স্যাম।

‘ঠিক বলেছ। কিন্তু তুমি জীবিত থাকলে তো সেটা কষ্টকর। তাই আমার সাথেই লেগে থাকো আর দাতা হবার ইচ্ছাটাকে সংযত রাখো।’

আঁকাবাঁকা টানেল ধরে আরো ঘণ্টাখানেক সাঁতারে চলল দুজন। এরপর এমন একটা জায়গায় এলো যেখানে সামনের সবটুকু দেয়াল বুপ করে নেমে গেছে পানির ভেতরে। থেমে গিয়ে একে অন্যকে কিস করে মুখের ওপর মাস্ক বসিয়ে ট্যাংকের ভান্স জ্বালিয়ে নিল স্যাম আর রেমি। তার আগে রেমি জানাল, ‘মনে রাখবে হয় দুজন, নয়তো একজনও নয়।’ মাউথপিস মুখে ঢোকাল।

আবারো ডুবে গেল দুজন। এ জায়গাটাও ঠিক আগের জায়গার মতোই। সাঁতার কাটতে গিয়ে রেমির মনে হলো ডুব দেয়ার আগে ঘড়িটা দেখে নিলে ভালো হতো। এয়ার পকেটে যখন পৌঁছেছিল ঘড়িতে তখন ষোলো মিনিট হয়েছিল। কিন্তু এখন কতটা সময় কেটে গেছে? তাদের ট্যাংকে আরো নয় মিনিটের মতো বাতাস কি সত্যি আছে? আগে কখনো লিমিট চেক করে দেখেনি সে কিংবা স্যাম। এত নিচে নেমে যেতে দেয়াটা অন্য যেকোনো দিন হলে ঝুঁকিপূর্ণ হয়ে যেত, যখন এমনি ওপরে সাঁতার কেটে বেড়ানো ছাড়াও ইচ্ছা হলেও ডাইভ বোট থেকে নিয়ে আসা যেত নতুন ট্যাংক।

সাঁতার কাটা ছাড়া এখন আর কিছু করারও নেই। মিনিটখানেক কেটে যাচ্ছে এমন সময় প্যাসেজটা আরেকটা বড়সড় জায়গায় এসে থামল। নদীর নিচেটা অসমান। আগের মসৃণ আর সমতল নদীতলের চেয়ে আলাদা পাথরে ভর্তি। এরপরই রেমি বুঝতে পারল যে এসব কিছুই নিজেদের ফ্লাশলাইটের আলোর বৃত্তের বাইরে দেখতে পাচ্ছে—তার মানে ওপরে থেকে নেমে আসছে সত্যিকারের আলো। ওপরের দিকে সাঁতার কাটতে লাগল দুজনের আলো। আরো উজ্জ্বল হয়ে উঠতেই হেসে ফেলল রেমি, শুনতে পেল ডলফিনের মতো কাঁপা কাঁপা এক ধরনের শব্দ বের হচ্ছে তার মুখ থেকে। দেখতে পেল ওপরে দেয়ার ভঙ্গিতে হেসে বড়সড় একটা বুদবুদ ছাড়ল স্যাম। হাসতে হাসতে ওপরে উঠে এলো দুজন।

কিন্তু আবারো হাসি গিলে ফেলতে বাধ্য হলো রেমি। গম্বুজের মতো পাটাতে ঠিক মাথার ওপর থেকে উঠে আসছে আলো। আকাশের দিকে গেছে বৃত্তাকার একটা গর্ত। কিন্তু গর্তটা একেবারে মাঝ বরাবর, তাদের হাঁয়ার বাইরে, নদী থেকে অন্তত ছয় ফুট ওপরে।

‘তো, আরেকটা সমস্যা জুটে গেল।’ বলে উঠল স্যাম। ‘এখন কী করব রা?’

‘আমি নিচে নেমে চারপাশটা আরেকবার দেখে আসি। এখানে এক মিনিট।’ নিজের মাস্ক পরে আবারো ডুব দিল স্যাম। অপেক্ষা করতে লাগল। আবারো স্যাম ভেসে উঠলে জানতে চাইল, ‘তো?’

নদীবক্ষে পাথরগুলোর কাছে সাঁতার কেটে গেল স্যাম। মনে হলো পানির জড়ো হয়েছে পাথরগুলো; তারপর হেলে পড়ে সরে গেছে চারপাশে। এর দাঁড়াল স্যাম। কোমর পর্যন্ত পানি ‘আমি পাথরের স্তূপের ওপর দাঁড়িয়ে। দেয়ালের বড় একটা অংশ এদিকে ধসে পড়েছে। মাঝখানে এরকম একটা স্তূপ আছে। ঠিক যেখানে ছাদ ভেঙে পড়েছিল।’

‘বেশ নাটকীয়।’ বলে উঠল রেমি। ‘এর মানে কী আমরা বের হতে পারব

মাথা তুলে ওপরের দিকে তাকাল স্যাম। ‘আমার ধারণা পারব; কিন্তু প্রচুর নৈ করতে হবে। চলো পাথর জোগাড় করি।’

আবারো নিচে ডুব দিয়ে দিয়ে পাথর জড়ো করতে লাগল দুজন; ঠিক করার মুখের নিচে। যত বড় পারল নিয়ে এলো স্যাম, এভাবে একের পর র গড়িয়ে মাঝখানের স্তূপ উঁচু করা হলো। একটু পরেই ফিন খুলে ফেলে কাজে লাগল। পরিস্কার বোঝা যাচ্ছে যে দেয়ালের আংশিক খসে পড়ে শ জমা হয়েছে, তারপর ছাদ থেকেও পড়েছে পাথর। স্যাম আর রেমি নই ফ্রি ডাইভিং দেয়াতে মাঝে মাঝেই থেমে নিঃশ্বাস নিতে হচ্ছে। যখন পাথরের পুরে স্তূপটাকে সরিয়ে নিজেদের পছন্দমতো জায়গায়। এলো দুজন, তারপর থামল খানিকক্ষণ। রেমি জানাল, ‘আমাদের পাথর হয়ে যাচ্ছে।’

‘আমার মনে হয় বাকি বাতাসটুকু কাজে লাগিয়ে আরো পাথর খুঁজে এনে শটাকে উঁচু করে তুলতে হবে।’ স্যাম বলল।

‘আমি রাজি আছি এ ঝুঁকি নিতে।’ উত্তরে জানাল রেমি। ‘হয়তো এইটা সুযোগই পাব আর।’

আবারো ট্যাংক পরে নিয়ে পাথরের স্তূপের পাশ দিয়ে সাঁতার কেটে নেমে নিয়ে এলো বড় বড় চূনাপাথরের চাই। উঁচু করে তোলার চিন্তা

নেই, শুধু যাচ্ছে আর পাথর নিয়ে ফিরে আসছে। জানে যে প্রায় শেষ হয়ে এসেছে ট্যাংকের অক্সিজেন।

আরো কয়েক মিনিট বাদে ওপরে উঠে নিজের ট্যাংক খুলে ফেলল স্যাম। খানিকক্ষণের মাঝে ওপরে ভেসে উঠে নিজের ট্যাংক খুলে ফেলল রেমি।

‘সব শেষ?’ জানতে চাইল স্যাম। মাথা নাড়ল রেমি।

‘ঠিক আছে। যতটা ভালোভাবে পারি পাথরগুলো সাজিয়ে ফেলছি আমি।’ পানির নিচে নেমে বড় পাথর এনে স্তূপের ওপর রাখল স্যাম। একই কাজ করল রেমি। যতবার ডুব দিল নিঃশ্বাস বন্ধ করে একটা করে পাথর সরিয়ে তবেই ফিরে এলো নিঃশ্বাস নেয়ার জন্য। পুরো প্রক্রিয়াটা হলো বেশ ধীর গতির আর কষ্টসাধ্য। আর বিশ্রামের সময়টুকুও ক্রমেই বাড়তে লাগল। কিন্তু একটু করে পানির ওপর উঠে এলো স্তূপ। নিজেদের খালি ট্যাংক বসিয়ে আরেকটু উঁচু করে নিল স্যাম।

অবশেষে কয়েক ঘণ্টা পরিশ্রমের পর মুহূর্তখানেকের বিশ্রাম পেল স্যাম।

‘ওকে?’

‘ওকে কী?’

‘আমি তোমাকে তুলে ধরব। আমার কাঁধের ওপর দাঁড়াবে তুমি। নিশ্চয়ই তোমার হাত পৌঁছে যাবে কিনারে।’

হাঁটু ভেঙে বসল স্যাম। ওর হাত ধরে হালকা পায়ে কাঁধের ওপর উঠে গেল রেমি। সোজা হয়ে দাঁড়াল স্যাম। ওপরে উঠে গেল রেমি। স্যাম বুঝতে পারল যে হাঁচোড়-পাঁচোড় করে আঁচড় কেটে যেভাবে সম্ভব মাটির নাগাল পেতে চাইছে রেমি, কিন্তু পারছে না।

‘আমার হাতের ওপর দাঁড়াও।’ বলে উঠল স্যাম। কাঁধের একটু ওপরে দুই হাতের তালু মেলে ধরল। নিচে তাকিয়ে প্রথমে এক হাতের তালু ওপর পা দিল রেমি। তারপর অন্য হাতের ওপর।

‘আবার চেষ্টা করো।’ চিৎকার করে উঠল স্যাম। নিজের কনুই দিয়ে শক্ত করে ধাক্কা দিয়ে হাত উঁচু করল স্যাম আর নিজের হাত দিয়ে তাকে সাহায্য করল রেমি। একটু পরেই তার শরীরের ওপরের অংশ উঠে এলো মাটির ওপরে। ছোট ছোট গাছের গোড়া আঁকড়ে ধরে মাটির ওপর উঠে এলো রেমি।

নিচে স্যামের দিকে তাকিয়ে বলে উঠল, ‘আমি উঠে গেছি স্যাম। বাইরে বের হয়ে এসেছি।’

‘হুম, খুব ভালো করেছ।’ বলে উঠল স্যাম। ‘এখন আমাকে অপেক্ষা করতে হবে কখন তুমি সপ্তাহান্তে বেড়াতে এসে আমার দিকে স্যান্ডউইচ ছুড়ে ফেলবে।’

‘ভেরি ফানি।’ বলে উঠল রেমি। ‘দড়ি হিসেবে কী ব্যবহার করব?’

‘আমি আমার ওয়েট স্যুট কেটে ফালি ফালি করে দিচ্ছি। শক্ত কিছু খুঁজে বের করো যেটার সাথে এটাকে বাঁধা যাবে।’

‘ঠিক আছে।’

রেমির আর কোনো সাড়া শব্দ পেল না স্যাম। বুঝতে পারল কয়েক ফুট দূরে সরে গেছে মেয়েটা। ওয়েট স্যুটের ওপরের অংশ খুলে বেল্ট থেকে ডাইভ নাইফ নিয়ে কাটতে শুরু করে দিল স্যাম। হাতার কাছে গিয়ে প্রতিটি অংশকে কয়েক টুকরা করে এক সাথে বেঁধে নিল। এরপর মাথার অংশটুকুও কেটে নিল। ওয়েট স্যুটের নিচের অংশ কেটে অবশেষে জোড়া লাগাল প্রতিটা টুকরা।

ওপর থেকে নিচে তাকাল রেমি। ‘দড়ি প্রস্তুত হয়ে গেলে আমার কাছে ছুড়ে দিও। এখানে একটা গাছ আছে।’ জানাল রেমি।

‘প্রথমে এটা নাও।’ বলে উঠল স্যাম। ডাইভ বেল্ট থেকে ওয়াটারপ্রুফ ব্যাগ খুলে নিল, দুই হাতে ধরে, বাস্কেটবল খেলার মতো করে নিচে থেকে ছুড়ে মারল খোলা মুখ লক্ষ্য করে। এরপর নিজের সদ্য প্রস্তুত দড়ি আটকাল বেল্টের সাথে তারপর রেমিকে ডেকে বলল, ‘রেডি?’

‘রেডি।’ উত্তর দিল রেমি।

কয়েকবার দড়ি সামনে-পেছনে হয়ে গেল; তারপর ছুড়ে মারল রেমির কাছে।

‘পেয়েছি।’ আবারো অদৃশ্য হয়ে গেল রেমি। পেছনে দড়ি। ত্রিশ সেকেন্ড পরে ফিরে এলো কিনারে। স্যাম দেখতে পেল রেমির হাতে তার ডাইভ নাইফ। রেমি জানাল। ‘আমাদের আরো একটু দরকার। এক মিনিট লাগবে মাত্র।’

কয়েক মিনিট পরে আবারো দেখা গেল রেমির চেহারা। নিচে স্যামের দিকে তাকিয়ে বলে উঠল ‘বাধা হয়ে গেছে। সময় হয়েছে আসল খেলার।’

রাবারের দড়ির সামনের দিকে চড়তে লাগল স্যাম। প্রথম দিকে ভারের চোটে দড়ি লম্বা হতে থাকল। তাই প্রথম দুই কি তিন ফুটে কোনো পরিবর্তন চোখে পড়ল না। কিন্তু এরপরই স্থির হয়ে গেল রাবারের দড়ি। আস্তে আস্তে ফাঁক গলে মাটির ওপর উঠে এসে গড়িয়েই ধপাস করে শুয়ে পড়ল স্যাম। তাকিয়ে রইল আকাশের দিকে। এরপর রেমির দিকে তাকিয়েই চোখ বড় বড় করে বলে উঠল, ‘তোমার ওয়েট স্যুট ও ব্যবহার করেছ। বাহ, ভালোই লাগছে দেখতে।’

‘চোখ বন্ধ করো নেংটো কোথাকার।’ বলে উঠল রেমি। ‘অন্তত অন্যদিকে তাকাও।’ ওয়াটারপ্রুফ ব্যাগ খুলে খাকি শার্টস আর টি-শার্ট ছুড়ে মারল স্যামের

বুকের ওপর। নিজের কাপড়ও বের করে নিয়ে মাথায় গলিয়ে দিল টি-শার্ট, পরে নিল শর্টস। ‘কাপড় পরে নাও যেন, সভ্য জগতের খোঁজে যেতে পারি।’

উঠে বসে চারপাশে তাকিয়ে স্যাম বলে উঠল, ‘আমার মনে হয় আমরা এর ভেতরেই আছি।’

ঘুরে দাঁড়িয়ে খানিক দূর হেঁটে এলো রেমি। প্রথমবারের মতো খেয়াল করে দেখল তাদের চারপাশে বহুদূর পর্যন্ত চলে গেছে সারির পর সারি লম্বা। উজ্জ্বল সবুজ পাতার গাছ। নক্ষত্রখচিত আকাশের নিচে যত দূর চোখ যায় দেখা গেল একই দৃশ্য।

‘আমার মনে হয় পৃথিবীর সবচেয়ে বড় মারিজুয়ানা ক্ষেতের মাঝখানে চলে এসেছি আমরা।’ বলে উঠল স্যাম।

সান ডিয়েগো

বিশ্ববিদ্যালয়ের পাঠাগারের একটা আর্কাইভ রুমে বসে আছেন প্রফেসর ডেভিড কেইন। হাতে লেখা পঙ্ক্তির তৃতীয় পৃষ্ঠাতে বর্ণিত মায়া ভাষার অনুবাদ করার চেষ্টা করছেন। প্রথম দুই সারির চিহ্নগুলো এরই মাঝে আরো অনেক জায়গায় দেখেছেন তিনি। মায়া পুরাতাত্ত্বিক সাইটগুলোতে পাওয়া অন্যান্য হাতে লেখা গ্রন্থে পাওয়া আটশ একষট্টিটি পঙ্ক্তির মাঝে ছিল। কিন্তু প্রথম পৃষ্ঠায় দুটো ছবি পাওয়া গেছে, যেটি প্রফেসরের ধারণা, এর আগে আর কোথাও পাননি। পুরনো ভাষা আর লেখনীতে, কিছু শব্দ আছে এমন, যেগুলোর ব্যাখ্যা বিভিন্ভাবে করা যায়। এমনকি ওল্ড ইংলিশের বেঁচে যাওয়া টেক্সটগুলোতেও কয়েকটা শব্দ এসেছে মাত্র একবারই, অথচ এগুলোকে নিয়ে পণ্ডিতরা তর্ক করে আসছেন শতাব্দীর পর শতাব্দী ধরে।

হাতে লেখা গাছের বাকলের পৃষ্ঠার ওপর অঙ্কিত পঙ্ক্তি বরাবর জ্বলে থাকা ম্যাগনিফায়ারের আরেকটু কাছে ঝুঁকে গেলেন প্রফেসর। প্রতিটি পৃষ্ঠা ছবি তুলে নিয়েছেন তিনি, তারপরও একটা ছবি এতটুকু দ্ব্যর্থবোধক যে যত কাছ থেকে সম্ভব দেখে নিচ্ছেন, পরীক্ষা করে দেখছেন তুলির প্রতিটি আঁচড়। এই দুটো ছবি বা চিহ্ন হয়তো অন্য কোনো মায়া ভাষা থেকে নেয়া হয়েছে অথবা ঐতিহাসিক কোনো চরিত্রের নাম, অথবা এমনো হতে পারে যেকোনো একজন লোকের দুটো নাম। আবার হতে পারে তিনি জানেন এমন কিছু নাম কিন্তু কিছুতেই চিনতে পারছেন না।

হঠাৎ করেই দরজায় উচ্চ স্বরের করাঘাতের শব্দে চমকে উঠলেন প্রফেসর, ভেঙে গেল তনুয় ভাব। ইচ্ছা হলো চিৎকার করে বলে ওঠেন, ‘যাও এখন থেকে।’ কিন্তু নিজেকে মনে করিয়ে দিলেন যে, এই বিল্ডিংয়ে অতিথি হিসেবে আছেন তিনি। উঠে দাঁড়িয়ে দরজার কাছে গিয়ে খুলে দিলেন প্রফেসর কেইন।

দরজার কাছে দাঁড়িয়ে আছেন অ্যাকাডেমিক অ্যাফেয়ার্সের ভাইস চ্যান্সেলর আলবার্ট স্ট্রহম, পেছন স্যুট পরিহিত বেশ কয়েকজন। বহু গুণে গুণান্বিত একজন এক্সিকিউটিভ স্ট্রহম সত্যিকারেই ক্যাম্পাসের পরিচালক হচ্ছে অ্যাকাডেমিক ভাইস চ্যান্সেলর, কেননা চ্যান্সেলর বেশিরভাগ সময় ব্যস্ত থাকেন পাবলিক রিলেশন আর ফান্ড রেইজিং নিয়ে—কিন্তু স্ট্রহমকে দেখে মনে হচ্ছে পুরোপুরি পরাজিত এক লোক।

‘হ্যালো আলবার্ট’, যতটা সম্ভব আন্তরিকভাবে বলে উঠলেন কেইন। ‘ভেতরে আসুন। আমি—’

‘ধন্যবাদ, প্রফেসর কেইন।’ এমনভাবে প্রফেসরের দিকে তাকিয়ে আছে স্ট্রহম, বোঝা গেল, কিছু বলতে চাইছেন—কোনো সতর্কবাণী? কেইন নিশ্চিত যে এর সাথে বাইরে দাঁড়িয়ে থাকা লোকগুলোর কোনো সম্পর্ক আছে। স্ট্রহম আবারো বলে উঠলেন, ‘এই ভদ্রমহোদয়গণ হচ্ছেন, আলফ্রেডো মনটেজ, মিনিষ্টার অব কালচার ফর দ্য রিপাবলিক অব মেক্সিকো, তার সহকারী মি. জুয়ারেজ, স্টিভেন ভান্ডারম্যান, স্পেশাল এজেন্ট এফবিআই আর মিল্টন ওয়েলস, ইউএস কাস্টমস।’ এজেন্টদের পরিচয় দিতেই নিজ নিজ আইডেন্টি ফিকেশন ব্যাজ তুলে ধরলেন সকলে।

‘প্লিজ, ভেতরে আসুন।’ বললেন বটে কেইন; কিন্তু মাথার ভেতরে ঝড়ের গতিতে চিন্তার ঢেউ উঠছে। আলবার্ট স্ট্রহমের এই অতি-আনুষ্ঠানিক ব্যবহারে সতর্ক হয়ে গেছেন কেইন। বেশ বুঝতে পারছেন যে, কোথাও কিছু গড়বড় হয়েছে। এমন কিছু, যা হয়তো আইনগত ক্ষেত্রে বিশ্ববিদ্যালয়ের অবস্থান নড়বড়ে করে দেবে। আলফ্রেডো মনটেজের কথা আগেই শুনেছেন প্রফেসর, তাই হাত বাড়িয়ে দিলেন ‘সিনর মনটেজ, আপনার সাথে দেখা হয়ে বেশ ভালো লাগল। ওলমেক-এর ওপরে আপনার প্রবন্ধ পড়েছি আমি, বিশেষ করে নীল পাথরের ওপর লেখাটা আমার নিজের কাজে ব্যবহারও করেছি।’

‘ধন্যবাদ।’ জানালেন মনটেজ। লম্বা ও ঋজু চেহারার মনটেজের কালো চুলগুলো পেছনে নিয়ে সোজা করে আঁচড়ানো। অত্যন্ত দামী ধূসর রঙের স্যুট, চকচকে জুতা পরে আছেন তিনি, যা দেখে নিজের পুরনো স্পোর্টস কোট আর

খাকি প্যাণ্টের জন্য দুঃখ করলেন কেইন। খেয়াল করে দেখলেন একটুও হাসি দেখা গেল না মনটেজের মুখে।

মনটেজ আবারো বলে উঠলেন, ‘চিয়াপাস কর্মকর্তাগণ এ বিষয়টি আমাদের নজরে আনার সাথে সাথে সোজা মেক্সিকো সিটি থেকে চলে এসেছি আমরা। টেবিলের ওপর পড়ে আছে কোডেক্স, যেখানে কেইন কাজ করছিলেন। ‘এটা তো মায়াদের হাতে লেখা পণ্ডিত, তাই না?’ উত্তরের জন্য অপেক্ষা না করেই বলে উঠলেন, ‘তাকানা আগ্নেয়গিরির ওপর একটি মন্দিরে পাওয়া গেছে?’

‘হ্যাঁ।’ জানালেন প্রফেসর। ‘ক্ল্যাসিক পিরিয়ডের একটা পাত্রের মাঝে লুকানো ছিল। যারা এটিকে খুঁজে পেয়েছে তারা ভেবেছেন যে ভূমিকম্পপ্রবণ এলাকা থেকে এটিকে সরিয়ে ফেলাটাই নিরাপদ হবে। তারপর কয়েকবার চুরির চেষ্টা করা হলে পরে অস্থায়ীভাবে এখানে এনে রাখা হয়েছে। পাত্রটাকে খোলার পরই কেবল এই কোডেক্স খুঁজে পেয়েছি আমরা। যদি আপনার হাতে সময় থাকে তাহলে মন্দির আর কোডেক্স নিয়ে আমরা কথা বলতে পারি।’

এক পা পিছিয়ে এফবিআই কাস্টমস এজেন্টের দিকে তাকালেন মিনিস্টার মনটেজ। বলে উঠলেন, ‘না, আমাকে এখানেই শেষ করতে হবে এ আলোচনা। এই মুহূর্তের জন্য যথেষ্টই জানা হয়েছে।’

ব্যাপারটা এমন লাগল, যেন প্রত্যেকে অপেক্ষা করছিল যে কেইন কিছু একটা ভুল কথা বলে উঠবেন। এফবিআই এজেন্ট, কাস্টমসম্যান আর অ্যাসিস্ট্যান্ট সকলে মিলে টেবিলের কাছে গেলেন। তৎক্ষণাৎ কেইন পুরো ব্যাপারটা বুঝে গেলেন। তিনি স্বীকার করে নিয়েছেন যে কোডেক্স মেক্সিকোতে পাওয়া গেছে। আর কিছু বলাটা অর্থহীন হয়ে পড়েছে এখন। কিন্তু এটিকে বাজেয়াপ্ত করার হাত থেকে রক্ষা করতে হবে।

‘দাঁড়ান মহোদয়গণ। প্লিজ। ক্ল্যাসিক সময়কার একটা পাত্রের মাঝে লুকানো ছিল এই কোডেক্স; এর সাথে একজনের মৃতদেহও পাওয়া গেছে, যিনি কিনা মন্দিরে নিরাপদে এটিকে লুকিয়ে রাখার জন্যই নিয়ে এসেছিলেন। মন্দিরের মুখ লাভা পড়ে বন্ধ হয়ে যায়। গত মাসের ভূমিকম্পের ফলে আবারো উন্মুক্ত হয়ে পড়ে। প্রাকৃতিক বিপর্যয়ের ফলে জরুরি অবস্থা ছিল তখন। এটি যারা খুঁজে পেয়েছেন তারা কোনো শিল্পদ্রব্যের খোঁজে সেখানে যাননি, মানবতার খাতিরেই ত্রাণ নিয়ে গিয়েছিলেন। যা খুঁজে পেয়েছেন সেটিকে রক্ষা করাই ছিল তাদের উদ্দেশ্য।’

স্পেশাল এজেন্ট ভান্ডারম্যান বলে উঠলেন, ‘আপনি নিশ্চয় জানেন যে আইন এবং আন্তর্জাতিক চুক্তি অনুযায়ী তাদের উচিত ছিল এটা সে দেশের সরকারকে জানানো, দেশের বাইরে নিয়ে আসা নয়।’

‘হ্যাঁ, আমি জানি। কিন্তু মেক্সিকোতে চোরের হাত থেকে পাত্র আর কোডেক্সকে এরাই রক্ষা করেছিল। এখানে তাত্ত্বিক কোনো মতভেদ নেই। নচেত আজ হয়তো ব্ল্যাক মার্কেটে থাকত এই কোডেক্স।’

‘এখন আমরা এসে গেছি, তাই তাদেরও তাদের দায়িত্ব থেকে অব্যাহতি দেয়া হলো।’ বলে উঠলেন। মনটেজ। ‘একই কথা খাটে আপনার বেলাতেও।’

হতাশ হয়ে গেলেন কেইন। ‘এখনই নিশ্চয়ই কোডেক্স নিয়ে যাবেন না আপনারা। পরীক্ষা করার সময়টুকুও পাইনি আমি।’

‘ছবি তুলেছেন এটির?’ কাস্টমস এজেন্ট ওয়েলেস জানতে চাইলেন।

‘প্রথমেই এ কাজ করেছি।’ উত্তরে জানালেন ওয়েলেস। ‘তথ্যগুলো সংরক্ষণের উপায় হিসেবে এ কাজ করেছি আমি।’

‘সেই ছবিগুলোও চাই আমরা’ বলে উঠলেন ওয়েলেস। ‘সমস্ত কপিসহ। আপনার ব্রিফকেসে আছে নাকি?’

‘ওয়েল, হ্যাঁ। কিন্তু কেন?’ ‘ফেডারেল প্রসিকিউশনের প্রমাণ এগুলো। আর এর মাধ্যমেই বোঝা যাবে যে কোডেক্সটাকে নিজের ভেবে রেখে দিয়েছেন আপনি—একই সাথে এর প্রকৃত মালিক পক্ষীয় দেশ ও এদেশের সরকারকে জানাতে যথেষ্ট সময় নিয়েছেন।’

‘কিন্তু এগুলোও সত্যি নয়।’ বলে উঠলেন কেইন। ‘মেক্সিকো অথবা অন্য যে জায়গায় যা-ই পেয়েছি সবসময় জানিয়েছি আমি। আমার জানা মতে কখনো এরকম অন্যায় কিছু ঘটেনি। কোডেক্স এখানে আছে এক মাসও হয়নি।’

এফবিআই এজেন্ট ভান্ডারম্যান বলে উঠলেন, ‘আপনি স্বেচ্ছায় সবকিছু আমাদের হাতে তুলে দেবেন, নাকি আমাদের সার্চ করতে হবে?’

টেবিলের ওপর নিজের ব্রিফকেস রেখে মোটাসোটা নয় বাই-ব্যাগে ইঞ্চি খাম বের করলেন প্রফেসর কেইন। পুরো খাম ভর্তি সব ছবি। ভাইস চ্যান্সেলর স্ট্রাইমের দিকে তাকালেন; কিন্তু স্ট্রাইমকে দেখে মনে হলো জ্বলন্ত অসুস্থ হয়ে পড়েছেন। ‘আলবার্ট—’

‘আমি দুঃখিত প্রফেসর কেইন। বিশ্ববিদ্যালয়ের আইনবিষয়ক কর্মচারীরা বলছে যে এই ব্যাপারে পরিষ্কার আইন আছে। যে দেশে পাওয়া গেছে কোডেক্স আসলে সে দেশেরই। তাই এখনই এটিকে ফিরিয়ে দেয়ার জন্য অফিসিয়াল অনুরোধের সাথে একমত হওয়া ব্যতীত আর কোনো উপায় নেই আমাদের।’

খামের ভেতরে রাখা ছবিগুলোকে এক নজর দেখে কেইনের ব্রিফকেসটাও নিয়ে নিলেন এজেন্ট ভান্ডারম্যান। বলে উঠলেন, ‘আমরা আপনার ল্যাপটপও

নিয়ে যাব।' কোডেক্সের কাছে খোলা কম্পিউটারের দিকে ইশারা করলেন এজেন্ট।

'কেন?' জানাতে চাইলেন কেইন। 'আপনি নিশ্চয় বলবেন না যে এটাও মেক্সিকান সরকারের সম্পত্তি।'

ভান্ডারম্যান আস্তে করে বলে উঠলেন, 'আমাদের টেকনিশিয়ানরা হার্ড ড্রাইভ দেখার সাথে সাথে আবার ফিরিয়ে দেয়া হবে আপনাকে।' এক মুহূর্তের জন্য কেইনের দিকে তাকিয়ে রইলেন এজেন্ট। পুলিশদের মতো সন্দেহজনক, অভিব্যক্তিহীন দৃষ্টিতে তাকিয়ে থেকে বলে উঠলেন, 'বন্ধুসুলভ কয়েকটা উপদেশ দিতে চাই। ড্রাইভে যদি মায়া কোডেক্সের বিক্রি, গোপন করা বা পাচার সম্পর্কিত কিছু পাওয়া যায়, তাহলে ভালো একজন ল'ইয়ারের প্রয়োজন পড়বে আপনার। আমি নিশ্চিত ভাইস চ্যান্সেলর স্ট্রহম এ ব্যাপারে আপনাকে জানাতে পারবে যে বিশ্ববিদ্যালয়ের অ্যাটর্নিগণ ক্রিমিনাল ট্রায়ালের ব্যাপারে কোনো সাহায্য করতে পারবে না আপনাকে।'

কেইনের দিকে তাকাবার সাহস করতে পারলেন না স্ট্রহম।

দাঁড়িয়ে দাঁড়িয়ে অসহায়ের মতো কেইন দেখতে লাগলেন যে কোডেক্স, তার নোট, কম্পিউটার ছবি সবকিছু প্যাক করে নিল লোকগুলো। মেক্সিকান কর্মকর্তা দুজনের দিকে তাকালেন প্রফেসর, 'মিনিস্টার মনটেজ। সিনর জুয়ারেজ' দয়া করে আমাকে বিশ্বাস করুন, অন্যায় কিছু করার উদ্দেশ্য ছিল না এখানে। বিপর্যয়ের মুখে পড়েও নিজেদের জীবনের ঝুঁকি নিয়ে কোডেক্সকে নিরাপদে রেখেছেন যারা এটিকে খুঁজে পেয়েছে। কাছাকাছি গ্রামের মেয়রকেও সাবধান করে দিয়েছে। আমাকেও ডেকে পাঠিয়েছে আর এরপর সাথে সাথে পুরো বিশ্বের বিদগ্ধ ব্যক্তিদের সাথে যোগাযোগ করেছি আমি, মেক্সিকোসহ।'

উত্তরে মনটেজ জানালেন, 'আপনি এখানে যা করছেন তাতে আমি অথবা মেক্সিকান সরকার কেউই নৈতিকভাবে সমর্থন দিতে পারব না। আপনি আর আপনার বন্ধু যে কদম উঠিয়েছেন তাতে এ শিল্পদ্রব্যের প্রকৃত আর আইনত মালিককেই অবজ্ঞা করা হয়েছে। কোডেক্সের নিরাপত্তার জন্য ইউনাইটেড স্টেটসে নিয়ে আসাটাই একমাত্র উপায় ছিল বলাটা বড় বেশি দাম্তিক আর ষড়যন্ত্রমূলক শোনায়।' নিজের অ্যাসিসট্যান্ট সিনর জুয়ারেজকে নিয়ে প্রফেসর কেইন আর অন্যদের একপাশে রেখে হেঁটে চলে গেলেন মনটেজ।

এরপর কেমন অস্বস্তিতে ভুগতে দেখা গেল এফবিআই আর কাস্টমস এজেন্টদের। মাত্র এক মিনিটে প্যাকিং শেষ করে স্ট্রহম আর কেইনকে রেখে তারাও চলে গেল রুম ছেড়ে।

‘আমি দুঃখিত, ডেডড।’ বলে উঠলেন। এই অবস্থায় এদেরকে সাহায্য করা ছাড়া আর কোনো পথ ছিল না বিশ্ববিদ্যালয়ের সামনে। কিন্তু আপনার জন্য সম্ভাব্য সবকিছুই করব আমরা। আপনার আচরণের সপক্ষেও একমত আমরা। কিন্তু এজেন্ট ভান্ডারম্যানের বক্তব্যও ফেলে দিতে পারেন না নিশ্চয়।’

‘আপনার কথার অর্থ ক্রিমিন্যাল ল’ ইয়ার খোঁজা?’

কাঁধ ঝাকালেন ভাইস চ্যান্সেলর। ‘দ্বিতীয় কোর্ট প্রথম কোর্টের সিদ্ধান্ত বাতিল করার আগে প্রথমবারের চেষ্টাতেই আপনার পক্ষে রায় আনাটা বেশি সুবিধাজনক।’

বিল্ডিংয়ের বাইরে কয়লার মতো কালো লিংকন টাউন কার নিয়ে বেরিয়ে গেল লোকগুলো। সান দিয়েগো ফ্রি-ওয়ে পৌঁছে দক্ষিণে মোড় নিয়ে ঘুরে গেল সান দিয়েগো ডাউন টাউনের দিকে। কিন্তু ফ্রি ওয়েতে থেকে বালবোয়া পার্ক এক্সিট ধরে চলে এলো সান দিয়েগো চিড়িয়াখানার বড়সড় পার্কিং লটে। বিশাল লটের এমন একটা জায়গায় চলে এলো যেখানে দর্শনার্থীরা প্রবেশ করতে পারে না আর একটা মাত্র কালো গাড়ি দাঁড়িয়ে আছে। এর পাশে এসে দাঁড়াতেই দুই ড্রাইভারই নামিয়ে নিল নিজ নিজ ব্যাকসিট উইন্ডো।

অপেক্ষারত গাড়িটির ব্যাকসিট থেকে ভেসে এলো ব্রিটিশ উচ্চারণে শিক্ষিত এক নারীকণ্ঠ, ‘সব কিছু নিশ্চয়ই পানির মতো সোজা ছিল?’

‘ইয়েস, ম্যাম।’ বলে উঠলেন স্পেশাল এজেন্ট ভান্ডারম্যান। নিজের গাড়ি থেকে বের হয়ে এলেন। হাতে বড় একটা ব্রিফকেস উঠে বসলেন দ্বিতীয় গাড়ির পেছনের আসনে সারাহ্ অ্যালারসবির পাশে। দুজনের মাঝখানে ব্রিফকেস রেখে খুলে ফেললেন। পরিষ্কার প্লাস্টিকে মোড়ানো কোডেব্র দেখালেন সারাহ্কে।

‘সবকিছু এনেছেন? ছবি, নোটস, বাকি সবকিছু?’

‘ইয়েস, ম্যাম।’ উত্তরে জানালেন ভান্ডারম্যান। ‘প্রশাসনের সম্বন্ধে সাহায্য করতে রাজি হয়ে গিয়েছিল। ফলে আমরা দলবেঁধে কক্ষে ঢোকার পর মনে হলো যেন কুঠারের বাড়ি খেয়েছেন কেইন। বেশি বাগ্মনিতা ছাড়াই দিয়ে দিলেন সবকিছু। আমার মনে হয় তিনি ধারণা করেছেন যে নিশ্চয় তার বসেরা আগেই আমাদের পরিচয় নিশ্চিত হয়ে নিয়েছিলেন।’

‘হতে পারে।’ চলে উঠলেন সারাহ্। ‘আমার আইডি কার্ডের নামে অফিসিয়াল কিন্তু সত্যিই আছে।’ এরপর কাছে থেকে ব্রিফকেস দেখে বলে উঠলেন, ‘এখানেই কি সবকিছু?’ ‘না।’ বাইরে গিয়ে অন্য গাড়ির পেছন থেকে কম্পিউটার নিয়ে এসে সারাহ্ হাতে দিলেন ভান্ডারম্যান। ‘এই হলো প্রফেসরের ল্যাপটপ। আর এইই সবকিছু।’

‘তাহলে এখন সময় হয়েছে আপনাদের চারজনের সরে পড়ার। আপনাদের ভ্রমণ-গাইড নিয়ে নিন।’ চারটা এয়ারলাইন ভ্রমণ-পুস্তিকা এজেন্টের হাতে তুলে দিলেন সারাহ্। ‘এয়ারপোর্টে যাবার আগে ভুয়া আইডি নষ্ট করে ফেলবেন। আগামীকাল আপনাদের স্পেশাল ব্যাংক অ্যাকাউন্টে পৌঁছে যাবে বোনাস।’

‘ধন্যবাদ।’ উত্তর দিলেন এজেন্ট।

‘কত জানতে চান না?’

‘না। ম্যাম। আপনি বলেছেন, আমরা খুশি হব। এতে সন্দেহ করার কিছু দেখি না আমি। আর যদি আমি ভুল কিছু বলে থাকি ও দরকষাকষি করে তো কোনো লাভ নেই।’

একেবারে সমান্তরাল পেশাদার সাদা দাঁত দেখিয়ে হাসলেন সারাহ্। ‘বেশ বুদ্ধি আপনার। আমাদের কম্পানির সাথে লেগে থাকুন, অর্থবান হয়ে যাবেন।’

‘আমিও তাই মনে করি।’ ঘুরে তাকিয়ে অন্য গাড়ির পেছনে উঠে ড্রাইভারের উদ্দেশে মাথা নাড়তেই তৎক্ষণাৎ চলতে শুরু করল গাড়ি।

অন্য কালো গাড়িটাকে চলে যেতে দেখলেন সারাহ্ অ্যালারসবি। ব্রিফকেসটাকে নিয়ে মেঝেতে রেখে দিলেন। নিজের গাড়িও ধীরে ধীরে চলা শুরু করলে মুখে ফুটে উঠল হাসি। ইচ্ছা হলো প্রাণখুলে জোরে জোরে হেসে ওঠেন, ফোন করে বন্ধুদের জানান যে তিনি কতটা বুদ্ধিমান। এইমাত্র একটা মায়া হাতে লেখা পণ্ডিতের মালিক হয়ে গেছেন। একটা অতুলনীয় বহু মূল্যবান শিল্পদ্রব্য। অথচ খরচ হয়েছে মাঝারি মানের একটা আমেরিকান গাড়ির মূল্য। যদি এর মাঝে ভুয়া আইডি কার্ড, ব্যাজ, প্লেনের টিকিট আর বোনাস অন্তর্ভুক্ত করেন তাহলে হয়তো বড় জোর দুটো গাড়ির দাম হবে।

আজ রাতে গুয়েতেমালা শহরে ফিরে গিয়ে হয়তো গোপন সুরক্ষিত লাইনে কথা বলবেন লভনে। অবাক হয়ে যাবেন পিতা। নন-ইউরোপীয় লোকদের সংস্কৃতি বা শিল্পদ্রব্য নিয়ে তেমন মাথা ব্যাথা নেই বাবার—আমাদের বাদামি ভ্রাতা, নামে এদেরকে অ্যাখ্যায়িত করেন তিনি—যেহেতু কিপলিং-এর বাইরের কলোনির তিনি কিন্তু যেকোনো পণ্যের ওপর ভালো ব্যবসা করেই বেঁচে আছেন সারাহ্‌র পিতা।

গুয়েতেমালা

সারি বেঁধে দাঁড়িয়ে থাকা ক্যানাবিস গাছগুলোকে শস্যের মতো করে রোপণ করা হয়েছে। লম্বায় একেকটা প্রায় একজন মানুষের সমান। সারির মাঝে দিয়ে সেচের পানি দেয়ার জন্য হোস পাইপ। শিকড়ে পৌঁছানোর জন্য গর্ত করেও দেয়া হয়েছে।

মাটিতে বসে তার জন্য ওয়াটারপ্রুফ ব্যাগের ভেতর স্যামের রেখে দেয়া প্লিকার পরে নিল রেমি। এরপর ব্যাগ থেকে পিস্তল দুটো বের করে একটা দিল স্যামকে আরেকটা আটকে নিল নিজের শর্টসের কোমরের বেল্টের সাথে, ওপরে শার্ট নামিয়ে ঢেকে দিল। বলে উঠল, ‘আমার মনে হয় আমাদের ওপর কারা হামলা করেছিল এখন বুঝতে পারছি আমি।’

‘আমি।’ উত্তরে জানাল স্যাম। ‘মাঠে যেন বাইরের কেউ প্রবেশ করতে না পারে এ জন্য নিশ্চয়ই টাইল দিয়ে বেড়ায় তারা।’

‘দেখা যাক বাড়িতে ফোন করা যায় কিনা’ নিজের ফোন নিয়ে অনেকক্ষণ চেষ্টা করল রেমি, তারপর নিল স্যামের কাছ থেকে। ‘ব্যাটারি শেষ হয়ে গেছে। হেঁটে বের হয়ে যেতে হবে এখান থেকে।’

‘যদি ড্রাগের কারবারীরা আমাদের যেতে দেয় তো।’ হেসে বলে উঠল স্যাম। ‘পুলের কাছে যাওয়া লোকগুলোর চেয়ে তারা নিশ্চয় কোনো অংশে কম ভালোবাসবে না আমাদের।’

‘ফ্লাইট-প্ল্যান করা হয়েছে গুয়েতেমালা শহরের জন্য।’

‘তার মানে সে এখন এখানে?’ জিজ্ঞেস করে উঠল রেমি। ‘কোডেক্স নিয়ে এখানে এসেছে?’

‘তাই তো মনে হচ্ছে।’ জানাল সেলমা। ‘প্রাইভেট প্লেনের এটাই তো সুবিধা। লাগেজে চুরি করা জিনিস লুকাতে হবে না তোমাকে।’

The Online Library of Bangla Books
BANGLA BOOK.ORG

গুয়েতেমালা শহর

গুয়েতেমালা সিটিতে সারাহ্ অ্যালারসবির প্রাসাদ দুইশ বছরেরও বেশি সময় ধরে ব্যবহৃত হয়ে আসছে বিত্তবান গুয়েররো পরিবারের বাসভবন হিসেবে। স্প্যানিশ এই প্রাসাদটি নির্মিত হয়েছে বিশাল সব পাথরের সিঁড়ি, খোদাই করা খোলা জায়গা আর সদর মুখে উঁচু জোঁড়া দরজা দিয়ে, দোতলা গৃহটি ছড়িয়ে আছে বিশাল আঙিনাজুড়ে।

স্যাম আর রেমি নক করার পরে দরজা খুলে দিল মধ্য তিরিশের লম্বা, পেশিবহুল আর মুষ্টিযোদ্ধার মতো চেহারা ও শরীরের এক লোক, যে কিনা পূর্বে বাটলার থাকলেও এখন কাজ করছে সিকিউরিটি প্রধান হিসেবে।

‘মি. এবং মিসেস ফারগো?’

‘ইয়েস।’ উত্তর দিল স্যাম।

‘আপনাদের জন্যই অপেক্ষা করা হচ্ছিল। প্লিজ ভেতরে আসুন।’ এক পা পিছিয়ে ফারগো দম্পতিকে ভেতরে ঢোকান জায়গা দিয়ে রাস্তার এমাথা ওমাথা দেখে আবার দরজা আটকে দিল লোকটা। ‘লাইবেরিতে মিস অ্যালারসবি আপনাদের সাথে দেখা করবেন।’

বসার ঘরে সবচেয়ে বেশি যেটা চোখে পড়ল তা হলো আট ফুট উঁচু জোঁড়া পাথর খণ্ডের ওপর খোদাই করা ভয়ংকর দর্শন মায়া দেবতার মূর্তি; মনে হলো যেন এই বাসগৃহের প্রহরা দিয়ে রেখেছেন দেবতাদ্বয়। বিশাল কক্ষ পার হয়ে আরেকটা দরজার কাছে ফারগো দম্পতিকে পথ দেখিয়ে নিয়ে গেল

খানিকটা সহানুভূতি প্রকাশ পেল কমান্ডারের দৃষ্টিতে। ‘আমি দুঃখিত; কিন্তু এরপর কিছু ঘটবে না। সশস্ত্র দলটা উত্তরে ঘুরে বোড়ানো একটা গ্যাং, যারা মাদক উৎপাদনের বিষয়টা নজরদারি করে। মারিজুয়ানা এমন একটা শস্য, যা যেকোনো প্রত্যন্ত অঞ্চলে যে কেউ চাষ করতে পারে। কিন্তু এর মাধ্যমে সারাহ্ অ্যালারসবির কোনো সখ্য প্রমাণিত হবে না। যেকোনো জঙ্গল—এমনকি ন্যাশনাল পার্কল্যান্ডে পৌঁছে যেতে পারে এই অপরাধীরা। আমরা যতবার রেইড করি, তারা অন্য জায়গায় সরে যায়। আমরা চলে আসার পর আবারো ফিরে আসে।’

‘এই সুবিধার জন্য জমিদারকে কী অর্থ দেয়?’

‘মাঝে মাঝে কিন্তু সবসময় নয়। কিন্তু আপনারা যা দেখেছেন কোকা গাছ, সেটা আমাকে বেশি ভাবাচ্ছে। এখানে তো কোকা কখনো দেখিনি জন্মাতে। এখন পর্যন্ত দক্ষিণ আমেরিকা থেকে আসা একটা পথ বন্ধ করতে পেরেছি আমরা।’

‘যদি এমন হয় যে সারাহ্ অ্যালারসবির রাখা ব্যাংক আর ব্যবসায়ে নাক গলানোর একটা কারণ পেয়ে খুঁজতে গিয়ে খুঁজে পেলেন আরেকটা তাহলেও কি গ্রেপ্তার করবেন না?’

‘হ্যাঁ। কিন্তু তার জন্য যুতসই কারণ থাকতে হবে। এবার তো জড়িত থাকার কোনো প্রমাণ পেলাম না।’ মনে হলো কোনো একটা সিদ্ধান্তে পৌঁছেছেন, এমনভাবে বলে উঠলেন, ‘আমি কনফিডেনশিয়াল কিছু কথা বলতে চাই আপনাকে। অন্যান্য ধনী আর ব্যবসায়ীদের মতো তাকেও মাঝে মাঝেই তদন্ত করে দেখা হয়েছিল। বস্তুত আমার জানা মতে, এই অফিসেই এরকম দু’বার ঘটেছে। কিন্তু আমরা কিছুই পাইনি।’

এবারে রেমি জানতে চাইল, ‘এমন কোনো অর্থ নয় যে ব্যাপারে তিনি কোনো ব্যাখ্যা দিতে পারেননি? কোনো মায়া শিল্পদ্রব্যও নয়? নিজেকে তো তিনি একজন সংগ্রাহক হিসেবে পরিচয় দেন আর তার বাসায়ও অনেক কিছু দেখেছি।’

কমান্ডার উত্তরে জানালেন, ‘যদি এমন কোনো অর্থ থেকেও থাকে, যা তিনি ঘোষণা করেননি, সেটা তো কোনো রহস্য নয়। বহু দেশ থেকে সুদ পান, তার ওপরে বিত্তবান পরিবার। যদি মায়া শিল্পদ্রব্যও পাওয়া যায়, তাহলে হয়তো বলবেন যে সেগুলো গুয়েররো পারিবারিক এস্টেট থেকে কেনা। অথবা বলবেন, শ্রমিকরা কয়েক দিন আগেই পেয়েছে, যা হয়তো তিনি রিপোর্ট করতেন। নির্দিষ্ট করে কিছু না করলে অথবা সবশেষে বলা যায়, বিক্রি বা দেশের বাইরে নিয়ে না গেল উনাকে অপরাধী সাব্যস্ত করা যাবে না।’

‘তাহলে আমাদের এখন কী করতে বলেন?’ জানতে চাইল রেমি।

‘মিস কস্তা নিশ্চয় বলেছেন। বাসায় ফিরে যান। যদি চান তো অনলাইন মার্কেটে হাতে লেখা প্রাচীন গ্রন্থ বা এর অংশসমূহ খুঁজে দেখুন। প্রায়ই ভেঙে ভেঙে বিক্রি করা হয় এসব। যদি কোডেক্স পেয়ে যান আমরা চার্জ করে বাজেয়াপ্ত করে নিয়ে আসব।’

‘ধন্যবাদ।’ অবশেষে বলতে পারল রেমি।

কম্যাভারের সাথে করমর্দন করল স্যাম। ধৈর্য ধরে শোনার জন্য আপনারা সত্যিই প্রশংসার যোগ্য।’

‘আপনাদের প্রমাণের জন্য ধন্যবাদ। আর প্লিজ দয়া করে আশা হারাবেন না। বিচার কখনো কখনো ধীরগতির হয়ে পড়ে।’

হোটেলে ফারগো দম্পতিকে নামিয়ে দিল এমি কস্তার অ্যাম্বাসির গাড়ি। রুমে ঢুকেই সেলমাকে জানাল আমেরিকাতে ফেরার ফ্লাইট বুক করে দিতে। সেলমা ফোনের অপেক্ষা করতে করতে অবশেষে স্যাম আর রেমি মিলে গেল ইংরেজি ভাষার বইয়ের দোকানে। যেন ঘরে ফেরার দীর্ঘ ভ্রমণে পড়ার জন্য কিছু কেনা যায়।

হিউস্টনে খানেক বিরতিসহ ফ্লাইং টাইম হলো সাত ঘণ্টা একচল্লিশ মিনিট। হিউস্টন পর্যন্ত বেশিরভাগ সময় ঘুমিয়েই কাটাল স্যাম। অন্যদিকে রেমি পড়ে ফেলল—গুয়েতেমালার ইতিহাস। দ্বিতীয় ফ্লাইটে রেমি ঘুমাল আর স্যাম পড়ল। সান ডিয়েগো রানওয়েতে প্লেনের চাকা যখন মাটি স্পর্শ করল, চোখ খুলে তাকাল রেমি। বলে উঠল, ‘আমি জানি যে ভুলটা কোথায়। এই যুদ্ধে আমাদের শ্রেষ্ঠ বন্ধুই অনুপস্থিত।’

‘কে, তিনি?’

‘বার্তোলোমে ডি লাস ক্যাসাস।’

সান ডিয়েগো

বিমানবন্দরে নেমে ভলগো সেডানে অপেক্ষারত সেলমাকে দেখতে পেল স্যাম আর রেমি। গাড়ির পেছনের আসনে শান্তভাবে বসে আছে সুলতান। পেছনে ঢুকে সুলতানের পাশে বসে পড়ল রেমি। সুলতানকে জড়িয়ে ধরে আদর করতেই মুখ চেটে আদর করে দিল পোষা প্রাণীটা। ‘সুলতান, হাইয়ান ইয়ভটোল।’

‘কী বললে তুমি?’ জানতে চাইল সেলমা।

‘বলেছি যে আমি ওকে মিস করেছি। তোমাকেও মিস করেছি, কিন্তু তুমি তো কোনো হাঙ্গেরীয় কুকুর নও।’

‘এ ব্যাপারে আমি নিশ্চিত।’ উত্তরে জানাল সেলমা। ‘হাই স্যাম।’

‘হাই সেলমা। ধন্যবাদ যে আমাদের নিতে এসেছ।’

‘আমার ভালোই লাগছে। বিশ্ববিদ্যালয়ে চুরির ঘটনার পর থেকেই ঘরের চারপাশে বিষণ্ণ ভঙ্গিতে ঘুরে বেড়াচ্ছি আমি আর সুলতান। ডেভিড কেইন প্রতিদিনই ফোন করছেন, কিন্তু আমি বলেছি যে তোমার ফেরার সাথে সাথেই যোগাযোগ করবে।’

‘হুম, মনে পড়ে গেল এতে। আমরা এখানে বেশিক্ষণ থাকব না। আমরা স্পেনে যাচ্ছি।’ বলে উঠল স্যাম। ‘কিন্তু প্রথমে চেয়েছি তোমার আর ডেভিডের সাথে দেখা করতে। সবকিছুর ওপরে একেবারে সাম্প্রতিক সংবাদ নিয়ে এসে তবেই ঝাঁপিয়ে পড়ব পরের পদক্ষেপে।’ ‘ঠিক আছে। বাসায়

দেখে নিল। একেবারে নতুন, মাত্র এক মাস হয়েছে, কিট তুলে নিয়ে নিজের সুটকেসে লুকিয়ে ফেলল।

রুইজের বাসার দিকে যেতে কেন যেন ভালোই লাগল। যখনই সারাহ্ বুঝে যাবেন যে তিনি ঠিক কী করতে চান তাদের দিয়ে, কোনো রকম বিলম্ব বা অনিশ্চয়তা ছাড়াই কাজটা করে দিতে পারবে রাসেল আর রুইজ। সারাহ্‌র মতো ওপরের দিককার ~~কাস্টমার~~ কাস্টমাররা অনিশ্চয়তা আর অপেক্ষা করা দুটোকেই ঘৃণা করে। নিজেদের ইচ্ছার পূর্ণতা আর সাথে সাথে তা করে ফেলাটাকেই পছন্দ করে তারা, ঠিক ঈশ্বরেরই মতো।

সান ডিয়েগো থেকে স্পেন

দুই দিন পরে সান ডিয়েগোর বাইরে থেকে প্লেনে চড়ে বসল স্যাম আর রেমি। ফ্লাইট তাদের নিয়ে গেল নিউ ইয়র্কের জেএফকে এয়ারপোর্টে, এখানে অপেক্ষা করতে হলো সন্ধ্যার পরে মাদ্রিদের ফ্লাইট ধরার জন্য। এরপর খুব সকালবেলা মাদ্রিদ বারাজাস এয়ারপোর্টে পৌঁছে দিল ফ্লাইট।

গুয়েতেমালায় ঘুরে বেড়ানোর সময় চেয়েছিল তাদের যেন ইকো-ট্যুরিস্ট বা ইতিহাস প্রিয় পর্যটকের মতো দেখায়, ট্রপিক্যাল ক্লথ রোল করে ঢুকিয়ে নিয়েছিল ব্যাকপ্যাকে। এইবার ঘুরে বেড়াবে ধনী আমেরিকান ট্যুরিস্টদের মতো করে, যাদের তেমন কোনো সিরিয়াস কিছু করার চিন্তা নেই।

তাই দেখতে বেশ দামি নতুন ম্যাচিং লাগেজ কেনা হয়েছে। প্রতিটার ওপরে ‘ফারগো’ লেখা অ্যামবোস করা চামড়ার ট্যাগ সেলাই করে দেয়া হয়েছে। একটা ভর্তি হয়ে আছে কয়েক মাস আগে রোম থেকে কিনে আনা স্যামের ব্রিগনি সুট দিয়ে। আর অন্যটাতে আছে বেশির ফ্যাশনেবল ড্রেস, জুতা আর কসমেটিকস। ফেব্রির চামড়ায় গর্ত করে তৈরি স্লিভলেস ড্রেস—সাথে ন্যুড সিল্ক লাইনিং ডলসি অ্যান্ড গাবানার ফুলের প্রিন্ট করা ড্রেস আর একটা খাটো জে. মেন্ডেল সিল্ক ক্র-নেক ড্রেস, যেটা পরে ঘরের মাঝে হাঁটাহাঁটি করে ট্রায়াল দেয়ার সময় তার ওপর থেকে চোখ ফেরাতে পারেনি স্যাম, নিয়ে এসেছে রেমি।

কম্পিউটারে। কাজ শেষ হতে হতে সান ডিয়েগোর উদ্দেশে উড়াল দেয়ার জন্য রেড আইতে চার ঘণ্টা পরের রিজার্ভেশন দিল রেমি।

দুজন মিলে শেষ করল প্যাকিং। এমন সময় বেজে উঠল রেমির ফোন। ‘হাই সেলমা, ছবিগুলো স্পষ্ট বোঝা যাচ্ছে তো? গুড। আমরা বাসায় ফিরে আসছি।’ এরপর খানিক বিরতি দিয়ে আবার বলে উঠল, ‘দুজন লোক মিলে চুরি করে নিয়ে গেছে স্যামের ব্রিফকেস। খোলার পরে নিশ্চয়ই আমাকে খুন করতে চাইবে লোকগুলো। আর যদি তাতে সফল না হয় তো আগামীকাল রাতে দেখা হবে তোমার সাথে।’

ভালাডোলিড, স্পেন

ভালাডোলিডের হোটেল বাথরুমে দাঁড়িয়ে রিমুভারে ভেজানো তুলার বল দিয়ে নিজের নীল মুখ ঘষছে রাসেল। ঘন নেইল পলিশের রিমুভারের গন্ধে জ্বালা করছে নাক। প্রথমে চেষ্টা করেছিল অ্যালকোহল আর তারপিন তেল দিয়ে। ছোট্ট জায়গাটা অসহ্য ঠেকছে গন্ধে। সিন্ধের ওপরে লাগানো আয়নায় তাকাল। ‘কোনো কাজই হচ্ছে না। উপরন্তু জ্বলছে সারা মুখ।’ ‘আরেকটু জোরে জোরে ঘষে দেখো।’ বলে উঠল রুইজ। রাসেলের মুখে নীল রং ভেদ করেও দেখা যাচ্ছে চোয়ালের ফোলা আর অস্বস্তিকর দৃশ্য। কিন্তু আর কোনো কেমিক্যালের খোঁজে ভালাডোলিতে বেড়াবার কোনো ইচ্ছা নেই তার।

রুইজের হাতে বোতল ধরিয়ে দিয়ে পানি আর সাবান দিয়ে মুখ ধুতে ধুতে বলে উঠল রাসেল, ‘অন্য কিছু নিয়ে এসো।’

‘এই জিনিস সবসময় কাজ করে। কয়েক বছর আগে কালি মুছতে এটাই ব্যবহার করেছিলাম আমরা। কয়েক মিনিটের মাঝেই উধাও হয়ে যাবে কালি।’

‘আরে বুদ্ধ এটা তো আমার চেহারা। তবে আরেকটা আইডিয়া এসেছে মাথায়। যদি কালিতে মেশানো রং পোলার হয় তাহলে এটা ওঠাতে সবচেয়ে ভালো কাজ করবে অ্যালকোহল আর রিমুভার। খাই হোক, এ দুটোই ব্যবহার করে ফেলেছি। তাহলে এবারে দেখা যাক নন-পোলার মিশ্রণ। যেমন— তোলুইন।’

‘তোলুইন?’ জানতে চাইল রুইজ, ‘এটার আর কোনো নাম আছে?’

‘রাসেল, আমার কাউকে দরকার এ লোকগুলোর হাত থেকে পরিত্রাণের জন্য। ক্রমেই তারা আরো চালাক আর বিপজ্জনক হয়ে উঠছে—শুধু যে আমার ব্যবসা আর সুনামের বিরুদ্ধে তা নয়, তোমার জন্যও। কালির বদলে বিস্ফোরক অথবা অ্যাসিডও থাকতে পারত।’

‘আমি নিশ্চিত যে লোকটা আমাকে এটাই বোঝাতে চেয়েছে। হালকাভাবে সতর্ক বার্তা দিয়েছে।’

‘এভাবে আমরা চলতে দিতে পারি না। যদি কেউ তোমার জীবনের জন্য হুমকি হয়ে দেখা দেয়, তাহলে নিজেকে বাঁচাবার জন্য তোমাকে শক্তি প্রয়োগ করতেই হবে। এতে কোনো অপরাধ নেই।’

‘মনে হয় না এখানকার কর্তৃপক্ষ ব্যাপারটাকে এভাবে দেখতে চাইবে।’ বলে উঠল রাসেল। মনে মনে ভাবছে মহিলা চাইছে সে, যেন ফারগোদের বিনা মূল্যে মেরে ফেলি। এর জন্য আগেই চড়া মূল্য হাঁকাবার প্ল্যান করে রেখেছে সে।

সারাহ্ জানাল, ‘কর্তৃপক্ষ কী চায় সেটা কোনো ব্যাপার না। এটা প্রাকৃতিক অধিকার।’

‘আমার ভয় হচ্ছে যে আপনি বলপূর্বক কোনো প্রতিরক্ষার কথা ভাবছেন। তাই আমাকেও পারিশ্রমিক একস্ট্রা চাইতে হবে।’ বলে উঠল রাসেল। ‘আমাকে রুইজকে দিতে হয়, আরো খরচ আছে।’ উত্তরের জন্য অপেক্ষা শুরু করল।

যখন পাওয়া গেল, মনে হলো বহুদূর থেকে ভাঙা ভাঙা শোনা যাচ্ছে শব্দগুলো। ‘ওহ হ্যাঁ, তাই তো। আমি তোমাকে আমার সমকক্ষ ভেবেছি। কিন্তু এটা করার আমার তো কোনো অধিকার নেই। তুমি হচ্ছে আমার হয়ে কাজ করো আর অর্থের চিন্তাও করতে হয়। আরো বাড়তি পাঁচ হাজার কেমন লাগছে শুনতে।’

‘আমি ভাবছিলাম দশ হতে হবে।’ উত্তর দিল রাসেল। ‘ওহ, রাসেল। এটা তো ভাবতে মোটেই ভালো লাগছে না যে তুমি আমাকে আপসেট করা সব খবর দিয়েছ যে তারা তোমার সাথে কী করেছে। এর বদলে যেন তুমি সুযোগ বুঝে নিজের দর বাড়াতে পারো।’

‘না, মিস অ্যালারসবি।’ বলে উঠল রাসেল। ‘আমি এমনটা কখনোই করব না। ন্যূনতম এই অঙ্কটা আমার সত্যিই প্রয়োজন। আমাকে আমার রং ফিরে পেতে হবে। তাই বাইরে গিয়ে একবারই ব্যবহার করা যাবে ফারগোদের ওপর এমন কোনো অস্ত্র কেনা সম্ভব নয়। বিশেষ করে কোনো ইউরোপীয় দেশে, যেখানে এসব কিছু বেশ নিয়ন্ত্রিত। মৃতদেহ সরাবার জন্য অর্থ ঢালতে হবে।’

‘না। কিন্তু আপনি তো ব্যাংক থেকেই সব কিনে নিতেন পারেন। তাই না?’

‘অবশ্যই। কোনো মধ্যস্থতাকারী দিয়েও কাজ হয়ে যাবে।’

‘তাহলে তাই করুন। কয়েক সপ্তাহ আগে গুয়েতেমালাতে ছিল তারা। হোটেলে নিশ্চয় তাদের পাসপোর্টের কপি আর ক্রেডিট কার্ড নাম্বার পাওয়া যাবে।’

‘ঠিক আছে, মিস অ্যালারসবি। তারা কোথায় আছে, কী করছে খুঁজে বের করেই আপনাকে ফোন করব।’

‘গুড। এরপরে কয়েক ঘণ্টা অপেক্ষা করে প্রতিদিন একবার করে চেক করে দেখবেন, যেন যেকোনো পরিবর্তন হলেই সাথে সাথে জানতে পারি।’

‘অবশ্যই। মিস অ্যালারসবি।’

ফোন রেখে অভিযানের জন্য প্ল্যান করতে বসল সারা হু। কী কী করতে হবে তার লম্বা একটা তালিকা বানিয়ে ফেলল। এর নিচে করল কাকে কোনো কাজের দায়িত্ব দেবে সেই তালিকা। প্রায় দুই ঘণ্টা পরে আবারো বেজে উঠল ফোন।

‘হ্যালো।’

‘মিস অ্যালারসবি, রিকার্ডো এসকোরিয়াল বলছি। স্যামুয়েল আর রেমি ফারগো কয়েক ঘণ্টা আগে এয়ারলাইন টিকেটের বিল মিটিয়েছে। মাদ্রিদ থেকে নিউ ইয়র্কের। সন্ধ্যায় পৌঁছে যাবে। এরপর নিউ ইয়র্ক থেকে সান ডিয়েগোর ফ্লাইট ধরবে।’

‘আপনি নিশ্চিত যে মাদ্রিদ থেকে ফ্লাইটে উঠে গেছে?’

‘কোনো ভুল নেই। নতুবা এতক্ষণে রিজার্ভেশনে পরিবর্তনের জন্য বাড়তি চার্জ তৈরি হতো।’

‘ঠিক আছে। আগামীকাল আপডেট পেলেই জানাবেন।’ ফোন রেখে দিল সারা হু। ডায়াল করল আরেকটা নাম্বারে।

‘হ্যালো?’ রাসেলের গলা শোনা গেল। শুনে মনে হলো নিজের ঘুমে কাদা হয়ে আছে।

‘হ্যালো রাসেল, ইটস মি, তোমার মুখে কালি ছুঁড়ে নিউ ইয়র্কের ফ্লাইটে চেপেছে ফারগোদ্বয়। শেষ সন্ধ্যায় সান ডিয়েগোর ফ্লাইট বুক করেছে। তাই প্রতিশোধের জন্য তাপাস বারে টু মেরে সময় নষ্ট করো না। বাসায় ফিরে এই ঝামেলা মেটাও।’

লা জোল্লা

ভোরবেলা। ভ্যালেন্সিয়া হোটেলের বাইরের দিকের টেবিলে বসে প্রশান্ত মহাসাগরের দিকে নিজেদের বাসা থেকে মাত্র কয়েক গজ দূরে, যেখানে বেশিরভাগ সময় জার্মান শেফার্ড সুলতানকে সাথে নিয়েই নাশতা সারে দুজন। সৈকত ধরে ইতিমধ্যে শেষ করে এসেছে সকালবেলার দৌড়। নাশতার মেন্যু পেঁয়াজে মোড়া স্মোকড স্যামন আর অ্যাসপ্রেসো। তারা বের হবার আগেই সারা হয়ে গেছে সুলতানের নাশতা। এখন ভূষ্টিতে বসে আছে এক বোল পানি আর রেমির নিয়ে আসা বিস্কুট নিয়ে। খাবার শেষ করে বিল পরিশোধ করে বিশাল সবুজ লনের ওপর দিয়ে নিজেদের বাড়ির দিকে হাঁটতে লাগল স্যাম আর রেমি।

সুলতান সবসময়কার মতোই সজাগ দৃষ্টিতে তাকিয়ে আছে সৈকতের দিকে। কাছে এগিয়ে এলো ঘরে নিয়ে যেতে দুজনকে।

রেমি বলে উঠল, ‘কী হয়েছে সুলতান? স্যাম নীল কার্ডি মেখে দিয়েছে এমন কাউকে দেখেছ? আমার তো ইচ্ছা ছিল সারাহ্ অ্যালারসবিকেই নীল করে দিতে।’

তারপর হাতঘড়ির দিকে তাকিয়ে আরো যোগ করল, ‘আমাদের আরো একটু তাড়াতাড়ি করা দরকার। কয়েক মিনিটের মাঝেই চলে আসবেন ডেভিড কেইন।’

‘সেলমা আছে, সমস্যা নেই।’ জানাল স্যাম ‘কিন্তু তিনি আসার আগে ঠিক করতে হবে এই প্রজেক্টে আমরা কী করতে চাই আর কী চাই না।’ ‘সারাহ্

একতলার অফিস এরিয়ায় লম্বা টেবিলটার কাছে এগিয়ে এলো সকলে। স্যাম আর রেমির লাইব্রেরিতে তোলা ডিজিটাল ছবিগুলো বিছিয়ে রাখলেন কেইন। ছবিগুলোকে আরো বড় করে প্রিন্ট করে এনেছেন যেন চামড়ার গায়ে আঁকা তুলির প্রতিটি আঁচড় স্পষ্ট করে দেখা যায়।

মায়া সাইটের চার পাতার ম্যাপটাকে চিনতে পারল স্যাম আর রেমি। সাথে মায়া হরফ আর ছবি।

নিজেদের আবিষ্কার করা প্রথম স্পটে হাত দিল রেমি। এখানে ছিল আমাদের সুইমিংপুল আর কুয়া, যেখানে গোলাগুলি হয়েছিল।’

এরপরে একই অঞ্চলের স্যালেলাইট থেকে পাওয়া ছবি বিছিয়ে রাখলেন কেইন। এগুলোকেও বড় করেই প্রিন্ট করে এনেছেন। মায়া অংশ আর স্যাটেলাইটের ছবি প্রতিটার সাথে প্রতিটা মিলিয়ে রাখলেন। ‘ওপর থেকে জায়গাগুলো ঠিক এরকম দেখায়।’

এরপর আরো এক সেট রাখলেন, ‘আর এগুলো নিয়ে আমি উদ্ভেজিত— একাই সাথে উদ্ভিগ্ন।’

‘কেন?’ জানতে চাইল রেমি। ‘আপনাদের মনে আছে গুরুর দিকে আমি বলেছিলাম যে মানচিত্র দেখে মনে হচ্ছে দালানের বড়সড় অংশ আছে?’

‘হ্যাঁ।’ উত্তর দিল রেমি।

‘তো এই কারণে আমি এরিয়াল ফটোগ্রাফ আর স্যাটেলাইট ইমেজ নিয়ে মেলাতে চেয়েছিলাম যে এখন ওখানে কিছু আছে নাকি। ফলাফল এগুলো পেয়েছি।’

‘নিঃসন্দেহে এখানে দালানকোঠা আছে।’ বলে উঠল স্যাম। ছবিতে নির্দেশ করল। ‘এখানকার এই পাহাড়গুলো একটু বেশিই লম্বা আর খাড়া; কিছুই না, বড়সড় পিরামিড এগুলো।’

আরো তিন জোড়া ছবি বের করলেন কেইন। ‘কোডেক্স অনুযায়ী এখানে আরো চারটা বড় কমপ্লেক্স আছে। আধুনিক স্কলাররা যা একেবারেই জানে না।’

‘কত বড় হতে পারে শহরটা?’ জানতে চাইল স্যাম।

‘ছবি দেখে বলা মুশকিল। প্রতি দিকেই এক বা দুই মাইল জুড়ে সম্ভাবনা পাথরের ধ্বংসাবশেষ দেখা যাচ্ছে। তার মানে কি আমরা এমন একটা শহর আবিষ্কার করেছি, যা তিন থেকে পাঁচ মাইল লম্বা? হয়তো না। কিন্তু তাহলে আমরা কী পেয়েছি। এটা জানার একটাই মাত্র উপায় আছে।’

এরিয়াল ফটোগ্রাফ আর স্যাটেলাইট ইমেজের দিকে তাকাল রেমি। ‘গাছপালা, আঙুর ক্ষেত আর ঝোপঝাড় দিয়ে ঘন হয়ে ঢেকে আছে এগুলো। তাদের ওপর দিয়ে হেঁটে গেলেও হয়তো সহজে চোখে পড়বে না।’

‘এ কারণেই বহু সাইট এখনো অবিকৃত রয়ে গেছে।’ জানালেন কেইন। ‘পাহাড়ের মতো দেখতে দালানগুলো গাছের আড়ালে ঢাকা পড়েছে। কিন্তু কোডেক্স আমাদের জানাচ্ছে যে যেটা পাহাড় সেটা আসলে পাহাড় নয়। আপনারা দুজন অসাধারণ একটা কাজ করেছেন।’

‘আমি শুধু খুশি যে এত কষ্ট বিফলে যায়নি।’ বলে উঠল স্যাম।

‘সত্যিই তাই।’ জানালেন কেইন। ‘মেক্সিকোতে পাওয়া কোডেক্স আর স্পেনে পাওয়া কপি থেকে অন্তত পাঁচটা গুরুত্বপূর্ণ সাইট আবিষ্কার করতে পেরেছি আমরা—কুয়ার চারপাশে আপনাদের পাওয়া কমপ্লেক্স আর চারটা প্রাচীন শহর গত পনেরো বছর, এমনিতেই মায়া সভ্যতা নিয়ে গবেষণার জন্য উল্লেখযোগ্য হয়ে আছে। আপনাদের আবিষ্কার অনেক অল্প সময়ে বেশি জিনিস পেয়ে যাবার মতোই। আমি তো বলব যে, শুধু কোডেক্স নিয়ে গবেষণা করলেই মায়াদের লিখিত ভাষা নিয়ে অনেক কিছু জানা যাবে। যদিও এতেও লেগে যাবে কয়েক বছর। ভাষাবিজ্ঞানের জন্য প্রয়োজন বেশ কিছু লোকের। যারা কোনো একটি নির্দিষ্ট ব্যাকরণ আর অপরিচিত শব্দ ভাণ্ডার নিয়ে কাজ করবে। আর অন্যরা এগুলো ব্যবহার করে বাকি লেখার মর্মোদ্ধার করবে। আর একটা শহর খনন করার সঠিক কাজটা করতে হবে ব্রাশ আর দৃশ্যের পরিবর্তনের মাধ্যমে, বুলডোজার দিয়ে নয়। আপনারা যা সম্ভব করেছেন এমন সব গুরুত্বপূর্ণ আবিষ্কার দেখার জন্য দীর্ঘজীবন তো আর আমরা বেঁচে থাকব না, তাই না?’

‘মনে হচ্ছে এত উন্মত্তিতে আপনি খুশি হননি।’ বলে উঠল রেমি।

‘আমি আসলে চিন্তিত। আমাদের কাছে কোডেক্সের কপি আছে। সারাহ্ অ্যালারসবির কাছে সত্যিকারেরটি। সঠিক লোককে অর্থ দিলেই অনুবাদ করে ফেলবে আর আমার ধারণা তাই করছেন তিনি। এটা পড়ে ফেলার সাথে সাথেই আমি যা দেখলাম সব তিনিও জেনে যাবেন।’

‘আপনার ধারণা তিনি শহরগুলোর অস্তিত্ব বের করে ফেলবেন?’ জানতে চাইল স্যাম।

‘অন্যান্য সাইটসহ।’ জানালেন কেইন, ‘আপনার স্পেনে থাকাকালীন একজন কলিগকে জিজ্ঞেস করেছিলাম আমি।’

রেমির চেহারায় সতর্কতা ফুটে উঠতে দেখলেন কেইন—‘পূর্বে ভুলবশত যাকে বিশ্বাস করেছিলাম সেরকম নয়। এই বন্ধুকে বহু বছর ধরেই চিনি। নাম বর বিংহ্যাম। মায়া প্রযুক্তির ওপরে বিশেষজ্ঞ ইউনিভার্সিটি অব পেনসিলভ্যানিয়ার প্রফেসর। পৃথিবীর শ্রেষ্ঠ একজন পাথরের যেকোনো তুচ্ছ জিনিসও পরীক্ষা করে বলে দিতে পারবেন কোথা থেকে এসেছে, কেন ব্যবহার

করা হতো অথবা দেখতে কেমন ছিল। এও বলে দেবেন যে, কখন বানানো হয়েছিল, খনি কেথায় ছিল, এমনকি কতবার পুনরায় বানানো হয়েছিল সেটাও জেনে যাবেন।’

‘বেশ মজার দক্ষতা।’ মন্তব্য করল স্যাম।

‘ঘটনা হলো, তার খ্যাতিতে কোনো দাগ নেই। সততা নিয়ে বাদানুবাদ চলে না আর অবস্থার ওপরও নির্ভরশীল নয়। রনকে মধ্য আমেরিকার যেকোনো খননকাজে আমন্ত্রণ জানানো যাবে। অন্য কোথাও আপত্তি নেই। সারাহ্ অ্যালারসবি ওকে লোভে ফেলতে পারবেন না।’

‘যদি আপনি উনাকে এত বিশ্বাস করে থাকেন। আমরাও করব। ঘোষণার মতো করে বলে উঠল স্যাম। ‘কী বলেছেন তিনি?’

‘আমি শুধু জানিয়েছি যে গ্রীস্মে কয়েকটা সাইট দেখতে যেতে চাই। রন বলে উঠল, সারাহ্ অ্যালারসবি নাকি ওকে আর ওর পরিচিত অনেকের কাছেই লোক পাঠিয়ে জানিয়েছে যে শীঘ্রই বেশ বড় আকারের অভিযানে নামছেন তিনি। অ্যালারসবি নাকি এও জানিয়েছেন যে, তিনি স্পষ্ট করেই জানেন যে কোথায় যেতে চান আর কী খুঁজে পাবেন বলে আশা করছেন। ইতিমধ্যে লোকজনও জোগাড় করে ফেলেছেন।’

‘কী ধরনের লোক?’ জানতে চাইল রেমি।

‘রনের মতো কেউ নয়।’ উনার মতো লোকেরা নিজেদের ফিল্ডের লোক খোঁজে। কিন্তু প্রমিজ করে নাকি জানিয়েছেন যে, বিশেষ কিছুই হতে যাচ্ছে। অভিজ্ঞ গাইড, অতীতে এরকম খননের কাজ করা গুয়েতেমালার শ্রমিক, রাঁধুনি, ড্রাইভারসহ আরো অনেকে। এ ব্যাপারে নিশ্চিত থাকতে পারেন যে, দলে এমন কেউ থাকবে না যে কিনা উনার কথার অবাধ্য হবে বা উনার সিদ্ধান্তের বিরুদ্ধে প্রশ্ন তুলবে যে, গুরুত্ব আর খোঁড়াখুঁড়িতে কোনো পদ্ধতি ব্যবহার করতে হয়। এটা পুরোটাই হবে তার একার শো।’

‘আমার মনে হচ্ছে কোডেক্স খুঁজে পাবার নেতিবাচক দিক এটা।’ জানাল স্যাম। ‘যদি তিনি এটা চুরি নাও করতেন, সবাই জেনে যেতে বেশি দেরি হতো না।’

‘এভাবে হওয়াটা আসলে উচিত হয়নি।’ বলে উঠলেন কেইন। ‘আমরা যা করেছি তা হলো সবচেয়ে জঘন্য লোকটার হাতে তুলে দিয়েছি মায়া ইতিহাস। যা কিনা হয়তো আগামী পঁচিশ বছরে হবে একমাত্র গুরুত্বপূর্ণ আবিষ্কার। ব্যক্তিগত সৌভাগ্যের জোরে মাঠে পৌঁছে যাবেন দ্রুত যেখানে হয়তো বৈধ স্কেলাররা তখনো গ্র্যান্ট প্রপোজলের জন্য লেখালে খিঁচ করতে থাকবেন।’

অন্তত চারটা বিশাল মায়া সাইট আর অন্যান্য অসংখ্য সাইট লুট করার মতো তথ্য উনাকে আমরা দিয়েই দিয়েছি। হয়তো জানতেই পারব না যে নিঃশব্দে ইউরোপে কতগুলো বিক্রি করে দেবেন। এশিয়া আর ইউএসেও বিক্রি করবেন, যা কিনা ঐতিহাসিক রেকর্ডে লেখাই হবে না।’

‘আমরা এরকমটা হতে দিতে পারি না।’ টগবগ করে উঠল রেমি। ‘উনাকে থামাতেই হবে।’

স্ত্রীর কাঁধে হাত দিল স্যাম। ‘একটু অপেক্ষা করো।’ রেমি আর কেইন দুজনের উদ্দেশ্যেই বলে উঠল, ‘গুয়েতেমালায় থাকাকালীন কোনোমতে জান দিয়ে পালিয়ে এসেছি। এরকম আর কোথাও হোক, এ ব্যাপারে বিন্দুমাত্র ইচ্ছা নেই আমার। ওই বন্ধ কুয়ায় মনে হয়েছিল মারাই যাচ্ছি। যদি সেই অদ্ভুত বাঁচার পথ না পেতাম, এতক্ষণে কবরে থাকতাম।’

‘আমি জানি।’ বলে উঠল রেমি। ‘আমি ভোলার চেষ্টা করেছি, জানি পারব না। কিন্তু পাত্রের ভেতরে করে কোডেক্স বাসায় নিয়ে আসার সাথে সাথে কিছু দায়িত্বও ঘাড়ে নিয়েছি। ডেভিডের কথা তো তুমি শুনলে। আমাদের নিয়ে আসা কোডেক্স বিশ্ববিদ্যালয়ের প্রশাসন কয়েকটা আহাম্মকের হাতে তুলে দিয়েছে। ফলে পুরো জ্ঞানটুকু চলে গেছে জঘন্য এক মিথ্যুক বখে যাওয়া আর চোর মহিলার হাতে।’

এবারে ডেভিড কেইন বলে উঠলেন, ‘এটা আসলে আমার দায়িত্ব। গ্রীষ্মের জন্য পরিকল্পনা করছি; কিন্তু একই সাথে মনে হচ্ছে উনাকে হারানোর জন্য গ্রীষ্ম পর্যন্ত অপেক্ষা করলে দেরি না হয়ে যায়। আমি মনে করেছি, যখনই এক দল বিখ্যাত সহকর্মীকে নিয়ে পৌঁছে যাব, যেকোনো বাজে ঘটনা এড়ানো যাবে হয়তো। একজন প্রত্নতাত্ত্বিক হিসেবে নাম কিনতে চান সারাহ্। কিন্তু যদি আট-দশজন প্রত্নতাত্ত্বিককে দেখতে পান তাহলে কাঠামো পরিবর্তন কিংবা সমাধি হয়তো লুট করতে ব্যর্থ হবেন।’

‘আর ইতিমধ্যে যত দ্রুত সম্ভব কাজ শুরু করে দিয়েছেন তিনি।’ স্যামের দিকে তাকাল রেমি। “নিজেকে কখনো মাফ করতে পারি না। যদি তাকে থামবার জন্য একটু চেষ্টাও না করি। নিজেদের ইতিহাস ছাড়া আর কিছু রেখে যায়নি মায়ারা। যদি সারাহ্ অ্যালারসবি এটুকুও চেষ্টা করে নিয়ে যান, তাহলে সেটা হবে আমাদের অপরাধ। বছরখানেকের মধ্যে যদি শুনতে পাই যে নিজের ‘আবিষ্কার’ নিয়ে মিথ্যা দাবি করছেন আর লোকদের প্ররোচিত করছেন, কেমন লাগবে তখন?”

গভীরভাবে নিঃশ্বাস ফেললেও কিছু বলল না স্যাম। ‘একটা জিনিস বেশ ভালো বুঝতে পারছি।’ আবারো শুরু করল রেমি। ‘ডেভিড যেটা দেখাতে

এসেছেন সেভাবে প্রতিটা বড় সাইট দেখে আসতে হবে। সারাহ্‌র চিন্তা করার ধরন আমরা জানি। অসম্ভব লোভী। বড়টা দিয়েই শুরু করবেন।’

একবার রেমির দিকে তারপর কেইনের দিকে তাকাল স্যাম। ‘আমাকে স্বীকার করতেই হবে যে সারাহ্‌ অ্যালারসবি হয়তো এভাবেই ভাববে। তাই সবচেয়ে বড় কোনটি?’

‘আমি প্যাকিং শুরু করছি।’ তাড়াতাড়ি বলে উঠল রেমি। ‘আর এবার আরো বেশি করে গোলাবারুদ নিতে চাই।’

লা জোল্লা

গোল্ডফিশ পয়েন্টের সৈকতে পায়ে চলা পথের কিনারে রুইজের পাশে দাঁড়িয়ে আছে রাসেল। দুজনই দেখতে পাচ্ছে বড়সড় বাড়িটা, যেখানে থাকে স্যাম আর রেমি ফারগো। তবে এখন পর্যন্ত তাদের মনোবাসনাপূর্ণ হবে কিংবা কোয়ার্টার মাইলের কাছাকাছি গিয়ে অ্যাডভেঞ্চার করা যাবে এরকম কোনো প্লানে একমত হতে পারেনি রাসেল আর রুইজ।

সমস্যাটা হচ্ছে রাসেলকে এখনো দেখতে পদের মনে হচ্ছে না। মেকআপ দিয়ে নীল কালি ঢাকা গেলেও রংটা ঠিক স্বাভাবিক হয়নি এখনো। দেখে মনে হচ্ছে প্লাস্টিকের পুতুলের গায়ের রং। আর যখন ঘামতে থাকে, যেমন এখন হচ্ছে সান ডিয়েগোর সৈকতে দাঁড়িয়ে, হালকা নীল আভা ফুটে ওঠে। পুরোপুরি কিস্তিকিমাকার কিছু একটা মনে হচ্ছে এখন তাকে দেখতে।

রুইজের কাছে মনে হচ্ছে, যতবারই সে দোকানে যায় রাসেলের জন্য নতুন মেকআপের খোঁজে, ভুলে যায় রাসেলের রং আর নিয়ে আসে পুরোপুরি ভুল শেড। শেষবারের আগে যেটা এনেছিল, সেটা ছিল একেবারে রুইজের রঙের মতো। লাগানোর পর রাসেলকে দেখে মনে হচ্ছিল গোলাপি ঘাড়ের ওপর বসানো হয়েছে রুদীমি মুখোশ। কান দুটো তো মনে হচ্ছিল জ্বলজ্বল করছে। কিন্তু এই নতুন মেকআপ, গোলাপি হলেও মানুষ বলেই মনে হচ্ছে না রাসেলকে। দুর্ঘটনার পর থেকেই যখন-তখন রেগে ওঠা রাসেলের অভ্যাসে পরিণত হয়েছে, তাই রুইজও তাকে সমঝে চলতে চেষ্টা করে।

দুজন প্রায় নিশ্চিত যে ফারগো দম্পতি তাদের চেহারা দেখেনি; শুধু স্পেনে মোটরসাইকেল চালিয়ে সরে যাবার সময় এক ঝলক দেখা হয়েছিল। তারপরও মনে ভয় হয়, নীল রং মেকআপের কল্যাণে ফারগো অথবা অন্যদের নজরে পড়ে যাবে তারা।

সৈকতেই রইল দুজন। কাছাকাছি কেউ আসতে লাগলেই মুখ ঘুরিয়ে নিতে হচ্ছে পানির দিকে। এভাবেই সূর্য ডুবে গেল সমুদ্রের মাঝে। পুরোপুরি অন্ধকার নামার পরে ফারগোদের বাড়ির কাছাকাছি যাবার মতো সাহস পেল রাসেল। সৈকতে দিন কাটানো পর্যটকদের মতো কাঁধে ব্যাকপ্যাক নিয়ে এসেছে। কিন্তু এর ভেতরে আছে ৫.৫৬ এমএম এইউজি রাইফেল, সাথে বিয়াল্লিশ রাউন্ড ম্যাগাজিন আর একটা মোটা, শক্ত ফাঁস। এই মুহূর্তে তিন খণ্ডে বিভক্ত থাকলেও কোনো যন্ত্র ছাড়াই সেকেন্ডের মাঝে পুরোপুরি কাজের জন্য তৈরি করে ফেলা যাবে। চতুর্থ অংশটা হচ্ছে ফ্যাক্টরি থেকে বানানো সাপ্রেসর। যেকোনো মুহূর্তে আগুন জ্বালাতে সক্ষম এ অংশ। মাজলের বাম পাশে প্রজেক্টাইলের মতো ঘুরে কাজ করবে।

আবাসিক এলাকার দিকে হাঁটতে শুরু করল রাসেল আর রুইজ। প্রথমেই পড়ল ফারগোদের বিশাল চারতলা বাড়ি। ব্যালকনি ছাড়াও তিন পাশে বড় বড় জানালা। সমুদ্রের দিকে মুখ করা জানালাগুলো অন্যদের চেয়ে বেশি বড় আর দূর থেকে তাকালে চট করে মনে হয় পুরো জায়গাটাই একটা কাচের বক্স। কাছাকাছি আসতেই দেখা গেল প্রতিটা জানালায় স্টিলের শাটার লাগানো আছে; প্রয়োজনে যেন খোলা বা বন্ধ করা যায়।

ফারগোদের সীমানায় পৌঁছে গেল রাসেল আর রুইজ। রাস্তা ছেড়ে পা দিল পাইনের বনে। ঘন ছায়ার নিচে বসে তাকিয়ে রইল জানালার দিকে। এক তলায় দেখা যাচ্ছে খাটো চুলের মধ্যবয়সী এক নারী। পরনে টাই-ডাউন করা টি-শার্ট আর জাপানি ঢোলা প্যান্ট। সচরাচর দেখা যায় না এত বড় একটা ডেস্কটপ কম্পিউটারের স্ক্রিনের সামনে বসে কাজ করছে। এর কাছাকাছি আর দুটো ওয়ার্ক স্টেশন দেখা যাচ্ছে। কাজ করছে বছর বিশেকের সোনালি চুলের একটা ছোটখাটো মেয়ে আর একই বয়সের লম্বা, পাতলা একটা ছেলে, মাথায় ছোট করে কাটা বাদামি চুল।

আর এসব কিছুর সাথে আরো আছে একটা কুকুর। মায়া কোডেন্স হাতানোর প্ল্যান করার সময় বলেছিল বটে মিস অ্যালারসবি। জার্মান শেফার্ডটাকে দেখেই মহিলার মাথায় বুদ্ধি এসেছিল চুরির মতো করে ফারগোদের সতর্ক বার্তা পাঠানোর কথা যেন এই দুই আহাম্মক বুঝতে পারে যে মিলিয়ন ডলারের শিল্পদ্রব্য বাসায় থাকলে কী ঘটতে পারে। যাই

রাস্তার শেষ মাথায় সমুদ্রের কাছে পৌঁছে গেল দুজন, এমন সময় পেছনে পাইনের বনে জ্বলে উঠল আলো। মনে হচ্ছে যেন প্রতিটি গাছের মাথায় জ্বলছে ফ্লাডলাইট। ভুল করেও যদি কেউ লুকিয়ে থাকে, এমন সব জায়গা হয়ে উঠছে দিনের মতো পরিষ্কার।

আরো এক মিনিট দৌড়ে সৈকতের ওপরে পাকা রাস্তায় উঠে এলো দুজন। রাসেলের দিকে তাকিয়েই মুখ বিকৃত করে উঠল রুইজ। বলে উঠল, ‘আলোর কাছে আর যেও না বাছা। তোমাকে দেখাচ্ছে নীল একটা ভ্যাম্পায়ারের মতো।’

নিচের দিকে তাকাতেই রাসেলের চোখে পড়ল ঘামে আর গোলাপি মেকআপে ভিজে গেছে শার্টের সামনের অংশ। প্রথমে রাসেল তারপর রুইজ রেইলিং টপকে এপাশে এসে গুয়ে পড়ল বালির ওপর।

‘তারা কীভাবে সরে পড়ল?’ বিরজি ঝরল রাসেলের কণ্ঠে। ‘গেলই বা কোথায়?’ কিন্তু জানে যে তারা নেই। যেভাবে অন্য সবকিছু জানে সেভাবে এটাও ভালোই বুঝতে পারল সে। যদি তারা স্পেন থেকে এসে থাকে তাহলে তো বাড়িই হবে সবচেয়ে নিরাপদ। আবারো তাকে ধোঁকা দিয়েছে দুজন। তার মানে সেখানেই গেছে, যেখানে সবচেয়ে বেশি জ্বালাতে পারবে, গুয়েতেমালা।

একটু পরে গাড়ির কাছে পৌঁছে গেল রাসেল আর রুইজ। সৈকতের অনেক নিচের একটা পার্কিং লটে ছিল গাড়িটা। কাছে পৌঁছানোর পর দেখা গেল ওইপারের নিচে উইন্ডশিল্ডে লাগানো আছে একটা টিকিট। চেক মার্ক দেখে বোঝা গেল বহু ঘণ্টা পার হয়ে গেছে পার্ক করার পরে। চারপাশে তাকিয়ে দেখতে পেল সাইনটা। রাস্তার আলোয় পরিষ্কার পড়া যাচ্ছে : ‘আটটা বাজে বন্ধ হয়ে যায় পার্কিং লট।’ ভেতরে ঢোকান সময় চোখে পড়েনি নোটিশটা।

এখন মনে হলো ভালোই হয়েছে যে ফারগোদের পাওয়া যায়নি। দুজনকে গুলি করে পালানোর সময় রেকর্ডে পার্কিং টিকিট স্পষ্ট বলে দিত যে সে এখানে এসেছিল। কিন্তু স্বস্তি আসলে তার কপালে নেই। আরো একটা ফ্যাসাদে পড়ে গেল। যেন নীল কালি খাওয়াটা যথেষ্ট হয়নি।

প্রতিটি গাড়ির জানালায় চোখ বুলিয়ে দেখল, আয়না চেক করে দেখল তারপরও সিদ্ধান্ত নিল অতি সতর্কভাবেই এখন গাড়ি চালাতে হবে। ভালো করেই জানে সে, যখন চারপাশে সবই দুর্ভাগ্য ঘটছে তখন ভাগ্যের ওপর নির্ভর করাটা বোকামি ছাড়া আর কিছু না। যদি একটুও গতি বাড়ায় রাগের চোটে দেখা যাবে সাথে সাথে এসে হাজির হয়ে যাবে পুলিশ। বাইরে বের করে ফ্লাশলাইট ফেলবে নীল মুখের ওপর। এমন সব প্রশ্ন করবে, যার উত্তর জানা

নেই তার কিংবা রুইজের। লট থেকে বের হয়ে ফ্রিওয়েতে ঘুরে গেল গাড়ি নিয়ে।

স্যাটেলাইট ফোনের স্পিড ডায়াল চেপে ফোন করল। জানে যে ফোন সারাক্ষণ কাছে কাছেই রাখে সারাৎ। এমনকি ঘুমের মধ্যেও। তাই যখন শোনা গেল, ‘ইয়েস?’ রাসেল অবাকও হলো না, স্বস্তিও পেল না।

‘হ্যালো, ফারগোদের বাড়ি থেকে বের হওয়া রাস্তায় এখন আমি। এখানে এসে যে মাঝ বয়সী মহিলাকে দেখেছিলেন, তিনি ছাড়া আরো ছিল কুকুরটা। আর দেখে মনে হলো কর্মচারী এমন দুজন তরুণ-তরুণী। কিন্তু ফারগোদের পাত্তা পাইনি।’

‘ফারগোরা নেই?’

‘না। আমি আপনাকে সাবধান করার জন্য ফোন করেছি। বলতে ভয় হচ্ছে যে, তারা নিশ্চয়ই গুয়েতেমালাতেই গেছে।’

‘তোমার কী মনে হয়, তারা কী করছে?’

‘আমি আসলে জানি না। কিন্তু অবাক লাগছে ভাবতে যে, দুজন হয়তো স্পেনের লাইব্রেরিতে সত্যি কিছু পেয়েছে। হয়তো এটা স্ত্রীর পার্সে ছিল আর লোকটা ব্রিফকেস ব্যবহার করেছে শুধু আমাদের হটানোর জন্য।’

‘শুনে মনে হচ্ছে এর সম্ভাবনা আছে।’ উত্তরে জানাল সারাৎ। ‘যাই হোক, আমি শুধু আপনাকে এটাই জানাতে চেয়েছি, যেন সেখানে দেখা হলেও আপনি প্রস্তুত থাকতে পারেন।’

‘আমি চাই তুমিও এখানে চলে এসো। আজ রাতেই কিংবা কাল ভোরবেলা কোনো ফ্লাইট ধরতে পারবে?’

‘উম্ম, এটা নিয়ে এখন কিছু বলতে পারছি না। চেহারা এখনো নীল হয়ে আছে।’

‘এখনো এর হাত থেকে রেহাই পাওনি?’

‘না। জানা মতে সবকিছু চেষ্টা করেছি। তারপরও এখনো নীল হয়ে আছি। মেকআপ কিছুটা সাহায্য করেছে।’

‘আমার একজন ডাক্তারকে জানাচ্ছি তোমাকে ফোন করার জন্য। তিনি বেশ ভালো আর তোমার সমস্যাও শুনবেন। ছাই চিন্তা করো না। লস অ্যাঞ্জেলেসে উনার কলিগ আছে, তিনি তোমার সাথে দেখা করবেন।’

‘এর সাথে একজন ডাক্তারের কী সম্পর্ক?’

‘যদি আমাকে অনুমান করতে দেয়া হতো আমি বলতাম এমন কোনো কেমিক্যাল পিলের কথা যেন চামড়ার বাইরের অংশ যেটাতে রং লেগে আছে সেটা সরে গিয়ে নতুন চামড়া দেখা যাবে। কিন্তু আমি তো ডাক্তার নই। তিনি

ডাক্তার। নাম লিটন। যাই হোক না কেন, বৃহস্পতিবারের মাঝে তোমাকে গুয়েতেমালাতে দেখতে চাই। সাথে তোমার বন্ধু রুইজকেও। বুঝতেই পারছ লোকে তোমাদের দেখে কী ভাববে।’

‘ঠিক আছে।’ একমত হলো রাসেল। ‘আমরা পৌছে যাব। আপনার সাহায্যের জন্য ধন্যবাদ।’

‘এটা কোনো সাহায্য নয়, রাসেল। নির্ভরযোগ্য কাউকে এখানে চাই আমি, যেন ফারগোরা আমার এই সুযোগকেও নষ্ট করতে না পারে। এটা আমার জীবনের সবচেয়ে গুরুত্বপূর্ণ প্রজেক্ট হয়ে গেছে। এই লোকগুলো এতটাই শয়তান। তাদের আর আমার নিজের ভাষায় যতই সদয় আচরণ করি না কেন, আমার প্রস্তাব যতই দিলখোলা হোক না কেন, দুজন ঠিক করেই নিয়েছে আমার সাথে শত্রুতাই করবে। আমি চাই তুমি তাদের বুঝিয়ে যাও যে এটা কতটা নির্বুদ্ধিতা হয়েছে।’

বেলিজ

গুয়েতেমালা কর্তৃপক্ষের ওপর সারাহ্ অ্যালারসবি ঠিক কতটা প্রভাব ঘাটাতে পারে, জানা নেই স্যাম আর রেমির। তাই দুজন সিদ্ধান্ত নিল, অন্তত বেলিজে নিশ্চয়ই তাদের ওপর চোখ রাখার জন্য কাউকে দাঁড় করিয়ে রাখেননি মহিলা। পাল্টা গোড়া পর্যন্ত প্রাইভেট জেটে করে উড়ে এলো ফারগো দম্পতি। এরপর বাসে করে উপকূলের নিচে লিভিংস্টোন। তারপর এক মাছধরা জেলেকে অর্থ দিয়ে গুয়েতেমালা সীমান্ত পার হয়ে চলে এলো রিও ডালচে থেকে লাগো ডি ইজাবাল পর্যন্ত। এ অঞ্চলের চারটা দেশের যেকোনো একটাতে ঢুকে যেতে পারে যেকোনো পর্যটক। তারপর মাত্র একবারই ঝামেলা করতে হয় কাস্টমস অফিসারের সাথে, এরপর নিশ্চিন্তে ঘুরে বেড়ানো যায় বাকিগুলোতে।

লেক পার হবার জন্য দ্বিতীয় আরেকটা নৌকা ভাড়া করল দুজন। মেঘের স্তরের নিচে দেখা যাচ্ছে বিস্তৃত নীল-ধূসরের সারি। তীর থেকে বহুদূরে নীল পর্বতের দেয়াল। অসাধারণ এই ভ্রমণে নৌকার ডেকে দাঁড়িয়ে মুছে গেল বহু মাইল পথের ঝঙ্কি।

মধ্য গুয়েতেমালার হাই কান্ট্রিতে ভ্রমণের জন্য ভালো মতোই প্রস্তুতি নিয়ে এসেছে স্যাম আর রেমি। নিষ্ঠাবান অফিসারদের সাহায্য পাবার আশায় আসার আগেই যোগাযোগ করে এসেছে গুয়েতেমালা শহরে ইউএস অফিসিয়াল এমি কস্তা আর গুয়েতেমালা ন্যাশনাল পুলিশের কমান্ডার রুয়েডা। যদি ফারগোরা

এমন কোনো প্রমাণ খুঁজে পায় যে সারাহ্ অ্যালারসবি শিল্পদ্রব্য পাচার করে দেশের আইন ভঙ্গ করেছে কিংবা তার কাছে মেক্সিকোর আগ্নেয়গিরি থেকে পাওয়া কোডেক্স আছে, তাহলে রুয়েডা এসে তাকে অ্যারেস্ট করে নিয়ে যাবে। যদি প্রয়োজন পড়ে তো রেঞ্জারদের স্কোয়াড নিয়ে দুর্গম এলাকায় যেতেও পিছপা হবেন না কমান্ডার।

কনফারেন্স কলে এমি কস্তার সাথে কথা বলে নিয়েছে স্যাম। ‘তিনি এটা করতে রাজি হয়েছেন? কী কারণে হঠাৎ এত পরিবর্তন হলেন?’

‘জানা কঠিন আসলে।’ উত্তর দিয়েছিলেন কস্তা। ‘আমরা সাহায্য চাই আর সবসময় পাবার আশাই করি। এবার তাই পাব।’

ফোন রাখতেই চোখ পাকালো রেমি। ‘তুমি সত্যিই খেয়াল করেনি?’

‘আমাদের প্রায় পঁয়ত্রিশটা অফিস পেরিয়ে বয়স্ক বিবাহিত পুলিশদের পাশ কাটিয়ে সমবয়সী এই সুদর্শন অফিসারের রুমে নিয়ে গিয়েছিলেন এমি আর সেই অফিসার তো তার বিশাল বাদামি চোখজোড়া এমির ওপর থেকে সরাতেই পারছিলেন না।’

‘তুমি বলতে চাও যে আমাদের স্টেট ডিপার্টমেন্টের অফিসার গুয়েতেমালা পুলিশের সাথে প্রেম করছে?’

‘না, আমি শুধু বলছি যে উনি যতটা সুন্দরী, ততটাই স্মার্ট।’

এখন আবারো গুয়েতেমালায় ফিরে আসছে ফারগো দম্পতি। দুজনের স্যাটেলাইট ফোনেই প্রোগ্রাম করা আছে অ্যাম্বাসি আর কমান্ডার রুয়েডার অফিসের নাম্বার। একত্রিশ মাইল লম্বা আর ষোলো মাইল চওড়া লেক পার হয়ে এলো এস্টরের শেষ প্রান্তে। পৌঁছে খুশি হয়ে উঠল স্যাম আর রেমি। মাঝে মাঝে তো ত্রিশ মাইল পাহাড়ের গা বেয়ে উঠতে অসংখ্য দিন আর কঠোর পরিশ্রম লেগে যায়।

এল এস্টরে নেমে ছোট্ট একটা নৌকা ভাড়া করা হলো পেলোটিক নদীর ওপারে যাবার জন্য। পশ্চিম দিক থেকে এসে লেকে মিশে গেছে নদীটা। একশ পঞ্চাশ মাইল লম্বা সরু অববাহিকার চারপাশে জঙ্গল এমনভাবে নেমে এসেছে যে, মনে হচ্ছে সবুজ দেয়াল। পানজো শহর পর্যন্ত যাওয়া যাবে। তারপর রাস্তা।

এ অঞ্চলের একেবারে মাঝখান দিয়ে চলেছে নৌকা। আর চারপাশে কেবল ঘন আর গহিন বন। মাঝে মাঝে দু-একটা বসতি চোখে পড়লেও মনে হচ্ছে লোকদের জন্য গ্যাসোলিন কিংবা চলার ইচ্ছা চলে গেছে; তাই আশ্রয়ের আশায় থাকছে।

আরো একবার সশস্ত্র হয়েই এসেছে স্যাম আর রেমি। সাথে গুয়েতেমালায় বহনযোগ্য অনুমতি এখনো আছে। এছাড়া পান্টা গোডাঁতে চারটা সেমি-অটোমেটিক পিস্তল কিনে রেখে দিয়েছিল সেলমা। প্রথমবার ভ্রমণের মতোই প্রত্যেকের প্যাকে একটা করে আছে, অন্যগুলো শার্টের নিচে পোর্টের বেল্টের সাথে লাগানো। আরো আছে নয় মিলিমিটার গুলি; এর সাথে প্রত্যেকের কাছে দশটা লোড করা ম্যাগাজিনে।

এখন মধ্য গুয়েতেমালায় পৌঁছে গেছে ফারগো দম্পতি। ব্যাকপ্যাকে করে যা এনেছে তাই এখন থেকে একমাত্র সম্ভব। কিছু কেনার জন্য কোথাও আর যাবার নেই। সবচেয়ে কাছাকাছি যে জায়গা সেখানে সেলমা কিছু পাঠাতে পারে, সেটাও গুয়েতেমালা শহর থেকে বহুদূরে। পানজোর নদীর কাছে পৌঁছে নদীর ওপরে ধুলার মাঝে পার্ক করা কফি ট্রাক দেখা গেল। পশ্চিমে মুখ করে দাঁড়িয়ে আছে পুরো ভর্তি ট্রাকটা। মাঝিকে জিজ্ঞেস করল স্যাম আর রেমি, তাদের হয়ে ড্রাইভারকে বলতে পারবে কিনা লিফটের জন্য। জানা গেল ট্রাক ড্রাইভার মাঝির বন্ধু। পথের শেষ পর্যন্ত কয়েক কোয়ার্টজেল রাজি হয়ে গেল লোকটা।

দুই দিন লেগে গেল পথ শেষ হতে। ট্রাক ড্রাইভারের কাছে দেখা গেল আইপডও আছে। পছন্দের সব গান ভরে রেখেছে লোকটা। একটা কেবল দিয়ে আবার ট্রাকের স্পিকারের সাথে কানেকশন দেয়া হয়েছে। প্লে-লিস্টে প্রথমেই বাজল স্প্যানিশ গান তারপর কয়েকটা ইংরেজি। আর একটু পরেই দেখা গেল যে ভাষার গানই বাজুক না কেন, তিনজন গলা ছেড়ে চিৎকার করছে গহিন বনের এবড়ো-খেবড়ো রাস্তা দিয়ে ঝাঁকি খেতে খেতে পশ্চিমে এগোবার সময়ে।

দ্বিতীয় দিনের দুপুর বেলাতে, ডিপোতে এসে ঢুকল ট্রাক; যেখানে নোংরা রাস্তাটা গিয়ে মিশেছে আরো বড় আর নোংরা একটা রাস্তার সাথে। অঞ্চলের অন্যান্য প্রান্ত থেকে আসা ট্রাক থেকে ওজন মাপার মেশিনে তোলা হচ্ছে কফির বস্তা। গুনে গুনে আবারো তোলা হচ্ছে ট্রাক্টর-ট্রেক্টর ট্রাকে, তারপর এই বোঝাই ট্রাক চলতে থাকবে বড় রাস্তাটা দিয়ে ড্রাইভারের সাথে বেশ হৃদয়তার সম্পর্ক হয়ে গিয়েছিল এ দুই দিনে। তাই বিদায় নেয়াটা মোটামুটি আবেগঘনই হলো। নিজের ডাক এলে কফিমেপে দিয়ে পারিশ্রমিক নিয়ে বাসায় ফিরে যাবে লোকটা।

পশ্চিমে হাঁটতে হাঁটতে স্যাটেলাইট ফোনের পর্দায় নিজেদের জিপিএস পজিশন চেক করে নিল স্যাম আর রেমি। দেখা গেল পছন্দ করা প্রথম গন্তব্যের

বিশ মাইল কাছে চলে এসেছে দুজন। চারপাশে ঘন জঙ্গল আর পথজুড়ে মাথার ওপরে গাছের ডগা এমনভাবে ছড়িয়ে আছে যে, ঠিক যেন ছাতা মেলে রাখা হয়েছে। হালকা বাতাস থাকলেও, এই ছায়া পেয়ে সূর্যের নিচে চলাটা সহনীয় হয়েছে।

একটু পর পর নিজেদের পজিশন চেক করে পথ চলছে স্যাম আর রেমি। রাস্তা থেকে সরে গিয়ে নিজেদের গন্তব্যের যত কাছাকাছি যাচ্ছে, ততই চুপচাপ হয়ে যেতে লাগল ফারগো দম্পতি। কথা বলার প্রয়োজন হলে, রাস্তার পাশে পড়ে থাকা গাছের গুঁড়ি কিংবা বাঁকাচোরা ডালের ওপর বসে হাত-পা ছড়িয়ে জিরিয়ে নেয় দুজন। তারপর মাথা দুটো কাছাকাছি এনে কথা বলে ফিসফিসিয়ে। কান পাতলেই মাথার ওপর শোনা যায় পাখিদের ডাক আর বানরের দলের কিচিরমিচির। মানুষের কারণে ওপরের জীবনে না জানি কোনো ব্যাঘাত ঘটে যায়, এই ভেবে অস্থির স্যাম আর রেমি।

এর আগেও বহুবার বনজঙ্গলের মাঝে দিয়ে ট্র্যাকিং করেছে দুজন। তাই গুয়েতেমালার উচ্চভূমি পেরোতেও তেমন একটা কষ্ট হচ্ছে না। অরণ্যের ছন্দই হয়ে ওঠে তাদের ছন্দ। সূর্য যখন পৃথিবীতে রং ছড়াতে ব্যস্ত, এমন সময় জেগে ওঠে দুজন। তারও ঘণ্টাখানেক পরে দিগন্তে দেখা যায় সূর্য। কোনোরকম খেয়ে নিয়েই ক্যাম্প গুছিয়ে শুরু করে দেয় পথ চলা। যেন দিনের তাপ ছড়ানোর আগেই তিন-চার ঘণ্টা এগিয়ে যাওয়া যায়। সূর্য পাটে বসলেই থেমে যায় দুজন। আলো থাকতে থাকতেই জায়গা বেছে নিয়ে ক্যাম্প করে ফেলে। পানির জন্য কাজে লাগায় যেকোনো সুযোগ। নদী অথবা ঝরনার পানি ফুটিয়ে খেয়ে নেয়। ছোট্ট একটা গর্ত করে দেয় স্যাম। তাতেই ঝাঁপা হয় খাবার। যদি মাটি ভিজে থাকে তাহলে প্যাকেট খুলে প্রিজার্ব ফুড খেয়ে নিলেই সমস্যা মিটে যায়।

তৃতীয় দিন সকাল বেলা স্যাটেলাইট ফোনের জিপিরক্স দেখে বোঝা গেল যে পুরনো শহরের একেবারে কাছে পৌঁছে গেছে দুজন। রেমির ফোন ব্যবহার করে সান ডিয়েগোতে সেলমাকে কল করা হলো।

‘গুড মর্নিং’, উত্তর দিল সেলমা। ‘কী অবস্থা? কেমন চলছে?’

‘আমরা একেবারে কাছে চলে এসেছি। এরপর থেকে নীরবতা বজায় রাখার জন্য শুধু টেক্সট মেসেজ পাঠাব।’ জানাল রেমি।

‘এখনো কাউকে দেখতে পাওনি?’

‘তিন দিন আগে রাস্তা ছাড়ার পর থেকে কাউকে না। এমনকি তখনো রাস্তায় আমাদের ট্রাক ছাড়া আর কোনো ট্রাক ছিল না। তুমি আমাদের ফোনের জিপিএস সিগন্যাল ট্র্যাক করছ?’

‘হ্যাঁ। একেবারে পরিষ্কার। কোথায় আছো আমি সব জানি।’ উত্তরে জানাল সেলমা।

‘তো ঠিক আছে, কিছু পেলো মেসেজ পাঠাব তোমাকে।’

‘প্লিজ। তাই করো।’ তড়িঘড়ি জবাব দিল সেলমা। ‘অফিসে বসে বসে ই-বুকের বিশাল বিল বানাচ্ছি আর ভূতের মতো সাদা হয়ে গেছি। বুক স্টোরে গিয়ে তোমাদের কল মিস করতে চাই না।’

‘সরি। সুলতানকে কিস দিও আমার হয়ে।’

‘হুম। ঠিক আছে।’

‘বাই।’

ফোন রাখতেই যে শব্দটা শুনতে পেল নীরবতার মাঝে সেটা এতটা ভয়ংকর লাগল যে দুজনই কেঁপে উঠে ঘাড় ঘোরাতে লাগল উৎসের খোঁজে। বহুদূর থেকে একটা হেলিকপ্টার এগিয়ে আসার শব্দ পাওয়া যাচ্ছে। হেলিকপ্টারটাকে দেখার চেষ্টা করলেও নিচু জায়গায় থাকতে আর গাছের পাতার ঘন চাদোয়া ঢেকে রেখেছে আকাশ। কিছুই দেখতে পাচ্ছে না স্যাম আর রেমি। বাড়তে বাড়তে বনের অন্য সব শব্দ ঢাকা পড়ে গেল ইঞ্জিনের গর্জনে।

এক মিনিট পরেই মাথার ওপর দিয়ে উড়ে গেল হেলিকপ্টার। চোখ তুলে তাকাতেই দেখা গেল রোটরের ঘূর্ণনে গাছের মাথার পাতাগুলো বন্যভাবে দুলতে শুরু করেছে। তারপর উত্তর দিকে দৃষ্টির আড়ালে চলে গেল হেলিকপ্টার। আরো দুই মিনিট ধরে একই রকম গর্জন শোনার পরে হঠাৎ করেই পুরোপুরি থেমে গেল শব্দ।

‘আমার মনে হয় ল্যান্ড করেছে।’ বলে উঠল রেমি।

‘আমারও তাই মনে হচ্ছে।’ জানাল স্যাম। ‘চলো কাছ থেকে দেখে আসি। কী বলো?’

‘ওরা আমাদের খুঁজে পাবার আগে আমাদেরই ওদের খুঁজে বের করাটাই সম্ভবত ঠিক হবে।’

নিজেদের প্যাক খুলে বাড়তি পিস্তল লোড করে নিল স্যাম আর রেমি। এরপর ব্যাকপ্যাকের বাইরের দিকের ডিপোর লাগানো কম্পার্টমেন্টে রেখে

অন্যটাতে লুকিয়ে রাখল স্যামের ফোন। নিজেদের সাথে একটা করে পিস্তল শুধু নিল, শার্টের নিচে রেখে দিল। আর রেমির ফোনটাও নিয়ে নিল। কাছাকাছি গাছগুলোতে চিহ্ন রেখে ঘন ঝাড়ের নিচে লুকিয়ে রাখল ব্যাকপ্যাক। এরপর চলতে শুরু করল ট্রেইল ধরে।

হাঁটার সময় কেউই কোনো কথা বলল না। মাথা নেড়ে অথবা হাত স্পর্শ করে একে অন্যকে দেখাতে লাগল। প্রতি বিশ গজ গিয়ে থেমে যেতে লাগল কিছু শোনা যায় নাকি সেই আশায়। কিন্তু অরণ্যের নিজস্ব শব্দ ছাড়া শোনা গেল না কিছুই। চতুর্থবার থামার পরে শোনা গেল মানুষের গলা। বেশ কয়েকজন লোক স্প্যানিশ ভাষায় উঁচু স্বরে কথা বলছে। খুব দ্রুত কথা বলতে থাকায় মর্মোদ্ধার করতে পারল না মাত্রই স্প্যানিশ শিখতে শুরু করা স্যাম।

তারপরই দেখা গেল ফর্সা হয়ে গেছে সামনের জঙ্গল। গাছের সারির পেছনে বড়সড় পরিষ্কার একটা জায়গা। হেলিকপ্টার থেকে যন্ত্রপাতি নামাচ্ছে একদল লোক। অসংখ্য অ্যালুমিনিয়াম কেস, বেশ কয়েকটা ভিডিও ক্যামেরা, ট্রাইপড আর আরো অচেনা সব যন্ত্র।

হেলিকপ্টারের খোলা দরজার কাছে পাইলটকে দাঁড়িয়ে থাকতে দেখা গেল। ইয়ারফোন লাগানো আর তা চলে গেছে ইস্ট্রুমেন্ট প্যানেলের দিকে। বোঝা গেল রেডিওতে কারো সাথে কথা বলছে।

বনের ভেতর দিয়ে সন্তর্পণে এগোতে লাগল স্যাম আর রেমি। আস্তে আস্তে এগিয়ে গেল কিনারের দিকে। হঠাৎ করেই চোখ বড় বড় করে কিছু একটা দেখাল রেমি। বিশাল খোলা জায়গাটার ডান পাশে নিচু আগাছা আর ঘাসের জমিতে উঁচু, গাছে ঢাকা পাহাড় দেখা যাচ্ছে। রেমির জায়গা থেকে দেখতে খানিকটা অন্যরকম মনে হচ্ছে আকৃতিটা। এখান থেকে পাথরের সিঁড়ি দেখতে পেল স্যাম আর রেমি। সোজা উঠে গেছে মাটি থেকে মাথা পর্যন্ত। খাঁড়া পাহাড়টার খানিকটা মাটি ধসে পড়ায় বোঝা গেল প্রাকৃতিক আকৃতিটা আসলে পিরামিড। সমান্তরাল গায়ে গাছ আর বোপঝাড় জন্মে গেছে। কিন্তু কিছু কিছু জায়গায় শিকড় পাথর উপড়ে ফেলায় একতলা থেকে নিচের আরেক তলায় কোনো বেরিয়ে গেছে। তাই দালান নয়, মনে হচ্ছে পাহাড়।

কোনো সন্দেহ নেই যে কোডেক্স মানচিত্রে দেখা পিরামিড এটি। এরিয়াল ফটোগ্রাফেও দেখেছে স্যাম আর রেমি। প্রায় শ'খানেক লোক বেলচা, শাবল, কোদাল, বালতি নিয়ে ঝাঁপিয়ে পড়েছে পাহাড়সম আকৃতিটার ওপর। চেষ্টা

করছে হাজার বছর ধরে পিরামিডের গায়ে জমতে থাকা ময়লা, আবর্জনা, পাতা আর জীবন্ত গাছগুলো পরিষ্কার করতে। এত দ্রুত আর কঠোর হাতে কাজ করছে যে, প্রত্নতাত্ত্বিকের চেয়ে বরং ভাঙতে অভ্যস্ত শ্রমিক বলেই বেশি মনে হচ্ছে লোকগুলোকে। ছড়িয়ে-ছিটিয়ে কাজ করছে লোকগুলো। অন্য শ্রমিকরা কমপ্লেক্সের বিভিন্ন অংশ কেটে আশুন লাগিয়ে দিচ্ছে ঝোপগুলোতে। প্রায় প্রতিটি দিকের পাথরের ওপর কাজ করছে তারা। রেমির হাত থেকে ফোন নিয়ে ছবি তুলতে লাগল স্যাম।

ফিসফিস করে রেমি জানাল, ‘কেমন করে জায়গাটা তহনছ হচ্ছে ডেভিড কেইন দেখতে পেল মারাই যেতেন বোধ হয়।’ এক মিনিট পরেই তার চোখে পড়ল জঙ্গল থেকে এক সারি সশস্ত্র লোক বের হয়ে কমপ্লেক্সের অন্য পাশে যাচ্ছে। প্রায় বিশজন, সবার কাঁধে রাইফেল ঝুলছে। বিল্ডিংয়ের ওপরের দিকে ঘাঁটি গেড়েছে আরো কয়েকজন। তাদের কয়েকজন আবার মাত্র পৌঁছেছে এমন লোকদের উদ্দেশে হাত নাড়ছে।

রেমির ফোন দিয়ে একের পর এক ছবি তুলতে ব্যস্ত স্যাম। শট রিভিও করেই আবার সেলমাকে পাঠিয়ে দিচ্ছে। ফোন খানিক দূরে সরিয়ে রেমির কাঁধে টোকা দিল। নিচু হয়ে আস্তে আস্তে সরে যেতে লাগল। একটু পরে উঠে দাঁড়িয়ে হেঁটে চলে এলো নিজেদের ট্রেইলে। যখন বুঝতে পারল অন্য কেউ গুনতে পাবে না, স্যাম রেমির ফোনে নাম্বার ডায়াল করে কল বাটনে চাপ দিল।

‘পোলিশিয়া ফেডারেলেস।’ ‘হ্যালো, স্যাম ফারগো বলছি।’ ‘কমান্ডার রুয়েডা বলছি।’ শোনা গেল উত্তরে। ‘এই লাইনটা আপনাদের কলের আশায় ফ্রি রেখেছি।’

‘ধন্যবাদ কমান্ডার। বাসা ছাড়ার আগে আপনাকে যে জায়গার কথা বলেছিলাম, সেখানে পৌঁছে গেছি আমরা। মায়া কোডেক্স যেমনটা বলেছে, এখানে সেরকমই বড় একটা শহর আর মন্দির আছে। এতক্ষণ দেখে আসলাম যে প্রায় শ’খানেক শ্রমিক যত দ্রুত সম্ভব ময়লা আর গাছপালা পরিষ্কার করছে। সশস্ত্র গার্ডও আছে তাদের সাথে। খানিক আফেল্যান্ড করেছে একটা হেলিকপ্টার। দেখে মনে হচ্ছে ঠিক ফিল্ম ত্রুদের মতো।’

‘অপরাধমূলক কিছু কী করছে?’ ‘বিল্ডিংকে সমানে বেলচা, কোদাল দিয়ে আঘাত করছে। নিচে কী আছে কতটা ক্ষতি হবে সেদিকে কোনো ক্রস্কেপ নেই। কিন্তু প্রধান সমস্যা হলো, আপনাকে যেটা বলেছিলাম। সারাহ্ অ্যালারসবি এ জায়গা খুঁজে পেয়েছেন, তার মানে সান ডিয়েগোতে ইউনিভার্সিটি অব ক্যালিফোর্নিয়া থেকে মায়া কোডেক্স চুরি করেছেন।’

‘যদি আমি লোকেশনে এক স্কোয়াড সৈন্য পাঠিয়ে দিই, মহিলাকে চার্জ করার মতো কিছু পাওয়া যাবে?’

‘আমার ধারণা নিশ্চয় কোনো নোট পাওয়া যাবে, যেখানে লোকেশন সম্পর্কে নির্দেশনা আছে। নিদেনপক্ষে কোডেস্কের কোনো পৃষ্ঠার ফটোকপি, যাতে প্রমাণ হয়ে যাবে যে ওনার কাছে আছে সেটা। একই সাথে পুলিশরা শ্রমিকদের বোঝাতে পারে, যেন তারা খননকাজ ঠিকভাবে করে আর যা পাওয়া যাবে তা যেন ধ্বংস না করে।’ জানাল স্যাম।

‘অলরাইট। আমি খননকাজ চেক করার জন্য হেলিকপ্টারে করে সৈন্য পাঠাচ্ছি। আপাতত এটুকুই প্রমিজ করছি।’ ‘এটুকুই যথেষ্ট আমার জন্য। ধন্যবাদ কমান্ডার।’ রেমিকে ফোন ফিরিয়ে দিল স্যাম।

এবারে সেলমাকে কল করল রেমি। ‘হাই সেলমা, আমরা সাইটে গিয়েছিলাম। তুমি দেখেছ ছবিগুলো? ডেভিডকে জানাতে পারো যে তিনি যতটা ভেবেছিলেন ঠিক ততটাই বড় জায়গাটা। এই মাত্রই পুলিশকে ফোন করেছে স্যাম, যেন তারা এসে এসব ভয়ংকর খোঁড়াখুঁড়ি স্বচক্ষে দেখতে পারে। আশা করছি নিশ্চয় তারা এমন কোনো প্রমাণ খুঁজে পাবে যে, মহিলা কোডেস্কের মানচিত্র ব্যবহার করেছে।’

‘পুলিশকে ভুলে যেতে মানা করে দিও যে এটি কম্পিউটারে কিংবা তার ফোনেও থাকতে পারে। যেন কোনো প্রকারেই লুকিয়ে রাখা সম্ভব।’

‘চিন্তা করো না। এটা মাছ ধরার মতো। সব মাছ যে সমান দেখায় না, সেটা তো আমরা জানিই।’

‘গুড লাক।’

‘থ্যাংকস। আবারো সাইটে ফিরে যাব এখন।’

ট্রেইল ধরে আবারো পরিষ্কার জায়গাটার দিকে এগোতে লার্গাল স্যাম আর রেমি। ঝোপের ভেতর হামাগুড়ি দিয়ে বসে প্রাচীন মন্দির শহরের বিশাল প্রাসাদের দিকে তাকিয়ে রইল দুজন; এমন সময় দূর থেকে শোনা গেল আরেকটা হেলিকপ্টার এগিয়ে আসার শব্দ। আগেরটার মতোই দক্ষিণ দিক থেকে এগিয়ে আসছে, কিন্তু ইঞ্জিনের শব্দ খানিকটা অন্যরকম। জঙ্গলের ওপর দিয়ে সোজা এগিয়ে এসে দালানের ওপর খানিক চক্কর কেটে প্রথম হেলিকপ্টারের কাছাকাছি মাটিতে নেমে এলো।

রৌদ্রের নিচে তাঁবুর মাঝে ইতস্তত ঘুরতে থাকা চারজন ক্যামেরাম্যান নিজেদের যন্ত্রপাতি নিয়ে এগিয়ে এলো হেলিকপ্টারের দিকে। রোটর মাত্র

থেমেছে, ভিডিও করা শুরু করল লোকগুলো। এদের মাঝে একজন সাউন্ডম্যান সাথে লম্বা লাঠির মাথায় লাগানো মাইক্রোফোন, কাঁধে ভিডিও ক্যামেরা সমেত সিনেমাটোগ্রাফার, ব্যাটারিচালিত লাইট নিয়ে লাইটম্যান সাথে নিয়ে এসেছে ট্রাইপিডের ওপর বসানো সাদা ছাতা। চতুর্থ জন বড় একটা প্রাক নিয়ে এসেছে। বিশাল লম্বা তার বের হয়ে চলে গেছে তাঁবুর নিচে থাকা বাক্সের দিকে।

থেমে গেল হেলিকপ্টারের ইঞ্জিন। খুলে গেল একপাশের দরজা। প্রথম বের হয়ে এলো সারাহ্ অ্যালারসবির সিকিউরিটি গার্ড; দেখে মনে হচ্ছে ফাইটার। চওড়া, পেশিবহুল শরীর। পরনে জলপাইরঙা প্যান্ট আর খাকি শার্ট। ফ্লিংয়ের সাথে ঝুলছে ছোট্ট একটা অস্ত্র, দেখে মনে হচ্ছে মেশিন পিস্তল। পিট দিয়ে খোলা দরজার কাছে দাঁড়িয়ে রইল লোকটা, এমন সময় নিচে নামতে লাগল হেলিকপ্টারের প্রধান আরোহী।

পনিটেইল করে বাঁধা সারাহ্ অ্যালারসবির সোনালিরঙা ছোট চুলগুলো উজ্জ্বল হয়ে আছে হাতে বোনা হালকা নীল সুতি শার্টের পেছনে। ফিটিং খাকি স্ল্যাকস পরনে। কমব্যাট বুটের মতো দেখতে বুট পরে থাকলেও জুতো জোড়া বানানো হয়েছে নরম। বাদামি পলিশ করা চামড়া দিয়ে। অ্যাডভেঞ্চারের জন্য এই পোশাক পারফেক্ট হলেও জঙ্গলে ঘণ্টাখানেকও টিকবে না।

সারাহ্ অ্যালারসবি হেলিকপ্টার থেকে নেমে আসতেই একপাশে সরে গেল ক্যামেরাম্যান আর তার দলবল। এমনভাবে সবকিছু রেকর্ডিং করা হচ্ছে, যেন জেনারেল ম্যাক আর্থার ল্যান্ডিং ক্র্যাফট থেকে নেমে এসেছে লেটি সৈকতে। হাঁটতে শুরু করতেই জঙ্গলের দিকে দাঁড়িয়ে থাকা অপেক্ষারত লোকগুলো এগিয়ে এলো। বিনয়ে বিগলিত হয়ে মাথা নত করে শুদ্ধ দেখিয়ে সাথে সাথে চলতে শুরু করল। আঙুল নির্দেশ করে দেখাল সামান্যই টাওয়ারের মতো উঁচু হয়ে থাকা পিরামিডের দিকে।

পুরো দলটা এগিয়ে গেল বিশাল সিঁড়ির দিকে, তারপর উঠে গেল সিঁড়ি বেয়ে কয়েক ধাপ। ক্যামেরাম্যান কিছু দূরে উঠতেই থেমে গেল সারাহ্। কিছু একটা বলে সবাই মিলে আবারো হেঁটে চলে এলো হেলিকপ্টারের দিকে।

আরো একবার সারাহ্ অ্যালারসবিকে ভিডিও করতে লাগল ক্যামেরাম্যান। পায়ের দুলুনি, হেলিকপ্টার থেকে বের হওয়া, খননকারী শ্রমিকদের সাথে আলোচনা, এরপর বীরের মতো পিরামিডের পাদদেশে

যাওয়া। অ্যাকশন বন্ধ করে দিল ক্যামেরাম্যান। সারাহ্ অ্যালারসবির সাথে কথা বলে খানিকটা টেপ চালিয়ে দেখাল। বিভিন্ন দিক নিয়ে কথা বলল। আবারো হেলিকপ্টারের কাছে ফিরে এলো সকলে। পুরো নাটকটা পুনরায় ঘটল আরো একবার।

প্রথম দৃশ্যের পরে, যেখানে পিরামিডের মালকিন স্বরূপ দেখানো হলো তাকে, পারফেক্ট হলো। এরপর অন্যান্য দৃশ্য ধারণ করা হলো। তাঁবুর নিচে গিয়ে টেবিলের পাশে বসল সারাহ্। সে আর তার তথাকথিত সহকর্মীরা বিশাল একটা কাগজের ভাঁজ খুলে বিছিয়ে রাখল টেবিলের ওপর। প্রতিটি কোনায় রাখা হলো কাছের মন্দির থেকে আনা পাথর। মানচিত্রের বেশ কয়েকটি স্থানে আর ডায়াগ্রামের দিকে নির্দেশ করে দেখাল ঠিক মনে হচ্ছে যেন নিজের প্ল্যান অব অ্যাটাক বর্ণনা করছে লেফটেন্যান্টদের কাছে।

কী বলা হচ্ছে কিছুই শুনতে পাচ্ছে না স্যাম আর রেমি। ধারণা করছে, শুনলেও বুঝতে পারত না তাদের স্প্যানিশ অজ্ঞতার কল্যাণে। কিন্তু মুগ্ধ হয়ে তাকিয়ে রইল সারাহ্ অ্যালারসবির কীর্তি কাণ্ডর দিকে। কেমন করে প্রাচীন মায়া শহর আবিষ্কার নিয়ে ডকুমেন্টারি বানাচ্ছে মহিলা।

পুরো ফিল্ম শেষ হতে লেগে গেল কয়েক ঘণ্টা। টেক-এর ফাঁকে ফাঁকে অন্য এক নারী, সারাহ্ অ্যালারসবির সাথে হেলিকপ্টার থেকে নেমে এসেছিল। স্যাম আর রেমি ভেবেছিল হয়তো কোনো একজন প্রত্নতাত্ত্বিক হবেন, বিশাল কালো বস্ত্র খুলে সারাহ্ অ্যালারসবির চুল আর মেকআপ ঠিক করে দিতে লাগল।

একটা পর্যায়ে দুজন মিলে একটা তাঁবুতে ঢুকে বেরিয়ে এলো আধা ঘণ্টা পরে। পোশাক পাল্টে এসেছে সারাহ্। একজোড়া ডিজাইনার জিন্স আর সিন্কেস ব্লাউজ পরে নিয়েছে এবার। সারাহ্ পৌছানোর আগেই খোঁড়া হয়ে গেছে এমন একটা অগভীর গর্ত খনন করার ভান করল মহিলা আর পুরো দৃশ্য ভিডিও করে নিল ক্যামেরাম্যান। ক্লোজ আপ শট নেয়া হলো আর থেকে গর্তে রেখে দেয়া এক সেট যন্ত্রের গায়ে সারাহ্‌র ব্রাশ ঘষে ময়লা পরিষ্কার দৃশ্য! মনে হলো যেন সেই খুঁজে পেয়েছে এগুলো গর্ত খুঁড়ে।

এই ফাঁকে স্যাম আর রেমি নিজেদের সংক্ষিপ্ত শ্রমের ও কাজ সারছে। কিন্তু স্যাম যখন রেমির ফোন মিথ্যা গর্ত খোঁড়ার দিকে তাক করল, ভিউফাইন্ডারে দেখা গেল যে হঠাৎ করেই এক গার্ড মাথা ঘুরিয়ে তাকাল এদিকে। চিৎকার করে সঙ্গীকে দেখিয়ে কিছু একটা বলে উঠল গার্ড। তাড়াতাড়ি ফোন কেটে ফেলল স্যাম। 'আমার ভয় হচ্ছে, মনে হচ্ছে ফোনের রিফ্লেকশন দেখে ফেলেছে গার্ড।' ফিসফিসিয়ে জানাল স্যাম।

রেমির হাত ধরে জঙ্গলের দিকে ফিরে চলতে লাগল দুজন। শ'খানেক গজ দূরে থাকা লোকদের কাছ থেকে সহজেই পালিয়ে আসতে পারত স্যাম আর রেমি। কিন্তু পিরামিডের কাছে দাঁড়িয়ে থাকা গার্ডরাও সচকিত হয়ে ওঠে। ফলে কয়েক গজ দূরে থাক গার্ডরা দৌড়ে আসতে থাকে তাদের দিকে।

‘পিস্তল ফেলে দাও।’ বলে উঠল স্যাম। দুজনই ঝোপের ভেতর অস্ত্র ফেলে দিয়ে ঘন পাতা দিয়ে ঢেকে রেখে দিল। ‘এখন কী?’ জানতে চাইল রেমি। ‘এখন প্রাণপ্রিয় দোস্তু সারাহ্র সাথে শান্তিপূর্ণভাবে সারপ্রাইজ ভিজিট করা যাবে। নতুবা ত্রিশজন গার্ডের সাথে গোলাগুলি করতে হতো।

স্যাম আর রেমি এবারে জঙ্গল থেকে বের হয়ে বিশাল দালানের গার্ডদের দিকে এগিয়ে গেল। হাসিমুখে হাঁটতে লাগল খোলা পিরামিডের দিকে। বিভিন্ন দিকে তাকিয়ে একে অন্যের সাথে কথা বলতে বলতে। রেমি বলে উঠল, ‘কী বলব তাদের?’ মাথায় যেটা আসে সেটাই বলবে। সৈন্যরা আসা পর্যন্ত সময় নষ্ট করতে হবে।’ লম্বা সিঁড়ির দিকে তাকিয়ে স্যাম বলে উঠল, ‘মন্দিরটা সত্যিই অবিশ্বাস্য, তাই না?’

‘হয়তো গুলি না করে নিজেদের উৎসর্গ করে আগামী বছরের ফসলের মান বাড়াতে যাচ্ছি মাটিতে মিশে গিয়ে।’

অগভীর গর্তটার দিকে পৌঁছাতেই চোখ তুলে তাদের দেখতে পেল সারাহ্ অ্যালারসবি। ব্রাশ ফেলে দিয়ে ঝটকা দিয়ে দাঁড়িয়ে কোমরে হাত দিয়েই রেগে উঠল। গর্তের কাছ থেকে সরে এলো সারাহ্। এবার সশস্ত্র গার্ডরা ঘিরে ফেলল স্যাম আর রেমিকে।

স্বাভাবিকভাবে দাঁড়িয়ে রইল ফারগোরা। অন্য পাশ থেকে গার্ডদের ধাক্কা দিয়ে বৃত্তের ভেতরে ঢুকে পড়ল সারাহ্।

‘আপনারা দুজন! আমাকে একা থাকতে দিতে কেন শান্তি হয় না আপনাদের?’

কাঁধ ঝাঁকাল স্যাম। ‘আপনি কোডেক্সটা ফেরত দিন, আমরাও আপনার শুভেচ্ছা বার্তাসহ এটি ফিরিয়ে দিই মেক্সিকান সরকারকে। এতে তো কাজ হতে পারে।’ রেমির দিকে তাকাল স্যাম। ‘তুমি কী বলো? উনি কোডেক্স ফিরিয়ে দিলেই সম্ভব হতে পারে?’

‘মনে হয় হব।’ উত্তর দিল রেমি। ‘যদিও আমি এতে একমত নই যে, আমরা আপনাকে বিরক্ত করছি মিস অ্যালারসবি। আপনি যে এখানে থাকবেন, সেটাই বা আগে আগে কীভাবে জানব আমরা, বলুন?’

একে অন্যের দিকে কঠোর দৃষ্টি বিনিময় করল গার্ডরা। ইংরেজি কি বুঝল ঠিক ভাবে বোঝা না গেলেও তারা বেশ বুঝতে পারল যে রেমির কথা শুনে রেগে উঠল তাদের মালকিন।

এবারে স্যাম বলে উঠল, 'যেহেতু সবাই এক সাথে আছি, সাইটটা ঘুরে দেখাবেন আমাদের? আপনারা লোকেরা কী আবিষ্কার করল, দেখতে সত্যিই আগ্রহী আমরা। আপনি যেহেতু শুটিং-এ ব্যস্ত, আমরা ত্রুদের পেছন পেছন হাঁটতে পারি।'

সারাহ্ অ্যালারসবি এতটাই রেগে উঠল যে, তার চোয়াল কাঁপতে লাগল থরথর করে। এক সেকেন্ডের মতো মাটির দিকে তাকিয়ে থেকে মাথা তুলে চিৎকার করে উঠল।

'রাসেল!'

পেছন থেকে ফিল্ম ত্রুদের মাঝে থেকে উত্তর এলো, 'ইয়েস মিস অ্যালারসবি?'

উজ্জ্বল লাল চেহারা নিয়ে উদয় হলো এক লোক। চুলের গোড়া থেকে শুরু করে শার্টের ঘাড় পর্যন্ত চামড়ার বাইরের অংশ সরিয়ে ফেলা হয়েছে। এতটাই নরম আর জ্বলজ্বলে যে, তাকিয়ে থাকা যাচ্ছে না। লাল চামড়ার ওপরে মোটা হয়ে চকচক করছে ভ্যাসেলিনের স্তর। চওড়া কানঅলা টুপি পরে আছে লোকটা, যেন সূর্যের আলো কোনোভাবেই সরাসরি চামড়ায় না পড়ে।

সারাহ্ অ্যালারসবি বলে উঠল, 'এই দুই ভিজিটর ট্যারে যেতে চান। তুমি কি তাদের নিয়ে যাবে প্লিজ?'

'সানন্দে, মিস অ্যালারসবি।'

লোকটা ঘুরে স্যামকে পেছনে এত জোরে ঠাক্কা দিল যে টলমল পায়ে স্যাম প্লাজা পার হয়ে জঙ্গলের দিকে এগোতে লাগল। দ্বিতীয় আরেককজন এগোল রেমির দিকে। রেমি তাড়াতাড়ি ঘুরে স্যামের দিকে তাকাল। দ্বিতীয় জন স্প্যানিশে কিছু একটা বলে উঠল, সাথে সাথে আস্তে আস্তে লাগল দশজন সশস্ত্র গার্ড।

লালমুখো লোকটার হোলস্টারে পয়েন্ট পঁয়তাল্লিশ পিস্তল। ডান হাতের পাশে রেখে হাঁটছে লোকটা। মাঝে মাঝেই হাত দিয়ে ছুঁয়ে দেখছে। বুড়ো আঙুল দিয়ে হাতলে হাত বোলাচ্ছে, যেন নিশ্চিত হতে চায় যে দরকারের সময় সহজেই পাওয়া যাবে।

লালমুখো লোকটার সঙ্গীর দিকে তাকিয়ে স্প্যানিশে কথা বলে উঠল এক গার্ড। লোকটা আবার তার বন্ধুকে জানাল, ‘অ্যাই রাস্? গার্ড বলছে তারা বোর হয়ে গেছে। তুমি না করতে চাইলে তারাই শেষ করে দেবে।’

‘থ্যাংকস্ রুইজ। তাদের বলো ফিরে যেতে। নিজেরা মিলেই এটা শেষ করতে চাই আমি।’

‘কেন?’

‘কিছু কিছু জিনিস আছে, যা আমি নিজের হাতে করতে চাই। যদি তোমারও ভালো না লাগে, ওদের সাথে চলে যাও।’

‘না। আমি থাকব তোমার সাথে।’ রুইজ ঘুরে তাকিয়ে অন্যদের ভাগিয়ে দিল স্প্যানিশে কিছু বলল। গার্ডদের একজন একটা যন্ত্র এগিয়ে দিল তার দিকে। বেলচার মতো ফলাঅলা আর ঝাঁটো হাতল, হাতে নিয়ে রুইজ বলে উঠল, ‘ধন্যবাদ।’ পিরামিডের দিকে ফিরে গেল গার্ডদের দল, স্যাম, রেমি আর বাকি দুজন হাঁটতেই লাগল।

‘ওদের অনুমতি দিলেই হয়তো ভালো করতে তুমি।’ বলে উঠল স্যাম। ‘দুজনের কাছ থেকে পালানোটা দশজনের চেয়ে সহজ।’

‘কী বলতে চাও?’ খেঁকিয়ে উঠল রাসেল।

‘সারাহ্ তো অনুমতি দিয়েই দিল আমারদের মেরে ফেলার।’ বলে উঠল রেমি।

‘ওহ, দেখ, তুমি আমাদের হাঁটিয়ে নিয়ে এলে। তারা গুলির শব্দ শুনতে পেল আর তুমি একা ফিরে গেলে। খুব পারফেক্ট কোনো অপরাধ হলো না।’ জানাল স্যাম।

‘হাঁটতে থাকো।’ এবারে খেঁকিয়ে উঠল রুইজ।

রেমি আবারো বলে উঠল, ‘আমি আসলে সব লোকদের চেয়ে আলাদা। যাদের তুমি মেরে ফেল আর কেউ কিছুই বলে না। ইউনাইটেড স্টেটস্ অ্যান্ডাসি আজ আমরা কোথায় যাব তার একেবারে নির্ধারিত লোকেশন জানে।’

‘আমাদের নিয়ে চিন্তা করো না।’ উদ্ভর উঠল রাসেল। ‘উই উইল ম্যানেজ।’

‘যাই হোক, তোমার মুখে কী হয়েছে?’

‘তোমরা যা করেছ।’

‘সত্যি? কীভাবে আমরা এটা করলাম।’

‘স্পেনে তোমার ছোট্ট বুবি ট্র্যাপ। নীল কালি কিছুতেই মুছে যায়নি, তাই আমাকে কেমিকেল পিল খেতে হয়েছে।’

‘ব্যথা করেছে?’ জানতে চাইল রেমি।

‘অবশ্যই, কষ্ট হচ্ছে। কিন্তু প্রতি সেকেন্ডে কমেও যাচ্ছে। ব্যথা সহনীয় হয়ে যায় যখন অন্যরাও তোমার মতো একই অনুভব করে।’

জঙ্গলের ভেতর নিয়ে গেল রাসেল। ঘন গাছপালার ভেতর দিয়ে এগোচ্ছে তারা। কয়েকটা নালা পার হয়ে এসেছে যেগুলো বর্ষাকালে নিশ্চয়ই নদী হয়ে যায়। পুরাতাত্ত্বিক সাইট থেকে এক মাইল বা তার চেয়েও দূরত্বে পৌঁছে দেখা গেল পরিত্যক্ত উপত্যকা। মাঝখানে শুকনো নদী। রাসেল রুইজাকে বলে উঠল, ‘লোকটাকে বেলচা দাও।’

দূরত্ব বজায় রেখে ছোট্ট মেটেরঙা যন্ত্রটা স্যামের পায়ের কাছে ছুড়ে দিল রুইজ।

‘গর্ত খোঁড়ো।’ আদেশ দিল রাসেল।

রাসেল আর রুইজের দিকে তাকাল স্যাম। কিন্তু একবারও রেমির দিকে নয়। চাইছে তারা দুজন যেন রেমির অস্তিত্ব ভুলে যায়। গত কয়েক বছর ধরেই স্যাম আর রেমি জানে যে যেকোন বিপজ্জনক জায়গায় অপহরণ, ডাকাতি কিংবা অন্য যেকোনো সমস্যা নেমে আসতে পারে তাদের ওপর। তাই নানা ধরনের কৌশল নিয়ে আলোচনা আর প্র্যাকটিস করেছে দুজন। যেকোনো শক্ত পরিস্থিতিতে কাজে লাগানোর জন্য এরকম কৌশলের একটি হলো প্রতিপক্ষকে এমনভাবে দিকভ্রষ্ট করা, যেন তারা রেমিকে আমলে না নেয়।

কৃশকায়, নাজুক টাইপের সুন্দরী রেমি। আর বেশ স্মার্টও। এখন অপেক্ষা করছে অ্যাথলেটিক কম্পিটিশানে যা সবসময় করে এসেছে জার করার জন্য; নিজের রিফ্লেক্স, গতি, ভারসাম্য, নমনীয়তা আর সমরজ্ঞান দিয়ে প্রতিপক্ষের ওপর ঝাঁপিয়ে পড়ার; যে কিনা স্বপ্নেও ভাবতে পারেনি যে রেমি কিছু একটা করতে পারে কিংবা এই মুহূর্তে সেই একমাত্র সমস্যাধর পরিস্থিতিতে আছে এমন দিবাস্বপ্নে জমে আছে শত্রু।

গর্ত খুঁড়ছে স্যাম। ডান হাত হওয়ায় বেলচার ফলা আঘাত করছে ডান জুতা দিয়ে। ময়লা তুলে ছুড়ে মারছে বাম পাশে দাঁড়ানো রাসেল আর রুইজের দিকে। সরাসরি রেমি কিংবা তাদের কারো দিকেই তাকাচ্ছে না স্যাম। কিন্তু এটুকু ঠিকই দেখে নিয়েছে যে ইতিমধ্যে সঠিক পাথর বাছাই করে নিয়েছে

রেমি। পায়ের কাছে পড়ে থাকায় রেমি যখন-তখন ব্যবহার করতে পারবে এগুলো। তাকে দেখাচ্ছেও দুর্বল আর কাঁদো কাঁদো।

গর্ত খোঁড়ার সময় স্যামের মনে হলো আবছাভাবে হেলিকপ্টারের শব্দ শোনা যাচ্ছে। না, ভাবল স্যাম। এবারে একের চেয়ে বেশি। গভীর শব্দ যতই এগিয়ে আসতে লাগল স্যাম নিশ্চিত হয়ে গেল যে এগুলো সারাহ্ অ্যালারসবির নয়।

ওপরে তাকাল রুইজ। কিন্তু লম্বা গাছ ছাদের কাজ করায় কিছুই দেখতে পেল না সে। রুইজ তাই বলে উঠল, ‘যাক, গুলির আওয়াজ ঢাকা পড়ে যাবে।’

স্যাম আর রেমি তৎক্ষণাৎ বুঝে গেল রাসেল এরপর কী করবে, করলও ঠিক তাই। রুইজের পরামর্শ ভাবতে ভাবতে তাদের দিকে তাকাল রাসেল।

আগের পঞ্চাশবারের মতো এবারেও একইভাবে বেলচা চালান স্যাম। শুধু গতি হলো দ্রুত আর আরো উঁচু। ছুড়ে মারল কয়েক পাউন্ড বালি আর ময়লা কাদা রাসেলের ক্ষত-বিক্ষত মুখে। তারপরই অগভীর গর্তটা থেকে বের হয়ে রুইজের পা বরাবর চালিয়ে দিল বেলচা।

দুই হাত উঁচু করে এগিয়ে আসা মাটি ঠেকাতে চাইল রাসেল। ফলে বেলেটে থাকা পিস্তলে হাত গেল না। একই সময়ে চোখও বন্ধ করে ফেলল, কেননা পাথর ছুড়ে মারল রেমি।

রাসেলের মাথার এক পাশে গিয়ে পাথর লাগাতে ভারসাম্য হারিয়ে পড়ে গেল সে। সামনে লাফ দিয়ে পড়ল রেমি, রাসেল টলমল করতেই হোলস্টার থেকে নিয়ে নিল পিস্তল।

নিজের কাজ শেষ করল স্যাম। সজোরে বেলচা চালান রুইজের ডান পায়ে। আগেই ভয় পেয়ে লাফ দিয়েছিল রুইজ, ফলে মাটিতেই পড়ে গেল টাল সামলাতে না পেরে। বেলেটের পিস্তলের কাছে হাত দিতেই বেলচার ফলা দিয়ে আটকে ফেলল স্যাম। হাঁটু দিয়ে মারল রুইজের বুকে। পিস্তল কেড়ে নিয়ে পিছিয়ে এসে তাক করল রুইজের দিকে।

আহত প্রতিপক্ষের ওপর উঠে দাঁড়াল স্যাম আর রেমি। এমন সময় তীব্র হয়ে উঠল রোটরের গর্জন।

‘এখন তাদের নিয়ে কী করব?’ জানতে চাইল রেমি। ‘এটা ধরো।’ স্যাম রেমিকে আরেকটা পিস্তল ধরিয়ে দিল। ফলে দুই শত্রুর ওপর দুটো পিস্তল ধরে

দাঁড়িয়ে রইল রেমি। হাঁটু গেড়ে রাসেল আর রুইজের জুতা থেকে লম্বা চামড়ার লেস খুলে দুজনকে একসাথে বাঁধল। তারপর উঠে দাঁড়িয়ে বলল, 'এই মূহূর্তে এটুকুই করা গেল। আমাদের সাইটে ফিরে যেতে হবে। কোডেব্র একমাত্র আমরাই দেখেছি।'

দুই জোড়ো জুতা হাতে নিয়ে জঙ্গলের দিকে দৌড় লাগল স্যাম। আরো একবার বন্দি দুজনের দিকে তাকিয়ে পিছু নিল রেমি।

ধ্বংস হয়ে যাওয়া শহর

খোলা বিশাল জায়গাটার জঙ্গলের কিনারে পৌছে নিজেদের খানিক আলিঙ্গন করে দাঁড়িয়ে রইল স্যাম আর রেমি। ‘আমাকে স্মরণ করিয়ে দিও, যেন কখনো কেমিকেল পিল না খাই।’

‘তুমি ভুলে যাবে—এ ব্যাপারে আমার সন্দেহ আছে। কিন্তু তারটা একটু বেশিই ভয়ংকর।’ বলে উঠল স্যাম।

‘হ্যাঁ। ভাবতে ভালোই লাগছে যে, কিছু মানুষ বাড়তি সৌন্দর্যের জন্য কী করে।’

ফিকফিক করে মুচকি হাসি হাসতে লাগল স্যাম। বিশাল জায়গাটায় ফিরে এসে দেখল দুটো বড়সড় সি এইচ-৪৭ চিনুক সৈন্যবাহী হেলিকপ্টার দুই দিকে দাঁড়িয়ে আছে। ধ্বংসাবশেষের বিস্তৃত অংশে নিজেদের অবস্থানে দাঁড়িয়ে আছে যুদ্ধসাজে সজ্জিত সৈন্যরা। সূর্যের হাত থেকে বাঁচতে তৈরি চাদোয়ার চারপাশে দাঁড়িয়ে আছে একদল। কমান্ডার রুয়েডা কথা বলছেন আর অশ্বস্তি নিয়ে দাঁড়িয়ে আছে সারাহ্ অ্যালারসবি আর তার দল।

চোখ তুলে স্যাম আর রেমিকে আসতে দেখে যেন ভিরমি খাবার জোগাড় হলো সারাহ্ অ্যালারসবির। খানিকটা নোংরা আর হতভম্বও মনে হলো, ঘামছে।

‘হ্যালো, সারাহ্।’ আন্তরিকভাবে বলে উঠল রেমি।

সময় পাওয়া যায়। ফিরে আসার সময় দৌড়াতে দৌড়াতে এসেছিল সে আর রেমি। এইবার মনে হচ্ছে জঙ্গলের পথ আর ফুরোচ্ছেই না। কিন্তু যাক, অবশেষে ছোট উপত্যকাটার কাছে পৌঁছে গেল, যেখানে তাকে নিয়ে এসেছিল রাসেল আর রুইজ।

বিধি বাম। চলে গেছে বদমাশ দুটো। মুহূর্তখানেক চুপ করে রইল স্যাম। সৈন্য তিনজন তাকিয়ে রইল তার দিকে। জায়গাটা আঙুল দিয়ে দেখিয়ে বলে উঠল, ‘এই জায়গাতে ওদের বেঁধে রেখে গিয়েছিলাম। মনে হচ্ছে ভালোমতো করিনি কাজটা।’

সার্জেন্ট বলে উঠলেন, ‘আপনি নিশ্চিত এটাই সেই জায়গা?’

‘আমাকে দিয়ে এই কবরটা খুঁড়িয়েছে ওরা।’

কাছাকাছি ঘুরে এলো এক সৈন্য। ‘আমি মনে হয় বুঝতে পারছি। তাদের একজন এখান থেকে গড়িয়ে ওদিকে গেছে, অন্যজনের কাছে।’ মাটি থেকে এক টুকরা চামড়া তুলে নিয়ে খুব কাছ থেকে পরীক্ষা করে সৈন্যটা আবার জানাল, ‘আরেকজনে চামড়ার ফিতা কামড় দিয়ে কেটেছে।’

‘এরকমটা হতে পারে আগেই ভেবে নিয়ে আমার উচিত ছিল ওদের গাছের সাথে বাঁধা।’

স্যাম বলে উঠল। ‘হয়তো চেষ্টা করলে পিছু নেয়া যাবে।’

ট্র্যাকার মনে হচ্ছে এমন সৈন্যটা আশপাশে বৃত্ত মতো জায়গাটায় ঘুরে এলো মাটির দিকে চোখ রেখে। এরপর চারপাশের লতাপাতাও পরীক্ষা করে দেখল। খানিক দূর জঙ্গলের দিকে এগিয়ে আবার ফিরে এসে অন্য পথে এগোল। আবার ফিরে এলো। ‘পায়ের কোনো চিহ্নই দেখছিল না। কোনো দিকে যেতে হবে বুঝতে পারছিল না।’

ওরা খালি পায়ে ছিল।’ জানাল স্যাম। ‘আমরা ওদের জুতা নিয়ে গিয়েছিলাম। তাই কোনো ফুট প্রিন্ট পাওয়া যাবে না।’

কাঁধ ঝাঁকালেন সার্জেন্ট। ‘খালি পায়ে বেশি দূর যেতে পারবে না। ক্যাম্পে ফিরে যেতেই হবে, নতুবা এখানে পচে মরতে হবে।’

কয়েক সেকেন্ড ধরে মাটির দিকে তাকিয়ে রইল স্যাম। ছেড়ে যেতে মন চাইছে না। তিনজন সৈন্য ক্যাম্পে ফেরার পথ ধরতে স্যামকেও নড়তে হলো। কী মনে হতেই থেমে গিয়ে খোলা জায়গায় ঝোপ ঝাড়গুলোও চেক করে এলো, কিন্তু কিছুই পেল না। অবশেষে দীর্ঘনিঃশ্বাস ফেলে সৈন্যদের পিছু নিল।

স্যাম আর তার সৈন্যরা প্লাজায় ফিরে আসতেই দেখা গেল যে আর্মি হেলিকপ্টারের খোলা দরজা দিয়ে লোকজন ভেতরে ঢুকছে। বেসামরিক দুটো

হেলিকপ্টারে সৈন্যরা ক্যামেরার যন্ত্রপাতি, ভাঁজ করা তাঁবু আর রসদ লোড করে নিয়েছে। ক্যামেরা ড্রু, সারাহ্ অ্যালারসবির অ্যাসিসট্যান্ট আর খননকাজের সুপারভাইজারও উঠে বসল।

কিন্তু স্যামের নজর পড়ল হ্যাডকাফ পরা সারাহ্‌র দিকে। কমান্ডার রুয়েডা পাহারা দিয়ে নিয়ে যাচ্ছে দুটো বড় হেলিকপ্টারের একটার দিকে।

স্যামের অপেক্ষায় মাঠে দাঁড়িয়ে ছিল রেমি। দৌড়ে এলো স্বামীর কাছে, ‘কোথায় ওরা?’

‘একজন গড়িয়ে আরেকজনের কাছ গিয়ে চামড়ার ফিতা চিবিয়ে খেয়েছে। ভেগে গেছে দুজনই।’

‘আমি নিশ্চিত এটা রুইজের কাজ।’ ঘোষণা করল রেমি। ‘ওর দাঁত সত্যিই চমৎকার।’

‘সার্জেন্ট বলছেন যে খালি পায়ে কোথাও যেতে পারবে না ওরা। অন্যদিকে আমি বেশ মনে করতে পারছি যে পৃথিবীর এ অংশের অনেক লোক আছে যাদের কোনো জুতা নেই। কী হচ্ছে এখানে?’

‘রুয়েডা জানিয়েছেন যে সারাহ্‌র সুটকেসে কোডেক্সের চার পৃষ্ঠা মানচিত্রের ফটোকপি পাওয়া গেছে, সেখানে এই সাইটও মার্ক করা আছে। ওনার কাছে আমরা যেগুলো বাছাই করেছি, সেগুলোসহ আরো কয়েকটা সাইটের এরিয়াল ফটোগ্রাফও আছে। এটা কোডেক্স না হলেও প্রমাণ পাওয়া গেল যে ছবি তোলার মতো যথেষ্ট সময় ধরে আসল কোডেক্সটা ছিল ওর কাছে।’

‘অ্যারেস্ট করা হয়েছে নাকি?’

মাথা নাড়ল রেমি। ‘গুয়েতেমালা শহরে বিচার হবে চুরি করা সম্পদ রাখা আর এই সাইট তহনছ করার দায়ে। আমার মনে হয় রুয়েডা সর্বসাধারণের সামনে কিছু করতে চান, যেন এরকম কাজ করে এমন অন্যরাও সিধে হয়ে যায়।’

‘হুম, চলো, সভ্য জগতে ফেরার আগে ব্যাকপ্যাকগুলো তুলে নিয়ে আসি।’

‘তুমি সৈন্যদের সাথে চলে যাবার পর আমি গিয়ে নিয়ে এসেছি।’ ফিসফিস করে জানাল রেমি। ‘জঙ্গলের মাঝে ফেলে আসা পিস্তলগুলোও আনতে গিয়েছিলাম। পার্টে পার্টে খুলে ফেলে ব্যাগে ভরে এরই মাঝে হেলিকপ্টারে তুলে দিয়েছি।’

‘ভালোই করেছ, থ্যাংকস।’ চারপাশে তাকাল স্যাম। হেলিকপ্টারে উঠে গেছে সৈন্যরা। শুধু জনাছয়েক পিরামিডের কাছে ক্যাম্প করছে জায়গাটা

পাহারা দেয়ার জন্য। 'জায়গা শেষ হয়ে যাবার আগেই হেলিকপ্টারে উঠে বসা ভালো। চলো।'

প্রথমে উঠে গেল রেমি। পিছু নিল স্যাম। দুই পাশেই নাইলনের জালের সিট একজোড়া বেছে নিয়ে সিটবেল্ট বেঁধে বসে পড়ল দুজন। মিনিটখানেক পরেই প্রাণ ফিরে গর্জন করে উঠল ইঞ্জিন। আকাশে উঠে গেল বিশাল যান্ত্রিক পাখি।

ওপরে চোখ তুলে তাকাল জেরি রুইজ। প্রথমে শেষে পরপর দুটি হেলিকপ্টার উড়ে গেল মাথার ওপর দিয়ে। ভেবে দেখল দক্ষিণে গুয়েতেমালা শহরের দিকেই যাচ্ছে ওগুলো।

'এখন আর কোনো ভয় নেই। পিরামিডের কাছে ফিরে যাওয়া যায়।' বলে উঠল রাসেল। বড় দুটো নির্ঘাত সৈন্যবাহী চপার হেলিকপ্টার।'

'ঠিক আছে, চলো যাই।' জানাল রুইজ। 'ফারগোরা জুতাগুলো কোথায় রেখে গেছে, দেখ তো দেখা যায় কিনা।'

'কয়েক ফুট হেঁটে এগোল রাসেল। হঠাৎ করেই পা পড়ল চোখা পাথরের ওপর। লাফ দিয়ে এক ফুট সামনে গিয়েই আছাড় খেয়ে পড়ল পথের মাঝখানে।

'আহ্! ওহ! খোদারে!' পথের ওপর বসেই কোঁকাতে লাগল রাসেল। দুই পায়ের গোড়ালির দিকে খানিক তাকিয়ে থেকে আবারো উঠে হাঁটা শুরু করল। আর ক্ষতবিক্ষত, লালরঙা মুখের অবস্থা এখন আরো ভয়ংকর হয়ে উঠেছে। স্যামের ছুড়ে দেয়া বালিকণা গিয়ে আটকে গেছে ভ্যাসলিন মাখানো কাঁচা চামড়া আর মাটিতে পড়ে থাকা অবস্থায় মুখে ঐটে বসেছে ঘাম, ময়লা আর ছোট ছোট ডালভাঙা।

অবস্থা বিবেচনা করে কিছু না বলার সিদ্ধান্ত নিল রুইজ। রাসেলকে মনে করিয়ে দিয়ে কোনো লাভ হবে না যে তার চেহারার কী অবস্থা, কিন্তু ভয়ংকর এই পথে একটু পরে পরেই পড়বে চোখা পাথর, দু'পাশে থাকবে ঝোপের মাঝে চোরাকাঁটা। গত দশ মিনিটে এমনিতেই ছয় থেকে সাত খোঁচা খেয়ে ফেলেছে।

হাঁটতে গিয়ে রুইজেরও কষ্ট হচ্ছে। হাঁটুর দিক ওপরেই খানিকটা কেটে গেছে বেলচার বাড়ি খেয়ে, বড়সড় জায়গা কথা হয়ে গেছে সাথে সাথে। বুকের পাঁজরের একটা বা দুটো হাড়েও ব্যথা পেয়েছে। তাই নিঃশ্বাস ফেলতেও কষ্ট হচ্ছে। তারপরও গড়িয়ে রাসেলের কাছে গিয়ে চামড়ার ফিতা কামড় দিয়ে কেটে দিয়েছে। ব্যাপারটা সহজ ছিল না। কিন্তু সে ভালোই বুঝেছিল যে কিছু না করতে পারলে গুয়েতেমালা শহরে গিয়ে খুনের চেষ্টার

দায়ে জেলের খানি টানা ছাড়া উপায় নেই। আর সৈন্যরা তাদের খুঁজে না পেলেও এখানেই মরে থাকতে হতো দুজনকে।

মেক্সিকোর এক প্রত্যন্ত গ্রামে বড় হয়েছে রুইজ। ভালো করেই জানে যে জঙ্গলে রাতের বেলা চক্কর কাটা জাগুয়ারের চোখ এড়াতে না দুজন রক্তাক্ত আর অসহায় মানুষ। এও জানে যে, সবচেয়ে বড় বিপদকেও অনেক সময় ভয়ংকর বলে চেনা যায় না। ছোট্ট একটা পোকাকর কামড়ে হয়ে যেতে পারে ম্যালেরিয়া, ডেঙ্গু কিংবা চাগাস রোগ। তাই নিজেদের মুক্ত করার তাগিদেই এমনটা করেছে সে। নতুন এখনো তারা জঙ্গলেই পড়ে থাকত, পাতা দিয়ে ঢেকে শুয়ে থাকতে হতো। সৈন্যরা এসে চলেও গেছে। এখন হয়তো সব ঠিক হয়ে যাবে। কিন্তু চিন্তা হচ্ছে রাসেলকে নিয়ে। নীল কালি খাওয়ার পর থেকে কেমন উল্টাপাল্টা করছে সে। সারাক্ষণ রেগে তেঁতে আছে। ঘি ঢালছে চেহারার ব্যথা।

চিন্তায় পড়ে গেছে রুইজ। যেকোনো ছোট্ট একটা ভুল সিদ্ধান্তও মরণ ডেকে আনতে পারে। খুঁড়িয়ে খুঁড়িয়ে রাস্তা থেকে নেমে পাঁচ ফুট লম্বা দুটো চারা গাছ খুঁজে নিয়ে এলো রুইজ। বড় একটা গাছ ভেঙে পড়ে আছে মাটিতে। সেখান থেকেই এনে পাতা ছিঁড়ে ফেলে দুজনের জন্য দুটো ওয়াকিং স্টিক বানিয়ে ফেলল। ‘এই যে নাও। এখন হাঁটতে সুবিধা হবে।’

ওয়াকিং স্টিক ব্যবহার করে নিঃশব্দে হাঁটতে লাগল দুজন। লাঠির গায়ে ভর দেয়ায় হঠাৎ করেই পাথরের ওপর পা পড়ার সম্ভাবনা কমে গেল আর কয়েকটা খারাপ স্পট পার হতে ভারসাম্য রাখাটাও সহজ হলো। ধ্বংসাবশেষের কাছে পৌছাতে দুজনের লেগে গেল প্রায় এক ঘণ্টা। জঙ্গলের কিনারে থাকতেই দেখতে পেল হাফ ডজন সৈন্য ছাড়া আর কেউ নেই। সৈন্যরাও ছড়িয়ে-ছিটিয়ে বসে আছে বিশাল পিরামিডের ধাপে ধাপে। ছোট্ট আগুনের কুণ্ড তৈরি করে দুজন করে থাকতে পারে এমন ছয়টা তঁখুঁও খাটিয়ে ফেলেছে সৈন্যরা।

খোলা জায়গাটার দিকে পা বাড়াল রাসেল। কিন্তু আটকাল রুইজ, ‘দাঁড়ও, ওরা তো সৈন্য।’

‘আমিও সেরকমই দেখছি।’

‘কী হবে যদি ওরা এখানে আমাদের আশাভেঁই বসে থাকে?’

থেমে গিয়ে খানিক ভাবল রাসেল। কিন্তু মনে হলো কোনো কুলকিনারা পেল না।

রুইজ আবারো বলে উঠল, ‘ফারগোরা নিশ্চয় সৈন্যদের বলেছে যে আমরা ওদেরকে খুন করতে চেয়েছিলাম।’

রাসেল জানাল, 'তার চেয়েও বড় সমস্যা, সভ্য জায়গা থেকে শত শত মাইল দূরে আছি আমরা, সাথে নেই কোনো খাবার, পানি, জুতা। ওদের কাছে আছে।'

'তাদের কাছে তো অস্ত্রও আছে। অ্যান্ট রাইফেল, পুরো অটোমেটিক।' মনে করিয়ে দিল রুইজ।

'ওরা ঘুমানো পর্যন্ত তাহলে অপেক্ষা করি। তারপর হামাগুড়ি দিয়ে গিয়ে গলা কেটে রেখে আসব।'

'ছয়জন। প্রতিটিতে দুজন করে এমনকি দুজনে মিলে দুই তাঁবুতে চারজনকে মারলেও যদিও আমাদের কাছে ছুরিটাও নেই, একজনকে মারার সময় আরেকজন গোঙাতে থাকবে। তারপরও আরেকটা তাঁবুতে দুজন থাকবে, শুনতে পেলেই এসে গুলি করা শুরু করবে।'

'খালি পায়ে এখান থেকে কোথাও যেতে পারব না। সভ্য জগৎ এখান থেকে বহু দূরে।'

'দাঁড়াও। ওদিকে দেখ। ওরা সূর্যের হাত থেকে বাঁচতে যে চাদোয়া বানিয়েছিল সেটা রেখে গেছে। ক্যানভাস দিয়ে পা মুড়ে হাঁটা যাবে।'

আহত পশুর মতো মুখভঙ্গি করল রাসেল। কিন্তু রুইজের কথা শুনে মনে হলো খানিক শান্তও হলো। 'ওকে, চলো তাই করি। তুমি যেমন চাও না, তেমনি আমিও চাই না ছয়জনের সাথে লাগতে।'

স্বস্তি পেল রুইজ। 'আমি ক্যানভাস নিয়ে আসব।' আর কোনো উত্তর শোনার অপেক্ষায় না থেকে খোলা জায়গার বাইরে জঙ্গলের দিকে চলে গেল রুইজ। এবড়ো-খেবড়ো রাস্তায় ছিলে গেল পা কিন্তু তারপরও চলতে থাকল। বারবার তাকিয়ে খেয়াল রাখল যেন পিরামিডের ধাপে বসে থাকা সৈন্যরা দেখে না ফেলে। অ্যালুমিনিয়াম পোলের তীক্ষ্ণ মাথা ব্যবহার করে ক্যানভাসে ফুটো করে ফেলল। তারপর টেনে ছিঁড়ে ফেলল বড় একটা টুকরা, ভাঁজ করে নিয়ে এলো নিজের সাথে।

রাসেলের কাছে ফিরে চারটা চারকোনা টুকরা কেটে মিল। প্রতিটি টুকরার মাঝখানে পা রেখে গোঁড়ালির চারপাশে জুতার ফিতা দিয়ে বেঁধে নিল ক্যানভাসের টুকরা। খোলা জায়গার ওপর পড়ন্ত বিকেলে বিল্ডিংয়ের ছায়া দেখে আন্দাজ করে নিল কম্পাস আর ওয়াকিং স্টিকে ভর রেখে খোঁড়াতে খোঁড়াতে এগোতে লাগল দক্ষিণের দিকে।

'পরেরবার এত পরিষ্কার কোনো কাজ করব না।' ঘোষণা করল রাসেল। 'কোনো কবর খোঁড়া নয়, দূরেও নেব না। দেখার সাথে সাথে গুলি। আর কোনো কথা নেই। যদি প্রত্যক্ষদর্শী থাকেও, তাদের মেরে ফেলব।'

জঙ্গলের রাস্তায় হাঁটতে হাঁটতে অনবরত বিভিন্ন অভিযোগ শুনতে হলো রুইজকে। যতবার রাসেল কথা বলা শুরু করল, ততবার সে প্রমিঁজ করল সময় নিয়ে মৃত্যু যন্ত্রণা দিয়ে খুন করবে স্যাম আর রেমি ফারগোকে। তারপরে ও চুপচাপ নিঃশব্দে হাঁটতে লাগল রুইজ। কেউ হয়তো কখনো বলেছিল যে কথা বললে ভুলে থাকা যাবে পা, পাঁজর আর হাতের ব্যথা। কিন্তু ব্যথার কল্যাণে মন অন্যদিকে সরে আছে। শুনতে হচ্ছে না রাসেলের একঘেয়ে অভিযোগ। এই মুহূর্তে এটুকুই যথেষ্ট। পরে কখনো যদি সে আর রাসেল এই সবুজ জেলখানায় আটকে পড়ে আর রুইজ যদি সচল হাত-পা ফিরে পায়, তাহলে আনন্দ নিয়েই খুনের প্ল্যান করা যাবে। এখন থাক।

গুয়েতেমালা সিটি

গুয়েতেমালা সিটির কেন্দ্রীয় আদালত বিল্ডিংয়ে বিচারসভা বসল কয়েক দিন পর। অ্যাড্বাসি থেকে এসেছেন এমি কস্তা। উনার সাথে এসেছে স্যাম আর রেমি। বসার একটু পরেই কস্তা বলে উঠলেন, ‘ওহ! ধ্যাত, আমার একটুও ভালো লাগছে না এসব।’

‘কী হয়েছে?’ জানতে চাইল রেমি।

‘আমি ঠিক নিশ্চিত নই। কিন্তু দেখে মনে হচ্ছে যেমনটা ভেবেছিলাম তেমন কিছু না। ডিফেন্স টেবিলের পেছনের সারিতে বসে থাকা লোকগুলোর দিকে তাকান।’

কমপ্যাক্ট বের করে মেকআপ ঠিক করার ভঙ্গি করল রেমি। এই ফাঁকে আয়নাকে কাজে লাগাল পেছনের মানুষগুলোকে দেখার জন্য। দামি ছাটের সুট পরে বসে আছেন ছয়জন। গুয়েতেমালার অর্ধেক মানুষই হচ্ছে মায়াদের বংশধর। কিন্তু এই লোকগুলোকে দেখে মনে হচ্ছে স্প্যানিশ। লার্স ক্যাসাসের কাগজ দেখার জন্য ভালাডোলিডে যাবার পর এ ধরনের মানুষদেরকেই দেখেছিল দুজন। ‘কারা এরা?’

‘ইন্টেরিওর মিনিস্টার, কোর্টের চিফ জাস্টিস, দুজন গুরুত্বপূর্ণ বাণিজ্যিক কর্মকর্তা, প্রেসিডেন্টের দুজন সিনিয়র রাজনৈতিক উপদেষ্টা।’

‘মানে?’

‘মানে হচ্ছে যেন বিয়েতে বরপক্ষ আর কনেপক্ষ। তারা এসেছে অপরাধীর পক্ষে।’

‘আপনাকে বিস্মিত মনে হচ্ছে?’ মন্তব্য করল রেমি।

‘আসলে অবাক হওয়াটা উচিত হচ্ছে না। তাও অবাক হয়েছি আমি। ২০০৮ সালে শান্তি হতে অব্যাহতির বিপক্ষে ইন্টারন্যাশনাল কমিশন তৈরি করেছে এদেশ। উদ্দেশ্য ছিল আদালতে স্বচ্ছতা প্রতিষ্ঠা আর দেশ থেকে অর্ধেক সিকিউরিটি ফোর্স বিতাড়িত করা। আলটা ভেরাপেজে যার মুখোমুখি হয়েছিলেন আপনারা। এ মানুষগুলোর অন্তত তিনজন কমিশনের সদস্য। মনে হচ্ছে বন্ধুর বিপক্ষে এ কমিশন ব্যবহার করতে নারাজ তারা।’

মুহূর্তখানেক পরেই কোর্টরুমের এক পাশের দরজা খুলে গেল। দুজন পুলিশ অফিসার পাহারা দিয়ে নিয়ে এলো সারাহ্ অ্যালারসবিকে। পেছনে অ্যালারসবির অ্যাটর্নিরা। রেমি স্যামকে গুতো দিয়ে বলে উঠল, ‘চিনতে পারছ?’

স্যাম ফিসফিস করে এমিকে জানাল, ‘দলের প্রথম তিনজন কোডেক্স নিয়ে প্রস্তাব দিতে আমাদের বাসায় এসেছিল।’ সেসময়ে আসা মেক্সিকান, আমেরিকান আর গুয়েতেমালার অ্যাটর্নির সাথে আরো তিনজনকে নিয়ে এসেছে।

‘বাকি তিনজন স্থানীয় একটি বিখ্যাত ল’ ফার্মের পার্টনার।’ জানালেন এমি।

সারাহ্ অ্যালারসবি, আর আইনজীবীদের দলের সকলে দাঁড়িয়ে রইলেন। কিছুক্ষণ পরে আদালি কোর্টরুম শান্ত করার ঘোষণা দিতেই বিচারপতি ভেতরে ঢুকে সিঁড়ি বেয়ে ওপরে উঠে নিজের বেঞ্চে বসলেন। কয়েকবার হাতুড়ির ঠুকঠুক করে অর্ডার আনলেন কোর্ট রুমে। সবাই যার যার জায়গায় বসে পড়ল।

বিচারপতির কোর্ট চেয়ার স্পর্শ করতে না করতেই বাদী-বিবাদী দু’পক্ষের উকিলরা ছুটে গেলেন তার কাছে। কয়েক মিনিট পরামর্শ করে নিলেন বিচারপতির সাথে।

স্যাম ফিসফিস করে বলে উঠল, ‘জিজ্ঞাসাবাদ করার তো কোনো নামগন্ধ পাচ্ছি না।’

‘আমিও না।’ ফিসফিসিয়ে উত্তর দিলেন এমি। ‘আমার মনে হয় এরই মাঝে কেস সমাধান হয়ে গেছে।’

‘কীভাবে সম্ভব?’ জিজ্ঞেস করে উঠল স্যাম।

‘আর যদি তাই হয় তাহলে এসব উচ্চপদস্থ লোকগুলোই বা কী করছে এখানে?’ জানতে চাইল রেমি।

‘আমার ধারণা, বিজয়ীর দলকে সাধুবাদ জানাতে এসেছে। তার মানে বিচার যদি অন্ধও হয়, ঝামেলা সৃষ্টির মতো বোকামি করবে না কেউ।’

উকিলদের দিকে তাকিয়ে অধৈর্য হবার ভঙ্গি করলেন বিচারক। মুরগির বাচ্চার মতো কিলবিল করতে করতে টেবিলের পেছনে নিজেদের জায়গায় এসে বসে পড়লেন উকিলেরা।

‘মিস অ্যালারসবির উপদেষ্টা পরিষদ আর গুয়েতেমালার নাগরিকদের পক্ষ থেকে সেটেলমেন্ট প্রস্তাব গ্রহণ করেছে আদালত।’

‘এভাবে কেন থেমে গেল বিচারকার্য?’ বলে উঠল স্যাম। আশপাশের সকলেই অসম্মতির ভঙ্গিতে তাকিয়ে রইল স্যামের দিকে। নিজের নোটের দিকে তাকালেন বিচারপতি। তারপর বলে উঠলেন, ‘প্রমাণের অভাবে মায়াকোডেক্সের অভিযোগ ডিসমিস হয়ে গেছে। এ ধরনের কোনো বই পাওয়া যায়নি। হুমকি দিয়ে ভায়োলেন্সের অভিযোগও খারিজ হয়ে গেছে। সন্দেহভাজন দুজনকে পাওয়া যায়নি।’

‘এসব পুরোপুরি ভগামি।’ বলে উঠল স্যাম। ‘প্রমাণ দেয়া কি পুলিশের কাজ নয়?’ চারপাশে গুঞ্জন শুরু হয়ে গেল। দ্বিতীয়বারের মতো তাকাতে লাগল লোকজন।

হাতুড়ি ঠুকঠুক করে স্যামের দিকে তাকালেন জজ। এমি কস্তা ফিসফিস করে বলে উঠলেন, ‘মনে হচ্ছে কোর্টরুম খালি করে দিতে বলবেন উনি। প্লিজ শান্ত হয়ে বসুন নতুবা সবাইকে বের করে দেবেন। তাহলে হয়তো আরো কয়েক সপ্তাহ অপেক্ষা করতে হবে।’

যে কাগজগুলো পড়ছিলেন সেগুলো একপাশে রেখে আরেক সেট কাগজ তুলে নিলেন জজ। আবারো স্প্যানিশ ভাষায় পড়তে শুরু করলেন। ‘আমি কিছুই বুঝতে পারছি না।’ বলে উঠল স্যাম। ‘কী বলছেন উনি?’ ‘প্রাচীন শহরটার অপ্রতিদ্বন্দ্বী আবিষ্কারক হিসেবে নিজেকে দাবি করছেন মিস অ্যালারসবি। আলটা ভেরাপেজ অঞ্চলের প্রাণিজগতের নিরাপত্তার স্বাতিরে ব্যবহার করার জন্য ইন্টেরিওর মিনিষ্টারকে অর্থ প্রদান করতে চান। এর বিনিময়ে নিরানব্বই বছরের জন্য লিজ নিয়ে নেবেন পুরো অঞ্চল।’

‘অবিশ্বাস্য।’

এমি কস্তা ফিসফিস করে বলে উঠলেন, ‘মধ্যস্থতার বিষয়গুলো বর্ণনা করছেন উনি, এর মানে এই না যে সেগুলো মেনে নেবেন। আপনার কথা মতো কোনো কিছুই শর্তগুলোকে বদলাতে পারবে না।’

স্থির হয়ে বসে চুপচাপ সবকিছু দেখতে লাগল স্যাম।

এমি আবারো ফিসফিসিয়ে উঠলেন, ‘এখন আসবেন কমান্ডার রুয়েডা। অ্যালারসবি আগেই বলে রেখেছে যে কমান্ডার কখনোই তার বিরুদ্ধে লাগতে পারবে না।’

ছটফট করে উঠল স্যাম। নিচু হয়ে নিজের জুতার দিকে তাকিয়ে রইল। কিছুই বলল না।

উঁচু গলায় স্পষ্ট করে কিছু বলে উঠলেন জজ। খানিক শুনলেন এমি। তারপর অনুবাদ করে বলে উঠলেন, ‘শর্তসমূহ মেনে নিয়ে এই কেস এখানেই নিষ্পত্তি করা হলো।’ হাতুড়ি দিয়ে ঠুকঠুক করে উঠলেন জজ।

উঠে দাঁড়ালেন এমি কস্তা। আরো অনেকেও তাই করল যেন দ্বিতীয় কেস শুরু হবার আগেই রুম খালি করে দেয়া যায়। ‘চলুন।’ ফিসফিস করে স্যাম আর রেমিকে ডেকে বললেন এমি।

কিছুতেই মেনে নিতে পারছে না স্যাম। ‘কী? সব শেষ হয়ে গেল? কোনো প্রমাণ দেখানোর কিংবা পরীক্ষা করার সুযোগ পাওয়া গেল না?’ উঠে দাঁড়াল স্যাম।

অর্ধেক কোর্টরুম আবারো ঘুরে তাকাল স্যামের দিকে। এদের একজন সারাহ্ অ্যালারসবি। প্রায় দেখাই যায় না, বিজয়ের এমন এক হাসি ফুটে উঠল তার ঠোঁটে সেকেন্ডের জন্য। তারপরই ঘুরে আবার সামনের দিকে তাকিয়ে হাঁটা শুরু করল মহিলা।

‘না।’ বলে উঠলেন এমি। ‘কোর্টের বাইরে বহু আগেই এটা নিষ্পত্তি হয়ে গেছে। সব জায়গাতেই ঘটে এমন।’

‘এইবার তো জালিয়াতি হলো। ধনী লোকটা শুধু যে জিতে গেছে তাই না, তাকে অভিযুক্তও করা হয়নি।’

জজ নিজের হাতুড়ির বাড়ি মেরে ঠুকঠুক করে যা ঘোষণা করলেন তা বুঝতে অনুবাদকের দরকার হলো না স্যামের, ‘এই লোককে আদালতের বাইরে নিয়ে যাও।’ উঠে দাঁড়িয়ে জজের কাছে গিয়ে স্যাম বলে উঠল, ‘ভাববেন না। আমি নিজেই চলে যাচ্ছি।’

কিন্তু ততক্ষণে দেরি হয়ে গেছে। আদেশ দেয়া হয়ে গেছে। বিশালদেহী দুজন পুলিশ অফিসার এসে ধরে ফেলল স্যামকে। একজন ওর হাত দুটোকে পেছনে নিয়ে পেঁচিয়ে ধরল। আরেকজন মাথা এমনভাবে ধরল যে, নড়াচড়া করা যাচ্ছিল না। ত্রুস্ত পায়ে স্যামকে হাঁটিয়ে নিয়ে এসে ওরই মাথা দিয়ে ধাক্কা মেরে জোড়া দরজা খুলে হল বেয়ে নিচে নামিয়ে আনল স্যামকে। আদালতের ঢোকের বড় সদর দরজার কাছে পৌঁছে নিজেদের খালি হাত দিয়ে দরজা খুলে স্যামকে ছেড়ে দিল পুলিশরা, সাথে সিঁড়ির দিকে খানিকটা ধাক্কা।

বিল্ডিংয়ের বাইরে এসে চারপাশে মানুষ আর ট্রাফিকের ভিড় দেখে স্বস্তি পেল স্যাম। গুয়েতেমালা শহরের জেলে রাত কাটানোর মানসিক প্রস্তুতি প্রায়

নিয়েই ফেলেছিল মনে মনে। থেমে দাঁড়িয়ে রেমি আর এমি কস্তার জন্য অপেক্ষা করতে লাগল। খানিক পরেই নেমে এলো দুজন।

সিঁড়ি দিয়ে নামতে নামতে রেমি বলে উঠল, ‘আমি জানি তিনি আপনার বন্ধু। উনাকে সমস্যায় ফেলার জন্য আমরা সত্যিই দুঃখিত। সারাহ্ অ্যালারসবির বিরুদ্ধে আনা অভিযোগটা তো মিথ্যা ছিল না। আপনার অধিকারে যদি কিছু না থেকে থাকে তাহলে সেটার ছবি পাওয়াও সম্ভব না, তাই না?’

‘চিন্তা করবেন না।’ বলে উঠলেন এমি। ‘কমান্ডার রুয়েডা জানেন যে তিনি কী করছেন। সব ঠিক হয়ে যাবে। উনারও বন্ধু আছেন। সপ্তাহ খানেকের মাঝেই সবাই সবকিছু ভুলে যাবে আর উনাকে সাহায্য করবে। এভাবেই দেশ ছোটখাটো দুর্নীতি পেছনে ফেলে আস্তে আস্তে আধুনিক হয়ে ওঠে। পথ থেকে ওদের ধাক্কা দিয়ে সরিয়ে দেবে সকলে—কমান্ডার রুয়েডা আর আপনাদের মতো সকলে।’ তীক্ষ্ণ দৃষ্টিতে তাকালেন স্যাম আর রেমির দিকে। বললেন, ‘সারাহ্কে ছাড়বেন না।’ আমেরিকান অ্যান্সাসির দিকে চলে গেলেন সারাহ্। আদালতের সামনে দাঁড়িয়ে রইল স্যাম আর রেমি।

‘চলো যাই।’ অবশেষে বলল রেমি। ‘নিজের বিজয় উদ্‌যাপনের জন্য এগিয়ে আসছে সারাহ্—দেখার জন্য এখানে সঙের মতো দাঁড়িয়ে থাকতে চাই না আমি।’

নিজেদের হোটেলমুখে হাঁটতে শুরু করল স্যাম আর রেমি। ‘কী করতে চাও এখন?’ আবারো কথা বলে উঠল রেমি।

কাঁধ ঝাঁকাল স্যাম। ‘মহিলাকে তো এমনি এমনি ছেড়ে দেয়া যায় না, তাই না?’

‘না, কিন্তু আমরাই বা কী করতে পারি?’

‘লাস ক্যাসাসের মায়া কোডেক্স দেখে জানতে পারব এরপর সে কোথায় যাবে। সেখানেই তাকে হারিয়ে দেব, নিশ্চিত।’ হেসে ফেলল স্যাম। ‘এরপর একের পর এক এরকমই করতে থাকব। বারবার, যতবার সম্ভব।’

আলটা ভেরাপেজ, গুয়েতেমালা

তীব্র শব্দ থেকে বাঁচতে কানে ইয়ারফোন দিয়ে বেল ২০৬ বিথ্রি জেট রেঞ্জার হেলিকপ্টারের প্যাসেঞ্জার সিটে বসে আছে স্যাম আর রেমি। কর্মোর্যান্ট ওয়ান এয়ার চার্টারের প্রেসিডেন্ট আর চিফ পাইলট টিম কারমাইকেল মাইলের পর মাইল বিস্তৃত সবুজ গাছগুলোর মাথার ওপর দিয়ে উড়িয়ে নিয়ে যাচ্ছে যন্ত্রপাখিটাকে। অস্ট্রেলিয়ান উচ্চারণে রেডিওতে ঘোষণা করলেন কারমাইকেল, ‘কয়েক মিনিটের মাঝেই আপনাদের পরবর্তী কো-অর্ডিনেটে পৌঁছে যাব আমরা।’

‘গ্রেট।’ খুশি হয়ে উঠল স্যাম। ‘প্রতিটা সাইটে এক দিন করে কাটাব। দিনশেষে হেলিকপ্টারে চড়ে রাতের জন্য জঙ্গল ছেড়ে যাব। পরের দিন সকালে নতুন সাইটে।’

‘একজন চার্টারের জন্য এর চেয়ে ভালো আর কিছু হতে পারে না।’ বলে উঠলেন কারমাইকেল। ‘ফ্লাই ইন, খানিক বিশ্রাম নিয়ে ফ্লাই আউট।’

‘প্রতিটা সাইটই বেশ প্রত্যন্ত অঞ্চলে।’ বলে উঠল রেমি। ‘আর প্রায় প্রতিটাই ঘন জঙ্গলে ঢাকা।’

হেসে ফেললেন কারমাইকেল। ‘চিন্তা করবেন না। ১৯৬০ সাল থেকে এই ব্যবসায় আছি আর এ সপ্তাহে কাউকে হারাইনি।’

‘এটুকুই যথেষ্ট।’ জানাল স্যাম। ‘এরিয়াল ছবিগুলো এরকম।’ সাদা বর্ডারে কো-অর্ডিনেট লেখা বড়সড় একটা ছবি কার মাইকেলের হাতে দিল স্যাম।

একদৃষ্টে খানিক দেখে, নিজের জিপিএসে কো-অর্ডিনেট ফিরিয়ে দিল কারমাইকেল। ‘পাঁচ মিনিটের মাঝেই পৌছে যাব।’

গাছের মাথার দিকে তাকিয়ে রইল সকলে। দূরে নীলরঙা নিচু পাহাড়ের সারি, ঘন নীল আকাশ আর সাদা মেঝের ভেলা। অনেক আগে কয়েকটা ছোট শহর আর কিছু রাস্তা দেখা গেলেও বহুক্ষণ ধরে মানববসতির কোনো চিহ্নই আর দেখা যায়নি। আবারো জিপিএসের দিকে তাকালেন কারমাইকেল।

‘ওই তো, সেখানে।’ জঙ্গলের চাদোয়ার ফাঁক গলে সাদা পাথরের মাথা দেখা যাচ্ছে, এমন এক জায়গায় ইশারা করে দেখাল রেমি। ‘হ্যাঁ, ওখানেই জায়গাটা।’

জায়গাটা ঘিরে চক্র দিতে লাগলেন কারমাইকেল, একপাশে খানিক কাত করল জেট রেঞ্জার যেন দেখতে অসুবিধা না হয়। ‘চুনের মতো রঙের কিছু দেখা যাচ্ছে। গাছগুলোর ফাঁক গলে পরিষ্কার দেখা যাচ্ছে।’

‘এটাই, ঠিক আছে।’ জানাল স্যাম। ‘ল্যান্ড করার মতো তাহলে একটা জায়গা খোঁজা যাক।’

ধংসাবশেষ থেকে বের হয়ে আরো বড় জায়গা নিয়ে চক্র কাটতে লাগলেন কারমাইকেল। কয়েক মিনিট পরে ঘোষণা করলেন ‘পরিষ্কার কোনো জায়গা তো দেখতে পাচ্ছি না।’

‘না।’ একমত হলো রেমি। ‘বেশ ঘন জঙ্গল চারপাশে।’

খালি জায়গা না পাওয়া পর্যন্ত উড়ে বেড়াতে লাগল জেট রেঞ্জার। অবশেষে পাওয়া গেল। মনে হলো আগুন লেগে মাটিতে মিশে গেছে সব গাছ। ‘শেষমেশ এটাকেই কাজে লাগাতে হবে।’

‘দেখে মনে হচ্ছে আগুন লেগেছিল।’ বলে উঠল স্যাম। ‘সব পুড়ে কয়লা হয়ে গেছে।’

‘ইয়াহ।’ জানালেন কার মাইমাইকেল। ‘মনে হচ্ছে শেষ অবধায় বজ্রপাত হয়েছিল। ভয় লাগছে যে আপনাদের অনেক দূর হেঁটে পার হতে হবে।’

‘আমার মাথার একটা বুদ্ধি এসেছে।’ বলে উঠল রেমি। ‘রেসকিউ গিয়ার কাজ করছে তো?’ ইলেকট্রিক মেশিন আর হাউস লাগানো তারের দিকে ইশারা করল রেমি। ‘শিউর।’ জানালেন কারমাইকেল। ‘ওড়ার সময় মেশিনটাকে চালাতে পারবেন?’

‘এখানে দ্বিতীয় একজোড়া কন্ট্রোল আছে। সাইটের ওপরে আপনাদের ওঠাতে-নামাতে পারব। কিন্তু আগেই সাবধান করে দিচ্ছি, বেশ ভীতিকর একটা রাইড হবে এটা।’

টিম কারমাইকেলের সাথে হাঁটতে হাঁটতে বন্দিদের হেলিকপ্টারে তুলতে দেখল স্যাম আর রেমি। নেতৃত্ব দিচ্ছেন আর্ট বোয়েন। ‘আমি নিশ্চিত এরপরে টিম নিশ্চয়ই কয়েক দিনের ছুটি চাইবেন।’ বলে উঠল রেমি।

পাইলটের সিটে উঠে বসে এই মাত্র উদ্ধার হওয়া সানগ্রাস পরে নিলেন কারমাইকেল। ‘আমারও তাই মনে হচ্ছে। ওই পাঁচজনের কথা শুনে এটুকু বুঝতে পেরেছিলাম যে, আমাকে বাঁচিয়ে রাখার একমাত্র কারণ ছিল, আমি ছাড়া ওদের কেউই হেলিকপ্টার চালাতে জানে না।’

তিন সপ্তাহ পর

আলটা ভেরাপেজের আগুনে পোড়া জায়গা

গুয়েতেমালার গহিন অরণ্যে পার্ক করা জোড়া হেলিকপ্টার থেকে নেমে এলো সারাহ্ অ্যালারসবি। হাজার বছর আগে ছোট ছোট ঝোপঝাড় ভরে আছে এই ট্রেইল। তাই অতিথিদের এই জায়গা মায়া ট্রেইল বলে বিশ্বাস করানো কঠিন। যদিও সে নিশ্চিত যে এটা মায়া ট্রেইল। মশাল সাথে নিয়ে পথ চলতে লাগল সারাহ্।

পিছু ফিরে একবার দেখে নিল অতিথিদের। পনেরোজন সাংবাদিক দলটার প্রত্যেকের কাছে জটিল সব ক্যামেরা, আনুষঙ্গিক যন্ত্রপাতি, রেকর্ডার আর স্যাটেলাইট ফোন। কিন্তু ঈশ্বর জানেন কী নিয়ে নিজেদের মাঝে খোশগল্পে মেতে আছে লোকগুলো। সারাহ্ যে তাদের এই বিশেষ জায়গায় নিয়ে এসেছে, সেদিকে যেন কারো নজরই নেই।

নিচের দিকে তাকিয়ে থেমে গেল সারাহ্ তারপর সকলের দৃষ্টি আকর্ষণ করে বলে উঠল, ‘লুক এভরিওয়ান, আমরা একটা মায়া ঝুংসাবশেষের ওপর দাঁড়িয়ে আছি। পায়ে চলা রাস্তা ছিল সেসময়।’ একপাশে সরে গেল সারাহ্, যেন সাংবাদিকরা এসে ছবি তুলতে পারে। কয়েকজন মাটির দিকে তাকিয়ে অবিরাম ক্লিক করে চলল। কিন্তু বেশিরভাগেরই আগ্রহ সারাহ্কে ঘিরে। সারাহ্ এমন ভাব করল, যেন ঠিক আছে, কোনো সমস্যা নেই।

সামনে এগোতে এগোতে আবারো ফিরে ফটোগ্রাফারদের পেছনে বেলজিয়ান রাইফেল বহনকারী সশস্ত্র গার্ডদের দীর্ঘ সারি দেখে নিল সারাহ্।

‘ফারাগো।’ বাধা দিয়ে বলে উঠল সারাহ্। ‘ওরা তো অপরাধী। যোগ্যতা কিংবা অ্যাকাডেমিক ইচ্ছা কোনোটাই নেই তাদের। তারা শুধু গুপ্তধন খুঁজে বেড়ায়। এটা একটা হলো।’

‘ক্যালিফোর্নিয়া বিশ্ববিদ্যালয়ের জয়েন্ট প্রজেক্ট হিসেবে লিস্ট করা হয়েছে এ জায়গা।’ বলে উঠলেন ভান মুখাজি, নিউ ইয়র্ক টাইমসের সংবাদদাতা। ‘ইউনিভার্সিটি অব ক্যালিফোর্নিয়ার যোগ্যতা এবং অ্যাকাডেমিক স্বদৃষ্টি দুটোই আছে।’

‘এই লোকগুলো সম্পর্কে আর কিছু বলতে চাই না আমি।’ বলে উঠল সারাহ্। ‘আধা ঘণ্টার মাঝে এ জায়গা ছেড়ে চলে যাব। তাই সবাইকে বলতে চাই যে, হেলিকপ্টার ল্যান্ডিং এরিয়াতে চলে যান, যত তাড়াতাড়ি সম্ভব অন্ধকার হয়ে যাবার পর কাউকে নিয়েই উড়তে পারবে না পাইলটরা।’ ঘুরে দাঁড়িয়েই হাঁটা শুরু করল সারাহ্।

উজ্জ্বল সোনালিরঙা মাথা উঁচু করে চুপচাপ হেঁটে চলেছে সারাহ্। সাংবাদিকের দলও পিছু নিল। সামনে দৌড়ে যাচ্ছে ফটোগ্রাফাররা। সারাহ্‌র রাগত ভঙ্গি কিংবা চোখের জল, যেকোনো ছবিই কাগজের বিক্রি বাড়িয়ে দেবে।

গুয়েতেমালা সিটি

পরের দিন দুপুরবেলা। নিজ বেডরুমে বসে কম্পিউটারের দিকে তাকিয়ে আছে সারাহ্। ইউটিউবে সারাহ্ অ্যালারসবির ভিডিও পোস্ট করা হয়েছে অসাধারণ সুন্দর আর বিজয়ীর বেশে পুরোন শহরের বিশাল খোলা জায়গায় পা রাখল সারাহ্। আর তার ঠিক পরপরই বদলে গেল সবকিছু। চারপাশে জড়ো হওয়া সাংবাদিকের দল মিথ্যা, বানোয়াট করার অভিযোগ এনেছে তার ওপরে বিভিন্ন ভাষায়। যে ভিডিওটা দেখছে সে ওই সব ভাষাগুলো জানে কিনা সেটা কোনো ব্যাপার না। কেননা নিজের ভাষায় একটা বাক্য পরিষ্কারভাবে শুনতে পাবে: ‘অন্য কেউ এ জায়গাটা এরই মাঝে আবিষ্কার করে গেছে।’ সবাই জানে এর সম্পর্কে, ‘বিভিন্ন আন্তর্জাতিক সংস্থায় এরই মাঝে নথিভুক্ত করা আছে। আপনি সবাইকে বোকা বানাতে চাইছেন।’

বারবার একই অভিযোগ করা উগ্রমূর্তি সাংবাদিকদের কাছ থেকে চুপচাপ সরে এসেছে সারাহ্। সাংবাদিকরা তার দিকে দৌড়ে এসেছে, সামনে এসে ছবি তুলেছে। একের পর এক অভিযোগের আঙুল তুলেছে তার দিকে, একই ঘটনা ঘটেই চলেছে। নিজের কম্পিউটারে বসে ভিডিওটা দেখার সময় সারাহ্‌র ইচ্ছা হলো অপমানিত বেচারি মেয়েটার জন্য চিৎকার করে কাঁদতে। ভিডিও

মুম্বাইয়ের ওয়্যারহাউসে পারিবারিক সম্পত্তি হিসেবে ছিল। টিন এজার বয়সে এ ধরনের জিনিস ঠিক ঠিক করে নেয়া ছিল সারাহ্‌র শখ—ভারতের মাঝে দিয়ে আসা পুরাতন চায়না, মৃৎপাত্র, অর্থনৈতিক বিপর্যয়ের সময় কিনে নেয়া ফরাসি আর ইংরেজ বাড়িগুলো থেকে পাওয়া অমূল্য সব পেইন্টিংস আর বই। এসব জিনিসের বেশিরভাগই লন্ডন জাহাজ ঘাটায় কম্পানি ওয়্যারহাউসে রেখে দেয়া হয়েছিল। অন্যগুলো নিজ নিজ জায়গায় ফিরে গেছে যখন কম্পানি বাড়িগুলোকে বিভিন্ন উদ্দেশ্যে লিজ দিয়েছে কিংবা হোটেল বানিয়ে ফেলেছে।

টেবিল থেকে একশ ফুটও হবে না এতটুকু দূরত্ব থেকে তাজা ফুল এনে রাখা হয়েছে ফ্লাওয়ার ভাসে। ব্যক্তিগত আলাপচারিতার একেবারে মানানসই জায়গা হলো পুরনো স্প্যানিশ ধাঁচে তৈরি গুয়েররো হাউস। দোতলা ইটের কাঠামো আর ঠিক মধ্যখানে আঙিনা। চারপাশ থেকে গাছ দিয়ে পকা বাগান পুরোপুরি নিরাপদ। কোনো রিমোট সেন্সিং ডিভাইস কিংবা টেলিফটো লেন্সই এখানে কাজ করবে না।

ঠাণ্ডা চোখে চারপাশ ভালোভাবে জরিপ করে দেখল সারাহ্‌। খাবার, সাজগোজ, টেবিলের অবস্থান, এমনকি সূর্যের গতিপথ সবকিছুই হতে হবে নিখুঁত। ডিয়েগো সান মার্টিনের মতো লোক এতটুকু ত্রুটি সহ্য করবে না।

ঠিক দুপুরবেলায়, সদরের পরিচারক ভিষ্টর ফ্রেঞ্চ দরজা ঠেলে বাগানে নিয়ে এলো সান মার্টিনকে, যেখানে সারাহ্‌ অপেক্ষা করছিল। প্রায় পঞ্চাশ বছর হয়ে গেলেও নিজের বেশভূষা নিয়ে বেশ সতর্ক ডিয়েগো। তাই শরীর এখনো বেশ শক্তপোক্ত, যোদ্ধার মতো। কালো ব্যান্ড লাগানো পানামা টুপি হাতে, পরনে লিনেনের সুট, ধূসর হলুদ শার্ট আর নীল টাই। বেশ সতেজ আর মিষ্টি দেখাচ্ছে মার্টিনকে। ভাবল সারাহ্‌, ঠিক যেন একটা ইটালিয়ান বরফ পেপছনে আসছে দুজন দেহরক্ষী।

দেহরক্ষীদের সাথে নিয়েও এমন সহজভাবে মার্টিন ট্রাফেরা করে যে, প্রশংসা না করে পারল না সারাহ্‌। তাদের উপস্থিতিতে কখনোই বিরক্ত হন না মার্টিন। যখনই কোনো বিভ্রিৎয়ে যান ডিয়েগো, প্রথমে পা ফেলে এক দেহরক্ষী, চারপাশ দেখে দরজা খুলে দেয়। সান মার্টিন কক্ষের মাঝে প্রবেশ করলে দরজার কাছে দাঁড়িয়ে সবকিছু নিজের নিয়ন্ত্রণে নিয়ে নেয় একজন। অন্যজন দ্বিতীয় কোনো গুরুত্বপূর্ণ জায়গায় দাঁড়িয়ে যায় জানালার পাশে কিংবা সিঁড়ির কাছে। সাধারণ মানুষ থেকে দূরে। আর সান মার্টিন সবসময় এমন ভাব করেন, যেন ঠাণ্ডা মাথার এই দুই খুনির কোনো অস্তিত্বই নেই।

সারাহ্‌র হাত ধরে ঝুঁকে গালে কিস করলেন মার্টিন। ‘যেকোনো সময়েই একজন সুন্দরী আর অভিজাত নারীকে দেখতে পাওয়াটাই বেশ চমৎকার ব্যাপার। কিন্তু উনার সাথে তারই বাড়িতে লাঞ্ছ করাটা তো বিরাট পাওনা। আর এখানকার আলো যেন তোমার জন্যই সৃষ্টি হয়েছে।’

সারাহ্‌ অ্যালারসবি কখনোই এটা বলবে না। কিন্তু একথা সত্যি যে, তার জন্যই হয়েছে। আজকের দিনের জন্য লম্বা টেবিল সরিয়ে গোলাকার টেবিল বসিয়েছে সারাহ্‌। কেননা আধিপত্য বিস্তারের কোনো সুযোগ দিতে চায় না সে। সান মার্টিনের মতো লোক চান, যেকোনো টেবিলের মাথায় বসতে। কিন্তু এখানেও তাকে এমন করতে দেয়াটা বিপজ্জনক হয়ে উঠবে। সচেতনভাবেই যেকোনো কিছু নিজের অধিকারে নিতে অভ্যস্ত তিনি। আর নিজের বাসা মার্টিনের সীমানায় পরিণত হোক চায়না সারাহ্‌। ‘প্লিজ বসুন।’ চেয়ার বের করে দিল সারাহ্‌। এর পাশের চেয়ারে বসল নিজে। জানে এর মাধ্যমে খুশি হবেন মার্টিন।

পাশাপাশি আরাম করে বসার পর মাথা নাড়তেই এগিয়ে এলো ওয়েটার। দুজনের জন্য গ্লাসে ওয়াইন ঢেলে দিল। খানিক চুমুক দিয়ে বলল সারাহ্‌, ‘এখন যাও, আমি পরে ডাকব।’ রান্নাঘরের দিকে চলে গেল ওয়েটার। মার্টিনের উদ্দেশ্যে বলে উঠল, ‘আমি একজন বিশ্বস্ত সাহায্যকারীকেও আমন্ত্রণ জানিয়েছি। লাইব্রেরিতে আছে। নাম মি. রাসেল। তাকে ভেতরে আসতে বলব?’

‘অলরাইট।’ ঘুরে নিজের দেহরক্ষীদের দিকে তাকিয়ে সান মার্টিন নিশ্চিত হয়ে নিলেন যে তারাও শুনেছে কথাগুলো। দেহরক্ষীদ্বয় কিছুই বলল না। কিন্তু ঘরের ভেতরে চলে গেল। এক মিনিট পরেই রাসেলকে নিয়ে এসে আবার যার যার জায়গায় দাঁড়িয়ে গেল।

সারাহ্‌ জানাল, ‘দিস ইজ মি. রাসেল। আর ইনি মি. সান মার্টিন ডিয়েগো। আমাকে আর আমার পরিবারকে মি. রাসেল অনেকেবারই সাহায্য করেছে। আনুগত্য তাই প্রশ্নাতীত। আজ এখানে ডাকলামই না, যদি না নিজের জীবন দিয়ে বিশ্বাস করতাম।’

বরফ থেকে ওয়াইনের বোতল তুলে নিয়ে কঠিন দৃষ্টিতে রাসেলের দিকে তাকালেন সান মার্টিন। সারাহ্‌ নিজেও কঠিন দৃষ্টিতে তাকাল রাসেলের দিকে। জানে যে সান মার্টিন কী ভাবছেন। এটা কি তার কল্পনা যে রাসেলের চেহারায় এখনো নীল একটা আভা রয়ে গেছে?

নিজের ওয়াইন গ্লাস তুলে নিয়ে সান মার্টিনের দিকে বাড়িয়ে দিল রাসেল ভরে দেয়ার জন্য। দুজন পুরুষের মুখই বেশ সিরিয়াস আর

অনুভূতিশূন্য, তাকিয়ে আছে, পরস্পরের সাথে হাত মেলায়নি। ‘ধন্যবাদ।’ জানাল রাসেল।

‘ওয়েল জেন্টলম্যান’, শুরু করল সারাহ্। ‘একসাথে ড্রিংক করতে করতে আমার সমস্যাটা নিয়ে কথা বলা যাক। তারপর খাবার সার্ভ করতে বলব।’

‘অসাধারণ বলেছ।’ মন্তব্য করলেন সান মার্টিন। ‘ঠিক আছে, সোজা বিষয়ে ফেরা যাক।’

‘কয়েক সপ্তাহ আগে থেকে এক আমেরিকান দম্পতি স্যাম আর রেমি ফারগো আমার ওপরে গোয়েন্দাগিরি শুরু করে। প্রথমে এসতানশিয়া গুয়েররোর চারপাশে ঘুরে বেড়িয়ে এরপর খোদ এসতানশিয়াতেই ঢুকে পড়ে। এদের দুজনকই আপনার সিকিউরিটির লোকেরা দেখেছিল পবিত্র কুয়ার ধ্বংসাবশেষের কাছে। আমার বিশ্বাস, আপনার প্রায় ডজনখানেক কর্মীকে হত্যা কিংবা আহত করেছিল এই দুজন।’

‘ইয়েস।’ সায় দিলেন সান মার্টিন। ‘তাদের ভ্রমণের জন্য বেশ মূল্য চুকাতে হয়েছে আমাকে।’

‘তারা দুজন এমনকি এসতানশিয়াতে ঢুকে আপনার মারিজুয়ানা শস্য আর কোকা গাছগুলোও দেখে এসেছে। এই বাসায় এসে আমার কাছে এ সম্পর্কে অভিযোগও করে গেছে।’

‘ইন্টারেস্টিং।’

‘আরো কিছু ব্যাপার নিয়ে আমাকে ঝামেলায় ফেলে অ্যারেস্ট করিয়েছে। আমি নাকি তাদের কাছ থেকে মায়া কোডেক্স চুরি করেছি আর মি. রাসেলকে দিয়ে তাদের খুন করতে চেয়েছি। সমস্ত চার্জ বাতিল করেছি; কিন্তু পাবলিক কোর্টে হাজির হবার মতো অপমানও হজম করতে হয়েছে।’

নিজের ওয়াইনে চুমুক দিলেন সান মার্টিন। ‘এসব আসলেই অস্বস্তিকর।’

‘হ্যাঁ। এখন আমার জন্য হুমকি হয়ে দাঁড়িয়েছে এ দুজন। আর এভাবে তো আমি চলতে দিতে পারি না। কিন্তু তার চেয়েও বড় হুমকি আপনার জন্য। এসতানশিয়াতে আপনার কার্যক্রম সম্পর্কে ইতিমধ্যে স্বেচ্ছা স্বেচ্ছা জানি যে আপনি মনে করেন, মানুষ যেন তার সমস্যা আপনার কাছে না এনে নিজেরাই সমাধান করে ফেলে। কিন্তু এই সমস্যাতে আসলে আমরা দুজনই জড়িয়ে গেছি।’

হেসে ফেললেন সান মার্টিন। ‘আমার সম্পর্কে বেশ ভালোই ধারণা করেছ তুমি। তোমার ইন্দ্রিয় বেশ প্রখর। হয়তো তোমাকে আসলেই একজন নিখুঁত নারী বলা যায়।’

হেসে ফেলল সারাহুও। ‘অবশ্যই আমি তা-ই। একজন নারী হিসেবেই আমি সবকিছু করি।’

‘অলরাইট। এখন বলো তোমাকে সাহায্য করার জন্য কী করতে পারি? তারপরই লাঞ্চ করব। শেষ হতে হতে তোমাকে আমার উত্তর জানাব, প্রমিজ করলাম।’

‘মি. রাসেল? ব্যাখ্যা করতে বলবে তুমি কি সাহায্য করবে?’

মহিলার ধূর্ততায় প্রশংসা না করে পারল না রাসেল। এই মেয়ে ভালো করেই জানে না অপরাধ জগৎ সম্পর্কে তার অজ্ঞতা দেখে সম্ভ্রষ্ট হবেন সান মার্টিন। নারীসুলভ কমনীয়তা বজায় রাখতেও সহজ হবে।’ রাসেল এও জানে যে, তার সম্পর্কে কোনো আগ্রহ নেই মার্টিনের, তাই যত দূর সম্ভব সংক্ষেপে সারতে হবে। ‘মিস অ্যালারসবির কাছে কয়েকটা মায়া সাইটের লিস্ট আছে, যেসব জায়গায় তিনি যেতে চান। এরকমই এক জায়গায় পাঁচজন লোক পাঠিয়ে হেলিকপ্টার ল্যান্ড করার মতো পরিষ্কার করিয়েছিলাম। মিস অ্যালারসবি সাথে ক’জন সাংবাদিক নিয়ে যেতে চেয়েছিলেন, যেন প্রাচীন ধ্বংসাবশেষ দেখানো যায়। সশস্ত্র প্রহরীও ছিল। কিন্তু মিস অ্যালারসবি যাবার আগেই তারা উধাও হয়ে যায়। আর এখন আমরা জানি যে মিস অ্যালারসবির আগেই সে জায়গা ভ্রমণ করে এসেছে ফারগোরা।’

‘ধন্যবাদ।’ সব শুনে মন্তব্য করলেন সান মার্টিন। এরপর তাকালেন সারাহুর দিকে। ‘চলো এখন তোমার এই সুন্দর টেবিলটার সদ্ব্যবহার করে খাবারগুলোর স্বাদ নেয়া যাক। দেখি তুমি কেমন প্ল্যান করেছ।’

নিজের পাশের ছোট্ট রূপালি বেল বাজাল সারাহু। সার্ভ করা হলো লাঞ্চ। ক্যাপার সস আর অ্যাসপারাগাস দিয়ে পৌঁচ করা স্যামন এলো। এটি সাথে গ্লাস ভরে উঠল ১৯৯৮ ভেভ ক্রিকট লা গ্রান্ডে দেশ ওয়াইন দিয়ে। সারাদ সার্ভ করার আগে রুচি বাড়াতে এলো শরবত, ফরাসি ফায়দা মতো এন্ড্রির পরে ছোট মজার পেস্ট্রি সাথে স্ট্রিং এসপ্রেসো।

কফি শেষ করে চেয়ারে হেলান দিয়ে বসলেন সান মার্টিন। পরিচারকদের দিকে তাকিয়ে খানিকটা হাত লাড়তেই ঘরের পাশ দিয়ে যাওয়া দরজার মাঝে অদৃশ্য হয়ে গেল সবাই। যেখান দিয়ে যেতে হয় রান্নাঘর আর ভাঁড়ার ঘরে। এরপর সান মার্টিনের কাপে আরেকটু কফি ঢেলে দিল সারাহু।

মার্টিন এতটাই ঠাণ্ডা আর অনুভূতিশূন্য চোখে রাসেলের দিকে তাকালেন যে, মনে হলো চোখ দুটোতে কোনো প্রাণ নেই। ‘তোমার পাঁচজন লোকের কী

হলো তা খুঁজে বের করার চেষ্টা করব। জঙ্গল আসলেই ভয়ংকর জায়গা আর বন্দুক থাকলেই যে সব হবে, তা না। যদি ফারগোরাই দায়ী হয় তাহলে পাঁচজন নিশ্চয়ই কোনো জেলে বসে আছে। নিজের কলিং কার্ড রাসেলের হাতে দিলেন মার্টিন। ‘এটা রাখুন, মি. রাসেল। কাল সন্ধ্যায় আমার সাথে দেখা করবেন। পেশাদারদের একটা দল দিয়ে দেব, যাদের ঝামেলায় ফেলতে পারবে না আমেরিকান ট্যুরিস্টরা।’

The Online Library of Bangla Books
BANGLA BOOK.ORG

আলটা ভেরাপেজ, গুয়েতেমালা

জিপ গাড়িতে নিজেদের ব্যাকপ্যাকগুলো তুলে নিল স্যাম আর রেমি। এবারের এই ভাড়া গাড়িটা মোটামুটি নতুন। মাত্র কয়েক বছরের পুরনো। সংকীর্ণ, আঁকাবাঁকা রাস্তায় জিপ চালিয়ে সান্তা মারিয়া ডি লস মন্তানাসের দিকে চলল দুজন। এই শহরেই মারিজুয়ানা ট্রাক থেকে নামার পর ফাদার আর ডাক্তারের সাহায্য পেয়েছিল ফারগো দম্পতি। চলতে চলতে রেমি জানতে চাইল, ‘তোমার কি মনে হয়? মহিলার কোনো প্রতিক্রিয়া হবে?’

‘সারাহ্ অ্যালারসবি?’ কটাক্ষ করল স্যাম। ‘কোনো ভুল নেই। এরই মাঝে কোডেক্সে উল্লেখ থাকা ছয়টা বড় বড় অনাবিষ্কৃত সাইট ঘুরে আমরা রেজিস্টার্ড করে ফেলেছি। মহিলা তো জুলেপুড়ে থাক হয়ে যাবার কথা। এখন তো আর নিজেকে আবিষ্কারক হিসেবে দাবি করতে পারবে না সে।’ মিনিট একের মতো গাড়ি চালিয়ে স্যাম আবার বলে উঠল, ‘বেলিজের পুলিশ তো বলছে যে টিমের হেলিকপ্টারে আক্রমণ করা পাঁচজন একমুখ মুখ খোলেনি। কিন্তু আমি একটুও অবাক হব না, যদি ওরা বলে যে সারাহ্ই তাদের পাঠিয়েছিল মায়া সাইট পাহারা দেয়ার জন্য।’

‘জানি সে রেগে আছে। আসলে আর কিছু না হোক, ইউরোপীয় ম্যাগাজিনগুলোতে নিজের এমন অপমানই তো যথেষ্ট। মানুষ তো ট্যাবলয়েডের ধনী, বখে যাওয়া সেলিব্রিটি মেয়েগুলোকে হিংসা করে। কিন্তু হিংসা আর প্রশংসা তো এক নয়। আরো জটিল সব ব্যাপার আছে। যখনই এ

ধরনের নারীরা অসম্মানিত হয় কিংবা আঘাত পায়, অনেকেই আছে যে খুশি হয়।’ বলে উঠল রেমি।

‘একটু বেশিই সংবেদনশীল। তার মতো কারো ক্ষেত্রে চারপাশে ভিড় পছন্দ করাটা অবাক কিছু নয়।’

‘জানি।’ মন্তব্য করল রেমি। ‘আমি শুধু ভাবছিলাম যে গড়বড় তো ঘটবেই। না চাইলেও প্রতিযোগিতায় লেগে গেছি তার সাথে, আর একটা সুখকর সমাপ্তি হলেই ভালো লাগত। যদিও জানি তা হবে না।’

এবারে স্যাম জানাল, ‘সবচেয়ে ভালো হয় যদি সে এসব আর্কিওলজিস্ট হবার নাটক বন্ধ করে মেক্সিকান সরকারকে কোডেক্স ফেরত দেয়।’

‘সেটা তো বটে। কিন্তু তোমার কি আসলেই মনে হয় সে এমনটা করবে?’

‘না, আসলে।’

‘তার মানে আমাদের ভাবতে হবে কেমন করে আমরাই কোডেক্সটাকে চুরি করে এনে মেক্সিকান সরকারকে ফিরিয়ে দিতে পারি।’

‘আমিও সেটাই ভাবছি।’

‘সত্যি? কী ভেবেছ?’

‘এখন তো প্রথম পর্যায়েই আটকে আছি—কোথায় রেখেছে কোডেক্সটা?’

বিকেলবেলা, একটামাত্র সম্ভাব্য রাস্তা বেয়ে উঠতে লাগল স্যাম আর রেমি। নিচের উপত্যকা থেকে যে রাস্তাটা ওপর দিকে উঠে গেছে সান্তা মারিয়ার দিকে। চুলের কাটার মতো বাঁকের কাছে এসে সামনে পেছনে দুলতে লাগল জিপ। কোনো গার্ড রেইল নেই রাস্তায়, জঙ্গলের ভেতর দিয়ে মাথার দিকে চলে গেছে সোজা রাস্তা। সামনের ঘন ঘাসগুলোর জন্য রাস্তা দেখা কষ্টকর হয়ে পড়ে ড্রাইভারদের জন্য।

ওপরে ওঠার আগে রাস্তার শেষ অংশে আসার পর একটা জায়গা দেখিয়ে রেমি বলে উঠল, ‘আমার মনে হয় এই জায়গাতেই মারিজুয়ানা ট্রাক থেকে লাফিয়ে নেমেছিলে তুমি। দিনের আলোয় আরেকবার কল্পনা করবে নাকি? তাহলে স্ক্র্যাপবুকের জন্য একটা ছবি তুলতাম।’ ছোট ছোট ঝোপঝাড় ভরা জায়গাটাতে আর কিছু নেই।

‘ভালোই বলেছ। কিন্তু স্মরণ করতে ইচ্ছা করছে না।’

‘জানতাম, এমনটাই বলবে।’ জানাল রেমি। ‘গির্জায় থেমে ফাদার গোমেজের সাথে দেখা করবে?’

‘হুম। করতে হবে। ওনাকে কথা দিয়েছিলাম, সারাহ্ অ্যালারসবির সাথে মিটিং কেমন হলো জানাব।’

পাহাড়ের ওপর পৌছে পুরাতন গির্জার পাশে বিশাল চত্বরে গাড়ি পার্ক করল স্যাম। এরপর হেঁটে এর পেছনে ঘরটার দিকে এগোল। এটাই ফাদারের বাসা আর অফিস দুটোই।

নক করার সাথে সাথে দরজায় দেখা দিলেন ফাদার। হেসে বললেন, ‘সিনর আর সিনোরা ফারগো। আপনাদের আবার দেখে সত্যি বেশ ভালো লাগছে।’

‘ধন্যবাদ ফাদার। আমাদের আসতেই হতো আপনার সাথে কথা বলার জন্য।’ জানাল স্যাম।

‘আপনাদের সিরিয়াস অভিব্যক্তি দেখে বেশ বুঝতে পারছি যে কোনো আনন্দবার্তা নিশ্চয়ই নয়। আসুন বসি। কিন্তু সময় হবে তো আমার সাথে চা খাবার জন্য?’ আমন্ত্রণ দিলেন ফাদার।

‘অবশ্যই। আনন্দচিত্তে।’ খুশি হয়ে বলে উঠল রেমি।

‘আসুন, প্লিজ ভেতরে আসুন।’ গাড় রঙের কাঠের আসবাবে ভরা সাদামাটা অফিসে ফারগো দম্পতিকে নিয়ে ঢুকলেন ফাদার। একটা খোলা ল্যাপটপ যদি না থাকত তাহলে ষোড়শ শতক বলে নির্দিধায় চালিয়ে দেয়া যেত। এরপর পথ দেখিয়ে পুরাতন আমলের একটা ডাইনিংরুমে স্যাম আর রেমিকে নিয়ে গেলেন ফাদার। এখানেই একই গাড় রঙের ভারী কাঠের টেবিল। বাদামিরঙা মায়া আকৃতির একজন বয়স্ক মহিলা এলেন রুমে। ধূসর চুলগুলো টাইট করে খোঁপা বাঁধা।

ফাদার জানালেন, ‘সিনোরা ভেলাসকোয়েজ, উনারা সিনর আর সিনেরো ফারগো। আমাদের সাথে চা খাবেন।’

সাধারণ সাদা প্লেট-বাটি-কাপ নিয়ে এলেন সিনোরা ভেলাসকোয়েজ, টেবিলে সাজিয়ে রাখল ফারগো দম্পতি আর ফাদার। চা আর কুফিজ এনে দিয়ে আবারো রান্নাঘরে ফিরে গেলেন ভেলাসকোয়েজ।

‘উনি আমাদের সাথে বসবেন না?’ জানতে চাইল রেমি।

‘এটা আসলে উনার প্রথা নয়।’ উত্তরে জানালেন ফাদার। ‘ছোট শহরের এই গির্জায় লোকে যখন ফাদারের সাথে দেখা করে একান্তেই আলাপ করতে চায়। সিনোরা ফারগো, আপনি আমাদের চা খেলে দেবেন, প্লিজ?’

‘অবশ্যই, সানন্দে।’ চায়ের কাপে চা ঢেলে পিরিচে করে এগিয়ে দিল রেমি।

‘এখন, আমাকে বলবেন মিস অ্যালারসবির সাথে আপনাদের সাক্ষাৎ কেমন হলো?’ জানতে চাইলেন ফাদার।

পুরো কাহিনি ফাদারকে শোনালা স্যাম আর রেমি। শুরু করল তাদের বাসায় মায়া কোডেক্স কেনার প্রস্তাব নিয়ে সারাহ্‌র আসা থেকে, শেষ করল আওনে পোড়া জায়গায় হেলিকপ্টার আক্রমণের মাধ্যমে। ‘সারাহ্‌ অ্যালারসবি সম্পর্কে অনেক কিছুই জানতে পেরেছি। মায়া কোডেক্সের মানচিত্র ব্যবহার করে এসব পুরনো ধ্বংসাবশেষ আর প্রাচীন শহর আবিষ্কার করার কৃতিত্ব নিয়ে নিজের নামডাক বাড়ানোই ছিল তার ইচ্ছা। কিন্তু ফাদার লাস ক্যাসাসের বই থেকে একই তথ্য নিয়ে সাইটগুলোতে প্রথমেই যাই আমরা। তাই সারাহ্‌ পৌছানোর আগেই আমাদের ছবি আর জিপিএস ডাটা নিয়ে আন্তর্জাতিক সংস্থাগুলোতে নথিভুক্ত করে ফেলেন ইউনিভার্সিটি অব ক্যালিফোর্নিয়া, সান ডিয়েগোর একজন অধ্যাপক।’

বেশ ক্ষিপ্ত মনে হলো ফাদার গোমেজকে, ‘উনি এতটা স্বার্থপর আর বখে যাওয়া শুনতে খারাপই লাগছে। আপনাদের কী মনে হয়? কর্তৃপক্ষ উনাকে থামাতে পারবে, যেন উনার জমিতে মাদক চাষ বন্ধ করা হয়?’

দীর্ঘ নিঃশ্বাস ফেলল স্যাম। ‘গুয়েতেমালা শহরের দায়িত্বশীল লোকেরা আমাকে জানিয়েছে যে সময়মতো সব ঠিক হয়ে যাবে। মাঠের পাশে মায়া ধ্বংসাবশেষের কথা এখন সবাই জানে। আর জাতীয় পুলিশেরও নজর পড়েছে। কিন্তু উন্নতির গতি অসম্ভব ধীর আর মিস অ্যালারসবির এমন শক্তিশালী কয়েকজন বন্ধু আছেন, যারা একে আরো ধীর গতির করে দেবেন।’

‘ভালো লাগছে যে আপনারা এত দূর কষ্ট করে এসেছেন আমাকে এসব জানানোর জন্য।’ জানালেন ফাদার।

দুই হাত একসাথে করে স্যাম বলে উঠল, ‘না, প্লিজ। আমরা শুধু এই কারণে এখানে আসিনি।’

রেমি জানাল, ‘আমরা যেমনটা জানিয়েছি যে খুব দ্রুত মায়া সাইটগুলো ঘুরে ছবি তুলতে হচ্ছে। সে কারণেই এখানে এসেছি।’

‘এখানে?’ স্তম্ভিত হয়ে গেলেন ফাদার। ‘সান্তা মারিয়া ডি লাস মন্তানাতে?’

‘শহরে নয়।’ আশ্বস্ত করল স্যাম। ‘আমাদের ধারণা, শহরেরও ওপরে। মালভূমির ওপরে। মানচিত্র অনুযায়ী কোনো একটা টাওয়ার কিংবা দুর্গের আকৃতির হবে এটা।’

‘বেশ মজা তো।’ মুখে বললেও অস্বস্তিতে পড়ে গেলেন ফাদার।

‘আপনাদের জন্য গাইড ঠিক করে দেব? এসব পাহাড়ে হারিয়ে গেছেন এমনটা ভাবতে চাইছিলাম।’ ‘না, ধন্যবাদ ফাদার। আমাদের কাছে জিপিএস লোকেশন আর এরিয়াল ফটোগ্রাফ আছে।’ জানাল রেমি। ‘এসব জায়গা খুঁজে

বের করতে বলা যায় ওস্তাদ হয়ে গেছি। ভালো হয়, যদি এটুকু জানান যে, গাড়িটাকে নিরাপদে কোথায় রাখা যায়?’

‘হ্যাঁ, কেন নয়।’ তাড়াতাড়ি বলে উঠলেন ফাদার। ‘এখানে পেপে রুবিন্ডর গ্যারেজ আছে। এ শহরের মেকানিক হওয়ায় প্রায়ই সারা রাতের জন্য গাড়ি রেখে দেয়।’

‘সাইডস পারফেক্ট। এর চেয়ে ভালো কিছু আর হতেই পারে না।’ বলে উঠল স্যাম। ‘একই সাথে তেলও বদলে দিতে পারবেন আমাদের।’

রেমি উঠে দাঁড়িয়ে ডাইনিং টেবিল থেকে প্লেট সরিয়ে নিতে লাগল। ফাদারের সাথে কথা বলতে লাগল স্যাম। রেমির রান্নাঘরে ঢুকতেই সিনোরা ভেলাসকোয়েজাকে এমনভাবে সরে যেতে দেখল, যেন আড়ি পেতে কিছু গুনছিলেন মহিলা। কিন্তু হেসে তার হাতে প্লেট তুলে দিল রেমি। হাসি ফেরত দিলেন না ভেলাসকোয়েজ।

ফাদারের ঘর থেকে বের হয়ে স্যামকে রেমি জানাল, সিনোরা ভেলাসকোয়েজের কথা, ‘আমি নিশ্চিত সব শুনেছে।’

‘কোনো ক্ষতি তো নেই তাতে। উনি এসে বসলে বরং ভালোই হতো।’

‘জানি। কিন্তু আমি বাজি ধরে বলতে পারি, আশপাশের অনেকেই বিস্মিত হয়ে যাবে যে কেমন করে তাদের গোপন কথাগুলো বের হয়ে পড়ছে।’

একটু পরেই পেয়ে গেল পেপের গ্যারেজ। বুঝতে পারল জায়গাটা আসলেই ভালো হয়েছে। পুরো ব্লকজুড়ে, এমনকি ঘরের সামনেও গাড়ি পার্ক করে রাখা। এক জোড়া টায়ার সেট করতে দেখা গেল পেপেকে। নিজেদের গাড়ি সার্ভিস করাতে আর এটির নিরাপত্তা দেয়ার জন্য পেপেকে হায়ার করল স্যাম।

কাছাকাছি থাকা পেরেজ পরিবারের কথা জানাল পেপে, যেখানে রাতে থাকার মতো গেস্টহাউস পাবে স্যাম আর রেমি। প্রথমবার এসে ড্রাইভিংয়ে তা আর ফাদার গোমেজের সাথে যেখানে ব্রেকফাস্ট করেছিল সেই ছোট রেস্টুরেন্টে ডিনার সেরে নিল দুজন।

পরের দিন সকালবেলা, সূর্য উঠতেই হেঁটে মায়া কোডেক্সের মানচিত্রে দেখা কাঠামোর উদ্দেশে রওনা হলো স্যাম আর রেমি। বেশ মনোরম একটা দিন। দুজন মিলে পার হয়ে এলো ক্ষেতের পর ক্ষেত। পরিষ্কার করে রাখা হয়েছে ভুট্টা আর মিস বোনার জন্য। এরপর ঢুকল জঙ্গলে। খানিক খোঁজাখুঁজির পর একটা পথ পেল। যেটা শহর ফেলে মালভূমির পাশ দিয়ে তাদের ওপরে নিয়ে যাবে।

পথ ধরে একশ ফুট ওঠার পর থেমে গেল রেমি। বলে উঠল, ‘এদিকে দেখ।’ এমন একটা জায়গায় দাঁড়িয়ে আছে সে, যেখান থেকে পথটা ওপর

দিকে উঠে বাম দিকে বেঁকে গেছে। খাড়া অংশটুকু দিয়ে দেখা যাচ্ছে পাথরের স্ল্যাব দিগন্তজুড়ে ফেলে রাখা হয়েছে বিশাল সব সিঁড়ির মতো করে।

‘আমার ধারণা, এর মানে সঠিক ট্রেইলটাই পেয়ে গেছি আমরা।’ বলে উঠল স্যাম। সামনের বাঁক ঘুরতে এগিয়ে এলো স্তীর কাছে।

‘সেটা তো ঠিক আছে। কিন্তু এ পর্যন্ত আমরা যেখানেই গেছি, দেখেছি পাথরের চারপাশে জঙ্গল। এখানে তো খোলা পড়ে আছে, পরিষ্কার দেখা যাচ্ছে।’ মন্তব্য করল রেমি।

দৃঢ় পদক্ষেপে রাস্তা ধরে উঠে চলল দুজন। ‘এই জায়গাটার কাছাকাছি মনুষ্য বসতি আছে। আগেরগুলোতে যা ছিল না। নতুন রাস্তার খোঁজ করার চেয়ে এটা তো ভালোই হলো।’ বলে উঠল স্যাম।

আরো খানিকক্ষণ উঠে চলল দুজন। কিন্তু ঘন কাঁট গাছ কিংবা ঝোপঝাড় কিছুই দেখা গেল না। প্রশ্নগুলো খচখচ করছে রেমির মনে। আবার তাই শুরু করল। ‘কিন্তু আমি বুঝতে পারছি না কেন এত পরিষ্কার?’

‘আমি জানি। হয়তো ওপরে কিছু আছে ভালো একটা ক্ষেত অথবা অন্য কিছু।’ উত্তরে জানাল স্যাম।

‘এই পথ দিয়ে শস্য নিয়ে হাঁটাচলা করতে অন্তত আমার তো মন চাইত না।’ বলে উঠল রেমি।

‘তাহলে তোমার কি মনে হয়? কী কারণ আছে?’

‘আশা করছি এই শটকাট রাস্তা দিয়ে পাশের কোনো গ্রামে যাওয়া যাবে, যেখানে এয়ারকন্ডিশনড স্পা আর রেস্টুরেন্ট আছে।’

‘ভালোই বলেছ।’ হেসে ফেলল স্যাম। ‘এর চেয়ে ভালো কোনো আইডিয়া না পাওয়া পর্যন্ত তোমারটাই মেনে নিচ্ছি। এভাবেই আমরা বিজ্ঞানীরা ভাবি।’

দশ মিনিটের মাথায় পথটার চূড়ায় পৌঁছে গেল দুজন। মালভূমির সমতল চূড়ায় পৌঁছে তাকাল চারপাশে। বিশাল সব মাটির ঢিবি দেখা যাচ্ছে, হয়তো বিল্ডিং। কিন্তু এ পর্যন্ত যেসব প্রাচীন শহর দেখেছে সেগুলোর আকৃতির নয়, তেমন উঁচু স্থাপনা ধারণা করার মতো বিশালও নয় মালভূমিটা। খুব বেশি হলে তিনশ ফুট হবে পাশাপাশি।

কিন্তু দুজনেরই চোখ গেল ভিন্ন এক জিনিসে। বালের কিনারার মতো করে মালভূমির চারপাশ ঘিরে নিচু দেয়াল। এর পাশ দিয়ে ঘুরে ছবি তুলল স্যাম আর রেমি। এরপর স্যাম থেমে গেল এমন এক জায়গায়, যেখানে পথটা নিচে নেমে গেছে। এখানে দেখা যাচ্ছে পাথর আর মাটির ছড়াছড়ি।

‘এটা তো একটা দেয়ালের মতো, তাই না? ইউরোপে যেরকম পুরনো রোমান দুর্গ দেখা যায়—শত্রুর আক্রমণ ঠেকানোর জন্য ছোট ছোট পাথর স্তূপ করে দেয়াল বানানো হতো। যুদ্ধের জন্যই তৈরি হয়েছিল।’

‘কিন্তু আমরা অন্য যেগুলোতে গিয়েছি সেরকম নয়।’ আবারো সন্দেহ এলো রেমির মনে। ‘কেমন যেন অন্যরকম মনে হচ্ছে—খালি না।’

আবারো চারপাশ ঘুরতে লাগল দুজন। সামন্তরাল জায়গাটার মাঝখানে ছোট ছোট আরো কিছু মাটি আর পাথরের টিবি। সবগুলোর ওপরে জন্মে আছে ছোট ছোট গাছ শব্দ বলতে শুধু শোনা যাচ্ছে হালকা বাতাসে পাতাদের নাচন আর পাখির গুঞ্জন। মাঝে মাঝে তো এতটাই নীরব হয়ে যায় যে, স্যাম আর রেমির পায়ে আওয়াজই কানে লাগছে।

রেমি শুরু করল খানিক চুপচাপ থাকার পর। ‘এই জায়গাতে কখনোই মানুষ তথাকবে না। এখান থেকে কয়েক মাইল দূরের কুয়ার কথা মনে আসছে। চারপাশের দেয়াল দেখেও মনে হচ্ছে শেষবারের মতোই বানানো হয়েছিল।’

‘বুঝতে পারছি তুমি কী বলতে চাইছ। এই জায়গা আর কুয়াটা নিশ্চয়ই শহরগুলোর মধ্যকার যুদ্ধের চিহ্ন।’

মাত্র তিন ফুট গভীর আর একজন মানুষ দাঁড়ানোর মতো চওড়া একটা ট্রেঞ্চ খুঁজে পেল স্যাম আর রেমি। মালভূমির কিনারের দেয়াল থেকে একশ ফুট দূরে একটা টিবির দিকে সরাসরি চলে গেছে। ‘ওহ্ ওহ্’ মন্তব্য করল রেমি।

‘তুমি জানো এটা কী?’

‘আমার মনে হয় সমাধি চোরেরা আর গুপ্তধন ডাকাতদের দল আন্ডারগ্রাউন্ড চেম্বারে যাবার জন্য এমন ট্রেঞ্চ খোঁড়ে।’

নিজের স্যাটেলাইট ফোন তুলে কয়েকটা ছবি সেলমার কাছে পাঠিয়ে দিল স্যাম। ট্রেঞ্চ ধরে হাঁটা শুরু করল দুজন। ‘যদি ব্যাপারটা তাই হতো, বড় কোনো গর্ত থাকত, যেখানে তারা কিছু একটা খুঁজে পাবার জন্য গর্ত করত।’

মাটির টিবির নিচে গিয়ে বন্ধ হয়ে গেল ট্রেঞ্চ। এ জায়গায় পৌঁছে রেমি বলে উঠল, ‘মনে হচ্ছে এখানেই শেষ নয়। টিবির সম্মুখে জড়ো করে রাখা পাথরগুলো একটু আলাদা। আমার ধারণা, কেউ টিবির মাঝে গর্ত করেছিল; তারপর কাজ সেরে আবার ভরাট করে দিয়েছে।’

‘বেশ ধাঁধার মতো ব্যাপার।’ বলে উঠল স্যাম।

‘শব্দটা ধাঁধা নয়, রোমাঞ্চকর।’ শুধরে দিল রেমি।

‘ঠিক আছে, রোমাঞ্চকর।’ একমত হয়ে হাঁটু গেড়ে বসে পাথর সরাতে শুরু করে দিল স্যাম। ছুড়ে ছুড়ে ফেলতে লাগল এক পাশে।

‘তুমি এটা খুঁড়বে? এ কারণে তো আমরা আসিনি। আমরা তো শুধু খুঁজে বের করে, ছবি তুলে, বর্ণনা নিতে এসেছি। যেন ডেভিড কেইন রেজিস্টার করতে পারেন।’

‘এখানে কী আছে না জানা পর্যন্ত বর্ণনাই বা কীভাবে করব বলো?’ জানাল স্যাম। ‘যেকোনো কিছুই থাকতে পারে।’

‘এটা তো একটা সমাধিও হতে পারে। দ্রৈশ্চ দেখে মনে হচ্ছে আমাদের আগে যেই এসে থাকুক না কেন, একথাই ভেবেছে।’

‘অথবা নিচে আক্রমণকারীদের দিকে ছুড়ে মারার জন্য সঠিক আকারের পাথরের স্তূপ কিংবা বড়সড় একটা ভাঙা মাটির পাত্রের স্তূপ। বেশিরভাগ আর্কিওলজিক্যাল সাইটে যেটা কমন দৃশ্য।’

দীর্ঘ নিঃশ্বাস ফেলে স্যামের পাশে বসে পড়ল রেমি। পাথর তুলে তুলে ফেলতে লাগল একপাশে। একটু পরেই পাওয়া গেল সোজা একটা প্রবেশপথ। ‘একটা দরজা’ উৎসাহিত হয়ে উঠল রেমি। ‘ভাঙা মাটির টুকরা কিংবা পাথরের স্তূপ কোনো থিওরিই সত্যি হলো না।’

‘এখনো খারাপ লাগছে?’

‘আরো বেশি। দাঁড়াও এখনই ঢুকে তোমাকে দেখাচ্ছি আমার কত সাহস।’

‘আমরা এরই মাঝে ভেতরে চলে এসেছি।’ উত্তরে জানাল স্যাম।

একটু সরে দাঁড়িয়ে শেষ পাথর কয়টা সরানোর জন্য স্যামকে জায়গা দিল রেমি। স্যাম ঘোষণা করল, ‘ঠিক আছে, এবার আমরা ঢুকে পড়ছি।’ উঠে দাঁড়িয়ে প্যাক থেকে ফ্ল্যাশলাইট বের করে হামাগুড়ি দিয়ে ভেতরে ঢুকল।

চুপচাপ হয়ে গেল চারপাশ। মিনিট খানেক চুপচাপ বসে থাকার পর আর পারল না রেমি। কৌতূহলের জয় হলো। নিজের ফ্ল্যাশলাইট জ্বালিয়ে ঢুকে পড়ল ভেতরে।

একটু পরেই বুঝতে পারল বেশ বিশাল আর শূন্য অভ্যন্তর। ফ্ল্যাশলাইটের আলো নাচতে লাগল পুরনো মায়াদের ম্যুরালে। অসংখ্য ছবি সংবলিত অক্ষর আর এগুলোর মাঝে ডজন ডজন পালকের পাগড়ি আলা আর পরনে চিতা বাঘের চামড়া, এমন সব পুরুষের ছবি। কারো হাতে খাটো বর্শা, গোলাকার শিল্প, তীক্ষ্ণ ফলা লাগানো মুগুর। সবাই যুদ্ধে যাচ্ছে।

মেঝের ওপর ফ্ল্যাশলাইটের আলো পড়তেই চমকে উঠে চিৎকার করে উঠল রেমি। চেম্বারের অন্য পাশে পড়ে আছে একটা মৃতদেহ। মৃতদেহটা ঠিক যে অবস্থায় পড়ে আছে যেরকম আরেকটা আরেকটা মমি ওরা দুজনে পেয়েছিল মেক্সিকোর তাকানা আগ্নেয়গিরিতে। হাড়সর্বস্ব মৃতদেহের চামড়া

বাদামি। দ্বিতীয় আরেকটা দরজার কাছে পড়ে আছে, কয়েক প্রস্থ কাপড়, রংচটা বেল্ট আর বুট জুতাও আছে শরীরে। পাশে পড়ে আছে চওড়া কানাঅলা টুপি।

দ্বিতীয় দরজায় উদয় হলো স্যাম। ‘সরি, তোমাকে সাবধান করা উচিত ছিল।’

‘সব দিনই আসলে হ্যালোউইন ডে।’ বলে উঠল রেমি। মৃতদেহের পাশে বসে পড়ে দেখতে লাগল কাছ থেকে। ‘কী হয়েছিল লোকটার তোমার কী মনে হয়? চিতা? কাপড়-চোপড় ছেঁড়া আর ক্ষতও বেশ বড়।’

‘রিভলবারের দিকে তাকাও।’ ডান হাতে ধরা পুরনো আমলের লম্বা ব্যারেলের রিভলবার দেখল রেমি। নিচু হয়ে সিলিভারের দিকে তাকিয়ে ঘোরাতে লাগল। ‘ছয়টা গুলি করেছে।’

‘ঠিক। আর কোনো জাওয়ারের হাড়ও তো দেখতে পাচ্ছি না।’

‘অস্ত্রটাকে চিনতে পেরেছ তুমি?’

‘দেখ মনে হচ্ছে কোল্ট সিংগল অ্যাকশন আর্মি, তার মানে তারিখ হলো—একই সাথে মানুষটার ১৮৭৩ কিংবা তার পরের।’

রেমি জানাল, ‘বাম পাশ থেকে খেঁতলে ফেলা হয়েছে মাথার খুলি।’

‘দিনের আলোয় বের হয় এই বর্ণনাই করব আমি।’

‘তার মানে, লোকটাকে হত্যা করা হয়েছে।’ স্যামের সাথে ঢুকল ভেতরের চেম্বারে। ভেতরে পাথর কেটে তৈরি নিচু একটা শব বহনের খাট। এর ওপর শুয়ে আছে স্বর্ণের দেহবর্ম পরিহিত কঙ্কাল, মাথায় জেড পাথর লাগানো স্বর্ণ আর কানে জেড পাথরের দুল। বাঁকানো ছুরি, মুণ্ডর আর অসংখ্য জেড পাথর আর স্বর্ণের তৈরি জিনিস ছড়িয়ে আছে পাশে।

‘সমাধিটা একেবারে অক্ষত।’ অক্ষুট স্বরে বলে উঠল রেমি। ‘কিন্তু এটা কীভাবে সম্ভব? বাইরের লোকটাকে যে-ই মারুক না কেন, তার জো জানার কথা যে ভেতরে স্বর্ণ আছে।’ হঠাৎ করে স্যাম আর রেমির কানে এলো মানুষের শব্দ। দরজার কাছে গেল দুজনই। বাইরের চেম্বারে জড়ো হয়েছে কাছের শহরের আধ ডজন লোক—সিনোরা ভেলাসকোয়েজ, পেপে, সিনোর আলভারেজ, তার ছেলে, আরো দুজন, যাদের মনে না ফারগো দম্পতি। তিনজনের হাতে অস্ত্র, অন্যদের হাতে ছুরি। সবাইকেই দেখাচ্ছে অত্যন্ত ভয়ংকর।

স্যাম তাড়াতাড়ি বলে উঠল, ‘হ্যালো লেডিস অ্যান্ড জেন্টেলম্যান।’

সিনোরা ভেলাসকোয়েজ উত্তরে জানালেন, ‘ধীরে আর খুব সাবধানে বের হয়ে আসুন ওখান থেকে।’

‘আমরা কোনো ক্ষতি করিনি।’ এবারে বলে উঠল রেমি। ‘আমরা শুধু দেখছিলাম—’

‘একদম চুপ, নয়তো মৃতদেহের মতোই হয়ে যাবেন।’

সশস্ত্র লোকগুলোর পাশ কাটিয়ে সূর্যের আলোর নিচে চলে এলো স্যাম আর রেমি। চারপাশে ভিড় করে অপেক্ষা করছে সান্তা মারিয়ার আরো জনা পঞ্চাশেক অধিবাসী। কারো হাতে মশাল, কারো হাতে কুঠার। কয়েক জোড়া বেসবল ব্যাটও দেখা গেল। কয়েকজনের হাতে হান্টিং রাইফেল, শটগান, আর কয়েকটা পিস্তল তো সমাধিতে পড়ে থাকা লোকটার মতোই প্রাচীন।

সবাই একসাথে গুঞ্জন শুরু করে দিল। রেমি আর স্যামের দিকে তাক করে আছে রাইফেল আর শটগান। দুজনের হাতে দড়ি। অস্ত্রের চেয়েও বেশি অশুভ মনে হচ্ছে এগুলোকে।

আগে কখনো দেখেনি এমন একজন বেরিয়ে এলো ভিড় ঠেলে রৌদ্রে পোড়া চেহারা আর কৃষকের মতো শিরা ওঠা হাত লোকটার। বাঁকানো ছুরির মতো শক্ত চোখে তাকাল স্যাম আর রেমির দিকে। ‘কবর খুঁড়তে আমি রাজি। এখান থেকে এ দুজনকে ছুড়ে ফেলে যেখানে পড়বে সেখানেই পুঁতে ফেলব। কে হাত লাগাবে আমার সাথে?’

সান্তা মারিয়া ডি লস্ মন্তানাস্

‘আমি কবর খুঁড়তে সাহায্য করব।’ এগিয়ে এলো দ্বিতীয় জন। এরপর আরো কয়েক জোড়া হাত নড়ে উঠে এসে যোগ দিল এদের সাথে।

মেকানিক পেপে বৃন্ডের কাছে গিয়ে বলে উঠল, ‘মনে রেখো, এদের কষ্ট দেয়ার কোনো কারণ নেই। কেউ একজন হান্টিং রাইফেল দিয়ে মাথায় গুলি করলেই তো ল্যাটা চুকে যায়।’

এবারে গমগমে কণ্ঠে বলে উঠল স্যাম, ‘আমরা তো জানতে চাই আমাদের মারবেনই বা কেন?’ ফিসিফিস করে রেমিকে বলল, ‘এই ভাষায় কথা বলে আমাকে সাহায্য করো।’

রেমি উত্তরে চিৎকার করে জানাল, ‘আমরা এর আগেও আপনাদের শহরে এসেছিলাম। দুইবারই জানিয়েছি কেন এসেছি। গতকাল ফাদার গোমেজকে জানিয়েছি আমাদের উদ্দেশ্য। অসৎ কোনো কাজে এখানে আসিনি আমরা।’

সিনোর আলভারেজ, রেস্টুরেন্টের মালিক বলে উঠলেন, ‘আমি দুঃখিত; কিন্তু আপনাদের মরতেই হবে। এখানে কেউ আপনাদের ঘৃণা করে না। কিন্তু এই জায়গাটা পেয়ে গেছেন। আমাদের কাছে যা অসম্ভব পবিত্র। আমরা তো ধনী নই। কিন্তু আমাদের অতীত অত্যন্ত সমৃদ্ধ। প্রায় দুই হাজার বছর আগের এই কমপ্লেক্সের অংশ হিসেবে গড়ে উঠেছিল আমাদের শহর। এই জায়গায় এসে আশ্রয় নিয়েছিল বিশ মাইল দূরের পূর্বদিকের গ্রামের লোক, যখন তারা যুদ্ধে হেরে গিয়েছিল। আলটা ভেরাপেজের অন্যতম গুরুত্বপূর্ণ স্থান এটি।

রাজা আর কয়েকজন বিশ্বস্ত লোকই এসেছিলেন এখানে, ঘুরে দাঁড়িয়ে যুদ্ধ করেছেন। এরপর শত শত বছর পরে যুদ্ধ আবাবো এলো। তারপর আবাব। প্রতিবারই, যখন কোনো রাজা পরাজিত হয়েছেন, সমর্থকদের নিয়ে এসে এখানে উঠেছেন। ওপরে আছে পাঁচজন মহান রাজার দেহাবশেষ। প্রথমবার স্প্যানিশ সৈন্যরা যখন এলো, শেষবারের মতো প্রস্তুতি নিয়েছিলেন রাজা। কিন্তু স্প্যানিশদের বারবার পরাজিত করার কারণে এখানে আসার আর প্রয়োজন পড়েনি। এর পরিবর্তে যাজকদের সাথে সমঝোতা করা হলো। পাহাড়ের ওপরের ওয়াচ টাওয়ার ভেঙে ফেলা হলো। বানানো হলো গির্জা। শহরের কেউ কখনোই এই গোপনীয়তা নষ্ট করেনি। এর সাথে বিশ্বাসঘাতকতা করেনি।’

সব শুনে স্যাম বলে উঠল, ‘এই জায়গা তো আসলে সবসময় গোপন থাকতে পারবে না। মেক্সিকোর এক আগ্নেয়গিরিতে পাওয়া মায়া কোডেক্সের মানচিত্রে এ জায়গা দেখেছি আমরা। স্যাটেলাইট ছবি আর বিশ্ববিদ্যালয়ের অধ্যাপকদেরও জানানো হয়েছে।’

‘কিন্তু আপনারা এসে আমাদের পূর্বপুরুষদের খুঁড়ে তুলবেন, তাদের জিনিস নিয়ে যাবেন, এটা তো হতে দিতে পারি না।’ জানাল সিনোর ভেলাসকোয়েজ। ‘আপনারা ঠিক কলম্বাস আর স্প্যানিশদের মতো। আপনাদের ধারণা, কারো সম্পর্কে জানলেই তা আপনার হয়ে গেল।’

আশ্বস্ত করার জন্য রেমি বলে উঠল, ‘আপনাদের বিশেষ কোনো জায়গা নিয়ে আমাদের গবেষণা করতে না দিলেও ক্ষতি নেই। যদি না-ই চান, তাহলে ফাদার গোমেজের সাথে থাকাকালীন জানাতে পারতেন। আমরা তো ভেবেছি এমন কোনো জায়গা খুঁজছি, যার কথা কেউ আগে জানত না।’

যেন অসম্ভব মজার কোনো কৌতুক শুনছে, একে অন্যের দিকে তাকিয়ে এমন ভাবে হাসিতে ফেটে পড়ল গ্রামের লোকজন। কিন্তু ব্রিগে উঠল পুরুষদের একজন। ‘স্যাটেলাইট ছবিতে সমাধি দেখেই ভেবেছেন এতে খোঁড়াখুঁড়ি করা যাবে? কখনো আপনাদের মনে হয়নি কি যেখানে সবসময় থেকে আছে সে জায়গা সম্পর্কে সবকিছুই আমরা জানি। আমাদের পূর্বপুরুষরাই বানিয়েছে এ সমাধি। সেই ছোট্ট ছেলেমেয়ে থাকা অবস্থা থেকেই এখানে আসি। আপনার কী মনে হয়, এসব টিবি দেখেনি? পূর্বপুরুষদের সমাধি খুঁড়ে গুপ্তধন বিক্রি না করাতে আমরা অজ্ঞ হয়ে গেলাম?’ হঠাৎ করে স্যাম আর রেমির দিক থেকে মুখ ঘুরিয়ে কাছাকাছি দাঁড়িয়ে থাকা আরেকজনের কাছ থেকে রাইফেল নিয়ে নিল লোকটা। এক রাউন্ড লোড করার জন্য ঘোরাতে লাগল বোল্ট।

‘খামুন!’ শোনা গেল শক্তিশালী কিন্তু কাঁপা কাঁপা একটা কণ্ঠস্বর। সকলেই মুখ ঘোরাল কে এসেছে দেখতে। মালভূমির কিনারে দেখা গেল ফাদার গোমেজের চেহারা। শেষ ধাপে পা রেখে ওপরে উঠে এলেন ফাদার। এতটা লম্বা আর খাড়া পাহাড় বেয়ে উঠতে হাঁফাতে হাঁফাতে কাঁপছেন ফাদার। হাত তুলে বলে উঠলেন, ‘খামুন। এরকম করবেন না। আত্মরো রাইফেল নামিয়ে রাখুন। আপনারা যা করতে চলেছেন তা হত্যা ছাড়া কিছু না। কোনো অর্থ নেই।’

ক্রুদ্ধ লোকটা পায়ের দিকে তাকিয়ে রাইফেলের বোল্ট খুলে ফিরিয়ে দিল মালিকের কাছে।

স্বস্তি বোধ করলেন ফাদার। কিন্তু অভিব্যক্তিই বলে দিল যে তিনি ভালোই বুঝতে পেরেছেন যে এখনো সব শেষ হয়নি।

মেকানিক পেপে বলে উঠল, ‘আপনি তো এই শহরের নন, ফাদার। আমাদের একজনও নন। আপনি জানেন না।’

দেখে মনে হচ্ছে সিনোরা ভেলাসকোয়েজের আত্মীয়, এমন একজন বলে উঠল, ‘সেই রাজাদের আমল থেকে এ জায়গা ছাড়া আর কিছুই নেই আমাদের। দেয়ালের কাছে মারা গেছেন সাহসী আর যোদ্ধা নারী-পুরুষের দল, আর একেকটা টিবিবির নিচে শুয়ে আছেন মহান সব নেতা। কাউকেই এই স্থানের অমর্যাদা কিংবা মাটির নিচে থাকা জিনিস নিতে দেয়া হবে না। দ্বিতীয় রাজা, নিজের লোকদের নিয়ে এখানে এলেও প্রথম মানুষগুলোর দেহাবশেষের প্রতি শ্রদ্ধাঞ্জলি ছিল, এ প্রথাই চলে এসেছে এরপর থেকে।’

একটু বিরতি দিয়ে স্যাম আর রেমি যে টিবি উন্মুক্ত করে ফেলেছিল তা দেখাল লোকটা। ‘আগে শুধু একবারই এক আগন্তুক এতটা পথ এসেছিল। এখনো এখানেই শুয়ে আছে। যদিও এটা প্রায় শত বছর আগেকার ঘটনা, আর এখানে জীবিত কেউ তাকে এর আগে দেখেওনি, মারা গেছে লোকটা। গোপন সব কিছু আবারো সুরক্ষিত হয়ে গেল।’

‘না! না! না!’ চিৎকার করে উঠলেন ফাদার গোমেজ। ‘আমি হয়তো সান্তা মারিয়াতে জন্মগ্রহণ করিনি, কিন্তু অন্য অনেকের চেয়ে বেশি দিন ধরেই আছি এখানে আর আপনার কী ধারণা, যারা এ হত্যা করেছিল তারা নরকের শাস্তি ভোগ করেনি?’

কয়েকজন তাকাল মাটির দিকে, অন্যরা বুকে ক্রসের চিহ্ন আঁকল। কয়েকজন থুথু ফেলল।

পেপে বলে উঠল, ‘শতাব্দীর পর শতাব্দী ধরে মাদ্রিদ আর গুয়েতেমালা সিটির লোকদের দয়ার ওপর বেঁচে থাকতে হচ্ছে আমাদের। পেপারসমূহে

সাইন করে অন্যদের সুযোগ দিচ্ছি আমাদের ওপর ছড়ি ঘোরাতে, আমাদের সবকিছু তাদের নিয়ন্ত্রণে, যেসব মানুষ হয়তো কখনো আমাদের দেখেওনি। এটাও তো সেরকমই বসে থাকা প্রভুর হাত থেকে নিরাপদে রাখতে চাইছি পূর্বপুরুষদের মৃতদেহ।’

কথা বলার জন্য নিঃশ্বাস ফেলে প্রস্তুত হলেন ফাদার, কিন্তু স্যাম বলে উঠল, ‘দাঁড়ান ফাদার।’ এরপর শহরের লোকদের বৃত্তটার দিকে ঘুরে বলে উঠল, ‘আমার কিংবা আমার স্ত্রীর কারোরই এখান থেকে কিছু নিয়ে যাবার কোনো পরিকল্পনা নেই। বিশ্ববিদ্যালয়ের অধ্যাপক, যাদের সাথে আমরা কাজ করছি, উনারা আমাদের সম্পর্কে যত বেশি সম্ভব জানতে চান। আর কিছু না। এ কারণেই এখানে এসেছি আমরা। কিন্তু এই জায়গার মানচিত্র আরো অনেকের কাছেই আছে। এমনই একজন সারাহ্ অ্যালারসবি। এসতানশিয়া গুয়েররোর মালিক। আপনারা যদি আমাদের মেরেও ফেলেন, নিজের লোকজন নিয়ে এ জায়গা খুঁজে বের করবেন সারাহ্! খুঁড়ে বের করবেন যা আছে সব, রেখে যাবেন এই দশা।’ খোলা ট্রেঞ্চের দিকে ইশারা দিয়ে দেখাল স্যাম।

কী করবে বুঝতে পারছেন না ভিড়ের জনতা। বিড়বিড় করে নিজেদের মাঝে আলোচনা শুরু করে দিল। অনেকে আবার উত্তেজিত হয়ে উঠল। চারপাশে শুরু হয়ে গেল তর্ক-বিতর্ক।

এসময় মালভূমিতে শোনা গেল নতুন এক কণ্ঠ। ‘ঠিক কথাই বলছেন সিনর ফারগো। তার কথা মেনে নিল।’

ট্রেইলের মাথা থেকে টিবির কাছে এগিয়ে আসছেন ডা. হ্যেরেতা। সবাই মাথা ঘুরিয়ে তাকাল ডাক্তারের দিকে।

‘আপনি এখানে কী করছেন?’ জানতে চাইল দোকানদার সিনর লোপেজ।

কাঁধ ঝাঁকালের ডাক্তার। ‘লোকদেরকে এদিকে আসতে দেখে কয়েকজন বাচ্চাকে জিজ্ঞেস করেছি। আর এত বছর পর এটুকু নিশ্চিতভাবে বুঝতে পারি যে, একদল লোক ধারালো অস্ত্র নিয়ে বের হলে ডাক্তারের কাজের কমতি থাকে না সেখানে।’

‘এই লোকগুলো কী হয়—আপনারা বন্ধু?’ আবারো জানতে চাইল সিনর লোপেজ।

‘দ্বিতীয়বারের মতো এবার দেখা হলো আমাদের সাথে’, উত্তরে জানালেন ডা. হ্যেরেতা। ‘কিন্তু যত দেখছি উনাদের, ততই ভালো লাগছে। এখনই দেখাচ্ছি কেন?’

স্যাম আর রেমির কাছে এগিয়ে এসে স্যামের শার্ট তুলে ধরলেন ডাক্তার। লুকানো জায়গা থেকে সেমির অটোমেটিক পিস্তল বের করে সবাইকে

দেখালেন। আবারো গুঞ্জন তুলল ভিড়ের লোকেরা। ম্যাগাজিন খুলে দেখে নিয়ে, ভেতরে ঢুকিয়ে আবারো রেখে দিলেন স্যামের শার্টের নিচে। রেমির শার্টও হালকাভাবে তুলে সবাইকে দেখালেন তার অস্ত্র। ‘একজন ডাক্তার হিসেবে এত বছর পার করার পর ভালোভাবেই জানি যে, এটা মানব শরীরের অংশ নয়।’ শহরের লোকদের উদ্দেশ্যে বলে চললেন, ‘আপনাদের কেউ কেউ তাদের খুন করার জন্য আগ্রহী হয়ে আছেন। কিন্তু উনারা যদি চাইতেন এতক্ষণে আপনারা বেশিরভাগ নিশ্চিহ্ন হয়ে যেতেন। উনাদের তেমন কোনো ইচ্ছাই নেই। বন্ধুত্বের হাত বাড়াতেই এখানে এসেছেন দুজনে আর আপনাদের হুমকির কারণে এটা নষ্ট করবেন না।’

স্যাম আর রেমির কাঁধের হাত রেখে ডাক্তার ট্রেইল বেয়ে শহরের উদ্দেশ্যে পা বাড়ালেন।


‘খামুন।’ থেমে গিয়ে আঙুল করে ঘাড় ঘুরিয়ে তাকালেন তিনজনে। আবারো কথা বলে উঠল সিনর লোপেজ। উনাদেরকেও মুক্তি দেয়া হবে; কিন্তু সিদ্ধান্ত নেয়ার জন্য একটু সময় দরকার।’

শহরের লোকজন সকলে মিলে চিৎকার করে সম্মতি জানাল। কেউ কেউ স্বস্তি পেল এই ভেবে যে, এত বড় একটা সিদ্ধান্ত এখনই নিতে হবে না। ডা. হুর্য়েতা আর স্যাম। রেমিকে মাঝখানে রেখে চারপাশ ঘিরে একসাথে সকলে নামতে লাগল ট্রেইল ধরে।

মেইন স্ট্রিটে পৌঁছে রেমি আর স্যামকে নিয়ে আসা হলো একটা পুরাতন দালানে। বাইরের দিকের একটা রুমে দেখা গেল টেবিল-চেয়ার আছে কাঠের দরজাটা বিশাল আর ভারী। দরজার ওপাশে তিনটা রুমের সারি। মোটা লোহার গরাদ আর তালা লাগানো। একটা রুমের ভেতরে স্যাম আর রেমিকে ধাক্কা দিয়ে ঢুকিয়ে দিল লোকজন। কেউ একজন তালা লাগিয়ে চাবি নিয়ে নিল। তারপর সকলে মিলে বাইরে হুলা করতে লাগল।

মিনিটখানেক পরে ফাদার গোমেজ এলেন ভেতরে। ‘স্যাম, রেমি। আমি আসলে খুব অস্বস্তিতে পড়ে গেছি ব্যাপারটা নিয়ে। ওদের নিয়ে ক্ষমা চাইছি। সহজ-সরল আর ভালো এই লোকগুলো নিশ্চয়ই দ্রুত বুঝতে পারবে সবকিছু।’ ‘আমিও তাই আশা করছি। কিন্তু আপনি একটু দেখবেন যেন আমাদের ব্যাকপ্যাকগুলো হাওয়া না হয়ে যায়?’ জানাল স্যাম। ‘বাইরের অফিসে ইতিমধ্যে এনে রাখা হয়েছে ওগুলো। যদি আপনাদের কিছু প্রয়োজন হয় সিনোরা ভেলাসকোয়েজ নিয়ে আসবে।’

‘ধন্যবাদ।’ এবারে জানাল রেমি। ‘আর আরেকটা কথা’, দুই হাত বের করে গরাদের ভেতর ঢুকিয়ে দিলেন ফাদার গোমেজ।



সান্তা মারিয়া ডি লস্ মন্তানাস্

পরের দিন, ছেলেমেয়ে, নারী আর বয়স্কদের মালভূমির ওপরে দেয়ালের ধ্বংসাবশেষে নিয়ে গেল রেমি। শয়ে-শয়ে পাথর জড়ো করল সকলে মিলে, যেন সরু রাস্তাটা ধরে শক্ররা উঠতে লাগলেই ওদের গায়ের ওপর ছুড়ে মারা যায়। এদিকে রেমি ঠিক করল ওপরে কেউ উঠলেই পাথরের স্তূপের আড়াল থেকে দেবে গুলি করে।

স্যামের অদ্ভুত আচরণ নিয়ে মাথা না ঘামিয়ে রেমি তার নারী আর ছেলেমেয়ের দলবল নিয়ে মনোযোগ দিল শহরের লোকদের আদলে কাপড়, লতাপাতা আর ঝোপঝাড় দিয়ে নকল পুতুল তৈরিতে। যদি আপনাদের ছেলে রাইফেল চালাতে থাকে, তাহলে এসব সকল পুতুলের গায়ে গুলি করে শত্রুরা নিজেদের গুলি খরচ করতে পারবে। একই সাথে ব্যস্তও থাকবে।’

অন্যদের নিয়ে খালি বোতল আর গ্যাসোলিনের ক্যান আনিয়ে নিল। তারপর ন্যাকড়া দিয়ে মালভূমির ওপর বসে বানিয়ে নিল মল্লোটভ ককটেল। যদি লোকগুলো ওপরে উঠে আসতে থাকে, তাহলে এগুলো ওদের খানিকক্ষণের জন্য হলেও থামিয়ে দেবে। আর যদি স্নাত হয় তাহলে আলো দেখে অস্ত্র হাতে যে কেউ ওদের মেরে ফেলতে পারবে।’

গোধূলিবেলায় প্রাচীন দুর্গের পাশে পাহাড়ের মাথায় দাঁড়িয়ে গ্রামের লোকদের তৈরি দেখল স্যাম। ট্রেইল থেকে শুরু করে ওপর পর্যন্ত লাগানো হয়েছে শত শত নকল পুতুল। প্রাচীন পাথরের ব্যারিয়ার পর্যন্ত আছে ছোট

ছোট পাথর। প্রাচীন দুর্গটার দেয়ালের ভেতর জড়ো করা হয়েছে পুরো শহরের লোকদের জন্য কয়েক সপ্তাহ চলার মতো খাবার আর পানি। ছেলেমেয়েদের জন্যও আশ্রয় তৈরি হয়েছে। পুরো চত্বর জুড়ে ছড়িয়ে আছে নকল-পুতুল আর পাথর আর মলোটভ ককটেলের সাপ্লাই হয়েছে দেখার মতো।

হঠাৎ করে স্যাম টের পেল যে পাশেই দাঁড়িয়ে রেমি।

‘আমি তোমাকে ছাড়া থাকতে পারব না।’ মোলায়েম কণ্ঠে বলে উঠল রেমি। ‘প্লিজ, গ্রাম থেকে একা একা মারা যেও না।’

মাথা নেড়ে নিচের দিকে তাকাল স্যাম। ‘আমি কখনোই তোমাকে বলিনি যে অন্ধের মতো আমার কথা মেনে চলো। এবার বলছি, বিশ্বাস রাখো আমার ওপর।’

স্যামের দিকে তাকিয়ে চোখের মাঝে কী যেন দেখল রেমি।

‘এর আগে আমাদের মাঝে তো গোপন কিছু ছিল না।’

‘আমি দুঃখিত রেমি। কিন্তু বহু বছর আগে করা শপথ এখন রাখতে হবে আমাকে। এভাবেই ব্যাপারটাকে দেখছি।’

‘জানি তোমার হাতে কোনো উপায় আছে। কিন্তু কাজ করবে তো?’

রেমি মাথার চূলে হাত বুলিয়ে দিল স্যাম। ‘এটাই তুরুপের তাস আর এটাও বলতে পারছি না যে, কী ঘটবে বলে আশা করছি।’

সূর্যের শেষ রশ্মি মাখানো পর্বতের চূড়ার দিকে তাকাল স্যাম। ‘এখন আমাকে যেতে হবে।’

হাত দিয়ে প্রিয়তম স্ত্রীকে ধরে পর্বতের নিচের দিকে যাবার ট্রেইল পর্যন্ত গেল স্যাম।

স্বামীর কাঁধে মুখ ডুবিয়ে দিল রেমি।

‘এমনটা করো না। যদি আর তোমাকে না দেখি।’

নরম স্বরে ফিসফিস করে স্যাম জানাল, ‘শহরে আমাদের পছন্দের রেস্টুরেন্টে লাঞ্চের রিজার্ভেশন দিয়ে রেখেছি আমি।’ কিস করল স্ত্রীকে।

বিশ ফুট এগিয়ে থেমে শেষবারের মতো স্বামীকে দেখার জন্য ঘুরে তাকাল রেমি। কিন্তু স্যামকে দেখা গেল না। মনে হলো যেন হাওয়ায় মিলিয়ে গেছে।

সান্তা মারিয়া

ভোরবেলা, রাস্তা দিয়ে গির্জার দিকে হেঁটে গিয়ে মই বেয়ে বেল টাওয়ারের ওপর উঠল স্যাম। সময় এখন অর্থের মতোই দামি।

একজোড়া জার্মান স্টেইনার ২০x৮০ মিলিটারি বাইনোকুলার বের করে লেন্সের ভেতর দিয়ে তাকাতেই দেখতে পেল পাঁচ মাইল দূরের রাস্তায় ধুলার মেঘ।

প্রায় আয়েশ করার ভঙ্গিতেই দেয়ালের খাজে বসে সূর্যোদয় দেখল স্যাম ফারগো। এরপর তাকিয়ে রইল এগিয়ে আসা মিলিটারি কনভয়ের দিকে।

যুদ্ধ করার দায়িত্ব নয় স্যামের। ওর কাজ হচ্ছে নজরে রাখা। ডাক্তার হুর্য়েতার কাছ থেকে ধার করে আনা ছোট্ট পুরনো আমলের হাতে ধরা রেডিও নিয়ে, ফ্রিকোয়েন্সি অ্যাডজাস্ট করে কল বাটনে চাপ দিল।

‘ভাইপার ওয়ান। দিস ইজ কোবরা ওয়ান। ওভার।’

প্রায় সাথে সাথে শোনা গেল পরিষ্কার তীক্ষ্ণ একটা কণ্ঠ। ‘কোবরা ওয়ান। দিস ইজ ভাইপার ওয়ান। অনেকক্ষণ ধরে তোমার গলা শুনি নি। ওভার।’

‘ছয় বছর আর সাত মাস। ঠিকভাবে বললে। আমরা সবাই তোমাকে মিস করেছি। কোবরা ওয়ান।’

‘ভাইপার টু আছে?’

‘তোমার দুইশ মিটার বাম দিকে জঙ্গলের খোলা জায়গায়।’

‘অনেক দিন ধরেই তুমি বাইরে।’ হেসে ফেলল ভাইপার টু। ‘আগের দিনগুলোতে ব্লকে নতুন বাচ্চা হিসেবে তোমার কথা মনে পড়ছে।’

‘তোমার তো জানা থাকার কথা।’ বলে উঠল ভাইপার ওয়ান, ‘সময়মতো এই ছোট্ট টি-পার্টিতে আসার জন্য ফার্মকে বহু কষ্ট করতে হয়েছে।’

‘আমি এটা ভালো করেই জানি।’ উত্তরে জানাল স্যাম। ‘আর আরেকটা ব্যাপার, এ পাশে আমিই আছি, যে কিনা সংখ্যাটা জানে।’

‘ওকে।’ বলল ভাইপার ওয়ান।

‘তাহলে আমাদের সংখ্যাটা জানাও। ওভার।’

‘রজার।’ বলে উঠল—স্যাম। ‘একটা ছোট্ট সেনাবাহিনী, যারা স্থানীয় এক ড্রাগ লর্ডের হয়ে কাজ করে এখানে আসার প্লান করেছে শহর আর লোকদের দখল করার জন্য। তারপর পাঠিয়ে দেবে কিশ মাইল দূরের একটা গ্রামে কাজ করতে।’

‘তার মানে দাসত্ব?’

‘হ্যাঁ। ঠিক তাই।’ বলে উঠল স্যাম।

‘আরো আছে নির্যাতন, চুরি, কিডন্যাপিং আর মার্ডার। একবার এই লোকগুলোকে মারিজুয়ানা ক্ষেতে ঢোকাতে পারলে কেউ আর তাদের সম্পর্কে জানতেও পারবে না, কিছু শুনতেও পারবে না। ওভার।’

‘ভালো লাগছে যে আমরা লোক ভালো।’ কেটে দিল ভাইপার টু।
‘দাঁড়াও, সাতটা গাড়ি রাস্তার কাছে এগিয়ে আসছে।’

নিজের বেল টাওয়ার থেকে কী দেখছে জানাল স্যাম।

‘প্রতিটি ক্যানভাস ঢাকা ট্রাকে পঁচিশজন করে লোক। হাতে একে ৪৭।
পাহারা দিয়ে আনছে দুটো আর্মারডকার। একটা সারির মাথায় আরেকটা
মাঝখানে।’

‘আরো দেখা যাচ্ছে কনভয়টাকে পাহারা দিচ্ছে দুটো মি-৮ রাশানদের
তৈরি গানশিপ।’

‘আমার দিক থেকে যা দেখা যাচ্ছে সেগুলো তুমি কীভাবে দেখছ জঙ্গলে
ঢাকা পর্বতের পেছন থেকে?’

‘তুমি গ্যাংয়ে থাকাকালীন যা ছিল তার চেয়ে অনেক উন্নত হয়েছে
আমাদের সেন্সর।’

গ্রামে ওঠার জন্য শেষ বাঁকটার ওপর বাইনোকুলার তাক করল স্যাম।

‘ভাইপার ওয়ান। ওরা শহরের কিনারে পৌঁছে থেমে গেছে।’

‘অবাক হবার মতো কিছু না। কাউকেই দেখা যাচ্ছে না। জীবিত কিংবা
মৃত। হতবাক হয়ে গেছে নিশ্চয়।’

‘আমি আর আমার স্ত্রী সবাইকে নিয়ে পাহাড়ের ওপর প্রাচীন দুর্গে রেখে
এসেছি।’

অ্যাপাচি হেলিকপ্টারের ভেতর পাইলট আর গানররা ডান চোখের ওপর
মনোকল লাগিয়ে হেলমেট ঠিক করে নিল। দেখার জন্য বৈপ্লবিক পরিবর্তন
এনে দিয়েছে জিনিসটা। অস্ত্রের চেইন নিজের হেলমেটের সাথে লাগাতে পারে
পাইলট অথবা গানার। মাথা ঘোরানো থেকে ট্র্যাক করে নেয় চেইন। যেখানে
সে তাকাবে, সেই টার্গেটেই গুলি লাগাবে।

‘ভাইপার টু। দিস ইজ ভাইপার ওয়ান। এনগেজ করার জন্য
প্রস্তুত।’

‘চলো তাহলে বাবাজিকে নাশতা করানো যাক।’

তীক্ষ্ণ মোড় নিয়ে অ্যাপাচি ঘোরাল ভাইপার ওয়ান। গ্রামের প্রধান চত্বরে
টুকে পাথরের বিশ মিটার ওপরে উঠে চক্কর কাটতে লাগল।

সান্তা মারিয়া ডি লস মন্তানাস্

আমান্ডো জারভেইস আর তার কো-পাইলট ও গানার রিকেবা সাবাস, পাশাপাশি বসে আছে মি-৮ হিপ গানশিপের প্রশস্ত ককপিটে। সান মার্টিনের পাঁচটা হেলিকপ্টার বহরের একটা।

মি-৮ রাশান নির্মিত পুরনো হেলিকপ্টার হলেও বেশ কাজের। একান্ন বছর ধরে এখনো তৈরি হয়েই চলেছে। যদিও প্রথমটা আকাশেই বিধ্বস্ত হয়েছিল। পুরো পৃথিবীর অর্ধেক সেনাবাহিনীই ব্যবহার করেছে এই হেলিকপ্টার। তাই বিশ্বব্যাপী মি-৮-কে সবচেয়ে সফল ডিজাইন অনায়াসে বলা যায়।

হালকাভাবে কানেকটিভ কন্ট্রোল স্টিকের ওপর চাপ দিল জারভেইস। মাটি থেকে পাঁচ মিটার ওপরে উঠল মি-৮। একই সময়ে সাইক্লিক স্টিক সামনের দিকে ঠেলে দেয়াতে আস্তে আস্তে মি-৮ ওপরে উঠে গ্রামের চত্বর আর গির্জার চারপাশে ঘুরতে লাগল। হঠাৎ করেই আতঙ্কে জমে গেল জারভেইস আর সাবাস। পাখির গায়ে গুলি করার মতো শটগান হাতে চিৎকাররত গ্রামবাসীদের পরিবর্তে দেখা গেল জারভেইস আর সাবাস তাকিয়ে আছে রকেট লঞ্চারদের সারির দিকে। বুলে আছে ইউনাইটেড স্টেটস অস্ত্রাগারের সবচেয়ে দুর্ধর্ষ আর ভয়ংকর আক্রমণকারী হেলিকপ্টারের গায়ে।

বেল টাওয়ারের ওপর স্যাম ফারগো এতটা আতঙ্কজনক আর কিছু দেখেনি কখনো। ভূতের মতো মনে হচ্ছে এএইচ-৬৪ই অ্যাপাচি লংবো

হেলিকপ্টার। বিশেষ করে ঝুলে থাকা অবস্থায়। মনে হচ্ছে দৈত্যের মতো একটা পোকা, যেটা কখনো উড়তে পারবে না।

‘সান্তা মারিয়া’, বিড়বিড় করে উঠল সাবাস। ‘এটা কোথেকে এলো?’

‘কালো রঙে কোনো মার্কিং নেই।’

‘এত আস্তে যে প্রায় শোনাই যাচ্ছে না।’ বলে উঠল জারভেইস।

‘এটা এখানেই বা কী করছে?’ উত্তরটা আর জানা হলো না।

বিমূঢ় হয়ে সাদা ধোঁয়ায় মিলিয়ে গেল দুজন। চোখের পলক ফেলার আগেই অ্যাপাটির নিচে দেখেছিল আলোর ঝলকানি। মুহূর্তে নেই হয়ে গেল সবকিছু।

‘টার্গেট শেষ। ভাইপার টু।’

‘আমিও তাই শুনলাম। হোল্ড অন। আমার টার্গেট লক করা হয়ে গেছে। আমি গুলি ছুড়ছি।’

কয়েক মাইল দূরে পাহাড়ের নিচে; আরেকটা বিস্ফোরণের আলো জ্বলে উঠল। বাতাসে দেখা গেল ধোঁয়ার মেঘ।

‘ভাইপার ওয়ান, দ্বিতীয় এরিয়াল টার্গেট হয়ে গেছে।’

‘ওদের বিমান বাহিনীর জন্য একটু বেশিই হয়ে গেছে। এবার পদাতিক বাহিনীর দিকে নজর দেয়া যাক।’

‘কোবরা ওয়ান বলছি’, বলে উঠল স্যাম ফারগো। ‘ট্রাক আর আর্মারড কার গ্রামের দিকে চলতে শুরু করেছে।’

‘এয়ার কাভার এখনো আছে ভাবছে কেমন করে?’

‘তোমাদের ধ্বংসাত্মক মূর্তি এখনো দেখেনি তারা। গ্রামের জন্য তোমাকে দেখা যাচ্ছে না। আর গাছের আড়ালে আছে ভাইপার টু।’

‘ধন্যবাদ, কোবরা।’ বলে উঠল—ভাইপার ওয়ানের পাইলট। ‘তোমাদের খুঁজে পাবার মতোই সক্রিয় হয়ে কাজ করো।’

‘তাই বন্ধু।’ বলে উঠল স্যাম। ‘খোয়াড়ে ফিরে ভালোই লাগছে।’

‘ওকে ভাইপার টু। আর্মারড কারসহ বিপরীত দিক থেকে শুরু করে ট্রাকের মাঝ বরাবর পর্যন্ত আসব।’

‘সংবিত ফিরে পাবার আগেই এনগেজ করতে হবে। তাদের নিয়ে কী করতে চাও?’

‘হাইড্রো মিসাইল দিয়ে শুরু করছি। আর্মারড কার শেষ হয়ে যাক। এরপর এম ২৩০ কামান। ভাইপার টু, তুমি সামনের আর্মারড কার দেখো। আর্মি ট্রাক আর পদাতিক বাহিনীর জন্য চার্লির লেজ খসাচ্ছি।’

‘শুধু নিজেদেরকেই যেন গুলি না করে বসি সেদিকে খেয়াল রেখো।’

‘রজার, ভাইপার টু। চা খাবার সময় লেডিস যেরকম সাবধান থাকে, তেমনই থাকব আমরাও।’

‘রজার দ্যাট, ভাইপার ওয়ান।’

বোতামে আঙুল স্পর্শ করেই গ্রামের চত্বর পেরিয়ে আর্মারড পাঠিয়ে দিল সে। বিশাল আগুনের গোলায় উধাও হয়ে গেল ছত্রভঙ্গ গাড়িগুলো। ধোঁয়ায় ঢেকে গেল চারপাশ।

আপন মনেই হাসল, স্যাম। ‘তোমরা যখনই একটা করে ট্রাক ভাঙবে, আমি গির্জার ঘণ্টা বাজাব।’

‘তোমার সেন্স অব হিউমারের কথা এখনো ভুলিনি আমি।’

‘কিছুই বদলায়নি।’ উত্তর দিল স্যাম।

‘কুমড়াটাকে কুচিকুচি করতে তৈরি ভাইপার ওয়ান?’

‘এসো ড্রাগন দেখাচ্ছি।’ শোনা গেল উত্তরে।

নিজেদের স্বমূর্তি দেখাল অ্যাপাচি। পাহাড়ের গা বেয়ে গড়াতে জায়গা থেকে মাত্র কয়েক ফুট দূর দিয়ে পার হয়ে গেল।

‘আমাদের মি-৮ কণ্টারগুলো কোথায় গেল?’ জানতে চাইল রাসেল। আর্মারড কারের ভেতরে ঢুকে গেল আবার। আমার কেমন যেন ভালো লাগছে না। ওদের কোনো পাত্তা নেই। উপরন্তু দুটো কালো ধোঁয়ার লেজ।’

‘একটা আরেকটার সাথে বাড়ি খায়নি তো?’

মাথা নাড়ল রাসেল। ‘বিপরীত দিক থেকে গ্রামে আসার কথা। ধোঁয়াগুলো নিশ্চয়ই গ্রামের টার্গেট ধ্বংস করার চিহ্ন।’

‘তাহলে যোগাযোগ করছে না কেন আমাদের সাথে?’

‘এ ব্যাপারটাই আমি বুঝছি না’—রাসেল শেষ করার আগেই মাথার ওপর দেখা গেল ভয়ংকর এএইচ-৬৪ই লং বো হেলিকপ্টার। মাত্র ত্রিশ ফুট ওপরে পাইলট হাত নেড়ে হাসছে। হঠাৎ করেই সামনের দিকে গাড়িয়ে ফায়ারিং পজিশন নিল লংবো। দেখাচ্ছে মৃত্যুদূতের মতো।

‘বের হও।’ চিৎকার করে উঠল রাসেল। ‘লাফ দাও।’

দ্বিতীয়বার আর বলতে হলো না রুইজকে। আর্মারড কারের ভেতর থেকে ছিটকে বের হয়ে গেল দুজন। তুরা রয়ে গেল ভেতরে। মাটিতে রাস্তার পাশের খাদে গড়িয়ে গেল।

তিন সেকেন্ডেরও কম সময়ে রাসেলের হিসহিস চিৎকার, আর্মারড কারের ওপর পড়ে হিন্দিভিন্ন করে দিল টারেট। কালো কিলিং মেশিনটার ভেতরে গানার ঘোরাতে লাগল এম ২৩০ অটোমেটিক কামানের মাজল। ফিউজিলাজের কাছে রাখা কামানের মুখ ঘুরে গেল কনভয়ের প্রথম ট্রাকটার দিকে। প্রথম আর

দ্বিতীয় ট্রাকের ক্যানভাস ঢাকা বেধে উড়িয়ে নিয়ে গেল গোলা। সান মার্টিনের কাছ থেকে আনা পঁচিশজন স্বশস্ত্র ঘাতক মুহূর্তেই ভয়ংকর অগ্নিকুণ্ডে নিপতিত হলো।

সাবধান করার কোনো সময়ই পাওয়া গেল না। রাস্তা থেকে সরে গেল তৃতীয় ট্রাকটা। খাদে পড়তে পড়তে ছিটকে ফেলল আরোহীদের। চতুর্থ ট্রাকের একজন ক্যানভাসের কাভার সরিয়ে অ্যাপাচিকে গুলি করা শুরু করল।

‘আমাকে গুলি করছে ভাইপার টু। তাকে বের করতে সাহায্য করব নাকি?’

‘তাকে আমিই পাঠিয়ে দিচ্ছি স্বপ্নপুরীতে। শুধু নিজের পাশের কনভয়ে নজর রাখো।’

রোটর ব্লেডস আর ফিউজিলাজে গুলিবৃষ্টির আওয়াজ শুনল ভাইপার ওয়ান। তবে নিরাপত্তার জন্য আছে ছাব্বিশ পাউন্ডের শিল্ড।

ভাইপার ওয়ানের নিচে চলে এলো ভাইপার টু। এমন গুলিবর্ষণ করল যে, ট্রাকের ওপরে লোকটা নিজের মেশিনগান সমেত পরিণত হলো জঞ্জালের স্তূপে।

‘তোমার প্রতি অনুগত হলাম, ভাইপার টু।’

‘তুমি এখনো এক নাম্বারেই টিকে আছো?’

‘রজার। আমার গোল লাইনে পাঁচ নম্বর ট্রাকে ঢোকাচ্ছি।’

‘চলো, খেলাটা শেষ করা যাক।’

একটা ট্রাকের ধোঁয়া আর অন্যটার বিস্ফোরণের শব্দ তখনো মোছেনি বাতাস থেকে, এমন সময় শেষ ট্রাকটা চেষ্টা করল মাঠের মাঝ দিয়ে পালাতে। খুব দ্রুত নিখর হয়ে গেল নিজের জায়গায়। যারা বেঁচে গেছে মাটিতে ছড়িয়ে-ছিটিয়ে পড়ল। কিন্তু বাঁচার উপায় নেই। দমকল কর্মীর পানির মতো করে ওপর থেকে গোলা ফেলছে অ্যাপাচি।

দুটো অ্যাপাচিই কনভয় নিশ্চিহ্ন করে চক্কর দিকে লাগল পুরো জায়গা জুড়ে। খুঁজে দেখছে এমন কেউ আছে কিনা, যে নিজের অস্ত্র ফেলে এখনো হাত মাথার ওপর তুলে সারেভার করেনি।

রাস্তার পাশের খাদের ভেতর থেকে সবকিছুই তাকিয়ে তাকিয়ে দেখল রাসেল আর রুইজ। কিন্তু আর্মাডাড কারের ধোঁয়া আর গরমের অত্যাচারে অতিষ্ঠ হয়ে উঠল। শুয়ে শুয়েই বিস্ময় নিয়ে দেখল ফ্যান্টমের ভয়ংকর মূর্তি। নেই হয়ে গেল পুরো কনভয়।

‘এর কোনো মানেই হয় না।’ বিড়বিড় করে উঠল রাসেল। ‘কে আর কোথা থেকেই বা এলো, কিছুই বোঝা যাচ্ছে না।’

‘এরা তো গুয়েতেমালার সেনাবাহিনীও নয়।’ বলে উঠল রুইজ।

‘চলো দেরি না করে খুঁজে দেখি।’ গর্ত থেকে উঠে জুলন্ত কার থেকে হামাগুড়ি দিয়ে সরে চলে এলো কাছাকাছি জঙ্গলের ভেতর।

‘অন্ধকার হাওয়া পর্যন্ত গুয়ে থাকার মতো একটা জায়গা বের করতে হবে।’

‘ভালোই বলেছ বন্ধু’, বলে উঠল রাসেল। ‘আমার পেছনে এসো আর মাথা নিচু করে রেখো।’

‘কোথায়?’

‘এসতানশিয়া গুয়েররো।’ উত্তরে জানাল রাসেল। ‘মিস অ্যালারসবিকে গিয়ে কাহিনিটা শোনাতে হবে অন্য কেউ যাবার আগে।’

বিস্ফোরণের শব্দ আর গ্রামে ওপরের আকাশে কালো ধোঁয়ার কুণ্ডলী দেখে ধপ করে উঠল রেমির হার্ট। চেষ্টা করছে গ্রামের মায়েদের সাথে নিয়ে নিচের গুণ্ডগোল থেকে ছোট ছেলেমেয়েদের মন দূরের সরিয়ে রাখতে।

এরপর যে নীরবতা নেমে এলো সেটা সহ্যের বাইরে মনে হলো। ভয় আর দুশ্চিন্তায় দিগ্বিদিক জ্ঞান হারিয়ে উন্মত্তের মতো ট্রেইল ধরে নেমে চলে এলো গ্রামের চত্বরে। সেখানে দাঁড়িয়ে হেলিকপ্টারের ভাঙা আবর্জনা দেখে মনে হলো মাথা ঘুরে উঠবে।

স্যামের কোনো চিহ্ন না দেখে চোখ বন্ধ করে ফেলল কান্না ঢাকতে। খারাপটাই মাথায় আসছে আগে।

কিন্তু হঠাৎ করেই মনে হলো, পেছনে কেউ এসে দাঁড়িয়েছে। এরপর কানে এলো স্যামের কণ্ঠ। আমাদের ভালোবাসার একটা সুন্দর সমাপ্তি ঘটাই তো উচিত, তাই না?’

ঘুরে দাঁড়িয়ে স্যামকে দেখেই উত্তেজিত হয়ে পড়ল রেমি। মাথায় কিস করল স্বামীকে। স্যাম জড়িয়ে ধরতেই উবে গেল সব ভয়।

‘ওহ স্যাম’, স্যামের কাঁধের ওপর দিয়ে মি-৮-এর ভগ্নদশা দেখে বিড়বিড় করে উঠল রেমি।

ঠিক সেই মুহূর্তে মাথার ওপর চক্রর কেটে আসতে করে ভাইপার টুকে নিয়ে চত্বরের ওপর নেমে এলো ভাইপার ওয়ান। গুলি ফেলে উঠল ইঞ্জিন। চার ব্লেন্ডের প্রধান রোটর ধীরে ধীরে ঘুরে অবশেষে থেমে গেল। ককপিট থেকে নেমে এগিয়ে এলো চারজন। মুচকি হাসল স্যাম।

প্রথমজন এসে হাত বাড়িয়ে করমর্দন করল স্যামের সাথে। ‘তোমাকে অনেক মিস করেছি, দোস্ত।’

‘আমার তো অবাকই লাগছে যে তোমার মতো একটা পুরনো গির্জার এখনো দুনিয়ায় চক্রর কাটছ আর ঝামেলা বাঁধাচ্ছ।’

হেসে ফেলল ভাইপার টুর পাইলট। ‘তুমি না থাকলে এখানে আসতামই না আমরা।’

পাঁচজন পুরুষ একে অন্যকে জড়িয়ে ধরল আর শুরু করল পুরনো দিনের যুদ্ধের সময়কার গল্প। দাঁড়িয়ে দাঁড়িয়ে দেখতে লাগল রেমি। কিন্তু অবাক লাগল যে, কেউ কারো নাম ধরে ডাকছে না শুনে। তাই শেষমেশ রেমি বলে উঠল, ‘আমার সাথে পরিচয় করিয়ে দেবে না?’

একে অন্যের দিকে বিস্মিত হয়ে তাকিয়ে অট্টহাসিতে ফেটে পড়ল সকলে।

কিংকর্তব্যবিমূঢ় রেমিকে ধরে স্যাম বলে উঠল, ‘এটা আসলে অদ্ভুত একটা দল। পুরো পৃথিবীতে অনকলের ওপর ঘুরে বেড়ায় অপারেশন চালাবার জন্য। যেমন এসতানশিয়া গুয়েররো। আর ইউএসএর সবচেয়ে উৎকৃষ্ট আর গোপন অপারেশনও বটে।’

‘আর তাই আমাদের নামও আর ব্যাকগ্রাউন্ড শুধু আমরাই জানি।’ বলে উঠল ভাইপার টুর পাইলট।

‘আর এ বাহিনীতে যোগ দেয়ার সময় গোপনীয়তা অটুট রাখার শপথও নিয়েছি।’

ভাইপার ওয়ানের গানার তাকাল রেমির দিকে। বলে উঠল, ‘এই সেই সুন্দরী নারী, যার কারণে তুমি বাহিনী ছেড়ে এসেছ?’

চোখে আলো নিয়ে হাসল স্যাম। ‘এটা তো বলার অপেক্ষা রাখে না।’ স্ত্রীর কোমর জড়িয়ে ধরে বলে উঠল, ‘সরি, তোমাদের ওর নাম বলতে পারব না।’

অত্যন্ত সতর্ক ভঙ্গিতে গ্রামে ফিরে এলো গ্রামবাসী। অবিশ্বাসের ভঙ্গিতে তাকিয়ে রইল অ্যাপাচি লং বোর দিকে। হা করে দেখল মি-৮ হিপ। পুরো গ্রাম অক্ষত দেখে তো যারপরনাই বিস্মিত হয়ে গেল। একই অবস্থা ফাদার গোমেজ আর ডাক্তার হুয়েতার।

ক্রমেই বেড়ে চলা ভিড়ের দিকে তাকিয়ে মাথা নেড়ে ভাইপার টুর গানার বলে উঠল, ‘আমার ধারণা, সময় হয়েছে নিজেদের তাঁর গুটিয়ে সূর্যাস্তের মাঝে নিঃশব্দে বিদায় নেয়ার।’

‘ধন্যবাদ।’ আবারো সবার সাথে হাত মিলিয়ে বলে উঠল স্যাম। ‘তোমরা দুইশর বেশি নারী-পুরুষ আর ছেলেমেয়ের জীবন বাঁচিয়েছ—একই সাথে বন্ধ করে দিয়েছ মধ্য আমেরিকার সবচেয়ে বড় ড্রাগ অপারেশনের।’

‘পরের টুর্নামেন্টের জন্য বেশি দেরি করো না।’ স্যালুট দিয়ে বলে উঠল ভাইপার ওয়ান।

‘তোমার ফোন নাম্বার বদল করো না।’ রেমির গালে কিস করে হাত ধরে—দাঁড়িয়ে রইল স্যাম। ওর চোখের দিকে তাকিয়ে রইল রেমি। বলে উঠল, ‘আমাদের যখন দেখা হয়েছিল বলেছিলে যে তুমি সিএইতে ছিলে।’

হালকা ভঙ্গিতে কাঁধ ঝাঁকাল স্যাম। ‘ওই সময়েই এটাই সবচেয়ে ভালো মনে হয়েছিল।’

গন্তব্য এসতানশিয়া গুয়েররো

রাসেলের পাশে ট্রাকের ক্যাবে বসে আছে রুইজ। ‘মনে হচ্ছে যেন প্লেন থেকে পড়ে গেছি। এত জোরে পড়েছি যে কাঁধে ব্যথা হয়ে গেছে। খাদে পড়ে মনে হচ্ছে হাঁটুটাও গেছে। বিশ্বাসই হচ্ছে না এখনো।’

সামনের রাস্তার দিকেই তাকিয়ে রইল রাসেল। ‘শোকর করো যে তামাকচাষির কাছ থেকে এই ট্রাকটা ছিনিয়ে নিতে পেরেছি। আসলেই বেশ বড় ক্ষতি হয়ে গেল। আর সান মার্টিনের নব্বইজন কর্মীও হারালাম। কিন্তু আমি তোমাকে আরেকটা কথা বলতে চাই। মনে হচ্ছে যেন মার্টিন জানার আগেই এ সমস্যা মেটাতে হবে। নচেৎ যত দ্রুত সম্ভব দেশ থেকে বের হয়ে যেতে হবে।’

হা করে একদৃষ্টে তাকিয়ে রইল রুইজ, ‘আমাদের দফা-বাহা শেষ ভাই। ওই শহরে যাওয়া আর সুইসাইড করা একই জিনিস।’

আধা ঘণ্টা পরেই এসতানশিয়া গুয়েররোতে পৌঁছে গেল দুজন। কাউন্টি হাউসে যেতে লম্বা এবড়ো-খেবড়ো রাস্তাটা পার হতেই আলোকিত জানালার পাশে সারাহ্ অ্যালারসবিকে বসে থাকতে দেখল রাসেল। ট্রাক দেখতে পেয়ে দৌড়ে আসছে মেয়েটা

‘ওরা কোথায়?’ তাড়াতাড়ি জানতে চাইল সারাহ্। ‘হেলিকপ্টার কিংবা ট্রাকগুলো তো ফিরে আসেনি।’

নিজের ক্যাবের জানালা দিয়ে তাকাল রাসেল। ‘হয়েছে কী, আমরা আসলে ওখানে যেতেই পারিনি। অ্যাম্বুশড পাতা ছিল। বেশিরভাগ লোক মারা গেছে, যারা বেঁচে আছে তাদের বন্দি করা হয়েছে।’

‘মারা গেছে? একগাদা অশিক্ষিত কৃষকের কাছে শ’খানেক লোক হারিয়েছ তুমি? কীভাবে?’

একে অন্যের দিকে তাকিয়ে শক্ত হয়ে ট্রাক থেকে নেমে এলো রাসেল আর রুইজ। ট্রাকের গায়ে হেলান দিয়ে দাঁড়াল। রুইজ আর রাসেল দাঁড়াল সারাহ্র সামনে, ‘মিস অ্যালারসবি, আমি ক্ষমা চাইছি। আসলে আমরা হেরে গেছি। গ্রামাবাসীদের কারণে না। দুটো রহস্যময়, কালো আর মার্কবিহীন হেলিকপ্টার কোথেকে যেন উড়ে এসে আমাদের বিধ্বস্ত করে দিয়েছে। আর্মারডকার, হেলিকপ্টার সব।’

সারাহ্ অ্যালারসবি বুঝতে পারল যে রেগে উঠছে রাসেল। ভয় পেয়ে গেল তাই খানিকটা। এরপরে কী ঘটবে সেটা বুঝতে পারার মতো যথেষ্ট বুদ্ধিমান সে।

রাসেল আবারো বলে উঠল, ‘মনে হয় এখানে আমাদের প্রয়োজন ফুরিয়েছে। কয়েক মিনিটের মাঝেই চলে যাচ্ছি। ভালো থাকবেন।’ অন্যদিকে ঘুরে গেল রাসেল।

‘দাঁড়াও’ তড়িঘড়ি বলে উঠল সারাহ্। ‘সরি রাসেল, আমি তোমার সাথে খারাপ আচরণ করতে চাইনি। প্লিজ আপসেট হয়ো না। জানি আমি খানিকটা নির্বোধের মতো ব্যবহার করেছি। সময় আসলে খারাপ যাচ্ছে। কিন্তু এখনো চাইলে সব ঠিক হয়ে যাবে।’

সারাহ্র দিকে তাকিয়ে রইল রাসেল আর রুইজ।

সৈন্যগুলোকে দিয়েছিলেন সান মার্টিন। যদি তোমরা দুজনই ছোঁয়া যাও আর এটা সব সামলাতে হয় তাহলে আমাকে মেরেই ফেলবে লোকটা। তারপর তোমাদের খুঁজে বের করেও একই হাল করবে। তুমি তো জানোই যে সে মাদকের কারবারি। ইউরোপ আর ইউনাইটেড স্টেটস ছাড়ে ছড়িয়ে আছে তার কানেকশন আর বায়ার। আর কোনো পথে খোলা নেই ঝামেলা মেটানো ছাড়া। যেন ভালো খবরের পাশাপাশি দুঃসংবাদটা দেয়া যায়। এভাবে তো হাল ছেড়ে দেয়া যাবে না।’

‘এত বড় বিপর্যয় কীভাবে সামাল দেব?’

‘তোমাদের পারিশ্রমিক ডাবল করে দেব। আর এই জায়গা থেকে পাওয়া শিল্পদ্রব্য বিক্রির অর্থ থেকে প্যারসেন্টিজও দেব। কোডেক্স অনুযায়ী এটা একটা দুর্গ আর শহর থেকে বিভাজিত হয়ে শেষ আশ্রয়ের জন্যই গিয়েছিল এখানে

সকলে। যদি তাই হয়। তাহলে নিশ্চয় নিজেদের ধনসম্পদ শত্রুর জন্য রেখে
যায়নি। তো তার মানে বিশাল কিছু পাব আমরা।’

‘মিস অ্যালারসবি’, রাসেল চাইল যুক্তি দেখাতে, ‘বহু লোক মারা গেছে
আজ। যদি পুলিশ আসে তো জড়িতদের খুনের দায়ে ধরে নেবে। আর আমরা
তো আবার বিদেশি।’

‘এছাড়া এটাও জানি না যে, ওরা এলো কোথেকে।’ যোগ করল রুইজ।

গন্তব্য গুয়েতেমালা সিটি

দুই দিন পরে, সেনাবাহিনীর একটা ট্রাকে বসে খানাখন্দে ভরা রাস্তা দিয়ে ঝাঁকি খেতে খেতে গুয়েতেমালা সিটির দিকে চলেছে রাসেল আর রুইজ। ওর ডান কানে ছোট একটা স্পিকার রেখে দিয়েছে রাসেল। ‘ভালোই হলো যে আমাদের সোজা রাজধানীতে নিয়ে যাচ্ছে। কোনো প্রদেশের জেলে বসে ছয় মাস পচতে চাই না প্রসিকিউটরের প্রস্তুতির আশায়। গুয়েতেমালা সিটিতে গেলে সারাহ্ রাত কাটাবার আগেই আমাদের ছাড়িয়ে নেবে—খুব বেশি হলে দুই রাত। আর তারপর অভিযোগগুলোও উধাও হয়ে যাবে। এখন এটুকুই বাকি আছে। যদি সে যেটার স্বপ্ন দেখেছে তার মাস্টারমাইন্ড আমাদের ধরা হয় আর বিচার শুরু হয় তাহলে দিনের আলো দেখার জন্য মিরাকল লাগবে।’

‘ভিয়েগো মার্টিনও লুকিয়ে আছে। এটা ভালোই হলো একদিকে’

‘সত্যি, কিন্তু মনে হয় না সহজে ছাড়বে। আমরাই একমাত্র আমেরিকান, অন্তত আমি। তোমাকে তো স্থানীয় বলেই মনে হয় স্প্যানিশও বলতে পারো। নিশ্চিত যে তোমাকে ওরা গুয়েতেমালান বলেই ভাবে।’

‘যদি বিশাল কোনো অপরাধে ধরা পড়লে বিদেশি হওয়াটাই ভালো। তাহলে সবাই ভাববে তুমি সরকারের হয়ে কাজ করছ আর ফাঁসিও দেবে না।’

‘মেয়েটা নিশ্চয়ই ল’ইয়ার নিয়ে আমাদের জন্য অপেক্ষা করছে।’ আশা করল রাসেল, ‘শপথ করেছিল এমনটা করবে।’

‘এটাও তো বলেছিল যে আমাদেরও কখনো ধরাই হবে না। কিন্তু এখন দেখ চেইন দিয়ে আটকে রেখেছে।’

কয়েক সেকেন্ড চূপচাপ থেকে রাসেল আবার বলে উঠল, ‘কিছু তো আসলে করার নেই। মার্টিনের গোটা প্রাইভেট আর্মি খতম হয়ে গেল।’

‘জানি। চলো ঘুমের ভান করি, যেন কীভাবে মারবে বুঝতে না পারে ওই সৈন্যরা।’ বুদ্ধি বাতলে দিল রুইজ।

ট্রাকে বসে বসে রাস্তা দেখতে লাগল দুজন। আশপাশে ছড়িয়ে-ছিটিয়ে বসে থাকা কয়েকজন বেঁচে যাওয়া সান মার্টিনের লোক, তাদের নোংরা দাঁড়িঅলা চেহারা, ক্যামোফ্লেজ ব্যাটল ড্রেসের ঘর্মান্ত দুর্গন্ধ আর চোখের রাগ আর হতাশা থেকে মনোযোগ সরাতে চাইল রাসেল।

ভাবতে চাইল সারাহ্ অ্যালারসবির কথা। মসৃণ সাদা সিল্ক ব্লাউজ, কালো স্কার্ট আর হাই-হিলের কথা। মোটা কাঠের বিম আর সিলিং ফ্যানঅলা কক্ষে দুইশ বছরের পুরনো বিল্ডিংয়ে ভারী কাঠের ডেস্কের পাশে দাঁড়িয়ে আছে মেয়েটা। মাথার সোনালি চুলগুলো পনিটেইল করে বাঁধা, প্রতিটা চুল জায়গামতো আটকে আছে যেন চুল নয়, অসাধারণ কোনো দৃশ্য। এক হাত দিয়ে খেলা করছে ডায়মন্ডের ইয়ার রিং নিয়ে অন্য হাতে কানে ধরে আছে ফোন। নিজের সমস্ত ক্ষমতা সম্পদ আর প্রতিপত্তি দিয়ে চেষ্টা করছে রাসেল আর রুইজকে ছোটাতে। এমন কিছু বলে দেবে যে, বিশ্বাস না করে উপায় থাকবে না সরকারি কর্মকর্তার। রাসেল আর রুইজ একেবারে সরল দুজন আমেরিকান কর্মচারী, যারা এসতানশিয়া গুয়েররোতে গিয়ে হারিয়ে গিয়েছিল। নিশ্চয়তা দেবে যে, প্রাইভেট জেটে করে এখনই দুজনকে দেশের বাইরে পাঠিয়ে দেবে। আর এমনটা করতে পেরে যারপারনাই কৃতজ্ঞ হবে মেয়েটা।

গুয়েতেমালা সিটি

ঠিক সেই মুহূর্তে, বিশাল গুয়েররো হাউসের মাস্টার বেডরুমে দেখা গেল সারাহ্ অ্যালারসবিকে। পরনে সাদা সিল্কের ব্লাউজ, এক জোড়া কালো স্লাকস, আর কালো প্যাকেট। পছন্দ করে নিল এক জোড়া মুক্তার কানের দুল আর মুক্তার চোকার; কেননা ব্রিটিশ কাস্টমস পার হতে হবে। যাদের কাজেই ছিল গহনার কদর করা। এরকম কেউ এক নজর দেখেই বুঝতে পারবে এর মহিমা গোলকার, রূপালি সাদা, ষোলো মি.মি প্রাকৃতিক মুক্তা, আর উজ্জ্বলতা তো অতুলনীয়। চতুর্দশ শতকের ডুবুরিয়া পেয়েছিল, আরবীয় সাগরের নিচ থেকে। আর এই একটামাত্র জিনিস যেটা ভারতে তার পূর্বপুরুষের লুটের মাল নয়।

মুক্তাজোড়া এসেছে মায়ের পরিবার থেকে। চল্লিশ বছর আগের প্যারিসে নিয়ে এসেছে বাবা।

ব্রিটিশ কর্মকর্তাদের মতো এত চালবাজ আর নেই। যদি নামেও কাজ না হয় অন্তত দেখে তো বুঝতে পারবে যে ছোটখাটো নিয়ম তার বেলাতে খাটবে না।

এই ট্রিপের জন্য খুব বেশি কিছু প্যাক করেনি। কাপড়-চোপড় আর টুকিটাকি জিনিসের বেশিরভাগই এখনো পড়ে আছে ক্লোসেটে। খুব দ্রুত শুধু কয়েকটা জিনিস নিয়ে নিল—চওড়া জুয়েলারি বক্সে সবচেয়ে দামি গহনাগুলো, বিভিন্ন মুদ্রার এক তাড়া নোট আর মায়া কোডেক্স। সবকিছু একটা সুটকেসেই এটে গেল। সুটকেস তালা দিয়ে হুইল খুলে, গড়িয়ে নিয়ে গেল সিঁড়ির দিকে।

প্রহরী শব্দ শুনতে পেল, হাঁচোড়-পাঁচোড় করে সিঁড়ি বেয়ে দৌড়ে এসে হাত থেকে নিয়ে নিল সুটকেস। অবাক হয়ে ভাবল সারাহ্—লোকটা কী জানে? এই কেসে আছে মিলিয়ন মিলিয়ন ডলার মূল্যবানের গহনা, শিল্পদ্রব্য আর অর্থ। সেই আদম-ইভ-এর আমল থেকে তার পূর্বপুরুষরা যা যা জড়ো করেছে তার চেয়েও বেশি এর মূল্য। আপন মনেই হাসল মিস অ্যালারসবি! ভালোই হলো যে পরিচালকরা—এমনকি বিশ্বস্তজনও এই মুহূর্তের নাজুকতা যাতে টের না পায়। নিশ্চিত যে লোকটা এখন যা বহন করছে তার খানিকটার জন্যও সে খুন হয়ে যেতে পারে।

গাড়িতে উঠে বসল সারাহ্! ট্যাংকে সুটকেস রেখে দিল প্রহরী। বন্ধ করে দিল আবার। ড্রাইভারের উদ্দেশ্যে সারাহ্ জানাল, ‘এয়ারপোর্ট।’

দক্ষ হাতে গাড়ি চালাতে লাগল লোকটা। সুদর্শন ভঙ্গিতে গুয়েতেমালা সিটির রাস্তা ধরে চলতে লাগল কালো মেবাক ৬২ এস। একটুও ঝাঁকি খায় না গাড়ি। কখনো, এমনকি ব্রেকও কষে না লোকটা। মসৃণ গতিতে সিংসন্ডে এগিয়ে চলে। জানে এভাবেই পছন্দ করে সারাহ্। গাড়ির জানালা দিয়ে শহরের সরে যাওয়া দেখতে দেখতে বুকের ভেতর শিরশির করে উঠল সারাহ্‌র। মায়া কোডেক্স পেয়েছে—নিঃসন্দেহে এখনো কেউ আবিষ্কার করেনি। এখন থেকে তার বিখ্যাত হওয়া ঠেকায় কে সোনা আর মহামূল্যবান সব মৃৎপাত্রের ভরে যাবে তার ওয়্যার হাউস।

ডিয়েগো সান মার্টিনকে বুঝিয়ে বলতে হচ্ছে যে লোকগুলোর মৃত্যুর জন্য সে দায়ী নয়। বুঝিয়ে বলবে যে এর জন্য দায়ী লাঞ্চার সময়কার লোকটা। রাসেল নিশ্চয়তা দিয়েছিল যে কোথাও কোনো ঝামেলা হবে না। তাই সান মার্টিনের অসম্ভব হবার কোনো কারণ ছিল না। সবকিছুই রাসেলের নিয়ন্ত্রণে

ছিল। কেমন করে তার মতো একজন তরুণী অন্য কিছু ভাববে? বুঝতেই তো পারেনি রাসেল কোনো জট পাকাবে।

নিঃশব্দে রিহার্শাল করে নিয়ে খুশি হয়ে উঠল সারাহ্‌। অন্য সবার মতোই সান মার্টিন। অন্য যে কারো ওপর রাগ দেখাতে পারবে, সারাহ্‌ অ্যালারসবির ওপরে নয়। এখনো তার মিত্রতা দরকার—মার্টিনের। নিজের স্বার্থ বিবেচনা করেই কাজ করতে হবে মার্টিনকে।

এয়ারপোর্টে পৌঁছে শিকলের বেড়া পার হয়ে টার্মিনালকে পাশ কাটিয়ে স্পেশাল প্রবেশপথে ঢুকে গেল প্রাইভেট জেট হ্যাঙ্গারে যাবার জন্য। তার গাড়ি দেখা মাত্র গেইট খুলে দিল গার্ড। কয়েকটা পাগল বিপ্লবী প্রায় অর্ধ মিলিয়ন ডলার মূল্যের গাড়ির পেছনে ছুটতে কিংবা একটা প্লেন উড়িয়ে দিতে পারবে না। ড্রাইভার হ্যাঙ্গারে নিয়ে গেল গাড়ি। প্লেন ইতিমধ্যে নড়তে শুরু করেছে। পাইলট ফিল জেমসন ফ্লাইট ছাড়ার প্রস্তুতি চেক করে নিচ্ছে। পরের কাস্টমারের কাছে চলে গেল ফুয়েল ট্রাক। জানালায় দেখা গেল সারাহ্‌ অ্যালারসবির স্টুয়ার্ড মরগ্যানকে। রেফ্রিজারেটর আর বার ঠিকঠাক ভর্তি করে তুলছে।

থেমে গেল মেবাক। ড্রাইভারের উদ্দেশ্যে সারাহ্‌ বলে উঠল, ‘অন্তত মাসখানেকের জন্য বাইরে যাচ্ছি আমি। ত্রিশ দিনের বেতন দেয়া হবে তোমাকে। এরপর প্রয়োজন হলেই আমি আবার ডাকব।’

‘ইয়েস ম্যাম।’ ট্যাংক খুলে সুটকেস বের করে প্লেনে তুলে দিল ড্রাইভার। মরগ্যান এগিয়ে এলো তুলে নিতে।

সিঁড়ি বেয়ে উঠে ক্লোসেটে রেখে দরজা আটকে দিল মরগ্যান। এরপর স্ট্যাপ লাগিয়ে দিল। যেন দরজা খুলে গেলেও নড়ে না ওঠে সুটকেস।

‘আপনার কোট নিয়ে যাব?’

‘হ্যাঁ।’ শুধু কাঁধ ঝাঁকিয়ে কোট খুলে দিল সারাহ্‌। কয়েক মিনিটের মাঝে কেবিনের দরজা বন্ধ হয়ে গেল। রানওয়ে ধরে ছুটে আকাশে উঠে গেল প্লেন।

আরো কয়েক মিনিট পরে বাতাসে ভেসে গেল জেট। জানালা দিয়ে নিচে তাকাতেই দেখা গেল দূর হয়ে যাচ্ছে ছোট্ট দেশটা। সাথে চলে গেল সব যন্ত্রণা আর অসন্তুষ্টি আর বিরক্তিকর ছোট্ট লোকগুলো, যারা তার সব সাধ ভেঙে দিয়েছে। সাদা মেঘের স্তূপের ওপর উঠে গেল প্লেন। নিজেকে বেশ পরিষ্কার আর হালকা মনে হলো। লন্ডনে যাচ্ছে নিজের ঘরে। বাবার সাথে দেখা হবে, তার বিশাল আর শক্তিশালী উপস্থিতিতে পাওয়া যাবে নিশ্চিন্তের আশ্রয়। আর লন্ডন তো লন্ডনই। মনে হচ্ছে বেশ মজা হবে এবার।

ফেইজেনস, ওয়েতেমালা

ফেইজেনস, শহরের কিনারে বিশাল আর দুর্ভেদ্য প্যাভন জেলখানায় পৌছাল রাসেল আর রুইজকে বহনকারী ট্রাক। আর্মি ট্রাক থেকে নামানো দলটার সাথে নেমে রুইজ বলে উঠল, ‘আমি কোনো ল’ইয়ার দেখতে পাচ্ছি না।’

‘নিশ্চয় আছে এখানে কোথাও। এরকম জায়গায় আমাদের পচতে দেবে না সে।’ আশ্বস্ত করতে চাইল রাসেল।

মাথার ওপর কাঁটাতার বসানো উঁচু লোহার গরাদঅলা গেইটের ভেতরে সবাইকে ঠেলে ঢুকিয়ে দিল সৈন্যরা। রুইজ আবারো ফিসফিস করে উঠল, ‘আমি তো সাধারণ কোনো গার্ডও দেখতে পাচ্ছি না। আমার মনে হয় এখানে বন্দিরাই সবকিছু করে।’

‘ভয় পেও না।’ এখনো আশা যায়নি রাসেলের মন থেকে। ‘আমাদের ছেড়ে যাবার মতো পাগলামি করবে না সে।’

‘সেটুকুই আশা। নতুবা নিজেদের পথ নিজেদেরই দেখতে হবে।’ বলে উঠল রুইজ।

লন্ডন

সারাহ্ অ্যালারসবির প্লেন লন্ডনে আসতে আসতে সকাল হয়ে গেল। এরপর নামল শহরের দক্ষিণ পশ্চিমে বিগিন হিল, এয়ারপোর্টে।

শহরতলির এয়ারপোর্টের প্রধান রানওয়েতে মসৃণভাবে নেমে এলো প্লেন। ফ্লাইট লাইনে গিয়ে থামল। এখানেই নামবে এর একমাত্র আরোহী। গ্রাউন্ড ক্রুৱা হুইল নিয়ে ইলেকট্রিকাল গ্রাউন্ডের গ্রাইন্ডিং ওয়্যারের সাথে লাগিয়ে দিল। এরপর নামানো হলো সিঁড়ি।

খোলা হ্যাচ গলে আসা ঠাণ্ডা, ভেজা ব্রিটিশ বাতাসে নিঃশ্বাস নিল সারাহ্। ব্রিটিশ কাস্টমসের লোকগুলো এলো আর তখনই সীল, উঠে দাঁড়াচ্ছিল সে। সারাহ্‌র হয়ে কাস্টমস ডিক্লারেশন ফিলআপ করে সাইন করে দিল স্টুয়ার্ড মরগ্যান। প্রতিবারের মতো এয়ারও বাবার জন্য এনেছে পঞ্চাশটা কিউবান সিগার। অলৌকিকভাবে এদের দাম লেখা হলো তিনশ পাউন্ডেরও কম। আর প্লেনের পুরোপুরি ক্ষতি বারের পরিমাপ লেখা হলো দুই লিটারের কম।

কিন্তু কাস্টমসের লোকগুলোর হেড এগিয়ে এলো সারাহ্‌র সামনে। জানতে চাইল, ‘এটা কি আপনার সুটকেস মিস?’

‘হ্যাঁ।’ সোজা উত্তর দিল সারাহ্। ‘আমরা কি ভেতরটা দেখতে পারি?’ দ্বিধায় পড়ে গেল সারাহ্। চোখ দুটো কেঁপে উঠে ঠোট খুলে গেল। সাধারণত

তো এরকম করে না কাস্টমসের কর্মকর্তারা। বেশ প্রাচীন এক পরিবারের গুরুত্বপূর্ণ সদস্য সারাহ্। সে নিশ্চয়ই কোনো বিস্ফোরক কিংবা কোকেন নিয়ে আসবে না। এক সেকেন্ডের দশ ভাগের এক ভাগ সময় নষ্ট করে বলে উঠল, ‘আগে তো কখনো দেখতে চাননি?’ আর বুঝতে পারল এই খানিক অস্বস্তিই তাকে ডুবিয়ে মারবে।

এরপর লোকটা বিল্ট ইন টেবিলের ওপর মেলে ধরল ওর সুটকেস। ঝটকা মেরে খুলে গেল গহনার বাস্তু আর সবাই নিশ্চিত হয়ে গেল যে স্প্যানিশ গুপ্তধন ভর্তি জাহাজের চেয়ে বেশি রত্ন বহন করেছে সারাহ্ অ্যালারসবি। নোটের তোড়া দেখেও একপাশে রেখে দিল লোকটা। এত বিস্তবান মেয়ের অর্থ থাকতেই পারে। কোনো ব্যাপার না। কিন্তু এটা কী?

প্লাস্টিকের কাভার সরিয়ে প্রাচীন ফিগ গাছের ছাল পরীক্ষা করে দেখতে লাগল লোকটা। ভেতরের ছবিগুলোও দেখল। বলে উঠল, ‘মিস অ্যালারসবি, দেখে মনে হচ্ছে এটা সত্যিকারের কোনো মায়া শিল্পদ্রব্য, একটা কোডেক্স।’

খুব কাছ থেকে দেখে বুঝতে পারল সারাহ্ যে, ইনি একজন শিক্ষিত লোক। তাই এটা একটা কপি কিংবা ডেকোরেশন কিংবা অন্য কিছু বলে হাসির পাত্র হতে চায় না। লোকটা জানে যে এটাই সঠিক।

তিন ঘণ্টা পরে, যেকোনো অনাকাঙ্ক্ষিত প্রশ্নকে থামিয়ে দিতে বিখ্যাত, তার বাবার এরকম একদল ব্যারিস্টার এসে উদ্ধার করল সারাহ্কে। দেশ ছাড়ার অনুমতি দেয়া হবে না এরপর আর। মুক্তিপণের জন্য নিয়ে নেয়া হলো পাসপোর্ট। কিন্তু সবচেয়ে বিরক্তিকর হলো কোডেক্স, তার সবচেয়ে যক্ষের ধন মায়া কোডেক্সেটা বাজেয়াপ্ত করা হলো আন্তর্জাতিক আইন ভঙ্গ করে ঐতিহাসিক সম্পদ করার অভিযোগে।

ল’ইয়ারের কাছেও এটা মাথা ব্যথার কারণ হয়ে দাঁড়াল। বিশেষ করে লিমোজিনে সারাহ্‌র পাশে বসে থাকা অ্যাঙ্কনি ব্রেন্ট গ্রিভস্‌-এর। শহরের দিকে যেতে যেতে সারাহ্ জানাল, ‘অ্যাঙ্কনি, নতুন করে ঘর ঠিক করার শক্তি নেই আমার। নাইটস ব্রিজে বাবার বাসায়—নিয়ে চলুন আমরা।’

‘আমি আসলে দুঃখিত’, বলে উঠল গ্রিভস্‌। ‘উনি আমাকে জানিয়েছেন যে, এটা এখন সম্ভব নয়। উনার একটা ডিনার পার্টি আছে। আর আরো লোকজন আছে, যারা প্রেসের নজর কাড়ে সবসময়।’

‘ওহ,’ খানিকটা মুষড়ে পড়ল সারাহ্। ‘তার মানে আমার সাথে দেখা করতে চাইছে না বাবা।’

‘এভাবে বলতে চাইনি আমি।’ পাশ কাটাতে চাইল গ্রিভস। ‘লন্ডনের জঙ্গলের পুরনো বাঘ তিনি। আপনার স্বার্থে কাজ করবেন ঠিকই; কিন্তু নিঃশব্দে।’

‘বুঝতে পেরেছি।’

নিজের কাজে সফল হলো গ্রিভস। ড্রাইভারকে জানাল, ‘লেডি সারাহকে ব্রমটনে উনার ঘরে নিয়ে চলো।’

সান্তা মারিয়া দি লস্ মন্তানাস্

সান্তা মারিয়া দি লস্ মন্তানাস্ শহরে গুয়েতেমালা আর্মি এলো সোমবার। মঙ্গলবারে, শহর থেকে এক মাইল দূরে ভুট্টাক্ষেতে নামল একটা হেলিকপ্টার। নিচে নেমে এলেন কমান্ডার রুয়েডা।

শহরের চত্বরে কমান্ডার আর তার লেফটেন্যান্টরা পৌছাতেই তাদের অভিবাদন জানাতে এগিয়ে এলো সকলে। এদের মাঝে আছে স্যাম আর রেমিও। ‘আপনাকে দেখে ভালো লাগছে কমান্ডার। এখানে কী মনে করে?’

কাঁধ ঝাঁকালেন কমান্ডার। কিন্তু হাসি লুকাতে পারলেন না। ‘মনে হচ্ছে ইউনাইটেড কিংডমে মায়া কোডেক্স নিয়ে যাওয়ায় অ্যারেস্ট করা হয়েছে সারাহ্ অ্যালারসবিকে। তাই কয়েকজন গুরুত্বপূর্ণ লোক এ ব্যাপারে তাদের অবস্থান বদলেছে। এ অঞ্চলের সরকারি বাহিনীর অ্যাক্টিং কমান্ডার নিযুক্ত হয়েছি এখন আমি।’

‘কংগ্রেচুলেশনস’, খুশি হয়ে উঠল রেমি। ‘জানতে পারি আপনার পরিকল্পনা কী?’

‘অবশ্যই। যা করতে চাই তা খোলামেলাভাবেই করতে চাই। এখন এসতানশিয়া গুয়েররোতে সৈন্য পাঠিয়েছি ড্রাগ খুঁজে বের করার জন্য। অন্যরা গুয়েতেমালা সিটিতে সারাহ্ অ্যালারসবির বাসা, অফিস আর অন্যান্য ব্যবসাপ্রতিষ্ঠান খুঁজে দেখছে আর্কিওলজিক্যাল সাইট থেকে চুরি করা কিছু পাওয়া যায় কিনা।’

‘হররে, ওয়াও।’ সত্যিকারের মজা পেল রেমি।

‘আশা করছি আপনাদের পরীক্ষা করে দিতে বললে কিছু মনে করবেন না।’ জানতে চাইলেন রুয়েডা।

‘একদম না।’ উত্তরে জানাল স্যাম।

‘এখানে ফিরে আসার অজুহাত পাওয়া যাবে তাহলে। অনেক অনেক বন্ধু যে তৈরি হয়েছে।’ কাছাকাছি দাঁড়িয়ে থাকা কয়েকজনের দিকে তাকাল স্যাম। ‘এদের মাঝে দুজনের কথা আপনারও জানা উচিত। ফাদার গোমেজ আর ডাক্তার হুয়েতা। উনি কমান্ডার রুয়েডা, আমার বন্ধু। উনি বেশ সৎ আর এ এলাকার সমস্যা সম্পর্কে সব জানেন। সৌভাগ্যক্রমে এখন থেকে এখানকার ইনচার্জ অফিসার।’ রুয়েডার সাথে সকলের পরিচয় করিয়ে দিল স্যাম।

খানিকটা মিলিটারি কায়দায় মাথা নত করলেন রুয়েডা। ‘আমি আপনাদের দুজনের কথাই শুনেছি। এও জানি যে, মাদকের কারবার থামাবারও চেষ্টা করছেন। তাই এটুকু বলতে চাই, আপনাদের সাহসের জন্য ধন্যবাদ জানাচ্ছি গুয়েতেমালার লোকদের পক্ষ থেকে।’

অন্য কিছু একটা নজরে এলো রেমির। লম্বা রাস্তার নিচে দেখিয়ে বলে উঠল, ‘দেখুন! আগুন।’ বহুদূরে দিগন্তে দেখা গেল নিচু কালো মেঘের রেখা।

একবার তাকিয়ে রুয়েডা বলে উঠলেন, ‘আমার লোকেরা এসতানশিয়া গুয়েররোতে আগুন দিচ্ছে মারিজুয়ানা ক্ষেতে। আপনাদের কথামতো কোকা গাছও পেয়েছে।’ নিজের দুই সহকারীর দিকে তাকিয়ে বলে উঠল, ‘আমার মনে হয় আমাদের যাওয়া উচিত। অনেক কাজ পড়ে আছে।’

হেলিকপ্টার পর্যন্ত রুয়েডা আর তার সহকারীদের সাথে হেঁটে গেল স্যাম আর রেমি। ঠিক ওপরে উঠে যাবার আগে ওখান থেকে দুজনকে একপাশে ডেকে নিলেন রুয়েডা। ‘হয়তো এটা আলাদা করে বলার মতো কিছু শী। কিন্তু তারপরও জানাতে চাই যে, কয়েক সপ্তাহ আগে যে আপনাদের খুন করতে চেয়েছিল, বন্দিদের মাঝে সে দুজনও আছে। একটা জেলখানায় দু’দিন থাকার পর দুজন লোককে মেরে ফেলেছে, যাদের রিলিজ হবার কথা ছিল। তারপর তাদের জায়গা নিয়ে নিয়েছে। আমাদের ধারণা, দেশ ছেড়ে চলে গেছে, যদিও নিশ্চিত নই।’

‘ঠিক আছে, আমরাও চোখ-কান খোলা রাখব।’ জানাল স্যাম। রোটর ঘুরতে শুরু করতেই বাতাসের তোড়ে পিছিয়ে এলো দুজন। সেলফোন বের করে সেলমাকে ফোন করল স্যাম।

‘স্যাম আর রেমি, তোমাদের জন্য খুব দুশ্চিন্তা হচ্ছিল আমার। সবকিছু মিটমাট হয়েছে?’

‘হুম।’ উত্তর দিল স্যাম।

‘ডেভিড কেইন এখনো পৌছাননি?’

‘ডেভিড কেইন? উনি আসছেন নাকি?’

‘উনি তো আগে থেকেই আসতে চাইছিলেন। শুক্রবার শেষ হয়েছে ফাইনাল পরীক্ষা। জুন মাস চলে এসেছে স্যাম। তোমরা মায়েদের নিয়ে মেতে আছে। কারো কাছে ক্যালেন্ডার নেই?’

‘ওহ, ভুলেই গিয়েছিলাম। আসলে মনে রাখা উচিত ছিল।’

ল্যান্ড রোডারের কনভয়-প্রধান হয়ে পৌছালেন ডেভিড কেইন। বেশ সহজেই পাহাড় বেয়ে উঠে এক সারিতে গির্জার সামনের রাস্তায় গিয়ে থামল পুরো কনভয়। লাফিয়ে এসে স্যাম আর রেমিকে জড়িয়ে ধরলেন প্রফেসর। ‘তোমরা কী করেছ আমি শুনেছি। সত্যি তোমাদের তুলনা হয় না। অবিশ্বাস্য।’

‘ধন্যবাদ, প্রফেসর।’ আন্তে করে জানাল রেমি। ‘কিন্তু আপনি আর আপনার সহকর্মীরা এখানে যা খুঁজে পাবেন সেগুলো আরো বেশি অতুলনীয় হবে। তবে কোনো আবিষ্কারে যাবার আগে আমাদের সময় দিন সবকিছু ঠিক করে দিতে। এই ফাঁকে সকলের দিকে তাকিয়ে হাসুন। কথা বলুন শুধু আর্কিওলজি বাদে। আর ধৈর্য ধরুন। ইতিমধ্যে আপনাকে পরিচয় করিয়ে দেয়ার জন্য একটা পাবলিক মিটিং-এর আয়োজন করে ফেলেছি।’

লন্ডন

লন্ডনে বসে বসে রিক্ত হয়ে উঠল সারাহ্ অ্যালারসবি। গুয়েতেমালা সিটিতে সেই রাখত মনোযোগের কেন্দ্র। ইউরোপের একাংশ। সবকিছুতেই তাকে নিমন্ত্রণ করা হয়—রোম, এথেন্স, বার্লিন, প্রাগ। এমনকি প্যারিসেও তাকেই দেখা হয় সবচেয়ে ভালো জায়গা।

কিন্তু, এখন অবিশ্বাস্য কোড অর্ডারের কারণে এই বৃষ্টিভেজা, ঠাণ্ডা, স্যাঁতসেঁতে লন্ডন ছেড়ে আর কোথাও যাবার উপায় নেই। এর ওপরে আবার লন্ডনের সামাজিক পরিবেশও তেমন অনুকূলে নেই। গত কয়েক মাসে সংবাদপত্রে এত বাজে সব খবর বেরিয়েছে তাকে নিয়ে—মায়া সমাধিগুলো লুট করেছে, এমন সাইট আবিষ্কারের দাবি করেছে, যেটা ইতিমধ্যে নথিভুক্ত আছে। একটা মায়া কোডেক্স ব্যবহার করেছে, যেটা তার কাছে থাকারই কথা না।

আরো যোগ হয়েছে, একদিন আগে থেকে রটনা ছড়িয়েছে যে, মধ্য আমেরিকার মাদক কারবারীদের লোকজন ইতিমধ্যে তাদের RSVP.S ক্যানসেল করে নিচ্ছে। তাই ওয়েলকাম হোম ডিনার পার্টি দেয়ার প্ল্যানও ভেঙে গেছে। সবার কণ্ঠে ভয় শুনতে পাচ্ছে সারাহ্। পাগল বখে যাওয়া সারাহ্ অ্যালারসবির সাথে মিশে নিজেদের খ্যাতির ঝড়োটা বাজাতে চায় না কেউ। মাত্র এক বছর আগেই ওর পার্টিতে আসার জন্য মুখিয়ে থাকত সকলে। এমনকি হাঁটু গেড়ে ক্রল করে আসতে বললেও চলে আসত, এমন অবস্থাই ছিল তখন।

